## "OVIDE MORALISÉ"

POÈME DU COMMENCEMENT DU QUATORZIÈME SIÈCLE PUBLIÉ D'APRÈS TOUS LES MANUSCRITS CONNUS

PAR

C. DE BOER

TOME V
(LIVRES XIV ET XV)
AVEC DEUX APPENDICES

VERHANDELINGEN DER KONINKLIJKE NEDERLANDSCHE AKADEMIE VAN WETENSCHAPPEN, AFDEELING LETTERKUNDE

NIEUWE REEKS, DEEL XLIII

N.V. NOORD-HOLLANDSCHE UITGEVERS-MAATSCHAPPIJ, AMSTERDAM 1938

•	
•	
	† ***
P.	

# QUATORZIÈME LIVRE SOMMAIRE

t

#### QUATORZIÈME LIVRE

#### SOMMAIRE

- 1—202. *Mét.*, XIV, 1—74 (Circé se venge de Glaucus, qui refuse son amour, en changeant en rocher Scylla, sa rivale).
- 202-301. Allégories: Scylla et Charybdis représentent "Signagogue" et "Gentilise".
- 302—526. Mét., XIV, 75—81. (Enée sait éviter Scylla et arrive à Carthage. L'auteur intercale une longue plainte de Didon, dont quelques passages ont été empruntés à l'Epître VII des Héroïdes d'Ovide, puis il mentionne la mort de Didon, la douleur de ses "barons" et de sa soeur Anna, pour raconter enfin, en quelques vers, l'histoire de Didon).
- 527-596. Allégories.
- 597-654. Mét., XIV, 82-100 (Les Cercopes changés en singes).
- 655-790. Allégories.
- 790—972. Mét., XIV, 101—153 (La Sibylle conduit Enée aux enfers, où Anchise lui prédit l'avenir. Récit de la Sibylle, qui finira par être si vieille qu'on ne ,,la choisira fors à la vois tant solement'').
- 973-1066. Allégories
- 1067—1716. Enumération des dix Sibylles "propheciens de Jhesucrist". C. s'écarte ici de A.: j'ai donné le texte de C (vers 1075—1090) dans une note au vers 1075.

Il est à noter que C cite comme une de ses sources: "Solin"; ce détail manque dans A.; C l'a sans doute ajouté au texte. On se rappelle que Vincent de Beauvais, dans son Speculum Historiale, cite également dix Sibylles: la Persique, la Libyque, la Delphique, la Cimmérienne, l'Erythrée, la Cumane, la Samienne, l'Hellespontienne, la Phrygienne et la Tiburtine. Après cette énumération, notre auteur nous raconte comment cette dernière Sibylle vint à Rome. Dans l'énumération des pays et des contrées où elle était célèbre, notre texte montre les mêmes ignorances géographiques que j'ai signalées dans d'autres parties de l'ouvrage. J'ai donné tous ces noms tels que je les trouve dans A, en donnant en note les variantes de C (1097-1106); d'ailleurs, dans des cas pareils il est, vue l'ignorance des copistes, impossible a priori d'être sûr de retrouver les noms tels que l'auteur lui-même les a cités. La Sibylle est donc reçue à Rome, à l'époque de Trajan (vers 1116). Elle explique là un songe que cent sénateurs ont eu à la fois. Cette explication parle d'abord de neufs soleils, que les sénateurs ont vus pendant leur sommeil (1131-1159), puis on nous y donne une "histoire universelle" phantaisiste (1181-1716), qui se termine par un morceau de 27 alexandrins (1689-1716), qui a l'air d'une citation, surtout à cause du premier vers, qui n'est pas normalement construit au point de vue du sens. Il est sans intérêt, me semble-t-il, de chercher à découvrir des "sources" à toutes ces phantaisies; aussi m'en suis-je abstenu. Je noterai seulement encore les points suivants. Au vers 1360, l'auteur nomme Constantin. Au vers 1379, il parle d'un "roi en France", qui aura été le plus grand de tous les souverains de .... Rome; je ne comprends pas ce que cela veut dire. Je ne comprends pas non plus le vers 1441, où il est question d'un "tirant de Bar". Signalons encore le vers 1564: "Pour autant je le vers devin"; les deux vers qui suivent sont aussi restés énigmatiques pour moi. Au vers 1624, l'auteur parle des "gens Gos et Magos", bien connus par les romans sur Alexandre, dont le nom se trouve au vers suivant. Le vers 1657 nomme: "Henoc et Helies"; le vers 1553: "Constans, roi de Crète". Tout cela est inextricable.

```
1717—1738. Mét., XIV, 154—157 (Mort de la nourrice d'Enée; son épitaphe) 1).
```

1739-1750. Explication allégorique de l'épitaphe.

1751—1952. Mét., XIV, 158—220 (Achaemenides raconte à Macareus la rage de Polyphème et comment Enée l'a sauvé).

1953-2100. Allégories.

2101—2206. Mét., XIV, 221—244 (Macareus raconte l'histoire des vents emprisonnés par Ulysse, puis relâchés par quelques hommes de l'équipage; ensuite il raconte comment, au pays des Lestrigons, Antiphate a tué un grand nombre des compagnons d'Ulysse et a fait perdre à celui-ci presque tous ses vaisseaux).

2207—2354. Allégories.

2355-2562. Mét., XIV, 245-307 ("Circé").

2563-2674. Allégories.

2675—2895. Mét., XIV, 308—396 ("Picus").

2896—2956. Mét., XIV, 397—415 ("Pici comites").

2957--3266. Allégories.

3267-3316. Mét., XIV, 416-434 ("Caneus").

3317—3452. Allégories.

3453—3480. Mét., XIV, 435—440 (Macareus termine son récit).

3481—3550. Allégories.

3551—3624. *Mét.*, XIV, 441 <sup>2</sup>)—456 (Enée arrive à l'embouchure du Tibre. Le roi Latin lui donne sa fille Lavinie en mariage. Colère de Turnus, à qui on avait promis Lavinie. Evandre allié d'Enée. Turnus réunit également ses alliés).

3625-3690. Allégories: allusion au martyre de St. Paul et de St. Pierre en Italie.

3691-38783). Mét., XIV, 457-511 (Les soldats de Diomède changés en moëttes).

3879—4044. Allégories 4).

4045—4085. Mét., XIV, 512—526 (Un berger, Apulus, changé en olivier sauvage).

4086—4094. Mét., XIV, 527—'28—'29 (L'auteur annonce les guerres entre Enée et Turnus).

4095-4208. Allégories.

4209-4307. Mét., XIV, 530-565 (Les vaisseaux d'Enée changés en Naiades).

4308—4366. *Mét.*, XIV, 566—582 (La ville d'Ardea changée en oiseau. La colère de Junon est apaisé par les succès d'Enée).

4367—4590. Allégories.

4591-4670. Mét., XIV, 583-608 (Apothéose d'Enée).

4671-4742. Allégories.

4743—4794. Mét., XIV, 609—622 ("Reges Albani").

4795—4864. Allégories.

4865-5119. Mét., XIV, 623-697 (Pomona et Vertumnus).

5120—5267. *Mét.*, XIV, 698—764 (Vertumnus raconte à Pomona l'histoire d'Iphis et d'Anaxarete).

<sup>1)</sup> L'épitaphe de la nourrice se trouve plus loin dans le texte d'Ovide; cf. la note au vers 1729.

<sup>2)</sup> Ici se trouve dans le texte latin l'épitaphe de la nourrice d'Enée, que notre auteur a déplacé; voir la note précédente.

<sup>3)</sup> Voir la note au vers 3691.

Voir la note au vers 3879.

5268—5288. Mét., XIV, 765—771 (Dénouement heureux de l'histoire de Pomona et de Vertumnus).

5289—5644. Allégories: [d'abord un "historial sens": 5289—5312, puis une explication "selonc phisique": 5313—5376].

5645—5871. Mét., XIV, 772—777 (Au lieu de traduire ces quelques vers, l'auteur nous raconte d'abord la naissance de Mars, d'après une "fable" (5664, suiv.); la naissance de Romulus et de Rémus, fils d'Ylie; leur enfance; la fondation de Rome; la mort de Rémus (5772); le rapt des femmes des Sabins; la trahison de "Tarpée". Une partie de ces récits seulement a été résumée dans les vers en question d'Ovide; le reste était déjà trop généralement connu pour qu'il soit nécessaire d'admettre áci quelque source directe (Ovide en parle dans les Fasti, III). A partir du vers 5872, l'auteur reprend sa traduction des Métamorphoses.

5872-5910. Mét., XIV, 778-802. (Les Naiades sauvent Rome).

5911—5994. L'auteur intercale ici le récit des femmes qui interviennent, sur le conseil d'Hersilie, pour faire cesser la guerre entre les Romains et les Sabins. Ovide se contente ici de dire: "Pace tamen sisti bellum nec in ultima ferro, Decertare placet Tatiumque accedere regno" (Mét., XIV, 803, 804).

5995—6407. Allégories.

6408-6478. Mét., XIV, 805-828. (Déification de Romulus).

6479—6528. Allégories.

6529—6594. Mét., XIV, 829—fin. (Déification d'Hersilie).

	ž,
φ	
	,

### QUATORZIÈME LIVRE TEXTE

		4	
			9
			•
\$ <del>*</del>			

#### QUATORZIÈME LIVRE

- Ja ot Glaucus Ethna passee,
   La chaude montaigne embrasee,
   Qui dou feu d'enfer est esprise
- 4 Et sor la joë au jaiant mise, Si ot passé la Gigantee, La terre qui pas n'est hantee Fors de jaians de put'afaire,
- 8 Là ne sielt buez arer ne traire Si passa Zancle et Rege ensamble Et la crueulz mers, ce me samble, En cui mainte nave est perie,
- 12 Entre Sezile et Lombardie.
  Tant s'esvertue et tant s'ahane
  Qu'il passe la mer de Toscane,
  Si n'est arrestez ne tenus
- 16 Jusqu'au mons herbeuz est venus. Ou palais entre à la deesse Circé, la sage enchanteresse, Fille au resplendissant Soleil,
- 20 Qui tout enlumine à son oeil. Cil furent plain de sauvecine, De bestes de diverse orine. Quant Glaucus a Circé veüe,
- 24 Si l'araisne, si la salue, Et cele son salut li rent. Glaucus li dist en souspirant: "Circé, dame de grant vaillance,
- De sens plaine et d'avertissance, Qui sez et d'erbe et de racine Toute la force et la mecine, Pri toi qu'aies de moi pitié,
- 32 Et la grant rage d'amistié
  Qui le cuer me sorprent et griege,
  S'il te plaist, deesse, m'aliege,
  Quar nulz ne m'en porroit aidier

<sup>1, 2: &</sup>quot;... Giganteïs injectam faucibus Aetnen". (Mét., XIV, 1).

<sup>16: &</sup>quot;Herbiferos adiit colles". (Mét., XIV, 9).

<sup>20.</sup> A enlumina son oeil. Cf. le vers 98.

<sup>24.</sup> A l'aregne; C l'araisone et la; B arraisne.

- Fors tu, deesse, au mien cuidier.
   J'ai bien seü par ma muance
   Que trop ont herbes grant poissance,
   Et s'il te plaist que je te die
- 40 La cause de ma maladie,
  De l'amour et dou forsenage
  Qui trop m'angoisse le corage,
  Il me plaist que je le te die.
- Ou rivage de Lombardie
   Vi baignant Scilla, la pucele,
   Qui trop me fu plesant et bele,
   Si la requis, au dire voir,
- 48 Que je s'amour peüsse avoir, Mes tant fu orgueillose et fiere Que pour amour ne por priere, Pour promesce ne por blandice
- 52 Ne vault estre vers moi propice, Ains refusa m'amour et moi, Dont j'ai grant duel et grant esmoi. Or te pri que conseil me doignes,
- 56 S'il a nulle force en charmoignes, Et tant la charmoigne et enchante Que la bele à m'amour s'assante, Ou, s'en herbes a plus grant force,
- 60 Par herbes l'angoisse et efforce Tant qu'ele face mon plesir. Je ne pri pas ne ne desir Que tu sanes ma maladie,
- 64 Quar je n'en vueil, que que nulz die. Avoir garison ne senté, Mes qu'el face ma volenté". Circé, qui plus iere adonee
- 68 A fole amour que feme nee
  Et cuer trop amourous avoit,
  (Or ne sai je s'il li mouvoit
  De sa nature et de ses mours,

<sup>57.</sup> A le. Ce manuscrit écrit souvent "le" pour "la".

<sup>59: &</sup>quot;.....sive expugnacior herba est" (Mét., XIV, 21).

<sup>66.</sup> A qu'il.

<sup>70,</sup> suiv.: "At Circe, (neque enim flammis habet aptius ulla, Talibus ingenium, seu causa est huius in ipsa, Seu Venus indicio facit hoc offensa paterno), Talia verba refert....." (Mét., XIV, 25—28).

Le Soleil, perè de Circe, avait révélé à Vulcan les infidélités de Venus; cf. Mét., IV. 167, suiv.

- 72 Ou se la mere au dieu d'amours, Qui pour son pere la haoit, A ceste chose la traioit), Dist à Glaucus: "Se tu voloies
- 76 Mon conseil croire, tu lairoies
  A non chaloir et à despit
  Cele garce, qui te despit,
  S'ameroies une autre amie,
- 80 Qui t'aime, et certes tu n'es mie Teulz qu'en deüst faire refu De t'amour. Onc sage ne fu Qui te refuse. El te deüst
- 84 Prier ains, s'elle le seüst.
  Bien saches tu, se tu voloies
  Et se tu l'otroi m'en donoies
  Que de t'amor fusse certaine,
- 88 Je t'ameroie premeraine
  Ne ja prier ne te lairoie,
  Mes tout ançois te prieroie.
  Ne te desfai pas de la grace
- 92 De ta forme ne de ta face, Quar tu iez biaux et amiables, Bien plesans et bien agreables, Et je, qui sui deesse et dame
- 96 De grant puissance et haute fame, Qui sui fille au dieu dou soleil Qui tout esclaire à son oeil, Et sai d'erbes et de racines
- 100 Et de charmes et de mecines Quant que nulle autre puet savoir, Se tu veulz m'amour recevoir Je la te present et otroi.
- 104 Pren cest present et cest otroi.

  Despi cele qui te despise

  Et aime moi, qui t'aime et prise,
  Si venche deus en une amour".
- 108 Glaucus respondi sans demour:
  "Je ne quier toi ne autre amer.
  Ains nestront les feuilles en mer
  Et les iaues aus mons vendront,
- 112 Choses qui envis avendront, Que tu ne autre soit m'amie

<sup>105: &</sup>quot;.....spernentem sperne". (Mét., XIV, 35).

<sup>107: &</sup>quot;.....unoque duas ulciscere facto". ( $M\acute{e}t$ ., XIV, 36); A venche; B venge; C Si met nous deus.

Tant con Scilla soit saine en vie". La deesse ot honte et despit

- 116 Dou dieu qui ensi la despit,
  Et pour ce qu'ele ne pot mie
  Le dieu grever, ou come amie,
  El ne li vault pas monstrer s'ire.
- 120 Elle se corrouce et s'aïre, Come jalouse et refusee, Vers cele qui plus fu amee. Maintenant amasse et fet querre
- 124 Les piours herbes de la terre, Si les bat et pestoile ensamble Et les charmoigne, ce me samble, Puis affuble une chape bloie
- 128 Si s'en vait, que plus n'i deloie, Parmi sa grant sale, où estoient Les bestes qui la coëtoient. Tant vait Circé, si con moi samble,
- 132 Que Zancle passe et Rege ensamble. En mer entre et court à effort Par dessus, comme à terre fort, Sans mouillier les piez et sa trace.
- Ot un petit gort qui archoie.

  Là se deduit, là s'esbanoie

  Scilla, quant il li plait et siet.
- 140 Ou gort qui ou rivage siet S'aloit baignier quant chaut avoit. Circé, qui cest recet savoit, Vient au gort et si l'envenime,
- 144 Si le honist, si l'enchantine De mauvès jus et de poisons,

<sup>114.</sup> A et vie.

<sup>118.</sup> B o son amie; C manque.

<sup>118,</sup> suiv.: "Elle ne pouvait pas lui faire du mal, et parcequ'il était un dieu, et parcequ'elle l'aimait". Ovide: "Indignata dea est et laedere quatenus ipsum non poterat, (nec vellet amans), irascitur illi, Quae sibi praelata est." (vers 40, 41).

<sup>125:</sup> Pesteler = "écraser avec un pilon".

<sup>130:</sup> Coëter = "saluer en remuant la queue". B costoioient; C conversoient.

<sup>137: &</sup>quot;Parvus erat gurges, curvos sinatus in arcus, grata quies Scyllae". (*Mét.*, XIV, 51, 52).

<sup>143.</sup> A gorgas si.

<sup>143, 44</sup> manquent dans C.

<sup>144.</sup> Le même verbe au vers 241. La rime ici est fautive, mais nullement impossible. Les manuscrits donnent ici: "enchatime". Au vers 241, la rime est correcte.

<sup>145.</sup> A iust; B jus; C justs.

- Si dist charmes et oroisons Plaines d'art et d'enchantement.
- 148 Un charme dist nomeement
  Trois fois nuef fois à bas murmure,
  Dont la sentence estoit obscure,
  S'a toute l'iaue enfantosmee.
- 152 Atant s'en est Circé tornee. Scilla, qui dou cunchiement Ne sot riens, pour esbatement S'est despoullie et ou gort entre,
- 156 Si s'est ens mise jusqu'au ventre, Et par la force dou venin Moustre abaiant, moustre chenin L'ont contreval cainte et porprise.
- 160 Paoureuse est et entreprise
  Scilla, quant el voit la merveille,
  Si s'esbahist trop et merveille
  Et ne set dont cil moustre vienent
- Et ne croit pas qu'à lui se tiegnent,Si fuit et doute et a peor.Pour les chiens est en grant freor,Qui entor soi vont abaiant.
- 168 Pour eulz fuit, si les vait traiant Ovuec soi quelque part qu'ele aille. Les piés et les cuisses, sans faille, Et les jambes a plains de chiens
- 172 Enragiez, qui li sont prochiens Et joins au ventre qu'ele avoit. Quant Glaucus, ses amis, la voit, Si plore et tient à felonnesse
- 176 Et à crueuse la deesse, Circé, qui si crueusement Avoit pris de lui vengement, Qui si l'avoit envenimee.
- 180 Onc puis Circé ne fu amee De Glaucus, n'il n'ot puis corage De la prendre par mariage. Scilla remest en cele mer,

<sup>149 = &</sup>quot;ter noviens" (vers 58). C Trente et nuef.

<sup>164.</sup> C Qui entour lui ensi se tiennent.

<sup>170,</sup> suiv.: "Et corpus quaerens femorum crurumque pedumque, Cerbereos rictus pro partibus invenit illis". (*Mét.*, XIV, 64, 65).

<sup>182.</sup> A C soi.

- 184 Qui Circé ne pot puis amer, Ains la het, qui l'a desservi, Quar malement li a servi, Et quant el pot avoir lesir
- 188 De soi vengier à son plesir,
  Pour mal de sa male enemie,
  Qui iere à Ulixes amie,
  Despoilla par les chiens gaignons
- 192 Ulixes de ses compaignons, Puis eüst elle en mer versee, S'ele peüst, la nef Enee, Mes elle iert ja muee en roiche.
- 196 Folz est qui tel roichon aproche!
  Li sage marinier l'eschivent!
  Tant s'efforcent et tant estrivent
  Li notonier et l'autre gent
- 200 De la nef Enee en nagent,
  Qu'il passerent ces deus perilz
  Sans estre affondez ne periz.
   Dieux, li Sauverres, vault venir
- 204 Au monde et vrais homs devenir, Por savoir s'il peüst atraire Signagogue à son plaisir faire Et s'il la peüst enchanter
- Par preëchier, par biau chanter,
   Par example de bone vie,
   Tant qu'el vausist estre s'amie.
   Il vint pour converser au monde,
- 212 Li Sires où tous biens habonde, Mes onc au monde ne pecha Ne li mondes ne l'alecha A ses vains delis convoitier:
- 216 Ne vint pas pour soi delitier, Mes por souffrir paine et aspresce, Povreté, angoisse et tristresce, Et por mort et passion traire,
- 220 Et pour le Signaguogue atraire A voie de son sauvement, Mes Signaguogue voirement Fu si sorprise et enchantee,

<sup>185.</sup> A qu'el la desservi; B qu'elle a desservi; C car la desservi.

<sup>192.</sup> A pies gaignons.

<sup>203.</sup> On sait que les allégories manquent dans B, à de rares exceptions près, que nous ne manquons jamais de signaler.

- 224 Si deceue et si tamptee

  Des vains delis dou monde aquerre,

  Tant ot le cuer fichié vers terre

  Et en mondaines vanitez,
- 228 Aus vaines superfluitez, Et tant fu fiere et orgueilleuse, Que trop fu laide et monstrueuse Quant à Dieu qui l'avoit amee.
- 232 Trop l'a le monde enfantosmee, Mes com bien qu'el soit orde et vis N'oublie pas Diex, ses amis, L'amour qu'il li avoit portee,
- 236 Et tost porroit estre acordee Vers Dieu, s'el se deignoit retraire De mal dire et penser et faire, Si la prendroit en amistié,
- 240 Qu'il est doulz et plains de pitié.

  Mes tant est ore enchantinee

  Et en malice enracinee

  Qu'il ne li chaut ne n'a chalu
- 244 Ne de Dieu ne de son salu, Et tout eüst elle esté bele Tant come el fu vierge pucele, C'est a dire premierement
- 248 En son nouviau comencement, Qu'el fu de bele contenance Ains qu'elle eüst mis s'esperance En ces terrianes delices.
- 252 Aus vanitez et aus mollices, Si devint elle orde et honie, D'orgueil plaine et de felonie Et d'enragiez chiens, qui braioient
- 256 Et entor son ventre abaioient. Li chien sont la pute lignie Des Juïs gloute et rechignie, Qui sainte Yglise guerroierent
- 260 Et vers Jhesucrist abaierent Abais d'aigres detractions, D'affis et de derisions. Cil chien desloial de put'aire
- 264 Firent maint grief et maint contraire A nostre primitive Yglise,

- Si livrerent à grief joïse, A grief torment, à gries desciples
- 268 Les apostres et les disciples
  Jhesucrist, le sage et le saint,
  N'encor pas ne se fainsissaint
  De pis faire, s'il lor leüst.
- 272 Il ne fust riens qui lor peüst
  Contrester, se tel force eüssent
  Come il orent, et il peüssent
  Abaier si come il soloient
- 276 Quant force et seignorie avoient, Mes li pooirs lor est retrais Et li abaiemens soustrais Qu'il ne pueent, n'il n'est raison
- 280 Qu'il maintiegnent desputoison Contre la crestiene foi, Mes encor dure en son bouffoi, En son orqueil, en sa durté,
- 284 En sa fole maleürté
  Signaguogue, et cuer a de pierre,
  Mes el n'a nul pooir sus terre
  De nullui nuire ne touchier,
- 288 Se trop ne s'en velt aprochier.
  Folz est qui folement s'aproiche
  Et s'ahert à si dure roiche,
  Quar nulz ne puet trop aprochier
- 292 Sans damage cest dur rocher.
  Li sage sagement l'eschivent,
  Qui bien nagent et bien estrivent
  De lor nef mener à droit port
- 296 De vie et de joieuz deport.

  Tant a sainte Yglise entendu
  A nagier, le voile tendu,
  Qu'ele passe ces deus perilz,
- 300 Par cui mains sont mors et periz:
  C'est Signagogue et Gentilise.
   Or est drois que je vous devise
  Dou preu Enee et de sa gent,
- 304 Qui par la mer s'en vont nagent Droit vers le port de Lombardie.

<sup>267.</sup> Mss. disciples. Desciple = ,,châtiment".

<sup>279.</sup> C Car.

<sup>291.</sup> A nel.

<sup>300.</sup> A perilz.

N'estoient pas lieue et demie Loing dou port, quant uns vens lor lieve

- 308 Et uns tormens, qui trop les grieve,
  Qui droit en Libe les mena.
  Bien les reçoit et joie en a
  Dido, la dame de Cartage.
- 312 Eneas aime en son corage.

  A baron le cuidoit avoir.

  Son cors, sa terre et son avoir

  Et quanqu'ele a li abandone.
- 316 Avoir peüst riche corone Eneas et tenir grant terre Sans soi mouvoir, sans avoir guerre, S'il deignast remaindre en Cartage.
- 320 Le regne eüst en mariage,
   Mes ce n'est pas en son propos.
   Pour quant grant aise et grant repos
   Prist là, tant qu'il ait rafaitié
- 324 Sa nef et sa gent rehaitié
  Des grans travaulz qu'ele ot eü,
  Puis s'en partirent sans seü
  De la roïne et de sa gent.
- 328 Fuit s'ent li bers par mer nagent. Ce qu'il a lesse, et ce vait querre Qu'il n'a pas, en estrange terre. Les aises lesse et les delis,
- 332 Pour soi metre en mortelz periz Et de la terre et de la mer. Dido, qui trop le pot amer, Quant elle sot la departie
- 336 Et com ses amis l'ot guerpie,
  Molt se complaint, molt se demente:
  Ains mais de feme plus dolente
  Ne fu ne ja mais n'ert parlé.
- 340 De triste cuer et adolé
  Souspire la roïne et plaint.
  De son faulz ami se complaint:
  "Hé, faulz traïtres et mauvès,

<sup>310,</sup> suiv.: "Excipit Aenean illic animoque domoque non bene discidium Phrygii latura mariti Sidonis....." (*Mét.*, XIV, 78, 79).

<sup>323.</sup> C affaitié.

<sup>329.</sup> Ce qu'il a lesse = "Il abandonne ce qu'il a".

<sup>334.</sup> C puet.

<sup>341-790</sup> manquent dans C.

- 344 Bien voi que sans retor t'en ves, Fel parjures, par foi mentie. Tu m'avoies ta foi plevie Que ja vers moi ne fausseroies
- 348 Ne pour autre ne me leroies;
  Or me lesses pour autre querre.
  Mon cors et m'amour et ma terre
  T'avoie mis en abandon;
- 352 Où trouveras tu mais tel don, Si vaillant ne si acceptable? L'on selt dire un mot veritable: Que feme a le cuer trop braidif
- 356 Qui d'ome d'estrange païs
  Fait son acointe ne son dru.
  Pour toie acointance ai perdu
  Mon cors et m'ame et m'onor:
- 360 Or sui livree à deshonor!
  A villement m'iert et hontage,
  Quant oncques pris par mariage
  Un tel home estrange et fuitis,
- 364 Un esgaré povre et chetif,
  Mes oncques nel lessai por honte:
  Amans ne set que honors monte!
  Roy te fis de grant seignorie;
- 368 Or m'as deceüe et traïe
  Si velz une autre decevoir.
  Je ne quit pas, au dire voir,
  Que tu truisses legierement
- 372 Feme de si grant tenement. Se tu la trues ne croi je mie Qu'el te soit si loiaulz amie! Hé las! je l'aim outre mesure!
- Pour s'amour sens au cuer l'arsure
   Qui plus art que souffres espris.
   Trop a li faulz vers moi mespris
   Et meserré de moi traïr.

<sup>355.</sup> A baïf; B braïs; C manque. Braidif = "étourdi".

<sup>362.</sup> A Quar.

<sup>365.</sup> A n'en lessai.

<sup>370,</sup> suiv.: "Omnia si veniant, nec te tua vota morentur, Unde tibi, quae te sic amet, uxor erit?" (Héroïdes, VII, 21, 22).

<sup>376: &</sup>quot;Uror ut inducto ceratae sulfure taedae, Ut pia fumosus addita tura focis". (Héroïdes, VII, 23, 24).

<sup>379.</sup> Mss.: meserte. Méserrer = "mal agir".

- 380 Mes ne le puis pour riens haïr, Soi ne s'amour metre en oubli, Ne je ne puis penser qu'a li, Mes de sa traïson me plaing,
- 384 Et quant plus me grieve plus l'aing Et plus sui de s'amor esprise. Puis que je voi qu'il me desprise Trop me fait s'amour traveillier,
- 388 Souspirer et plaindre et veillier
  Sans repos prendre et sans sejor.
  Mes malz n'apaise nuit ne jor.
  Trop est mes cuers en grant destroit.
- 392 Pour lui m'estuet trambler sans froit Et puis suer sans avoir chaut. Lasse, dolente, il ne l'en chaut! De moi ne de m'amor n'a cure!
- Ja ne me face à croire nulz

  Qu'il oncques fust filz de Venus:

  Il ne li religne de rien!
- 400 Il a cuer plus dur de merien!
  Ains fu filz de beste sauvage!
  Trop a le cuer dur et volage
  Et plus orageus de la mer!
- 404 Pour quoi le puis le tant amer, Quant il ne m'aime ne ne prise? Il me het tant qu'il en desprise Sa vie por despit de moi.
- 408 J'ai, voir, grant doute et grant esmoi!
  Por la tempeste et pour le vent,
  Qui si le guerroie souvent,
  A il ceste mer esprouvee
- 412 Horrible et fiere l'a trouvee Et mains damages li a fais, Mes or fust quoie et bien à pais Et les vens fussent apaiez,
- 416 Si devroit il estre esmaiez Et doutans qu'il ne li meschiee

<sup>380: &</sup>quot;Non tamen Aeneam, quamvis male cogitat, odi". (Hér. VII, 29).

<sup>397,</sup> suiv.: Dans le texte latin, Didon s'appelle, au contraire, la "bru" de Venus: "Parce, Venus, nurui.....".

<sup>400.</sup> Merien = mairien = "bois". B mercien.

<sup>406.</sup> A qu'il me desprise.

<sup>414.</sup> A Mes sor.

De ce qu'il a sa foi trichiee! Bien l'en devroit malz avenir

- 420 Et perilz et perte venir,
  Et bien porroit en mer noier.
  Ja Diex ce ne vueille otroier
  Que ja pour ochoison de moi
- 424 Li mesaviegne! Je m'esmoi
  Assez plus de lui qu'il ne fait.
  Tout m'ait li tricherres mesfait,
  Ne vueil je pas que malz li viegne,
- 428 Mes je pri Dieu que il reviegne Por remaindre o moi toz jors mais, Et, s'il ne velt, huit jors ou mais Devroit il au mains sejorner,
- 432 Tant qu'il eüst fait atorner
  Sa nef, que li vent ont quassee,
  Et la tormente fust passee.
  Quant la tormente cessera.
- 436 Se velt, si s'en retornera,
   Mes la demore me pleroit!
   Ja mais mon vueil ne me leroit,
   Mes je voi bien c'est por noiant.
- 440 Il veult miex aler foloiant Par mer qu'estre o moi assejor. Hé lasse, tant mar vi le jor Où Fortune ça l'amena,
- Que je m'amour l'ai otroiee.
   Tant vaillant home m'ont proiee,
   Riches de terres et d'avoir,
- 448 C'ains ne porent m'amor avoir, Et grant despit en ont eü Quant pour cest, c'onc mais n'oi veü, Les refusai come esbahie.
- 452 Or m'a li desloiaus traïe, Mes ce n'est pas la premeraine:

<sup>422: &</sup>quot;Non ego sum tanti..... ut pereas".

<sup>443.</sup> A B Que.

<sup>444.</sup> B: "Et moi lasse tant enchanta".

<sup>445</sup> manque dans B, qui ajoute après le vers 446: "Qui de ma richesce ont envie", puis intervertit les vers 447 et 448.

<sup>444.</sup> A: Que je m'amour li otroie.

<sup>453,</sup> suiv.: "Amnia mentiris; nec enim tua fallere lingua, Incipit a nobis..... Si quaeras ubi sit formosi mater Iuli: occidit, a duro sola relicta viro. (*Hér.* VII, 81—84).

Ausi trahi, j'en sui certaine, Sa fame, la mere Yuli,

- 456 Qui morte est por defaut de li. Je meïsmes por lui morrai: S'il ne revient, je m'occirai De son branc, dont il me fist don.
- 460 Bien doi avoir tel guerredon
  Dou service que li ai fait!
  Ensi vait de bienfait col frait!
  Mes'Eneas au cuer volage
- 464 Ne me deigne par mariage
  Retenir et tant ne m'a chiere,
  Si me retiengne à chamberiere:
  Il ne me chaut que que je soie,
- Dame ou serve, mes que je l'oie,
  Et s'il ne deigne revenir,
  Ma vie estuet par temps fenir,
  Mes seule ne morrai je mie:
- 472 Il me laist grosse et empreignie D'un enfant qu'il a engendré". Adont fist esprendre un grant ré. Une suer ot Dido molt bele:
- 476 Anne avoit non la demoisele
  Qui molt avoit grant duel au cuer
  Pour la destresce de sa suer.
  Molt volentiers, s'ele poïst,
- 480 La reconfortast et joïst,
  Mes reconfors n'i a mestier:
  Onc ne la sot si bien guetier
  Anna qu'el ne se soit occise
- 484 Dou branc Eneë et ou feu mise. En la ré s'est Dido gitee: Deceüe iere et baretee, Si redeçut et bareta
- 488 Ses gens, quant ou feu se gita.

  Tost fu ses cors ars et espris.

  Ensi li est de s'amour pris.

  Anna sa suer grant duel en a.
- 492 Dou grant duel qu'ele demena Ne vous vueil pas lonc conte faire.

<sup>462.</sup> Cf.: "De bien fait m'ont rendu col frait". (Ben., Ducs de Norm., II, 13152, cité par God., IV, 121).

<sup>476.</sup> Le nom d'Anna se trouve dans l'Epître VII des Héroïdes, mais pas dans les Métamorphoses.

Pour soie amour se volt desfaire, Mes les dames ne li lessierent

- 496 Ne li baron, qui l'apaisierent. Grant duel font tuit cil de Quartage. Plorent la perte et le damage. Regretent la france roïne.
- 500 Qui tant estoit de bone orine, Sage, vaillans, preuz et doutee, S'amors ne l'eüst assotee, Qui mains autres fet assoter.
- 504 Molt fesoit la dame à douter Et molt iert sage et bien aprise Et molt estoit de grant emprise, Ains qu'amours sorprise l'eüst.
- 508 Sor tout le mont, s'il li leüst Et s'amours ne l'eüst traïe, Cuidoit avoir la seignorie. Bien cuidoit fere chief et mestre
- Dou monde, se ce peüst estre, Cartage sa noble cité, Qui n'iert mie d'antiquité: Nouvelement l'avoit fondee.
- 516 N'estoit pas de ce païs nee:
  De Tyr ert, dont el fu roïne,
  Mes ses freres de male orine
  L'en ot desiretee à tort
- 520 Et son seigneur Sicheüs mort.
   Fouï s'en de cele contree.
   Quant terre avoit puis conquestee,
   Qui par lui n'ert puis maintenue,
- 524 Morte est à grant desconvenue
  Por fole amor desmesuree,
  Qui l'ot sorprise et embrasee.
   Puis que sainte Yglise et sa gent
- Ot tant coru par mer nagent,
  C'est par les fluctuacions
  Des diverses temptacions,
  Qu'ele ot passez les deus perilz,

<sup>497.</sup> B Cartage.

<sup>499.</sup> B riche royne.

<sup>523:</sup> lui = "elle".

Pour les vers 527—596 nous n'avons que le manuscrit A: le manuscrit B ne donne presque jamais les allégories, tandis que le manuscrit C a sauté les vers 341—790.

<sup>527.</sup> La phrase principale commence au vers 545.

- 532 Qui mains orent mors et perilz, C'est les tormens et les corages, Les grans anuis et les outrages Que folz Juïs et folz paiens
- 536 Li firent, qui mains crestiens Mistrent à dolereus martire, Dont maint se lessierent afflire Pour crestienté maintenir,
- 540 Quant sainte Yglise dut venir Au port de voire cognoissance, De foi et de voire creance, Et qu'el n'estoit pas loing de port
- 544 De vie et de joieux deport, Uns vens treboilloneus leva, Qui sainte Yglise trop greva: C'est vens de discorde et de doute,
- 548 Qui sainte Yglise chace et boute En terre seche et areneuse, Pulverulent et sabloneuse, C'est en gent plaine de fallace
- 552 Et de fraude et de roide grace, Sans toute humoistour de doctrine De saluable discipline. Là les retrait et joie en ot
- Heresie, qui se penot
   De sainte Yglise destorner,
   Qu'el ne peüst mes retorner
   Au port où elle estoit meüe,
- 560 Et tant ert rote et dissolue La crestientez et la fois De sainte Yglise à cele fois, Que mais resordre ne peüst,
- 564 Se Diex rejointe ne l'eüst
  Par ses sains, qui tant charpenterent,
  Tant escristrent, tant desputerent,
  Que par convenables raisons,
- Par escrips, par desputoisons,
   Fu auques la nef rafetie
   Et crestientez rehetie.
   Molt estoit lors dame Heresie
- 572 Haute roïne et bien prisie,
  Et moult avoit grant tenement,
  Et seignorissoit hautement
  En mains leus, et tant cuida faire

- 576 Que toutes gens peüst atraire Et sousmetre à sa mescreance, A s'errour et à sa doutance, Et tout le monde decevoir.
- 580 Mes Diex, qu'ele cuidoit avoir, Foï sa fole compaignie, Lessa la grosse et empreignie Dou propos qu'ele avoit eü
- 584 Et par fole errour conceü, Mes ses folz pensers la deçut, Quar mauvès loier en reçut, Qu'el s'occist spirituelment
- 588 Dou branc dou devin jugement, Ne li cors ne fu mie cuites, Quar des bougres et des herites Fu arse la plus grant partie,
- 592 Et sainte Yglise est revertie Au propos dont resortie iere, Si vint à droit chemin arriere, C'est à la droite cognoissance
- De foi et de voire creance.
  Morte est la dame de Cartage
  Por sa folie et pour sa rage
  D'amours, dont elle estoit esprise
- 600 Pour Eneas, qui l'a desprise
  Et de lui s'en fuit en emblee,
  En larrecin, en recelee.
  A grant esploit s'en vait nagent
- 604 Par haute mer, il et sa gent,
  Et tant ont lor chemin tenu
  C'au siege Erix sont revenu.
  Par Acestes tindrent lor voie.
- 608 Qui bien les adresce et avoie Au port où il doivent venir Et quel voie il doivent tenir, Come loiaulz et sans malice.
- 612 Là fist obseque et sacrefice
  Por son pere, qui là morut,
  Eneas et si secorut
  Les nez qu'Iris, la messagiere

<sup>587.</sup> A spiritelment.

<sup>589:</sup> cuites = quites.

<sup>606: &</sup>quot;Ad seremque Erycis fidumque relatus Acesten, Sacrifiat tumulumque sui genitoris honorat". (Mét., XIV, 83, 84).

<sup>615.</sup> B que yris.

- 616 De Junam et la chamberiere, Par le commandement sa dame Voloit metre à feu et à flame, Puis vait tant, et sa gent o li,
- 620 Qu'il passe le regne Eoli Et les terres esurphurees, Puis a les Siraines passees. Là pert la nef son meneor
- 624 Et son mestre governeor,
  Puis passe Inarine et Prochite,
  Si com li auctors le recite,
  Et les terres de Phitecuse,
- Ou mains singes converse et muse.

  Jupiter les avoit là mis,

  Qui pas n'estoit trop lor amis.

  Le diex tous puissans, qui n'a cure
- 632 De traïson ne de parjure, De barat ne de tricherie. De fraude ne de gaberie, Les folz Cercopiens haoit
- 636 Pour ce que nulz d'elz ne baoit Fors à trahir et à trichier, A decevoir et à cunchier, Si fist de ces gens laides bestes,
- 640 Et lor abrega cors et testes.

  Rueus ont et pale le vis,

  Et le nez casquamus et vis,

  Si sont tuit de brun poil couvert
- 644 Fors le cul, qu'il ont à ouvert.

  En partie sont ressamblable
  A home et assez dessamblable.
  Diex lor a le parler toloit,
- Oue nulz d'elz si come il soloit Ne puet or parler ne mesdire N'autrui ramposnier ne despire Ne parjurer, si come il suelent,

<sup>628,</sup> suiv.: ,......et Hippotadae regnum terrasque calenti sulpure fumantis Acheloia-dumque relinquit, Sirenum scopulos, orbataque praeside pinus Inarinem Prochytenque legit......" (Mét., XIV, 86, suiv.).

<sup>621.</sup> B esurphieees.

<sup>625.</sup> B inarone et prochite; A orimene et procite.

<sup>635.</sup> A Cycropiens; B Cyclopien; Ovide: "Cercopum gens".

<sup>641.</sup> B Nuz sont et ont.

<sup>642.</sup> B cas camus.

<sup>645.</sup> A Si ont.

- Mes quant parler cuident et vuelent,
  Si plaignent à vois laide et roë,
  Et encors font aus gens la moë.
  Emprès ce que fole Heresie,
- 656 Qui tant soloit estre prisie Et exaucie et secreüe, Fu dessolee et deceüe, Et que la crestiene fois
- 660 Four la fraude et les bouffois, Les fausses cavillacions Et les males decepcions Des folz herites, qui regnoient
- 664 Et fraudulement se penoient
  De sainte Yglise detenir
  Qu'el ne peüst à port venir
  De vraie foi, que cil guerroient
- 668 Qui lor sauvement esperoient, Si s'en revint par la doctrine Et par la saine discipline Des apostres et des rectors,
- 672 Des sains mestres et des lectors, Qui sainte Yglise radrescierent Et le chemin li enseignierent Qu'ele devoit sivre et tenir
- 676 S'el voloit à droit port venir,
  Si recognut parfetement
  La mort et le resordement
  Dou fil Dieu, son pere et son mestre,
- Oui por sainte Yglise volt nestre
  De la Vierge et homs devenir
  Et mort et paine soustenir,
  Si l'onora come el dut faire,
- 684 Et quanqu'ele ot peü mesfaire Par l'errour de fausse doctrine Et de dampnable discipline Amenda par confession,
- 688 Si ot voire absolucion

  La gent qui par simple ignorance
  Fu cheüe en fole creance.

  Puis s'efforça tant sainte Yglise
- 692 Qu'ele ot seculiere joustise,
  Prolacions et dignitez,
  Honors et temporalitez,
  Par quoi maint cheïrent en vice

<sup>655.</sup> La phrase principale se trouve au vers 669 et se continue au vers 677.

- 696 De convoitise et d'avarice, Qui plus art que souffres espris: Por ce vice ont pluiseur mespris. Emprez ce vindrent aus delices,
- 700 Aus vanitez et aus mollices, Dont pluiseur furent alechié, Et maint cheïrent en pechié Por les honors où il musoient,
- 704 Por les delis dont il usoient Come fol, outrageusement, Et cil cui le gouvernement Et la cure de sainte Yglise
- 708 Doit estre baillie et commise
  Sont cil qui plus folement nuisent
  Aus vains delis dont il abusent,
  Et tant ont les cuers alechiez,
- 712 Tant sorpris et tant assechiez
  A querre honors et dignitez
  Et vaines temporalitez,
  Qu'il ne lor chault coment qu'il aille
- 716 De sainte Yglise. Or est sans faille Sainte Yglise sans meneors, Sans mestres, sans governeors Qui la conduisent, qui la mainent,
- Qui li moustrent, qui li enseignent
   Le droit chemin de sauvement.
   A doner bon enseignement,
   Aus folz reprendre et chastoier
- 724 Et à sainte Yglise avoier
  Lor fault la bouche et la parole,
  Mes à dire truffe ou frivole
  Et à trouver occasions
- 728 Pour tolses, pour extorcions,
  Por amendes traire et lever,
  Por lor simples sougiez trouver
  Et pour demander lor aviaus.
- 732 Lors vient la jangle et li faviaus, Et sainte Yglise vague et flote Si com li vens l'empaint et bote, Et tant l'a empainte et botee
- 736 Qu'ele est venue et afflotee

<sup>706.</sup> cui = "à qui". Mss.: qui.

<sup>730.</sup> trouver = "tromper".

<sup>731.</sup> avel = "ce qu'on désire".

<sup>732.</sup> A flaviaus.

- Au brehaing pui de Phitecüse, Ou la singaille mocque et muse. Li singe sont faulz ypocrite,
- 740 Qui font le simple et le marmite Pour gens mocquer et decevoir. Il samblent estre, au dire voir, Home bon et simple et piteuz,
- 744 Si font l'umble et le marmiteuz,
  Mes trop sont autre qu'il ne samble.
  Lor voult et li cuers se dessamble.
  Il ont, ce samble, les vis sales,
- 748 Maigres et tains, fronciez et pales De jeüner et de veillier, Por errer et pour traveillier En penitance et en aspresce,
- 752 Mes ce n'est que fausse simplesce: Lor cuer sont plain de tricherie, De fraude et de cunchierie, De traïson et de fallace.
- 756 Il sont sans bone humeur de grace Et lor bien fais poi lor gaaigne, Qu'en terre are, seche et brehaigne, C'est en parverse volenté,
- 760 Sont lor cuers assis à plenté.
  Il vont Dieu servant de faveles;
  Paternostres et misereles
  Barbotent, et trop vont orant,
- 764 Mes petit vont asavorant
  Lor oroisons, et poi lor touche
  Au cuer ce qu'il dient de bouche,
  Si n'en rendent pas loiaument,
- 768 De bon cuer, ne devotement, A Dieu ce qu'il li ont promis, Ne Diex n'est gaires lor amis, Qui het toute cunchierie
- 772 Et traïson et tricherie.
  Tel gent sont de brun poil couvert.
  Contre teulz dist à descouvert
  Li Sauverres en l'Evangile:
- 766 Des folz prophetes, plains de guile,
  De lor fausse papelardie
  Vous gardez et de lor boisdie.
  Il sont vestu de vesteüre

<sup>737.</sup> A phiteuse.

<sup>758.</sup> are = "aride".

- 780 D'oeille simple et sans fainture, Si sont à oeilles samblables, Mes dedens sont leus ravissables, Plain de rage et de cruauté,
- 784 De fraude et de desloiauté. Ces folz tricheors ypocrites, Qui singes samblent et marmites, En cui toute malice habonde.
- 788 Font la moë à Dieu et au monde Si vont amusant sainte Yglise, Qui d'eulz est pueplee et sousprise. L'ille Phitecuse a passee
- 792 Eneas, et Parthonopee
   A il passé par devers destre,
   Et le tombliaul lesse assenestre
   De Misenus le resonable
- 796 Et en leu moiste et palluable
   Vint, au Cumoien rivage.
   Là trouva Sybile la sage
   En une crote, où resposte iere,
- 800 Qui ot vescu de grant maniere. Sibile, se l'auctors ne ment, Sot assez de devinement Et en son temps prophecia.
- 804 Li preus Eneas la pria
  Que par son plesir le menast
  En enfer, et vif ramenast,
  Pour veoir l'ame de son pere:
- 808 Bien croit que ce puisse elle fere. Quant Sebile oï la requeste, Un poi tint encline la teste: Pensa, puis respondi briement:
- 812 "Eneas, le cui hardement Et la pitiez est esprouvee, Molt m'as grant requeste rovee.

<sup>780. &#</sup>x27;oeille = "ouaille", cf. 781.

<sup>791.</sup> Ici les manuscrits B et C recommencent: C phitetus appelee.

<sup>795.</sup> Misenus, appelé dans Ovide: "canor Aeolidae", (Mét., XIV, 102), était le fils d'Aeolus, cf. Vergile, Enéïde, VI, 162, suiv. Le nom n'est pas dans le texte des Métamorphoses. A raisonable; C ressoignable.

<sup>796,</sup> suiv.: ,.... et, loca feta palustribus undis, litora Cumarum..." (Mét., XIV, 103). 797. A Vint au Cumoien rivage; B Vint a Cumal au rivage; C S'en vint a Cumel a rivage.

<sup>800. &</sup>quot;Vivacis Sibyllae", (vers 104).

<sup>804.</sup> A prisa.

<sup>808. &</sup>quot;Style indirect libre".

Por quant tu l'avras toute voie.

- 816 Je te conduirai cele voie,
  Qui trop est large et trop hantee.
  Assez est prez de ci l'entree,
  Qui trop est commune et legiere,
- 820 Mes poi de gent tornent arriere: Le retor trouvent il à paine, Se bon conduit ne les i maine, Mes sauvement là te menrai
- 824 Et sauvement t'en ramenrai. Se Diex me done eür et grace Que je ceste eruprise parface, Mousterrai toi Champ Elisees,
- 828 Où sont les ames reposees

  Des bones gens de sainte vie,

  Qui n'ont pas paine deservie.

  Mousterrai toi l'infernal raine,
- 832 Où li pecheor sont en paine Et chascuns son pechié compere. Mousterrai toi l'ame ton pere. Nulle riens n'est tant grief à faire
- 836 Que vertus ne puisse à chief traire Pour qu'ele s'en vueille pener.'' Lors le vait Sybile mener En la forest de Proserpine,
- 840 Qui d'enfer est dame et roïne.
  Un arbre y ot qui d'or esta.
  Sibile li amonesta
  C'un raim en cueille et il le quieult.
- 844 Eneas o Sibile aqueult
  Sa voie o le raim qu'il emporte.
  En enfer vint; passe la porte;
  Vit l'espoëntable regné
- 848 Où li dolereuz sont pené;
  Voit les tormens de maintes guises
  Où les lasses ames sont prises.
  Li uns saïme en feu ardent,
- 852 Li autres tramble et bat la dant,

<sup>827. &</sup>quot;Elysiasque domos et regna novissima mundi me duce cognosces....." ( $M\acute{e}t$ ., XIV, 111).

<sup>831.</sup> Il n'est pas impossible qu'au moment-même où ces vers furent écrits, Dante était en train d'écrire son *Inferno*!

<sup>835,</sup> suiv.: "Invia virtuti nulla est via....." (Mét., XIV, 113).

<sup>851.</sup> s'aïmer = "se fondre".

<sup>852.</sup> B de dent; C L'autre a trop froit tramble des dens.

Li uns rechigne, l'autre brait: Selonc ce que chascuns a fait Soeuffre plus ou mains de martire.

- 856 Là voit Eneas tire à tire

  Les ancessors de son parage,

  Le roi Priant et son lignage.

  Son pere vit, por qui vint là.
- 860 Anchisses recogneü l'a
  Et Eneas lui ensement.
  Entr'eulz parlerent longuement.
  Li uns de l'autre se merveille.
- 864 Anchisses li monstre et conseille Tous les poins et tous les passages Et les perilz et les damages Qui li estoient à venir,
- 868 Et quel voie il devoit tenir; Comme il vendroit en Lombardie, S'en conquerroit la seignorie; Prendroit la fille au roi Latin.
- 872 Souz lui seroient li Latin,
  Quant il avroit Turnum vaincu
  Par force de lance et d'escu.
  Là le convendroit remanoir.
- 876 Si seroient il et si hoir Seignor dou regne en heritage, Et de Lavine au cler visage Un vaillant fil engendreroit,
- 880 Qui sor les Latins regneroit.
  Silvius avra l'enfes nom.
  Romulus, qui de grant renom
  Devoit estre et de grant barnage
- 884 Et descendroit de son lignage,
  Devoit fonder une cité,
  Riche et de grant auctorité,
  Qui dou mont seroit dame et mestre
- 888 Plus que Troie ne soloit estre.

  De Romulus avroit nom Rome.

  Empres lui nestroient maint home

  Qui de son lignage seroient

<sup>857.</sup> C Les anchiseurs.

<sup>859.</sup> A pour qu'il.

<sup>865.</sup> A pons; BC poins. C intervertit les deux mots à la rime de 865 et 866.

<sup>869.</sup> Toute la prophétie suivante manque dans le texte latin.

<sup>878.</sup> B De Lavinie.

<sup>881.</sup> A Sillenus.

- 892 Et tout le mont gouverneroient.

  Quant Eneas ot tout apris

  Ce qu'il queroit, congié a pris

  D'Anchises, si se met à voie,
- 896 Et Sebile le reconvoie.

  Endementres qu'il revenoient
  Et le chemin d'enfer revoient,
  Li preuz Eneas l'araisone:
- 900 "Dame, dist il, sainte persone, Sainte deesse ou Dieu amie, Trestous les jors mes de ma vie Sui et serai tes liges hom.
- 904 Honorer te doi par raison
  Et fere temples et moustiers
  Et sacrefices et autiers
  Tantost que sus terre vendrai,
- 908 Et pour deesse te tendrai,
  Quar moult m'as fet grant cortoisie.
  Tu m'as ou cors sauvé la vie.
  Par t'aïde et par tes consaulz
- 912 Sui venus d'enfer sain et saulz."

  Sebile l'esgarde et souspire.

  En souspirant li prist à dire:

  "Amis, je ne sui pas deesse.
- 916 Je ne vueil mie tel promesse.

  De sacrefice n'ai mestier

  Ne sui digne d'avoir moustier:

  Ie sui une fame mortelz,
- 920 Mes ma destinee est or telz

  Que mil ans m'estuet vivre au monde
  Ains que la mors, qui tout affonde,
  Me puisse affonder ne sousmetre.
- 924 Et se j'eüsse deignié metre Mon cuer en amer Apolin, Il m'eüst otroié sans fin Vie et pardurable jouvente.
- 928 Grant cure y mist et grant entente Que s'amour me peüst atraire Por dons et por promesses faire. Moult me dist que je requeïsse

<sup>901. &</sup>quot;Seu dea tu praesens, seu dis gratissima, dixit, ( $M\acute{e}t$ ., XIV, 123); B au dieu; C et dieu. Il n'est pas impossible qu'on eût préféré la leçon de C, si on n'avait pas connu la source latine!

<sup>910.</sup> BC ou corps. Cors = "course", comme souvent dans notre texte.

<sup>925. &</sup>quot;Apolin" est ici encore: "Apollon".

- 932 Son service et ses dons preïsse, Et je avroie, au dire voir, Quanque de lui vandroie avoir. Onques ne volz avoir enquerre:
- 936 Manantises ne fiez ne terre,
  Ançois me bessai vers l'araine.
  Dou sablon pris ma paume plaine,
  Si requis que tant d'ans vesquisse,
- 940 Ains que le mors de mort sentisse, Que j'oi d'athomes en ma main, Et se j'eüsse main à main Requis vivre en bele jonesce
- 944 Toudis, sans cheoir en viellesce, Il la m'eüst ensi donee, Mes je ne fui pas tant senee! J'oi ce que je volz demander,
- 948 Et plus i volt il amender: Se je sa volenté faisoie. Pardurable jouvente avroie, Mes je ne vols ne ne deignai.
- 952 En la poudre que j'empoignai Avoit mil athomes par nombre. Petit pensoie au grant encombre Qui dou don m'iert à avenir:
- 956 Devant mil ans ne puis fenir.

  Molt ai ma jonesce gastee!

  Sept cens ans a que je fui nee

  Et trois cens encor durerai.
- 960 Un temps sera que je serai
  Vielle et seche et regreillie.
  Assez fui greille et alignie,
  De vis bele et de cors bien faite,
- 964 Mes lors serai je si retraite, Vielle et laide et aneantie, Que nulz homs ne cuideroit mie Qu'Apollo m'eüst onc amee.
- 968 Je serai si forment muee
  Et mes cors aneantira
  Que nul hom ne me choisira
  Fors à la vois tant seulement:

<sup>936.</sup> Ce vers se trouve deux fois dans B.

<sup>941. &</sup>quot;..... quot haberet corpora pulvis....." (Mét., XIV, 137).

<sup>951.</sup> A vaeil, deignie; B voulx, daingne; C vueil, daignay.

<sup>952.</sup> A empoignie; B empoigne; C empoignay.

<sup>958.</sup> B cinq. Ovide: "saecula septem".

972 N'iere cogneüe autrement.
 — Or vous dirai l'allegorie
 Que ceste fable signifie
 De la prophete de Cumee,

Qui en enfer conduit Enee
 Et l'en ramena sauvement.
 Par Eneas puis droitement
 Noter le piteuz Rambeour,

980 Le debonaire Sauveour, Le fil Dieu, qui deigna venir Des cieulz en terre, et devenir Vrais homs, et enfer visiter,

984 Pour ses amis d'enfer giter. Sebile en enfer l'aguia, Qu'ele dist et prophecia Mil ans ançois l'avenement

988 Que li filz Dieu certainement Vendroit au monde, et descendroit Des cieulz, et vrais homs devendroit Ou cors de la Vierge meschine.

992 Par la forest de Proserpine
 Puis le monde prendre et noter,
 Où dyables, sans riens douter,
 Soloit habandoneement

996 Chacier sans empeechement
Et prendre home en sa garaine.
Là volt dou celestial raine
Li filz au Pere souverain

1000 Prendre en l'arbre le doré rain. Le cors de la Vierge meschine Fu l'arbre, et Jessé la racine Dont Dieu volt char humaine prendre

1004 Et nestre et morir et descendre En enfer, pour ceulz visiter, Pour ceulz reembre et acuiter Qui desirroient sa venue.

1008 Grant joie ot en l'infernal mue Adam, qui iere en obscurté, Quant vit la divine clarté

<sup>973.</sup> Le manuscrit B manque ici jusqu'au vers 1717.

<sup>975.</sup> A crimee; C nuee; B manque.

<sup>985.</sup> C le guia.

<sup>986.</sup> C qui le dist et prophetisa.

<sup>997.</sup> C guarenne; Mss. come.

<sup>1002.</sup> Jessé = Isaï, qui passe pour un des ancêtres de Jésus. A iesse; C yesse.

- Que li Sauverres amenoit,
- 1012 Ses charneulz filz, qui l'amenoit Pour lui reembre et son lignage Atraire dou dolent servage Où lonc temps orent esté pris.
- 1016 Il ot la victoire et le pris,
  Si revint d'enfer à grant joie
  Et amena la riche proie.
   Autre sentence i puet avoir,
- 1020 Qui bien est acordable à voir.
  Sibile note droitement
  Judee, qui premierement
  Fu amee et ot l'acointance
- 1024 De la divine sapiance,
  C'est cele qui fu replevie
  De l'esperit de prophecie,
  Quant li prophete estrait en furent,
- 1028 Qui les devins secrez cognurent, Et au monde prophecierent En divers temps, et denoncierent Que li filz Dieu vendroit en terre
- 1032 Pour son pueple sauver et querre.
   Moult fu Judee gente et bele.
   Moult fu agreable pucele.
   Moult l'eüst Diex sans doute amee,
- 1036 S'ele deignast avoir gardee S'amour et sa dillection Sans fraude et sans corrupcion, Si la feïst, que je ne mente,
- 1040 Vivre en pardurable jouvente, En joie et en prosperité Au monde et en eternité, S'el le deignast croire et amer,
- 1044 Mes fel cuer ot et plain d'amer, Si refusa par son bouffoi S'amour, sa creance et sa foi. Sept cens ans enterinement
- 1048 Vesqui bien et joieusement Judee en grant auctorité, En estat de prosperité, Mes or est laide et enveillie,
- 1052 Sote, flestrie et regreillie, Si ne puet soi ne autre aidier.

<sup>1012.</sup> A la menoit; C la venoit. Le Sauveur "amène" la "clarté".

<sup>1041.</sup> A properité.

Or ne porroit nulz homs cuidier Que Diex l'eüst onques amee.

Nulz n'en set fors par renomee, Si com nous l'avons oï dire. Or vit à duel et à martire, A paine, à tribulacion,

1060 A honte et à confusion, Et doit vivre foible et enferme Jusqu'ele viengne à celui terme Que Diex li doinst advertissance,

Entendement et cognoissance
De cognoistre la verité
De la parfaite Trinité.
Dis Sebyles furent par conte,

1068 Si com li livres le raconte En quoi je l'ai trouvé escript, Propheciens de Jhesucrist. Jeneraument furent nomees

1072 "Sebyle" les femes senees Qui des devins secrez savoient Et au monde prophecioient. La premiere fu Persiene

1076 Et la seconde Libyene;
L'autre de Delphe et fu sans faille
Ains la Troyene bataille;
L'autre d'Itale et la cinquoisme

1080 De la cité de Babiloine; La sexte de l'ille de Same, Qui moult fu sage et vaillant fame. La septiesme fu de Cumee:

La premiere fu persienne
Et la seconde libyenne
L'autre en delphe ou temple appolin
Fu nourrie ce dist solin
Avant la bataille de troye
L'autre fu en ytalie coye
La quint en babiloine nee
Eriphile ot et eritee
A nom la sixte fu de same
Phemonoe ot nom la dame
Et la septieme fu de cumee
En champaigne et mena enee

Aux infernauls par sa franchise
Pour parler à son propre anchise
Amathee au cymee est dite
Par ceste en IX livres escripte
Fu au temps tarquin qu'on prist rome
Toute l'ordenance de romme
En cecile gist si qu'on compte
La VIIIe fu de hellesponte
Frigienne fu la IXe
Du temps anchise et la Xe
Avulnee en langue latine
Ot nom et en grec tiburtine

1079, 80. Rime très caractéristique pour notre texte; voir l'Introduction au premier volume, p. 17.

<sup>1070.</sup> C prophetisans.

<sup>1071.</sup> C Generalment.

<sup>1075-1090</sup> sont remplacés dans C par les 24 vers suivants:

- 1084 C'est cele qui conduist Enee Aus infernaulz pour veoir les. L'uitiesme fu de Pontellès. Frigiene fu la noviesme,
- 1088 Et moult fu sage la disiesme:
  Avulnee en langue latine
  Ot non, et en grec Tyburtine,
  Et ceste de ses prophecies
- 1092 A pluiseurs terres replevies
  Et moult parlerent si escript
  De l'avenement Jkesucrist.
  Ceste avirona tout le monde
- 1096 Tant come il dure à la reonde: Aise, Grece et Herestachie Et Galgulnee et Galathie, Cylice et Pamphyle ensement
- 1100 Empli de son precheement.

  Quant sa propecie ot là dite,
  Si vint en la terre d'Egypte,
  En Bagade et en Babiloine,
- 1104 En Ethiope, en Mauritoine, En Aufrique, en Pentapoline, Et en Libe et en Palarine Fist ses prophecies savoir,
- 1108 Si prometoit, au dire voir,
  A chascun selonc sa desserte:
  Aus bons gaaing, aus mauvès perte.
  Espandue est en pluiseurs sens
- 1112 La renomee de son sensEt de sa predicacion.A Rome en vint la mencion.Quant l'empereres l'oï dire,
- 1116 Traians, qui gouvernoit l'empire, Ses mes envoia pour la querre Si la fist venir en sa terre. En Rome est Sebile venue.

<sup>1097.</sup> C Aise et grece et ytalie.

<sup>1098.</sup> C Et gaculnee et galathie.

<sup>1100.</sup> C Raempli.

<sup>1104.</sup> C en macidoine.

<sup>1106.</sup> C En libe et en palestine.

<sup>1116.</sup> A Tajans.

<sup>1117.</sup> C meps.

<sup>1118.</sup> A la terre.

<sup>1119.</sup> C en est seule venue

- 1120 A grant honor fu receüe.

  Cent cenators avoit à Rome,
  Qui une nuit, endroit prin some,
  Virent un seul songe samblable.
- 1124 Ce n'est pas chose mençoignable,
  Ançois est fine veritez:
  Ce tesmoigne l'auctoritez.
  Li senatour moult s'esbahirent
- 1128 De celui songe que tuit virent, Quant ensemble le repeterent Ou Capitol, où assamblerent. Li songes fu teulz, ce me samble,
- Ou ciel destintez qui paroient
  Et diverses formes avoient.
  Li premiers fu resplendissans
- 1136 Sor toute terre et cler luisans. Li secons resplendissoit plus: Sa clarté avoit l'au dessus. Li tiers solaus fu d'autre orine:
- 1140 Cil avoit la colour sanguine:
  Flambe et feus sambloit embrasez:
  Horribles iert et clers assez.
  Li quars fu rouges come sans.
- 1144 Quatre rais ot resplendissans. Li quins fu d'estrange maniere: Or tenebreus, or obscurs iere, Ore gitoit une clarté
- 1148 Come espart desous obscurté. Li sisiemes estoit à doubles, Assez plus tenebreus et troubles, S'avoit enmi un aguillon
- 1152 Come coë d'escorpion.

  Li septiesmes fu moult horribles,
  Espoentables et terribles:
  Coulour ot de sanc et de feu.
- 1156 S'avoit un noir glaive ou milieu.

  Coulour sanguine ot li huitiesmes.

  Trop fu tenebreus li noeuviesmes,

<sup>1125.</sup> C fu.

<sup>1133.</sup> C distinctes.

<sup>1138.</sup> Mss. sembloit l'air dessus. J'ai risqué la correction de cette expression en: "avait l'au dessus", dans le sens de: "était supérieur"; cf. Godefroy, IX, p. 366.

<sup>1147.</sup> A Or regitoit.

<sup>1150.</sup> A Tourbles.

- Mes un seul rai luisant y ot.
- Ne sorent que signifiot
   Li songes cil qui le songierent,
   Mes durement s'en merveillerent
   Et diënt que c'est demoustrance
- 1164 D'aucune grant signifiance
  Qui devoit au monde avenir,
  Si firent Sibile venir
  Pour demander et pour savoir
- 1168 Quel sens puet cil songes avoir. Quant la divine vint à Rome, Merveillent soi fames et home De sa biauté, de sa samblance
- 1172 Et de sa noble contenance.

  Biaux iex ot et simple visage,

  Si fu bien parlans et bien sage;

  De tous membres fu bien formee.
- 1176 El ne dist riens qui desagree.

  Cil qui le songe songié orent

  A lui vindrent à l'ains qu'il porent,

  Si li prient qu'el lor esponge
- 1180 Que puet signifier lor songe. Sibyle dist: "N'est pas droiture Que leu plain de vice et d'ordure Revele le secré devin,
- 1184 Mes montons sor Mont Appenin:
  Là vos espondrai sans doutance
  Dou songe la signifiance.''
  En Mont Appenin sont monté,
- 1188 Si li ont lor songe conté.
  El lor dist l'exposicion:
  Par ceste fiere avision
  Velt manifester nostre Sires
- 1192 La diversitez des empires
  Du monde et les mutacions
  De toutes generacions.
  Li premiers solaus signifie
- 1196 Gent simple et sage et apaisie, Qui droit et loiauté fera Et les povres confortera. Li secons solaus ensement:
- 1200 Uns pueples iert qui saintement Vivra sor terre, sans malice, S'amera Dieu et son service

<sup>1178.</sup> C plus tost que porent.

Fera de bone volenté,

- 1204 S'amera pais et loiauté.

  Li tiers solaus si nous enseigne
  C'une gent iert fiere et grifaigne,
  Qui moult fera de malz en terre.
- 1208 Li uns vers l'autre mouvra guerre. En Rome avra mainte bataille. Li quars solaus note, sans faille, C'une desloiaus gens sera,
- 1212 Qui droit et voir devoiera Et les mençonges acroistra. Lores en icel temps nestra Dou lignage ebrieu une fame
- 1216 Religieuse et sainte dame. Vierge vivra toute sa vie, S'avra espous. Cele iert Marie, Qui par divine anoncion,
- 1220 Sans home et sans corrupcion De sa virginité saintisme Concevra le fil Dieu meïsme. Thesucris avra ses filz non,
- 1224 Si sera vrais diex et vrais hom. La loy juïve acomplira Et la soë y ajoustera. Rois iert em pardurableté.
- 1228 Le jor de sa nativité
  Seront à destre et à senestre
  Li principal de l'ost celestre
  Esjoïssans de sa nessance,
- 1232 Et chanteront en audiance: "Jhesu, gloire au Pere des cieulz, Pais et concorde en terre à ceulz Qui sont de bone volenté.
- 1236 Nous te loöns de la bonté, Quant il le plaist, qu'à home faces. Nous t'aourons et rendons graces, Qui pour home iez homs devenus
- 1240 Et dou ciel en terre venus."

  Sor lui vendra une vois clere,
  Qui dira de par Dieu le Pere:
  "Cil est mes filz et mes amez.

<sup>1215.</sup> A ebrec.

<sup>1234.</sup> A en cieulz.

<sup>1237.</sup> A qu'il te plaist.

<sup>1239.</sup> C quant.

- 1244 De ce qu'il dira le creez."

  A ces paroles que disoit
  Sebyle, qui prophetisoit,
  Avoit Juïs, qui l'escoutoient
- 1248 Et moult grant desdaing en avoient.
  "Ceste dame, font il, est fole.
  Trop est horrible teulz parole.
  Taise soi. Tout est controuvaille.
- 1252 Quanqu'ele dist n'est riens, sans faille."

  Cele dist: "Ja ne m'en tairai,

  Mes tout le voir vous retrairai

  Ensi come il ira sans doute,
- 1256 Mes bien sai: vous n'i vees goute, Si ne poez croire en celui Cui vostre hoir feront maint anui." "Ja, se Dieu plaist, ne le croirons,
- 1260 Mes la sainte loi garderons
  Que Diex a nos peres donee.
  Cele n'iert ja par lui faussee,
  Quar onques Diex ne se desdist."
- 1264 Sebile lor respont et dist:
  "Diex est vrais et je vos di voir.
  Il convendra par estouvoir
  Que Diex envoit son fil en terre
- 1268 Pour son pueple sauver et querre.
  Cil sera samblable à son pere,
  Et sa fille sera sa mere.
  Li roi contre lui s'esmouvront
- 1272 Qui ocirre le cuideront. En celui temps que je vous nome Cesar Augustus, rois de Rome, Sozmetra à lui tout le monde
- 1276 Tant come il dure à la reonde. Emprez s'assambleront li prestre, Li pharisien et li mestre Qui la loy juïve tendront,
- 1280 Contre Jhesu, si le prendront Par traïson et par envie, Pour ce qu'il reprendra lor vie Et verité preechera
- 1284 Et miracles apèrs fera. Quanqu'il dira tendront à truffes,

<sup>1258.</sup> A Qui; C Cui.

<sup>1274.</sup> C Sera Augustus.

<sup>1275.</sup> A Sormetra; C Qui mettra soubz lui.

Si li donront et cops et buffes Et li cracheront ou visage.

- 1288 Li Juïf felon, plain de rage, Qui Jhesu ne porront amer, Poison de vin aigre et d'amer Li donront à boivre en sa soi.
- 1292 Ne ja ne trouveront en soi Orgueil, desdaing ne sorcuidance, Ains prendra tout en pasciance Quanque li felon li feront.
- 1296 Emprez le crucefieront
  A clous, et par folz jugement
  Le feront morir à torment,
  Mes petit lor profitera,
- 1300 Qu'au tiers jor resuscitera
  Dou sepulcre où il sera mis,
  Et aparra a ses amis,
  Et sera o eulz assejour
- 1304 Jusqu'au quarantiesme jor, Qu'il montera aus cieulz à destre Dieu le pere, en gloire celestre. Là iert ses regnes pardurables.
- 1308 Li quins solaus espoëntables
  La quinte gent nous signifie,
  Plaine de toute felonie.
  Lors li desciple et li eslit
- Par le monde vont preechant
  Et les pecheors peeschant.
  La loy nouvele exauceront,
- 1316 Et le pueple convertiront
  A la creance de baptoisme,
  Qui ert d'oile, d'iaue et de croisme.
  Li sistes solaus veult à dire
- 1320 L'occision et le martire
  Qui avendra sor les Romains,
  Trois ans et sis mois tout le mains
  Durera la bataille à Rome.
- 1324 Et des mors y avra grant some. Li septiesmes solaus enseigne Que la gent iert fiere et grifaigne.

<sup>1292.</sup> Soi = "lui" = "Jésus".

<sup>1304.</sup> A Et jusqu'au quarantisme ior.

<sup>1323.</sup> C Durra moult grant.

<sup>1326.</sup> A grefaigne; C grevaigne.

Plaine de rage et de desroi.

- 1328 Adonques regneront dui roi,
  Qui à juïve nacion
  Feront grant persecucion
  Pour Jhesucrist, qu'il avront mort:
- 1332 Chierement comperront sa mort!
  Li witiesmes solaus sera
  L'uitiesme gent qui regnera.
  Lors sera Rome desertee
- 1336 Et desconfite et degastee.

  Les femes grosses hulleront.

  Plaines de grant dolour diront:

  "Hé, Diex, coment enfanterons
- 1340 Ne coment nous delivrerons?"
  Li noeviesmes solaus divers
  Nous moustre le pueple parvers
  Qui lores est à avenir,
- 1344 Ains que li mons doie fenir.

  Lors sordront li prince de Rome
  En destruiement de maint home,
  Et lors vendront dui roi de Sire
- 1348 Moustrer à maintes gens lor ire. Lor olz ne porra l'en esmer Ne plus que le sablon de mer. Par eulz seront suppeditez
- 1352 Romains et prises les citez

  De toute la terre romaine

  D'Ytale jusqu'en Calcedaine.

  De sanc feront grant espandue.
- 1356 Moult sera lor fierté cremue Au mont. Tant come il dureront Les orientaulz destruiront. Empres ces deus s'eslevera
- 1360 Uns rois qui trente ans regnera, Fiers et puissans et duis de guerre Et loiaus justiciers en terre. La loy de Dieu acomplira
- 1364 Et son temple edefiera.

  Preus sera et de grant renom:

  Constentins avra li rois nom.

  Uns autres rois puis lui sera,

1368 Qui petit de temps durera:

<sup>1329.</sup> C judee nacion.

<sup>1330.</sup> C, qui abrège assez souvent le texte, saute, à partir d'ici, 1758 vers, ne reprenant le récit qu'après le vers 3089, qui a la même rime que le vers 1330.

Cil sera par bataille occis. Empres regnera cil et cis, Et puis le tiers, et puis le quart,

- 1372 Et puis le quint, se Diex me gart. Cil quins sera moult viguereus, Moult preuz et moult chevalereuz. De ce quint nestra li sisiemes.
- 1376 Et de ce siste li septiesmes.
  Cil avra par grant seignorie
  Dis et neuf rois en sa baillie.
  Emprez vendra uns rois en France,
- 1380 Fors et fiers et de grant poissance. Aus povres gens vaudra droit faire, S'avra pur cuer et debonaire. Poi fera riens qui Dieu desplace.
- 1384 Tant sera plains de bone grace Que par là où il passera Eaue ne li contrestera, Et les arbres li clineront
- 1388 Et reverence li feront.

  Avant lui n'empres n'avra home
  Son per en l'empire de Rome.
  Uns autres rois empres vendra,
- 1392 Qui le roiaume maintendra.
  Emprez doit uns autres venir
  Et le roiaume maintenir,
  Et de celui nestra uns rois
- 1396 Preudoms et sages et cortois, Bateillereus et duis de guerre. Moult ira par mer et par terre. Poi doutera ses anemis
- 1400 Et morra fors de son païs
  Et Dieu à sa part le prendra.
  Uns autres rois empres vendra,
  Qui moult sera poissans sor terre.
- 1404 Bataillereus et duis de guerre.
  Puis vendra uns rois fors et fiers,
  Bons et loiaulz et droituriers,
  Et puis uns autres trespoissans.
- 1408 Sous lui seront batailles grans.
  Entre la gent sarrasinoise
  Et crestiens et gent grejoise
  Fera moult grant occision.

- 1412 En Dieu sera s'entencion.
  Sis ans seulement regnera.
  Sa feme, qui fole sera,
  Concevra d'un autre un fel roi,
- 1416 Sanglant home et plain de desroi, Desloiaulz et sans verité. Cil fera mainte iniquité Et de sanc grant effusion,
- 1420 Si metra à destruction

  Les yglises de son empire.

  En son temps n'avra point de pire.

  Parmi ces autres regions
- 1424 Seront grans tribulacions
  Et batailles et guerres grans.
  Lors esmouvront gans contre gans.
  En son temps sera, cui qu'en groce,
- 1428 Prise Pamphile et Capadoce.
  Pour ce qu'à grant tort sera rois
  Un an regnera plus de trois.
  Uns rois qui empres lui vendra
- 1432 Sire et Pentapole prendra.
  Estrais sera de Lombardie.
  Empres vendra, je n'en dout mie,
  Uns fors rois, qui poissans sera
- 1436 Et les Lombars sormontera.

  Moult regnera petit de temps.

  Empres vendra, si com j'entens,

  Une gent orqueilleuse et fiere,
- 1440 Male et crueulz et pautoniere, Qui le tirant de Bar prendront Et mainte cité preeront. Se vaudront à Rome venir,
- 1444 Nulz nes porra contretenir
  Fors le Dieu des dieux, roi celestre,
  Qui des seignors est sire et mestre.
  Adont vendront cil d'Ermenie
- 1448 Prendre les citez de Persie,
  Mes ja puis ne retorneront
  A ces citez qu'il preeront.
  Cil de Perse vendront contr'eulz,
- 1452 Si feront fossez et terreulz De vers l'oriental partie,

<sup>1432.</sup> Pentapole; il est impossible de préciser laquelle.

<sup>1441. —?—.</sup> 

Puis vendront cil en Romenie Et les Romains sormonteront,

- 1456 Et puis aucun poi pais avront,
  Uns rois de Grece viguereuz,
  Fors et fiers et bateillereus,
  En Ieraple lors entrera
- Et les ydoles destruira
   Cui li paien font sacrifice.
   En Capadoce et en Cylice
   Avra lores si grant famine,
- 1464 Pour langoustes et por vermine Qui gasteront les feins de terre, Qu'il ne savront lor vie où querre, Et ja puis cele pestilence
- Ne sera mes telz, sans doutence.
  Uns autres rois puis regnera.
  Bateillereus et fors sera.
  Envie en avront si voisin
- 1472 Et si parent et si cousin.
  En telz jors traïront li frere
  Li uns l'autre, et li filz le pere;
  Li freres corrompra la suer.
- 1476 Trop seront les gens de faulz cuer Et maintes cruautez feront.
  Li viel home desfloreront,
  Et li prestre, par lor faveles,
- Les meschines et les puceles.
   Li evesque seront piour,
   Plain de triche et mal feseor.
   Li temple Dieu et ses amis
- 1484 Seront à pollucion mis.

  Lors sera grant effusion

  De sanc, et fornicacion

  Regnera au monde et ordure
- 1488 Et vilz pechiés contre nature.

  Honte ert de veoir lor vilté
  Et lor vilaine iniquité.
  Les gens seront plain de rapine,
- 1492 D'orgueil, d'envie et d'ataïne. Droiture harront et loiauté, S'ameront toute fausseté. Li juge romain fausseront

<sup>1459.</sup> Ieraple?

<sup>1463.</sup> A lors issi.

- 1496 Et pour argent mesjugeront.

  Lors seront les gens plain d'injure,
  Larron convoiteus et parjure,
  S'ameront dons de fausseté.
- 1500 Loi fausseront et verité.

  Mainte ille et mainte region
  Periront per submercion.
  La terre par leus tramblera.
- 1504 Pestilence de gens sera.

  La terre iert trop desconfortee

  Et par les enemis gastee,

  Ne ja les gens confort n'avront
- 1508 Par les folz diex où il creront.

  Uns rois empres ce regnera

  Deus ans, qui grans guerres fera,

  Puis doit uns autres rois venir.
- 1512 Qui le roiaume doit tenir.

  En chetivoison metra Rome.

  Moult avra en lui leal home.

  Droit fera faire aus povres gens.
- 1516 En bon pooir vivra mains ans. Empres doit uns autres regner Et le roiaume governer, Et puis uns qui Lombars sera
- 1520 Et jusqu'à cent ans regnera.
  Empres vendra uns rois de France.
  Lors sera si grant habondance
  De barat et de tricherie,
- 1524 De traïson et de boisdie, Que dès que li mondes fu fais N'avront esté tant de malz fais. En ices jors seront, sans faille,
- 1528 Mainte guerre et mainte bataille
  Et mainte tribulacion
  Et de sanc grant effusion.
  Lors convendra que terre tramble.
- 1532 Citez et regions ensamble
  Seront en grant chetivoison,
  Quar Diex, por lor grant mesproison
  Et pour les pechiez de lor cors
- 1536 Ne lor vaudra faire secors,
  Quar il sera iriez au monde
  Si souffrira qu'en les confonde.
  A grant glaive et à grant occise
- 1540 Iert la citez de Rome prise

En la main de ce mauvès roi. Les gens seront plain de desroi, Convoiteus, fel et rapineus,

- 1544 Tirant et mal et haïneus.
  Les loiaus povres greveront
  Et les mauvès exauceront.
  De desloiauté seront plain,
- 1548 Si seignoriront tout de plain, Ne nulz ne lor contrestera Pour le mal qui en eulz sera, Et trop seront plain de malice,
- 1552 De convoitise et d'avarice. Empres vendra de Crete un rois. Sire de Rome et des Grejois. Cil sera de bele stature,
- 1556 De cler vis, de gente faiture.
  Cil regnera cent et douze ans.
  Si sera apelez Constans.
  Lors seront les gens riche et comble.
- 1560 La terre donra fruit à comble, Si que d'un denier seulement Avra l'en un mui de froment, Un mui de blé, un mui de vin,
- 1564 Pour autant je le vers devin.
  Cil rois l'Escripture lira
  Voiant ses iex, si li dira:
  Li rois des Romains doit conquerre
- 1568 Et convertir toute la terre,
  Si emprendra grant hardement
  Et metra à destruiement
  Sarrasinoime et gastera
- 1572 Et les ydoles destruira;
  Les paiens fera baptoier
  Et Jhesucrist par tout proier.
  Lors iert par tous temples dresciee
- 1576 La sainte crois et exauciee.

  Lors vendront li Egipcian

  Et li pueple Ethiopian

  Pour Dieu servir et honorer,
- 1580 Et qui ne vaudra aorer La crois où Jhesus sera mort, Il iert mis à glaive et à mort. Quant li cent et douze ans seront

<sup>1557.</sup> A deus; cf. pourtant le vers 1583.

- 1584 Acompli, lors se torneront Juïf à la loy Jhesucrist. Lors avoireront li escript Disans que Juda saulz sera
- 1588 Et Israël habitera
  Fiablement en bone pais.
  Li remanans, qui ert estrais
  D'Israël, sera lores saus.
- 1592 En celui temps vendra li faulz, Li princes de maleürté Et li mestres de fausseté De la lignie dont sera:
- 1596 C'iert Antecris, qui regnera.
  Cil iert filz de perdicion,
  Princes de persecucion,
  Chiez d'orgueil, mestres de folie,
- 1600 Plentez de malice et d'envie. Le monde ira parvertissant Et par signes esbahissant. Monstres et simulacions
- 1604 Fera par toutes regions.
   Il fera maint decevement
   Par l'art de son enchantement.
   Aus gens fera croire et entendre
- Qu'il puet dou ciel con feus descendre,
   Si samblera qu'il die voir.
   Ensi les fera decevoir.
   Dieu li poissans, plains de bonté,
- 1612 Verra la male volenté
  Qu'il avra dou pueple trichier,
  Si fera ses jors abregier
  C'uns de ses ans ne durera
- Ne plus c'uns autres mois sera, Ne ses mois ne seront mais jor, Ne semaines le lonc d'un jor, Et ses jors ressambleront hores.
- 1620 Devers aquilone istra lores
  Uns pueples plains de grant vilté,
  Plains d'ordure et d'iniquité,
  Homes vilz et felons et gos:
- 1624 Ce sont les gens Gos et Magos,Qu'enclost le fort roi Alixandre.Toute terre vaudront porprendre.

<sup>1623.</sup> Gos = synonyme de: gou = "épithète de mépris", d'après Godefroy, IV, 316.

- Vint et deus rois seront par conte,
- 1628 Mes dou pueple y avra tel monte Que nulz ne les porra esmer Ne plus que les goutes de mer. Quant li rois romains l'orra dire,
- 1632 Assambler fera son empire
  S'ira les gaignons envahir.
  Assaudra les par tel aïr
  Que les fera tous metre à mort.
- 1636 Quant il seront tuit pris et mort, En Jherusalem s'en ira, Où sa dyademe laira. Le ceptre et tout l'abit roial
- 1640 Lera li bers au cuer loial:
  De son regne se demetra
  Et les crestiens lessera
  En la Dieu garde et en ses mains.
- 1644 Lors faudra l'empire aus Romains. Là s'aparra sans couverture Antecris, qui desconfiture Fera dou pueple Jhesucrist.
- 1648 Lors sera le siege Antecrist
  Ou Dieu temple, en Jherusalem,
  Et pour Dieu l'aourera l'em
  Celui qui des mauvès iert pires!
- 1652 Lors envoiera nostre Sires
  Deus prodomes preëcheors,
  Pour convertir les pecheors
  Et pour noncier l'avenement
- 1656 De Jhesucrist secondement:
  Cil seront Henoc et Helies.
  Antecris lor taudra les vies
  Pour ce qu'aourer nel vaudront.
- 1660 Li prodome pour Dieu morront, Mes petit li profitera, Quar Dieux les resuscitera Au tiers jor et fera revivre,
- 1664 Si preëcheront à delivre
  Ausi bien empres com devant.
  En ce temps sera par convant
  Au monde persecucions,
- 1668 Angoisse et tribulacionsSi grans, que jusqu'à celui tens

<sup>1650.</sup> I'em = I'en = I'on. Cf. le vers 4203.

N'avra esté, si com j'entens, Tele, ne ja mais ne sera.

- 1672 Nostre Sires abregera
  Les jors dou felon plain de triche
  Pour ses eslis, qu'il ne les triche,
  Quar par sa male decevance
- 1676 Metroit tout home en mescreance Li felons, se longues vivet. Jhesucris ou Mont Olivet Michiel l'archangle trametra,
- 1680 Qui le felon à mort metra. Ensi Sebile desclooit A tout le pueple qui l'ooit Le sens et l'exposicion
- 1684 Dou songe et de l'avision Que li Romain veü avoient, Si dist quelz signes apparoient Ains que li mons deüst fenir
- 1688 Et Diex au jugement venir —
  "Signe dou Jugement: la terre suera;
  Dou ciel vendra li rois qui tous temps regnera
  En char presentement, et le mont jugera,
- 1692 Et selonc lor merites bons et mals paiera.
  Li bon et li mauvès verront Dieu charnelment
  En la fin de cest siecle o ses sains hautement.
  Les ames o les cors seront au Jugement.
- Li mons sera desers et sans cultivement.
  Lors n'avront les gens cure d'idoles ne d'avoir.
  Il convendra la terre et ciel et mer ardoir.
  De ses repostes oeuvres dira chascuns le voir
- 1700 Et les secrez des cuers fera Diex assavoir. Li cors saint entreront en joie esperitable, Et li mauvès ardront en flame pardurable. Claqueteïs de deus et ploreïs sera.
- 1704 Les estoiles charront, li solaus troublera. Li cieulz sera resoulz, la lune obscurcira. Lors besseront li tertre et li val leveront;
- 1708 Li champs et les montagnes et la mer egueront. La terre perira; toutes riens cesseront.

<sup>1677.</sup> Vivet = vivoit. La graphie s'explique par le mot avec lequel la forme rime: ..Olivet".

<sup>1703.</sup> Ms. Quaqueteys.

<sup>1706.</sup> A li terre. Après 1706, un vers en blanc.

Li flueve et les fontaines par le feu brulleront. L'en orra les abismes soner horriblement

- 1712 Pour denoncier au monde angoisse et grief tourment.

  La terre sera plaine de cros et de fendaces,

  Si porra l'en veoir enfer par les crevaces.

  Quant li roi terrien devant Dieu s'apparont,
- 1716 Feu de sauffre et senglente pluie dou ciel cherront." —
  Tandis com Sibile contoit
  A Aeneas, qui l'escoutoit,
  Ce que li estoit à venir,
- Tant entendirent au venir
   Que d'enfer vint en Euboïce.
   Là fist Eneas sacrifice
   Aux diex qui l'orent garenti.
- 1724 De Sebile atant se parti, Si se remist en son voiage. Sa norrice a sor le rivage Taijgete morte enterree:
- 1728 Une tumbe a sor lui posee, Et sor cele tumbe ot escript Tel epitaphe et tel escript: "Un filz, que j'avoie alaitié,
- 1732 Plains de cogneüe pitié,
  Dou feu greiois m'ot respassee:
  Or m'a ci arse et embrasee
  Dou feu dont ardoir me devoit."
- 1736 C'est l'epitaphe qu'il avoit
  Sor la tumbe Taijgeta,
  Qui le preuz Ence alaita.

   Li filz qui a par amistié
- 1740 Manifestee sa pitié,
  Dou feu de torment et de paine,
  Qui les chetis en enfer paine,
  Soustrait sa mere et sa nourrice.
- 1744 C'est la gent simple et sans malice

<sup>1717.</sup> Ici recommence le manuscrit B.

<sup>1718.</sup> A A manque.

<sup>1720.</sup> A a venir; B au venir.

<sup>1721. &</sup>quot;Sedibus Euboicam Stygiis emergit in urbem" (*Mét.*, XIV, 155); A Que d'enfer vindrent en Boyce. B Que manque.

<sup>1727.</sup> Mss. Taygete; cf. le vers 1737. Il s'agit de Caieta, aujourd'hui Gaëta. Le nom n'est pas dans Ovide,.

<sup>1729,</sup> suiv. L'auteur a déplacé ce détail: l'épitaphe de la nourrice ne se trouve dans Ovide qu'aux vers 443, 44.

<sup>1739-1750.</sup> manquent dans B.

Qui la volenté Dieu fesoit, Qui plus que mere li plaisoit, Si come il meïsmes recorde.

1748 Li filz plains de misericorde Ses amis art par verité Dou feu de fine charité. — Tant come Eneas s'arresta

1752 Pour enterrer Taijgeta
Qui son nom mist à la contree
Et fu Taijgeta nomee
Dou nom que la norrice avoit,

1756 A celui temps qu'ele vivoit, Machareüs vint au rivage, Uns compains Ulyxes le sage. Maintes paines et maint anui

1760 Avoit souffert ovuecques lui Par la marine et là et ça, Si com li vens les dechaça, Mes pour les perilz eschiver

1764 Estoit là venus ariver
Le sage Ulixes, l'esprouvé. .
Achaimenidem a trouvé,
Compaing jadis et de mesnie

1768 Duc Ulixes de Dulichie, Mes Ulixes le rot lessié Par mescheance et sans congié, Et puis qu'Ulixes li failli

1772 Eneas l'avoit recueilli
Si li avoit fait puis mains biens
Et honour come à l'un des siens.
Moult en a grant merveille eü

1776 Machareüs, qui l'a veü.

Cuidoit que mort l'eüst pieça
Poliphemus, qui les chaça.

Demanda lui: "Qui t'a là mis,

1780 Achemenides, biaux amis?
Je cuidai que fusses peris.
Coment es tu de mort gueris?
Com porte troyane nez

1784 Home qui de Grece soit nez? En quel terre volez vous tendre?"

<sup>1757. &</sup>quot;Neritius Macareus, comes experientis Ulixei" (Mét., XIV, 159).

<sup>1764.</sup> A Lessons Ulixes.

<sup>1765.</sup> A Achymoniden; B Achimenide.

Achemenides sans atendre A sa demande li respont.

- 1788 Le voloir de son cuer espont.

  Lors ot le cors apert et cointe.

  Lors n'estoit pas sa robe pointe
  D'espinetes ne d'aiguillons.
- 1792 Lors n'estoit pas ses chaperons Ne sa robe de fueilles vers, Dont il soloit estre couvers Quant il estoit en la montaigne.
- 1796 "Diex m'envoit, dist il, grant vergoigne Et grant mescheance dou cors, Si que revenir puisse encors Es mains dou fel Poliphemi,
- 1800 Se plus ne tieng à mon ami
  Enee et plus l'aim que mon pere.
  Il m'a plus, par l'ame ma mere,
  De cortoisie et de bien fais
- D'ome dou monde. Ses biens fais
  Ne porroie oublier ja mes.
  Li siens m'est tant privez et mes
  Qu'onques li Ulixes ne fu.
- 1808 Il ne me fait de riens refu
  Que je vueille dou sien avoir:
  Sa nef, ses dras et son avoir
  Et ses viandes m'abandone
- Autant come aus siens, et me done Quanqu'il m'estuet, et doné m'a. Onques Ulixes ne m'ama Autant come il fet, ce m'est vis.
- Par lui sui orendroites vis.
  Par lui sui je gueris de mort:
  Poliphemus m'eüst or mort
  En la montaigne et devoré
- 1820 Là où j'ai lonc temps demoré, Puis que vous partistes de moi Si me lessastes plains d'esmoi,

<sup>1790. ,......</sup> jam non hirsutus amictu, jam suus et spinis conserto tegmine nullis, fatur Achaemenides" (*Mét.*, XIV, 165).

<sup>1791.</sup> A augerons; B auguerons.

<sup>1799.</sup> A Au mains.

<sup>1803. &</sup>quot;fais" = participe de faire: "fait". C'est pourquoi j'ai changé "biens" en "bien". Cela n'est peut-être pas nécessaire, mais la construction de la phrase en devient plus claire. B donne "faiz". Dans le vers suivant, "biens fais" représente une seule expression.

<sup>1805.</sup> B mais. "Mes" = "à moi", "mien".

- Quant Ulixes ot desjuglé
- 1824 Poliphemon et avuglé,
  Lors qu'il li embla en dormant
  Son oeil, dont il se deult formant
  Et dont il a au cuer grant rage.
- 1828 Quant je me vi loing dou rivage Et vous estre en la nef sans moi, Tel duel, tel ire et tel crieme oi Que bien cuidai vis enragier.
- 1832 Je ne poi apres vous nagier. Crier cuidai, mais je n'osoie, Quar le dyable tant cremoie Que, s'il m'oïst ne me seüst,
- 1836 Maintenant devoré m'eüst.
  Ulixes, pour ses compaignons
  Haster, cria, mes li gaignons
  L'aperçut et poi s'en failli
- 1840 Que tuit ne fustes malbailli
  Et par pou qu'il ne vous tua,
  Quar deus grans roches vous rua.
  Avoir vous dut acraventez,
- 1844 Et moult estoie espoëntez
  Qu'en jetant ne vous occeïst
  D'aucune roiche, ou qu'il feïst,
  En lançant, les flos soronder
- 1848 Et vostre navie affonder
  En mer, ains qu'encore estoie
  En la nef por cui tant doutoie.
  Quant vous li fustes eschapez
- 1852 Et loing dou rivage esquipez,
  Plains de dolour et plains d'engaigne
  Aloit bruiant par la montaigne
  Là où sa rage l'aveoit,
- 1856 Com cil qui goute n'i veoit, Et si coroit il toute voie Et temptoit à ses mains la voie. Acopoit ore à une roche
- 1860 Ore à un rain où il s'acroiche, Et tendoit sa sanglente brace

<sup>1830.</sup> B craime.

<sup>1835.</sup> A ne ne seüst.

<sup>1849.</sup> A Et m'iere; encor; B Et m'iert. Le verbe "être" ne donnerait aucun sens ici.

<sup>1854.</sup> A brullant.

<sup>1855.</sup> B lairoit.

<sup>1861.</sup> A brache.

Vers mer, et maldit et manace Tous les Grejois, si dist et jure 1864 Que, s'il par aucune aventure Treuve Ulixes en son dangier

Ne les siens, bien cuide vengier L'ire et le duel de son corage,

1868 Et pou prisera le damage De son oeil, dont l'a desjuglé Ulixes, qui l'a avuglé. "Ha, dist il, s'il puet avenir

1872 Que je les puisse aus poins tenir, Les cuers des ventres lor trerai Et tous vis les desmembrerai, Si pestrai d'eulz ma gloute pance,

1876 Et lor sanc bevrai sans doutance!"
Teulz paroles ou les vaillant
Disoit. J'aloie tressaillant
De la grant horrour que j'avoie,

1880 Qui son horrible voult veoie
Tout taint et tout ensanglenté
D'umain sanc, dont il à plenté
S'iere peüz: bien i paroit,

1884 Quar par la barbe li coroit
Li sans des mors qu'avoit mengiez
Li vilz dyables enragiez,
Qui peüz s'iert des cors humains.

J'esgardai ses sanglenters mains,
 Taintes d'maine occision,
 Si vi la circuicion
 Dou crot dont la lumière iert traite,

1892 Qu'Ulixes li avoit soustraite.

Avis m'estoit que je veoie

Ma mort presente, et bien cuidoie

Qu'il me deüst prendre et haper

1896 Et que ne peüsse eschaper
Que maintenant ne m'acorast
Ou que vif ne me devorast
Cil qui mains devorez en ot,

1900 Et sans doute il me souvenot Dou temps dolereus et doutable Que le fel moustre espoëntable, Li maulz jaians, li glous gaignons

1904 Ot devoré mes compaignons.

<sup>1883.</sup> B Si ere preuz.

Veü li oi trois fois ou quatre Mes compaignons par terre abatre Et metre eulz à perdicion,

- 1908 Et comme un forsené lyon
  Suçoit la molle et roonjoit
  Les olz et les chars en menjoit
  Si boutoit en sa gloute pance.
- 1912 J'oi grant paour et grant doutance Si trambloie et plains de dolour Perdi le sanc et la coulour. Je vi qu'il maschoit laidement
- 1916 Et vomissoit sanglentement
  A grans pieces et à gros mors
  Les membres des cors qu'il ot mors,
  Et bien cuidoie sans faillir
- 1920 Qu'ensi me deüst malbaillir,
   Si fui lonc temps à tel destresce,
   A tele angoisse, à tel tristresce,
   A tel paour, et tous trambloie,
- 1924 Quar nul resonement ooie
  D'oisiel ou de beste ou de fust,
  De vent ou de quel que ce fust,
  Si me faisoit espaourir,
- 1928 Et tousjours quidoie morir, Et mors vausisse estre, à voir dire, Pour estre fors de ce martire. Quant rage de faim me venoit,
- 1932 Qui durement me sorprenoit, Si me traïnoie par terre Pour ma dolente vie querre, Si menjoie glans ou faïnes,
- 1936 Herbes ou fueilles ou racines, Quar ne trouvoie autre vitaille. Ensi fui longuement, sans faille, Seulz, sans aïde et sans amis,
- 1940 A mort et à paine ademis, Si n'avoie confort ne joie Ne nulle aïde n'esperoie De nul home qui fust en vie.
- 1944 Lonc temps puis vi ceste navie

<sup>1909.</sup> B et menioit.

<sup>1910.</sup> B La char et le sanc en buvoit.

<sup>1926.</sup> B quoi que.

Loing dou desert par mer nagent, Plaine de troïene gent. Je lor cenai qu'il m'atendissent

- 1948 Et qu'ovuec eulz me recueillissent, S'alai corant vers le rivage. Eneas au hardi corage Me reçut en sa compaignie.
- Encor sui je de sa mesnie.
  Qui bien i vaudra garde prendre
  Par Machareüs puet entendre
  Les eslis du pueple Israël,
- 1956 Qui ami furent et feel
  Desciple et compaignon jadis
  Au sage Roi de paradis,
  A la divine sapience,
- 1960 Au fil Dieu, qui à sa creence Les atraist et par sa navie Les fist venir de mort à vie Et conduist à port saluable
- 1964 Par ceste mer trouble et mouvable,
   C'est à dire par mi cest monde,
   Où dampnable amertume habonde.
   Achimenides signifie
- 1968 Cele gent et cele mesnie Qui, par errour de non sachance, Remest à dampnable ignorance Entre les roiches de durté
- 1972 Et de froide maleurté, Aus desers de mescreantise, Souz la main et sous la joustise Dou dyable em peril de mort,
- 1976 Et bien valoient pis que mort, Qu'il languissoient à meschié, En mescreance de pechié, Sans trouver vie ne pasture
- 1980 Spirituele en l'Escripture, Mes où pour texte s'estudient Se traïnoient et mendient Seches raisons qu'il i prenoient,
- 1984 Dont lor fole errour soustenoient,
  De bien povre et de grace nu,
  A tel dejection venu,
  A tel meschief, à tel viltence,
- 1988 Que lor lasse de conscience

D'espines iere et d'aiguillons Cousue, et de brocerons, C'est de remors, qui les poignoient

1992 Et lor las cuers aguillonnoient, Et bien veoient lor meschié, Lor ignorance et lor pechié, Et volentiers, se il osaissent,

1996 Se repentissent et jetaissent
Fors dou peril où il estoient,
Mes pour non sachance doutoient
Qu'en mains de l'enemi cheïssent,

2000 Se de lor mescreance ississent
Por venir à la cognoissance
De la crestiene creance.
Et nepourquant à la parfin

2004 Tant soupploieront de cuer fin.
O plours et o gemissement,
O souspirs, o repentement
A Dieu, le douz, le piteable,

2008 Qu'il les traist des mains au dyable Et ramena de mort à vie, Si les reçut en sa mesnie, C'est en la foi de sainte Iglise,

2012 A son homage, à son servise.

Par le fel jaiant de put'aire,

Le desloial de mal affaire,

Qui les gens ocist et acore,

2016 Le sanc boit et la char devore, Et tout a le sens esperdu
Por son seul oeil qu'il a perdu
Par l'engin Ulixes le sage,

Qui en dormant l'en fist damage,
Puet signifier le dyable,
La male beste espoëntable,
Le fel moustre de pute orine,

2024 Que la sapience divine, Qui vint en ceste mortel vie Ou vessiau de charnel navie, Par la sainte mort que souffri

<sup>1989.</sup> A d'anguerons: B manque, puisque c'est une allégorie.

<sup>1990.</sup> A ces de brocerons. "broche" = "arme pointue, aiguillon".

<sup>1991.</sup> A Et.

<sup>2008.</sup> A Qui les.

<sup>2021. &</sup>quot;Puet signifier", etc.: cette construction demande un sujet au nominatif; l'auteur a oublié qu'il a commencé la phrase par "Par" (au vers 2013).

- 2028 Li filz Dieu, qui por nous s'offri A mortel paine recevoir, Deçut; celui qui decevoir Soloit toute humaine nature
- 2032 Et tout metre à desconfiture,
   Celui qui tout tue et acore,
   Le cors destruit, l'ame devore
   De ceulz qui chieent en sa trape.
- 2036 Nulz pechierres ne li eschape Qu'il puisse prendre ne haper, Se Diex ne l'en done eschaper. Cil fel moustres de pute orine
- 2040 Soloit jadis estre en saisine
  De tout ocirre et acorer,
  De toutes ames devorer.
  Un seul oeil avoit, c'est à dire
- 2044 Une seignorie, un empire
  Sor tout le monde où il regnoit,
  Et sor tous homes forsenoit
  Et seignoressoit à son vueil,
- 2048 Sans excepter joenne ne vueil, Bon ne mauvès, foible ne fort, Mes li sages de grant confort, Le filz Dieu, par sa sapience
- 2052 Et par sa devine poissence Le despoulla de l'avantage Qu'il avoit sor l'umain lignage, Si li soustraist sa seignorie
- 2056 Et traist à la soë partie,
  Dont cil est plains d'ire et de rage,
  Et forsene ores et enrage
  Li orgueilleus plains de bouffoi
- 2060 Contre la crestienne foi, Et l'assault par temptacions Et par griez persecucions, Si qu'à petit qu'il ne l'affonde
- 2064 Aus fluctueus perilz dou monde, Ou qu'il ne la trebusche ou font D'enfer et d'abisme parfont, Mes Diex la sauve toute voie,
- 2068 Qui les siens conduit et avoie Et trait à saluable vie Par l'aïde de sa navie Et les delivre de contraire
- 2072 Er des mains dou mal adversaire,

Et li sathans est desjuglez, Qui come orbes et avuglez Hurte et cope et vait tastonant

2076 Et les desers avironant,
Pour savoir s'il treuve et atrape
Nulle ame qu'il devore et hape,
Et souvent se hurte et acroiche

2080 A fort arbre et à dure roiche, C'est aus sains, qui sont fort et ferme, Que la divine amours conferme, Et out fichié la racine

2084 De lor cuers en l'amour divine.

Teulz gens vait trompant li diables,
Li traïtres, li decevables,
Si les essaie et hurte et boute

2088 Come avugles qui ne voit goute, Et molt seroit liez et joiaus Li traïtres, li souduiaus, Se nul en pooit soulacier,

2092 Ne decevoir, ne acrochier, Ne metre en sa subjection Par mauvese temptacion, Mes petit prisent sa fallace

2096 Cil qui sont ferme en la Dieu grace, Et bien le sevent contrester: Ja tant nes savra molester Que force ait sor eulz, sans mentir,

2100 S'il ne se vuelent concentir.

— Achemenides a retraites

Les angoisses qu'il avoit traites

En la montaigne et ou desert

Où Ulixes l'avoit desert.

Quant il ot son conte à chief mis,
Si dist à l'autre: "Biaux amis,
Or t'ai dit de mes aventures,

2108 Qui moult furent aspres et dures, Si te pri que tu m'acertaines De tes travaulz et de tes paines, Et coment yous vous contenistes

2112 Puis que de moi vous departistes Et fouïstes par mer nagent,

<sup>2082.</sup> A Qui. Ou bien "conferme" est une négligence pour "conferment", ou bien l'auteur a oublié au vers 2083 que la phrase précedente (le vers 2082) ne commençait pas par un nominatif. J'ai préféré la seconde possibilité, en changeant "qui" en "que".

Tu et Ulixes et sa gent''. Lors a Machareüs retraites

- 2115 Les grans paines qu'il orent traites, Si dist: "En la toscane mer Regne Eolus, qu'en seult nomer Filz Ypoti. C'est cil qui regne
- 2120 Sor les vens. Quant en celui regne Fumes venu par mer à nage, Ulixes, qui le cuer ot sage Et plain de grant advertissance,
- 2124 Enferma par sa sapiance
  Les vens, qui lonc temps nous avoient
  Desvoiez et trop nous grevoient,
  Pour ce que des or en avant
- 2128 Ne nous peüst force de vant Faire anui ne destorbement, Qu'Ulixes moult subtivement En cuir de buef cousi forment.
- 2132 Ensi passames le torment
  Des vens, qui destorbez nous orent,
  Si qu'onc puis grever ne nous porent,
  Ains najames liez et seür
- 2136 Neuf jors entiers, à bon eur, Et prez d'ariver estion En la terre où nous alion, Si veions la terre bien près,
- 2140 Tant qu'au disieme jor après
  Aucun de nostre compagnie,
  Par convoitise et par envie
  D'enrichir et d'acquerre avoir,
- 2144 Vaudrent encerchier et savoir Qu'il ot ou cuir de buef enclos C'Ulixes avoit si bien clos, Et cuidierent c'or y eüst,
- 2148 Qui trop enrichir les deüst.
  Par l'ardour de lor convoitise,
  Qui à mal faire les atise,
  Ont le cuir ouvert et desclos,
- 2152 Et quant li vent furent desclos, Qu'il porent issir à bandon,

<sup>2117. &</sup>quot;Aeolon ille refert Tusco regnare profundo, Aeolon Hippotaden....." (Mėt., XIV, 223).

<sup>2130.</sup> A Qu' manque.

<sup>2139.</sup> A voians.

<sup>2141.</sup> A C'aucun; B Que aucuns.

Si venterent de tel randon Que la nef ont retraite arriere,

- 2156 Aulz perilz dont eschapee iere, Si l'ont remise, et nous o li, Aus crueulz destrois d'Eoli. Puis venismes par le regon
- 2160 Des vens à Lame Lestrigon, C'est vers une gaste cité, Qui fu de vielle antiquité. Antiphates li desfrenez
- 2164 Estoit princes de ces regnez. Je fui là tramis pour enquerre Se nous porrions par sa terre Passer em pais et sauvement,
- 2168 Sans mal et sans encombrement.
  O deus compaignons que j'avoie
  Tant seulement me mis en voie
  Si venimes devant le roi,
- 2172 Le fel tirant plain de desroi, Si feïsmes nostre message Au tirant plain de male rage, Mes onc eschaper n'en deüsmes:
- 2176 Poi s'en failli que mort ne fusmes. Je et uns autres tant corismes, Que par tost courre nous garismes, Si venismes à sauveté
- 2180 Par nostre bone isneleté; Li tiers fu pris et mis à mort: Antiphates le menga mort Si en reput sa gloute pance,
- 2184 Puis assambla sans demorance
  Sa gent et sa male mesnie.
  Corant vindrent vers la navie.
  Grans fusts et grans trons nous lançoient
- 2188 Et grans roiches nous balançoient.
  Pluiseurs de nos naves plongerent
  Et pluiseurs de nos gens noierent:
  Toutes nos nez furent plongies

<sup>2159,</sup> suiv.: "Inde Lami veterem Laestrygonis' inquit 'in urbem Venimus: Antiphates terra regnabat in illa." (*Mét.*, XIV, 233, 34).

<sup>2159.</sup> regon = "region".

<sup>2160.</sup> A lanne; B la mer.

<sup>2161.</sup> gast = "vaste, grand".

<sup>2177.</sup> A corusmes.

<sup>2178.</sup> B corre.

- 2192 Et toutes nos gens damagies,
  C'onc n'en eschapa nulz en vie
  De toute nostre compaignie
  Fors que nous. A moult poi de gent
- 2196 Eschapasmes par mer nagent,
  A quel que mal, a quel que paine,
  De cele terre là loingtaine
  En la nef où Ulixes iere,
- 2200 Moult angoisseuz de grant maniere Et dolens de nos compaignons Qu'ocis avoient les gaignons. Loing de ci pues l'ille esgarder.
- De cele te dois tu garder
  Que ja de plus près ne la voies:
  Se tu me crois, tien autres voies!"
  En Toscane et en Lombardie,
- 2208 Ou roiaume de Romenie Et sor tout le siecle ensement, Regnoit habandoneement Li rois des vens, c'est li deables,
- Quant Jhesus, rois esperitables,
   Où toute sapience habonde,
   Vint par son plesir en ce monde
   Ou vessiau de charnel navie,
- 2216 Pour traire à saluable vie Ceulz qui en parfondeur de vices S'ierent embatus come nices. C'est cil qui les vens de pechié,
- 2220 Dont tuit estoient entechié
  Et qui ventoient de randon
  Par tout le monde à lor bandon
  Et toutes ames forsyojoient
- 2224 Et en parfont enfer traioient, Enferma merveilleusement Et soustraist embriveusement. C'est cil qui, pour aneantir
- 2228 Tout pechié, lessa, sans mentir, Sa char tendre en crois et fichier Et son propre cors claufichier. Ce fu li doux bues sans malice,
- 2232 Qui fu menez au sacrifice

<sup>2206.</sup> Ce discours continue au vers 2355.

<sup>2226. &</sup>quot;Soustraire embriveusement" doit signifier ici: "dompter énergiquement". On pourrait lire: "sousmit", ou: "sousprist". Dans le manuscrit il y a: "soustrait embreveusement"; cf. 2254 et 2285.

- Et qui se volt à mort livrer, Pour sainte Yglise delivrer Des tourmentes et des perilz
- Dont tous li mondes iert perilz.
   Cil lessa sa sainte char pendre,
   Son cuir coudre en crois et estendre
   Pour les morteulz vens enfermer.
- C'est cil, bien le puis affermer,
   Qui nos pechiez enchartrena
   Et qui sainte Yglise assena
   A nagier par la mer dou monde,
- 2244 Qui perilleuse est et parfonde, Paisiblement et asseür, Sans doute de mauveseür. Neuf cents ans enterinement
- 2248 Naga bien et segurement,
  A grant leesce, à grant deport
  Sainte Yglise et veoit le port
  De salu, mes des lors en ça
- 2252 La grant tormente commença, Et li vent sont issu de cage. Qui par lor embriveuse rage Ont nostre nave destornee
- 2256 De droite voie et retornee
  Au peril dont Diex l'ot fors mise.
  Et qui fet ce? La convoitise
  De ceulz qui conduire la doivent,
- Qui la traïssent et deçoivent
   Pour or et argent amasser
   Et pour richesces entasser.
   En cest or toute est lor beance.
- Lor amour et lor esperance.
   Ceste ardour qui trop les atise
   Fausse or la foi de sainte Yglise.
   Or est derroute la cousture
- Qui les vens tenoit en closture,
   Et li vent corent de randon
   Par tout le monde à lor bandon:
   Vent d'orgueil, vent de vaine gloire,
- Dont tuit sont plain clerc et prevoire,
   D'envie, d'ire et de malice,
   Vent de haïne et d'avarice,
   Vent de fraude, vent de peresce,

<sup>2263.</sup> Ms.: est manque.

- Vent de rancune et de tristesce, Vent de glotonie et d'ordure Et de deshoneste luxure. Cil vent tempestent nostre nave
- 2280 Tant qu'à la cité gaste et have, Plaine de vielle antiquité Et d'ancienne iniquité, C'est l'ame vilz et deffoulee,
- De tous biens gaste et dessolee,
   Vont tous nos mestres abrivez,
   Et tuit sont ores arivez
   Au port de l'ame dessolee,
- Qui dou diable est deffolee,
  Qui seignorist en ce desert,
  C'est en ame et en cors desert,
  De bien vuide et de vice plain.
- 2292 Quar dyables a tout de plain La seignorie et la saisine De ceulz qui à cele gastine Et à tel desert sont venu.
- 2296 Tuit sont or pris et retenu Li ministre de sainte Yglise, Par lor mauvese convoitise. Aus las que li deables tent,
- 2300 Et tant les vait or tempestent Que l'un ocist et l'autre acore, L'un menjue, l'autre devore En ame spirituelment,
- 2304 Et tous les fet parfondement Plongier, par ses temptacions, Aus flos de dissolucions, Où tuit sont ore auques perilz.
- 2308 Poi sont or qui de ces perilz
  Puissent eschaper sain et saul,
  Se ne sont gent de grant consaul,
  Qui par fouïr isnelement
- 2312 Puissent venir à sauvement. Bien fuit qui les temptacions Et les males subjections Dou dyable plain de fallace,
- 2316 Qui les folz concope et enlace

<sup>2285.</sup> abrivé = "ardent, impatient".

<sup>2303.</sup> Ms.: spiritelment.

<sup>2313.</sup> Ms.: Bien fuit par.

Et les met à perdicion Aus flos de dissolucion, Eschive pourvoiablement,

- 2320 Et qui fuit ententivement,
  Par bone entencion, le cours,
  A Jhesucrist querre secours,
  Qu'aillours ne croi je qu'en le truisse,
- N'il n'est homs qui sauver se puisse
  N'issir fors des perilz dou monde,
  Que li deables ne l'affonde,
  Fors seulement par la navie
- 2328 Qui maine à saluable vie,
  Par cele où Diex est proprement,
  C'est par garder devotement
  Les articles de vraie foi,
- 2332 Sans tricherie et sans bouffoi, Et par vivre en humble abstinence, En aspresce de penitence: Ensi et non mie autrement
- 2336 Puet l'en venir à sauvement.
  Poi de gent sont, se Diex me voie,
  Qui tiengnent ores ceste voie,
  Et qui la tient, au dire voir,
- 2340 Au cuer puet grant angoisse avoir,
  Grant duel et grant compassion,
  Quant à tele perdicion
  Voit tous ses compaignons perir,
- 2344 Qui lui font force d'eulz guerir, Mes chascuns se plunge et affonde Aus morteulz flotement dou monde, Si com dejables les entice
- 2348 Par divers assaulz de malice, Et se nulz, sans estre perilz, Puet eschaper de ces perilz Et venir en l'estat de grace,
- 2352 Gart soi que des or mes ne face Chose par quoi tant li meschiee Qu'ou las dou dyable rechiee. — "Ensi Eneas, biaus amis,

<sup>2320.</sup> Et [celui-là fuit bien: cf. 2313], qui.....

<sup>2321.</sup> le cours = "rapidement; en toute hâte".

<sup>2355.</sup> Ce vers continue, sans aucune transition, le discours interrompu, au vers 2206, par l'allégorie.

<sup>2355. &</sup>quot;Nate dea, (neque enim finito Marte vocandus hostis es, Aenea) moneo: fuge litora Circes!" (*Mét.*, XIV, 246, 47).

- 2356 Quar tu n'ez plus nostre anemis, Puis que la bataille est finee De Troie et la guerre achievee, Garde toi, si feras que sage,
- 2360 D'entrer ou circien rivage
  Quar trop y usmes de perilz.
  Par poi n'i fusmes tuit perilz!
  Quant nostre nef fu arivee
- 2364 A ce port et bien aancree,
  Ulixes requist qui iroit
  A Circes, et qui li diroit
  De par lui qu'em pais et sans guerre
- 2368 Le lessast passer par sa terre.
  Il nous souvint des deus messages
  Où tant eüsmes de damages
  Et de paours et de perilz,
- 2372 Où tant des nos furent perilz: Chiez le jaiant premierement Et chiez l'Estrugon ensement, Si n'i ot nul qui s'otroiast,
- 2376 Com bien c'Ulixes l'em proiast,
  Qu'il vausist cest message emprendre.
  Pour la paour de pis atendre
  En voloient tuit ressortir,
- 2380 Si nous convint aus los sortir Qui cest message acompliroit, Et cil que la sors esliroit Acordé fu qu'il i iroient,
- 2384 Que contredire nel porroient.
  Par sort convint que g'i alaisse
  Et vingt et un o moi menasse,
  Qui par sort furent esleü.
- 2388 Tuit ensamble somes meü,
  Si nous meïmes à la voie
  Là où Ulixes nous envoie.
  Quant pres de la vile venismes,
- 2392 Hours et lyons et leus veïsmes, Une trop grant infinité, Qui venoient par la cité Et nous issoient à l'encontre.

<sup>2356.</sup> A m'es.

<sup>2365.</sup> A qu'il iroit.

<sup>2366.</sup> A et qu'il.

<sup>2372.</sup> B de nous.

<sup>2383, 84.</sup> *B* iroit: porroit.

- 2396 Trop redoutames tel encontre
  Et cuidasmes qu'il ne venissent
  Fors pour ce que mal nous feïssent.
  Lor encontre nous desplesoit,
- 2400 Mes nulz à douter ne fesoit.

  Nulz n'avoit talent ne corage

  De nous faire mal ne damage,

  Ains nous vindrent acouragant,
- 2404 Faisant feste et acompaignant, Jusqu'a tant que venues furent Les puceles, qui nous reçurent Et nous menerent en la sale,
- Qui n'estoit obscure ne sale,
   Mes bele, riche et bien aperte,
   De fin marbre toute couverte.
   A la dame fusmes conduit.
- 2412 Cele sist en un bel reduit Sor une chaière hautement, Si fu vestue noblement De robe riche et bien ouvree,
- 2416 Qui toute estoit a or broudee. Entour lui sont ses damoiseles, Ses chamberieres, ses puceles, Qui ne font nulle oeuvre vilaine
- De filer ne de charpir laine,
   Ains servirent d'eslire flours
   Et herbes de maintes colours,
   Si metent chascunes à part,
- 2424 Si com l'espiece les depart, En divers paniers qu'elle avoient, Ne d'autre ouvrage ne servoient. Ce lor faisoit la dame faire,
- Qui d'autre oeuvre n'avoit que faire.
   C'estoit lor travaulz et lor cure.
   Cyrcé la force et la nature
   Des flours et des herbes savoit,
- 2432 Et quel pooir chascune avoit
  Par soi seule ou composte ensamble
  Avuec autres, et les assamble,
  S'en fait diverses mixcions
- 2436 A pois et par proporcions.

<sup>2403.</sup> A acoaignant; B acoraguant.

<sup>2416.</sup> B bordee: "insuper aurato circumvelatur amictu" (vers 263).

<sup>2424.</sup> B l'esploite.

<sup>2436.</sup> a pois = "équitablement, dans la juste mesure".

Nous saluasmes la deesse, La desloiaulz, la treïtresse, Si feïsmes nostre message.

- 2440 Elle nous fist moult bon usage
  Et salua nous ensement
  Moult bel et moult cortoisement,
  Si nous ora bone aventure.
- 2444 Tantost fist faire une mixture
  De vin, de lait et de quaillie,
  De miel et d'orge greïllie,
  Et fist meller en ce douz boivre
- 2448 Poison fort, puis nous bailla boivre
  La poison, qui tel force avoit
  Que nulz homs morteulz n'en bevoit
  Que truie ou pors ne devenist.
- 2452 Qui cuidast que nous avenist Tel mescheance, tel hontage! Nous receüsmes le bevrage Que la mauvese nous tendoit,
- Quar nulz de nous n'i entendoit
   Qu'il l'en deüst mal avenir.
   Tantost come el nous vit venir
   Le perilleus boivre à la bouche,
- D'une verge aus chevolz nous touche,
  Et maintenant, sans delaier,
  Ja pour honte n'en quier noier,
  Li poilz me prist à hericier
- 2464 A redir et à redrecier,
  Si l'oi tel com pors sieult avoir
  Je n'oi ne force ne savoir
  De parler, mes, quant je cuidoie,
- 2468 A maniere de porc grondoie.

  Vers terre encliner me convint,

  Et mes vis groing de porc devint.

  J'oi le col plus gros et plus double,
- 2472 Plain de ruès et de redouble.

  La bouche dont beü avoie
  Partoie em bas, temptant la voie:
  Je devins pors, et pors devindrent
- 2476 Li compaignon qui o moi vindrent,

<sup>2445.</sup> B caillie.

<sup>2452.</sup> B qu'il.

<sup>2462.</sup> B nier.

<sup>2463.</sup> A poulz, B Le poil.

<sup>2472. = &</sup>quot;plain de trous et de plis".

Par la force de la mecine Que doné nous ot la roïne, Si nous fist lors tous entecier

- 2480 Fors un seul, qui se sot guetier
  C'onc ne volt gouster dou bevrage:
  Ce fu Eurilocus le sage.
  Cil ne perdi pas sa figure,
- 2484 Ains s'en ala grant aleure
  Pour Ulixes acertener
  Com il ot veu demener
  Ses compaignons honteusement,
- 2488 Et bien sachiez certainement:
  S'il eüst gousté du bevrage
  Ja n'en eüst mieudre avantage,
  Ains fust aussi pors devenus,
- 2492 Ne ja par lui ne fust venus
  Ulixes à nostre vengance
  Ne pour nous traire à delivrance.
  Quant Ulixes sot l'aventure,
- 2496 Moult li desplot à desmesure.

  Aus celestiaulz se conseille

  De cest art, de ceste merveille,

  Come il en puisse à chief venir.
- 2500 Une blanche flour à tenir
  Li dona le dieux de loquence,
  Qui moult aïde et moult avence
  Celui qui ovuec soi la porte.
- O cele flour entre en la porte
  Ulixes de la treïtresse,
  Et quant le vit l'enchanteresse.
  Qui tous nous avoit enchantez,
- 2508 Cuida que tost fust enchantez, Si li presenta le bevrage La desloiaulz au faulz corage, Dont le cuida metre à meschief,
- 2512 Et le voult ferir par le chief,

<sup>2482—2489</sup> manquent dans A: le copiste a été trompé par le fait que les vers 2481 et 2489 se terminent par le même mot.

<sup>2482.</sup> Eurilocus = "Eurylochus" (vers 287).

<sup>2500. &</sup>quot;Pacifer huic dederat florem Cyllenius album" (*Mét.*, XIV, 291). Cyllenius = Mercurius, qui est appelé pacifer: "weil er als Götterherold und Meister der Sprache [facunde nepos Atlantis, Horat. c. 1, 10, 1] die Streitigkeiten beilegt" (note de l'édition Korn des *Métamorphoses*). Il est "pacis et armorum superis imisque deorum arbiter" (*Fasti*, V, 665).

<sup>2508.</sup> B encentes.

Mes Ulixes, qui sages fu, Li mist son bevrage en refu Et l'a loing dessus soi boutee,

- 2516 Si mist lors la main à l'espee, Si la paumoie fierement, Et moult manace durement Cyrcé, qui despoullié l'avoit
- De sa gent. Quant Cyrcé le voit,
  Si se prist à espaourir
  Et grant paour ot de morir.
  Merci li requiert et demande
- 2524 Par tel convent qu'ele li rande Ses compaignons et ses amis Qu'ele avoit en sa chartre mis. Plevi li a cele et juré
- 2528 Et par fiance asseüré,
  Si se donne à lui ligement
  Par mariage et charnelment,
  Et cil demande à la deesse
- 2532 Son convenant et sa promesse.

  De sa gent qu'el li soit rendue.

  Mandé fusmes sans atendue

  A plain pour avoir guerison,
- 2536 Si fusmes d'un autre poison, Meillour et plus sain, arrousez Et fusmes ferus et boutez Au chié de la verge reverse,
- 2540 Si dist l'en sor nous la converse
  Dou charme que dit nous avoit
  Cele, qui trop d'engin savoit.
  Quant plus Cyrcé nous descharmoigne,
- 2544 Et plus chascuns de nous s'esloigne De terre, et plus nous redreçons, Et tant plus nous desheriçons, Et les soies nous vont cheant
- Des cors, si tornent à neant.
  Li piez, qui en deus fendus iere,
  Revint en sa forme premiere.
  Nos bras revindrent et nos mains,

<sup>2516.</sup> B pamoie.

<sup>2519.</sup> B despoillie.

<sup>2538.</sup> A boussez; B vouses.

<sup>2539.</sup> revers = "à l'envers".

<sup>2540.</sup> la converse = ,,le contraire".

<sup>2547. &</sup>quot;saetaeque cadunt".

2552 Si devindrent nos cors humains. Ulixes ploroit de pitié, Qui vers nous ot grant amistié, Et nous plorions ensement,

2556 Si l'enclinasmes humblement Et ne nous poiains saouler

Dou duc de bon'aire acoler. Au plus tost que parler poïsmes

2560 Le premier mot que nous deïsmes Le merciasmes des biens fais Et des honors qu'il nous ot fais. — Or vous dirai de la deesse

2564 Cyrcé, la male enchanteresse, Et de ceulz qui se decevoient Quant sa douce poison bevoient. Cyrcé puet noter la roïne,

2568 L'orde pute de male orine, Mere d'abhomination, Dont Sains Jehans fet mencion Ou livre de l'Apocalipse.

2572 C'est l'orde, maleoite lisse Qui o soi fait avoultroier Les rois de terre et forsvoier Dou droit chemin de verité.

2576 C'est cele qui de vanité Et de sa prostitucion Et d'orde abhominacion Et dou delit de son putage

2580 Fait la poison et le bevrage Dont les princes dou monde enyvre. Cil qui de ce boivre sont yvre Sont tuit enchantez et sorpris

2584 Et de si male rage espris Qu'en eulz n'a raison ne maniere. Cele est en la haute chaiere Qui de nons de blassesme est plaine.

Cele qui d'escarlate en graine Se vest et de pourpre doree, Si est de gemmes aornee, Cele tient le doré calipse,

Qu'ele offre aus folz par grant malisse, 2592

<sup>2557.</sup> B poions.

<sup>2572.</sup> lisse = lice = "femme méprisable"; (littéralement: "chienne"). C'est la femme de l'Apocalypse de Saint Jean, XVII.

<sup>2578.</sup> Ms.: Qui.

Plain d'orde abhominacion Et de vilz fornicacion, Où li dolereus se delitent.

- 2596 C'est cele en cui maison habitent Lyon d'orgueil, leus de rapine Et fels hours d'ire et de haïne, Pors de glotonie et d'ordure
- 2600 Et oisiaux vilz de cunchiüre, Qui de son bevrage ont beü, Dont il sont yvre et embeü. C'est la gloute qui s'enyvroit
- 2604 Dou sanc des sains qu'ele livroit A mort. C'est fausse Ydolatrie, Qui sor tous avoit la mestrie Et seignorioit ses desrois
- 2608 Sor dus, sor princes et sor rois,
  Qui glout et ort et vilz estoient
  Plus que pors, ne point n'entendoient
  De saluable delivrance,
- Jusque devine sapiance,
  Jhesucris, vint dou ciel en terre
  Pour les siens delivrer et querre:
  C'est cil qui amiablement,
- Par mariage et charnelment,
   Prist et espousa Gentillise,
   Dont il prist char, et sainte Yglise
   En fonda il d'une partie
- 2620 Qui à sa foi fu convertie, Et encores au chief dou temps Atraira il, si com j'entens, Le remanant de Gentillise,
- 2624 Et toute ert une sainte Yglise, Une creance et une fois Et un seul paistre à cele fois. C'est cil qui les siens delivra
- 2628 Et les yvres desenyvra,
  Que Gentillise ot deceüz
  Et enchantez et embeüz
  De la poison de mescreance
- 2632 Et dou vin de fausse ignorance, Et ceulz qui devant sa venue Vivoient come beste mue Ort et vilz plus que porc en toit.

<sup>2626.</sup> paistre = pastre.

- 2636 En abevrant les enchantoit
  Aus doulz boivre de sa doctrine,
  Et à verge de discipline,
  Dont il les feroit par le chief,
- Les traioit fors de tout meschief.
   Ha, Diex, com de teulz pors sont hores,
   Ors et vilz, plus qu'au temps de lores:
   Pors plains d'ordure et de vilté,
- 2644 Porc glout et plain d'enfermeté, Pors qui n'ont ailleurs les beances Fors en farsir lor gloutes pances, Pors que l'aise dou monde absorbe,
- 2648 Pors qui se soullent en la borbe, Ou puant fanc et en l'ordure De gloutonie et de luxure. Ce sont li porc fel et engrès
- 2652 Que dyables tient à engrès, Si les cuide, se Diex n'en pense, Macecrer et metre en despense En enfer, où brullé seront,
- Quant de cest siecle passeront,
   S'ains ne vienent à repentance,
   Se la verge de penitance
   Au devin plaisir ne les touche,
- 2660 Et s'il ne refrenent lor bouche Et lor cors des mondains delis Qu'il ont à lor partie eslis, Et si come il metent lor cure
- En lecherie et en ordure
   Et en farsir les gloutes pances,
   Qu'ensi vueillent par abstinences,
   Par amertume et par apresce,
- 2668 Par penitence et par destresce Lor grasse char amaigroier, Pour eulz purgier et netoier De l'ordure et de la vilté,
- De toute superfluité.
  Ensi poroient, c'est la somme,
  Li pors glout devenir saint home.
  Un an fusmes là de sejour
- 2676 C'onc n'en partismes nuit ne jor,
  Se ne fu pour aler esbatre.
  Chamberieres ot leans quatre,
  Qui moult de choses me moustrerent
- 2680 Et maintes choses me conterent.

L'une plus especiaument Me revela secretement Maintes merveilles et mains fais

2684 Que Cyrcé sa dame avoit fais.
Tandis com Cyrcé se jouoit
O mon duc, qui la dosnoioit,
Me moustra secreement cele

2688 Une ymage d'un roi tres bele,
Qui de marbre entaillie estoit,
Ou temple, et sor son chief portoit
Un pi vert, et toute ert porprise

2692 De corones de mainte guise.

Je demandai qui cis rois iere

Qui le pi porte en tel maniere

Sor son chief, et par quel raison

2696 Il iere en la sainte maison Aorez, et qui mis l'i ot, Et que li pis signifiot. "Ce que tu demandes orras,

2700 Dist la chamberiere, et porras, Se tu veulz, à mon conte entendre Le pooir de ma dame aprendre. Pycus à la chiere hardie

Fu jadis rois en Lombardie.
 Moult fu poissans et viguereus.
 Moult fu preus et chevalereus,
 Si pues veoir par ceste ymage

2708 La grant biauté de son visage, Quar teulz fu sa voire figure Com tu vois ci la pourtraiture. Biaux fu, mes plus hardis assez.

2712 N'ot pas plus de vingt ans passez, Ne ne veïs onques, sans faille, En la troyene bataille Grejois qui fust de son aage

2716 Tant esprouvé de vasselage. Maintes dames le convoitierent Et maintes puceles l'amerent, Nimphes de bois et de riviere,

2720 Mes il les mest toutes arriere Pour l'amour d'une, où il ot mis

<sup>2690. ,.....</sup> gerens in vertice picum" (Mét., XIV, 314).

<sup>2703, 4. &</sup>quot;Picus in Ausoniis, proles Saturnia, terris, rex fuit, utilium bello studiosus equorum" (*Mét.*, XIV, 320, 21). Picus était fils de Saturne, époux de Canens, père de Faunus.

Tout son cuer com loiaulz amis, Qui de Mont Palatin fu nee,

- 2724 Bele et gente et bien renomee, Fille Venelie et Janus, Qui de tous homes n'ama nus Ne ne volt metre son corage
- 2728 Par amours ne par mariage
  En nul home qui fust en vie,
  Com bien qu'elle en eüst envie,
  Fors en Pycus, roy de Laurente,
- Qui ravoit mis en li s'entente.
  Cil estoit ses loiaulz amis.
  L'un ot son cuer en l'autre mis.
  Trop s'entramerent cil et cele.
- 2736 Cil estoit biaux et cele bele,
  Sor toutes autres graciouse:
  S'amie iere et sa lige espouse.
  Trop bele chanteresse estoit,
- 2740 Et pour ce que si bien chantoit Canens, c'est "chantant", l'apeloient Tuit cil qui bien la cognoissoient. Tant chantoit bien, à dire voir,
- 2744 Que son chant soloit esmouvoir Bois et roiches et les corages Des crueuses bestes sauvages Et les rivieres detenir.
- 2748 Par son chant soloit retenir
  Les oisiaux qui par l'air voloient,
  Qui à son doulz chant s'amusoient.
  Tandis com la bele s'entent
- 2752 Aus bestes atraire, en chantant Aus bois, aus iaues, aus oisiaus, Chacier ala li damosiaus Aus senglers ou bois de Laurente,
- 2756 Si fu vestus par grant entente D'un mantiau de porpre orfroisié,

<sup>2723. &</sup>quot;..... spretis omnibus unam ille colit nymphen, quam quondam in colle Palati dicitur ancipiti peperisse Venilia Jano" (Mét., XIV, 332—35).

<sup>2741.</sup> Guillaume de Machaut, en s'inspirant de notre texte pour son récit de l'histoire de la "fille Venelie et Janus", a lu "caneüs", et a cru qu'il s'agissait d'un mot grec; cf. pour ce détail, l'*Introduction* à notre premier volume, p. 30.

<sup>2745. &</sup>quot;silvas et saxa movere, et mulcere feras et flumina longa morari" (Mét., XIV, 338, 39).

<sup>2748. &</sup>quot;volucresque vagas retinere" (vers 340).

Si sist sor un cheval proisié, Fort et aigre, et deus dars tenoit.

- Cyrcé, qui souvent i venoit
   Cueillir flours por faire charois,
   Fu là venue à cele fois
   Flours cueillir de mainte maniere.
- 2764 D'un jardinet où reposte iere
  Vit Pycum, et quant el l'avise
  Tant l'a rage d'amours esprise
  Que de soi maniere ne sot.
- 2768 Les flours pert que cueillies ot, Come esbahie et trespensee. Empres, quant se fu porpensee, Si cuida dire son plesir
- 2772 Au roi, mes elle n'ot lesir, Quar la compaignie et la torbe Des sergans le roi la destourbe Et li chevaux plains de desroi,
- 2776 Qui trop tost emporte le roi. Lors dist Cyrcé: "Se tu coroies Plus que vens, ou se tu voloies Plus qu'oisiaus, s'onques riens apris,
- 2780 Si te rendrai je mat et pris,
  Se sens et engins ne me fault
  Et se mecine d'erbes vault,
  Mes ne cuit pas que sens me faille,
- 2784 Et croi que force d'erbes vaille".

  Lors fist par son enchantement
  Apparoir l'ombre seulement
  D'un sengler, qui devant le roi
- Court, ce li samble, à grant desroi,
  Si se boute, sans nul arrest,
  Ou plus parfont de la forest,
  Où nulz ne puet cheval empaindre.
- 2792 Li rois, por la fausse ombre ataindre Dou porc qu'il cuide avoir veü, Descent à terre et l'a seü Par l'espesse forest à pié,
- 2796 Si vait brandissant son espié.

<sup>2758.</sup> B Qui estoit richement ouvré.

<sup>2759. &</sup>quot;tergumque praemebat acris equi" (vers 344).

<sup>2761.</sup> charoi = "charme, sortilège". A chartois, B charrois.

<sup>2767. &</sup>quot;obstipuit" (vers 350).

<sup>2777.</sup> Se = "quand même".

<sup>2794.</sup> Seü = "suivi".

Cyrcé fet invocacions, Charmes et conjuracions, Com cele qui trop en savoit.

- 2800 Un en fist dont souvent avoit Tolue au soleil sa clarté Et mis la lune en obscurté, Si fist par son enchantement
- 2804 L'air obscurcir, et droitement
  Sambla que de la terre issist
  Niële, qui tout obscursist.
  Li compaignon, qui riens ne virent,
- 2808 La trace dou seignour perdirent Si ne sorent quel part ala. Vaguerent l'un ça, l'autre là, Come ignorans et forsvoiables,
- 2812 Pour lui querre en leus desvoiables.

  Quant vit le roi l'enchanteresse

  Tout seul en la forest espesse,

  Et vit qu'ele ot temps et lesir
- 2816 De dire li tout son plesir,
  A lui vient, si li fait priere
  Et l'araisone en tel maniere:
  "Jovenciaulz biaux et agreables,
- 2820 Li plus biaux, li plus amiables, Li plus plesans qui soit au monde, Amis, où toute grace habonde, Par les biaux iex de ton cler vis,
- 2824 Qui les miens ont pris, ce m'est vis, Par la biauté de ton visage, Qui m'a mis ou cuer l'ardant rage Qui si m'angoisse et si m'asproie
- 2828 Qu'il convient que d'amours te proie, Je te pri par fine amistié Que tu aies de moi pitié, Si me pren à per et à fame.
- 2832 Je sui roïne et haute dame, Si sui fille au dieu dou soloil, Qui tout esgarde o son sol oil. Ne despi mie ma priere
- 2836 Pour ce se je te pri premiere."

<sup>2802.</sup> A mist.

<sup>2809.</sup> B Et vaguerent.

<sup>2810.</sup> A Vaguent. "Comites vagantur" (vers 370, 71).

<sup>2813.</sup> C'est l'enchanteresse qui vit le roi.

Pycus respont: "Ja Dieu ne place Que je tel desloiauté face Vers cele qui mon cuer tient pris.

- 2840 Se tu iez dame de grant pris
  Et se tu iez poissant et sage
  Et estraite de hault parage,
  De ce me chault il or petit.
- 2844 J'ai mis aillors mon appetit.
  En une autre ai m'entente mise,
  Assez sage, assez bien aprise,
  Qui mon cuer tient en son dangier,
- 2848 Si ne la quier pour toi changier
  Tant com Diex la tendra en vie.
  Je n'ai ne je ja n'aie envie
  D'enfraindre por autrui delit
- 2852 La loy dou mariable lit."

  Cyrcé pluiseurs fois le reprie,

  Mes pour riens nulle qu'el li die

  Ne puet son corage esmouvoir
- 2856 A ce que s'amour puisse avoir.

  Quant voit que certes la desprise,
  Si fu d'ire et de rage esprise.

  Onc riens plus dolente ne fu.
- 2860 Si dist: "Mar m'as mise en refu, Quar cest despit et cest dangier Quit je trop asprement vengier, Si te moustrerai que puet faire
- 2864 Feme qui d'amours a contraire, Ne ja mais cele que tant aimes Et la cui amour tu reclaimes Ne te ravra mon escient!''
- 2868 Lors se torna vers orient

  Deus fois, et vers soleil couchant
  Autres deus, si li vait touchant
  Par le chief trois fois d'un baston.
- 2872 Si dist trois charmes à bas ton.
  Cil fuit, mes plus ilnelement
  Court qu'il ne sieult, et durement
  Se merveille dont tant se voit
- 2876 Isnaul et mouvable. Il avoit Noves plumes, qui le mouvoient Par le bois et tost l'emportoient.

<sup>2849: &</sup>quot;Nec Venere externa [l'amour d'une autre femme] socialia foedera laedam"; (Mét., XIV, 380).

- Grant duel en a li damoisiaus

  2880 Quant il voit qu'il est fais oisiaus.

  Au bec, qu'il ot dur et perçant,

  Fiert ces gros fustz et vait perçant,

  Come iriez et plains de dolour.
- 2884 Sa plume fu d'autel colour Com sieult estre sa vesteüre: La frange, l'or et la çainture De porpre qui ainçois estoit
- 2888 Ou mantiaul que li rois vestoit,
  Devint plume ausi coloree.
  Sa teste ot par dessus doree.
  Riens qu'il eüst premierement
- 2892 Ne li remest, fors seulement
  Le nom qu'il avoit eü lores:
  "Pic" ot nom et pics est encores.
  Li compaignon par tout coroient.
- 2896 Lor mestre et lor seignor queroient.
   Par tout vindrent, par tout alerent.
   Trop le quistrent, trop l'apelerent,
   Mes onc n'en porent tant rover
- 2900 Qu'il le peüssent point trover. En la fin ont Cyrcé trouvee, Qui fu sole en cele fondree Où fet ot la maleürté,
- 2904 Quar faillie estoit l'oscurté, Et la niele qu'ele avoit faite Par vent et par soleil retraite. Cil qui lor seignor perdu orent,
- 2908 Quant sole l'ont trouvee, il sorent Et penserent certainement Qu'ele par son enchantement Les eüst despoulliez dou roi.
- 2912 Contre li corent à desroi Si li demandent lor seignor, Ou grant honte et grant deshonor Li feront, se tost ne lor rent.
- 2916 Celle ot doute, si fet errent Ses charmes et ses sorceries Plaines de grans dyableries, Si les arouse de mecines
- 2920 Et de jons d'erbe et de racines,

<sup>2886.</sup> B La fraigne et lor et la vesteure.

<sup>2887.</sup> B que ainçois. A De la porpre qui ains.

Qui trop les envenime et nuit, Si prie les diex de la nuit Et ceulz d'enfer et ceulz d'abisme,

2924 Si reclaime Echaten meïsme,
La deesse d'enchantement.
Lor fist là par son hullement
Un grant bois croistre et assambler,

2928 Si fist toute terre trambler
Et gesmir, et toute empali
De paour l'arbre jouste li,
Si fist par son enchantement

2932 Plouvoir sanc moult espessement, Et les pierres es crues sonerent Qui roeuz muïssemens donerent, Et de toutes pars aparoient

2936 Enragié chien qui abaioient, Et de tres noires serpentines Et de venimeuses vermines Fu plaine couverte et pueplee

2940 La terre et toute la contree, Et les ames des mors voloient. Les compaignon, qui ce veoient, Orent grant doute et grant freor,

2944 Et tuit tramblerent de paor
Et s'esbahirent durement,
Et par cel esbahissement
Perdent la science et le sen,

2948 Et tuit furent plain de forsen. Cyrcé les envenime et touche Et par les chiez et par la bouche O sa verge de venim plaine,

2952 Si lor tolt toute forme humaine, Et lor mua cors et visages En diverses bestes sauvages. Nulz n'a sa premeraine forme

2956 Ains sont moustre let et defforme.

— Or est raisons que je vous die
Que li rois Pycus signifie,
Qui a Canens fu mariez.

<sup>2924: &</sup>quot;Hecaten" (vers 405). A Ethachen; B Echatem.

<sup>2929: &</sup>quot;vicinaque palluit arbor" (vers 407).

<sup>2933: &</sup>quot;Et lapides visi mugites edere raucos" (Mét., XIV, 409).

<sup>2933.</sup> B Et les crueus en pierres. crues = "creux (des roches)"; cf. 3234.

<sup>2934.</sup> A Qui roeuz musemens. B Qui entre eulz grant noise. roeuz = ",rauque". Au vers 3235: ",roouz".

- 2960 Par Pycus est signifiez
  Li prophete, li saint apostre
  Dou Viez Testament, et dou nostre,
  Dont chascuns fist en sa persone
- 2964 Jointure convenable et bone
  D'oneste conversacion
  O sainte predicacion.
  Ces deus choses tant s'entr'amoient,
- 2968 Que bien et bel s'entravenoient, Que l'une l'autre ne lessast Pour nullui, tant les oppressast. La predicacion chantoit,
- 2972 Qui toute gens amonestoit
  De venir à lor sauvement.
  Tant preechoient doucement
  Que les pueples convertissoient
- 2976 Et par les sermons atraioient Ceulz qui les deignoient oïr Au bien faire et au mal foïr, Et tandis come il preechoient,
- 2980 Il meïsmes mortefioient
  En lor cors toute iniquité,
  Toute ordure et toute vilté,
  Si dontoient par penitence
- 2984 La char, et dou frain d'abstinence, De continence et de mesure La refrenoient par grant cure, Et des esperons de traval
- 2988 Contraignoient l'aigre cheval Qu'il ne reputast contre l'ame, Quar là ou la charoigne est dame Et qu'ele vait à son bandon
- 2992 Sans frain, sans regne et sans landon, Elle se desvoie et s'amort De metre l'esperit à mort, Mes qui bien l'asproie et joustise
- 2996 Si en puet traire bon servise. Ce furent li bateilleour, Li roi puissant, li vainqueour, Qui les mondains delis vainquirent

<sup>2968.</sup> S'entravenir = "se bien convenir".

<sup>2976.</sup> Ms.: pour.

<sup>2988.</sup> cf. le vers 2759.

<sup>2995.</sup> Mes qui = "Si l'on".

- 3000 Et pour l'amour de Dieu soffrirent Honte, dolor, paine et destresce, Plus de penitence et d'apresce Que nulz des sains de paradis,
- 3004 Si se parerent, ce m'est vis,

  De mantiaul de porpre sanguine,

  D'amour et de charité fine,

  Dont il orent les cuers espris.
- 3008 Ou, qui veult, par la porpre est pris Li sans que pour Dieu espandirent, Quant passion et mort souffrirent Humblement, sans point de bouffoi,
- 3012 Por le tesmoing de vraie foi.
   Cil portoient glaives doutables,
   Bien agus et bien tresperçables,
   Dont les orgueilleus pors versoient.
- 3016 Ce furent cil qui despisoient
  La gloire et les delis dou monde,
  Où toute vanitez habonde,
  Quar plus sont vain et trespassable
- 3020 Que n'est umbre vaine et fuiable. Ce furent cil qui por proier, Por blandir ne pour asproier Ne vaudrent consentir ne faire
- 3024 Riens qui fust à lor dis contraire,
  Quar par oeuvres acomplissoient
  Tout ce qu'en preechant disoient,
  Dont aucun de celz qui les virent
- 3028 Por lor examplaire guerpirent
  La gloire, l'aise et les delis
  Qu'il avoient au monde eslis.
  La frange et li ors signifie
- 3032 Les oeuvres de lor sainte vie, Dont à lor vivant se parerent, Qui puis la mort lor demorerent. Ce sont cil qui paisiblement
- 3036 Pour Dieu, sans nul grondillement, Souffrirent maintes bateüres, Mains despis et maintes injures Que li fel tirant lor fesoient.
- 3040 Ce sont li oisiau qui voloient En l'air par contemplacion,

Quar toute lor entencion Estoit eslevee de terre,

- 3044 Pour celestial gloire acquerre.
  Ce furent li pic qui pichoient
  Les gros orgueilleus, qu'il batoient
  Au bec de reprehencion
- 3048 Et de droite correction,
  Quar nul home ne deportoient,
  Ne nul, tant fust grans, ne doutoient,
  Ains voloient, sans riens celer,
- 3052 A tous lor defaulz reveler.

  Ce sont cil qui tant de bien firent

  Et si honestement vesquirent,

  Qu'il sont ores à grant honor
- Par les temples nostre Seignor,
  Et qui sont signe et examplaire
  A tout le monde de bien faire.
  Par Pycus puis prendre autrement
- 3060 Le roi qui pardurablement Seignorist en terre et en cieulz, Ce fu li joennes jovencieulz Li plus biaus, li plus amiables,
- 3064 Plus plesans et plus agreables
  Que nulle humaine creature,
  Que Diex oint de la sainte ointure
  De leesce et fist rois des rois,
- 3068 Qui pour abatre les desrois
  Des senglers, qui par grant habonde
  Conversoient par tout le monde,
  C'est des vices et des viltez
- 3072 Et des ordes iniquitez

  De pechié, dont la terre ert plaine,
  Issi de son propre demaine,
  C'est des cieulz, et deigna venir
- 3076 En terre et vrais homs devenir Et affubla la vesteüre Dou mantiaul d'umaine nature, Qui puis fu tainte et pourpuree
- 3080 Et de son saint sanc coloree. C'est cil qui le corant cheval De la char tint cort par traval De penitence et mist sous pié.
- 3084 C'est cil qui porte double espié

<sup>3063.</sup> Ms.: li plus manque.

De sentence double et diverse: Aus bons bone, aus mauvès adverse. C'est cil qui en soi fist jointure

3088 Selonc nostre humaine nature
De sainte predicacion
Et de bone operacion,
Qu'il se prist primes à bien faire,

3092 Et puis à dire et à retraire, Pour ce qu'examplaire preïssent Tuit et toutes et qu'il feïssent Ausi com faire li veoient

3096 Et com preecher li ooient.
Il vint converser en ce monde,
Où toute iniquitez habonde,
Sans ce qu'onques n'ot entechié

3100 Cuer ne cors d'un tout seul pechié.
Onc pechié n'ot, au dire voir.
L'aparance en pot il avoir
Et l'ombre, qu'il fu droitement

3104 Vrais hom et enterinement Prist en soi la fragilité De nostre povre humanité, Fors que tant c'onques ne pecha

3108 N'onques pechié ne l'entecha. C'est cil qui les biens temporeulz Et les delices corporeulz, Qui plus sont vaines et muables,

3112 Plus faintibles, plus tost passables Que n'est flors qui en mai florist, Au soir seche et chiet et perist, Fist à mains metre, à nonchaloir,

3116 Pour Dieu servir à son voloir.

C'est cil qui pour le sauvement
Dou siecle fu vilainement
Livrez à honte et à dolour.

3120 Cil ot taint de rouge colour Teste, costez et piez et poins, Qu'il ot pour nous perciez et poins De la coronne et de la lance

<sup>3090.</sup> Ici le manuscrit C recommence; voir la note au vers 1330.

<sup>3103.</sup> A qui.

<sup>3114.</sup> C pourrist.

<sup>3115, 16</sup> manquent dans C.

<sup>3116.</sup> A Pour lui.

- 3124 Et des clous. C'est cil, sans doutance, Qui les gros arbres entechiez, Les orgueilleus plains de pechiez, Picoit par predicacion,
- 3128 Au bec de reprehencion.

  C'est cil qui par l'air s'en vola

  A Dieu le Pere, où il ala,

  Mes en representacion
- 3132 De sa mort, de sa passion
  Nous remest la forme et l'enseigne
  Dou crucefi, qui nous enseigne
  Come il fu laidement menez,
- Pour nostre amour mors et penez,
  Et encor est en sainte Yglise
  Li sacremens, qui nous avise
  Et remembre come il souffri
- Mortel paine, et come il s'offri
  Au Pere offrande et sacrifice,
  Pour le rendre doulz et propice
  Vers nous, cui la premiere mere
- 3144 L'ot tolu par la pome amere Qu'elle et Adam, come desvé, Mengierent contre le Dieu vé. Par les compaignons qui coroient
- 3148 Sus et jus, et le roi queroient, Que Cyrcé, pour metre à meschiez, Feri par visage et par chiez Si les mua diversement
- Par l'art de son enchantement, Puet l'en entendre et exposer, Qui droitement le velt gloser, Les apostres et les desciples,
- Qui furent mis à griez disciples
  Des folz tirans, plains de desloi,
  Par le tesmoing de nostre loi.
  Autre sentence i puet avoir,
- 3160 Qui bien est acordable à voir. Li sergant qui par tout queroient

<sup>3125, 26.</sup> intervertis dans C.

<sup>3125.</sup> C Et de toute ordure entechies.

<sup>3139.</sup> C souffrist.

<sup>3140.</sup> C come il fist.

<sup>3143-46</sup> manquent dans C.

<sup>3158.</sup> C de vraye foy.

Lor seignor et point n'en trouvoient, Signifient nos prescheors

- 3164 Et nos mestres enseigneors,
  Qui sont ore et qui doivent estre,
  Qui Dieu quierent, le roi celestre,
  Et querront et ses saintes voies,
- 3168 Mes point n'en treuvent toutes voies.
  Cil blasment le monde et reprenent
  Et ceulz qui au monde mesprenent,
  Mes ce sont cil qui plus mesfont.
- 3172 Li mondes les tue et confont, Qui trop les aleche et amuse Et de Dieu les eslonge et ruse, Et les mue diversement
- 3176 Par son dampnable alechement: Li un sont lyon orgueilleus Et li autre leu fameilleus, Qui tout gloutissent et devorent
- 3180 Et les menues gens devorent, Si ne cessent d'eulz estrangler, Et li autre sont porc sangler De luxure et de glotonie,
- Et li autre hours de felonie.

  Ensi se defforment et perdent
  Pour les vices où il s'aherdent,
  Et li temps vient, sans demorance,
- 3188 Que li faulz plains de decevance, La crueuse beste sauvage, Le sathan, plain de male rage, Vendra le monde avironant
- 3192 Et comme lyons roonant,
  Pour querre qu'il devorera,
  Et lores se revelera
  Par tout le monde apertement,
- 3196 Et faussetez comunement Sera aperte et revelee, Qui ore est couverte et celee Aus nublesces d'ipocrisie.
- 3200 Lors sera faussetez prisie
  Plus que n'est or voire simplesce.
  Lors faudra toute la nublesce
  D'ypocrisie et l'occurté,

<sup>3192.</sup> C raonant.

<sup>3197.</sup> C Sera de haulte renommee.

<sup>3201.</sup> C Plus qu'ore n'est vraye simplece.

- 3204 Quar l'ardour de maleürté
  Et vent d'orgueil, qui venteront,
  Toute faintise chaceront,
  Si regnera sans couverture
- 3208 Faussetez et male aventure.
  Li prescheor que devendront?
  Cil qui verité maintendront
  Seront laidi vilainement:
- 3212 Li faulz plain de decevement,
  Antecris, qui seignorira,
  Apertement les honira.
  Tant savra d'art de nigremance,
- 3216 Tant sera plains de decevance, Que dyable le serviront, Qui prestement acompliront Quanqu'il lor deignera requerre.
- 3220 Tant fera de merveille en terre Que tuit à bien pres le creront Cil qui ces merveilles verront. Il porra faire apertement
- 3224 Croistre aus plains champs communement Grans bois, et la terre gesmir, Et toute trambler et fremir. Lors sera pale et entreprise
- 3228 Crestientez et Sainte Iglise.

  Lors verra l'en par estovoir

  Goutes de vermeil sanc plouvoir,

  Quar pechiez corra par le monde
- 3232 Aussi com pluie qui soronde, Qui la terre ensenglentera. Et les roiches, ce samblera, Donront roouz muïssemens,
- 3236 Et li chien grans abaiemens.
  Ses faulz prophetes, ce seront
  Li mastin, qui abaieront
  Par tout le mont comunement
- 3240 Ses lois et son comandement. Lors sera plaine de vermine

<sup>3209.</sup> C qui dont seront.

<sup>3220.</sup> C fera merveilles.

<sup>3221.</sup> C a lui obeiront.

<sup>3235.</sup> C Donneront grant mugissement. Cf. le vers 2934: "roeuz".

<sup>3237.</sup> C cesseront.

<sup>3241.</sup> C de bruine.

La terre et de vilz serpentine, De pecheors et de pechiez,

- 3244 Dont li pueples iert entechiez, Et pour plus faire gent foler Samblera qu'il face voler Les ames et rentrer aus cors.
- 3248 De plus grans merveilles encors Fera par art de nigremance Li cuivers plains de decevance, Dont toutes gens s'esbahiront,
- 3252 Tant que tuit li obeïront,
  Et comunement le crera
  La gent qui ses signes verra,
  Et tous convendra lors ensivre
- 3256 Son mauvès example de vivre, Et tous li pueples iert sougiez En sa joustise et en ses giez, Si seront tuit plain de dyable
- 3260 Et seront monstre abhominable, Ne nulz n'avra sa propre forme, Quar en son sain et en sa forme Seront tuit empraint et seignie
- 3264 Li fol et li mal enseignie
  Qui obeiront au dyable.
  Ensi s'acorde au voir la fable.
  Ia fu li solaus repondus.
- 3268 Li rois ot esté atendus
  Grant piece en vain, mes ne vint mie
  A l'ostel. S'espouse et s'amie,
  Qui moult desirroit sa venue,
- 3272 Est morne et triste devenue,
  Quant el vit qu'il ne repairoit.
  Non pourquant encor l'esperoit
  Qu'il viengne, et oreille et regarde
- 3276 De cuer et d'eulz, et trop li tarde Qu'il viengne et qu'ele le revoie. Sa gent et sa mesnie envoie Pour le querre et pour le rouver,

<sup>3257.</sup> C subgis.

<sup>3258.</sup> C en ses dis.

<sup>3262.</sup> C seign.

<sup>3267.</sup> C'est à tort que C appelle le récit suivant une "allégorie".

<sup>3275, 76</sup> manquent dans A.

<sup>3279.</sup> B trouver.

- 3280 Savoir s'il le parront trouver. Li message sans nul gabois Corent par landes et par bois. Quierent le par leus desvoiables
- 3284 Et portent brandons contralables, Et l'espouse plore et souspire, Ses chevolz derront et detire, Si se vait aus paumes batant,
- 3288 Mes ne s'est pas tenue à tant, Ains s'est abrivee et court s'en Come dervee et fors dou sen Par les champs larges, nuit et jor,
- 3292 Sans repos prendre et sans sejor, Sis jors et sis nuis de randon, Par vaulz, par terres, à bandon, Là ou Fortune la menot,
- 3296 C'onc à mengier n'à boivre n'ot. Tant est à la parfin alee Que sor le Tibre est arrestee, Si s'enclina dessus la rive
- 3300 La dolereuse, la chetive. Là souspira tant et gemi Pour la perte de son ami, Et se dolousoit en plorant
- 3304 Ausi com le cigne en morant,
  Qui chante contre sa mortaille.
  Tant gemi, tant plora, sans faille,
  Et tant demora sa dolour,
- 3308 Que tout perdi sanc et colour, Et la moëlle li foï, Et ch' à petit s'esvanoï En legier vent, et à ce vint
- Que l'en ne sot qu'ele devint.
   Porquant dura la renomee:
   Li païsant de la contree
   Dou nom de la nimphe nomerent

<sup>3280.</sup> B rouver; C s'on.

<sup>3282.</sup> A Corront.

<sup>3289.</sup> A abrievee; Cf. le vers 2285.

<sup>3293.</sup> Sex illam noctes, totidem redeuntia solis lumina viderunt....." (Mét., XIV, 423, 24).

<sup>3298.</sup> Ovide: "Thybris"; A toivre; B tibre; C ronne(!).

<sup>3309, 10</sup> manquent dans C.

<sup>3311.</sup> C Et en la parfin a ce vint.

<sup>3313—16. &</sup>quot;Fama tamen signata loco est, quem rite Canentem, nomine de nymphae veteres dixere Camenae" (Mét., XIV, 433, 34).

- 3316 Le leu, que "Canens" apelerent.
   Quant li vrais solaus de joustise
   Fu escons par mortel jouise,
   Où Judaïme l'ot livré,
- 3320 Qui le cuer avoit enivré
  De folie et de forsenage,
  Trop en fu triste en son corage
  L'espouse, et corelment gemi,
- Pour ce qu'ele ot de son ami
  Perdu la corporel presence,
  Mes or li vait ceste pesence
  Doublant pour la longue demore
- 3328 De son ami, qui trop demore.
  Atendu l'ot paisiblement
  En esperance et longuement,
  Desirreuse de sa venue.
- 3332 Si s'iere en ferme foi tenue,
  Mes esperance faulse et ment
  Par tout le mont comunement,
  Quar li solaus s'esconse et couche,
- 3336 Et toute fois fausse et rebrouche, Et veritez est deffolee. L'espouse veve et dessolee De son espous, qu'ele a perdu,
- 3340 O cuer destroit et esperdu Envoie ores à toutes gens Ses menistres et ses sergens, C'est à dire ses prescheours
- 3344 Et ses mestres enseigneours,
  Pour son espous querre et rouver,
  Pour savoir s'el porra trouver
  Nul ne nule qui ait que faire
- 3348 De bien ouvrer ne de bien faire Et nul où la Dieu grace habite, Mes, si com David le recite, Il n'est un touz seulz qui bien face
- 3352 Ne qui habonde en la Dieu grace, Quar aus mons de prelacion

<sup>3318.</sup> C vice.

<sup>3323.</sup> C tellement.

<sup>3336.</sup> A Quar; C rebroche —, Rebroucher = "obscurcir, hébéter, abrutir".

<sup>3341.</sup> C leur. Nous ne noterons pas toutes les variantes de C, dont la plupart n'ont aucun sens.

<sup>3349.</sup> A Est.

- Et aus vaulz de subjection Et aus forès et aus gaudines
- 3356 Des religieuses gastines
  Forvoient tuit de droite voie.
  Poi sont ores, se Diex me voie,
  Qui bon soient ne profitables.
- 3360 Brandons meïsmes contralables
  Portent nostre endouctrineor,
  Nostre mestre enlumineor,
  Qui pour enluminer le monde,
- Où toute iniquitez habonde
  Et tous malz, deüssent au mains
  Porter double lumiere aus mains;
  De sainte predicacion
- 3368 Et de bone operacion,
  Si que par bone oeuvre acomplissent
  Les enseignemens qu'il deïssent,
  Mes lor lumieres sont contraires.
- 3372 Discordables et adversaires, Quar lor oeuvres ordes et vilz Vont occurcissant, ce m'est vis, La lumiere de la doctrine,
- 3376 Si que mains luist, mains enlumine Lor prescheïs, et mains puet plaire, Et mains i prenent examplaire Les laies gens qu'il ne feïssent,
- 3380 Se lor bones oeuvres veïssent. Trop s'angoisse, trop se dolouse, Plore et souspire et plaint l'espouse Pour la demore à son ami.
- Grant piece et il ne vendra mie,
  L'espouse et la loial amie
  Ne se souffrira mie à tant,
- 3388 Ains s'en ira paulmes batant, Vis et poitrine en souspirant Rompant, et ses chevolz tirant, Triste et dolente et esploree.
- 3392 Corant come ame forsenee,
  Sans repos prendre et sans sejor,
  Sans boivre et mengier nuit et jor,
  Sans entrelessier ses travaulz,

<sup>3387.</sup> C Ne souffrira.

<sup>3388.</sup> A son vis batant.

- 3396 Par plains, par terres et par vaulz, La où Fortune la metra. Ce pou de gent qui remanra En foi et en ferme esperance,
- 3400 Perseverans en la creance
  De Sainte Yglise fermement,
  Souffrira dolereusement
  Tant d'angoisse, tant de destresce,
- 3404 Tant de dolor, tant de tristresce, Tant de torment, tant de martire, Tant d'anui, que tout ne sai dire Ne nulz n'en porroit reciter.
- 3408 Ne li tendra de deliter Ne de dormir en vaine oidive, Ains fuira la lasse chetive, Plaine d'angoisse et de dolor,
- 3412 Plaine de souspirs et de plor, De meschief et de desconfort, Sans trouver qui la reconfort, Et sera mise à grief jouïse
- 3416 La plus grant part de Sainte Yglise En divers leus diversement. Aucun fuiront repostement Par tout le monde, à grant meschief,
- 3420 Tant qu'en la fin, pour traire à chief De ceste dolente misiere, Vendront à Rome, où jadis iere Li chiez de la crestienté,
- 3424 Qui lors iert en grant orfenté. Là gemiront et là plorront Et maint en gemissant morront, Si sambleront cigne, sans faille,
- 3428 Qui chante contre sa mortaille. Li desloiaus plains de baufoi Por le tesmoing de vraie foi Metra tous à perdicion,
- 3432 Et sainte predicacion Ira toute esvanouissant Et Sainte Yglise tapissant, Si que point n'iert trouvee à plain,

<sup>3402.</sup> A soufferra.

<sup>3408. &</sup>quot;Elle n'aura aucune envie de.....".

<sup>3409.</sup> C oysive.

<sup>3411—14</sup> manquent dans C.

<sup>3435.</sup> C trouve.

<sup>3435.</sup> Allusion à la métamorphose de Canens.

- 3436 Pour le felon de rage plain, Mes com bien qu'ele soit mar nee, Si remandra la renomee Et dira l'on que Sainte Yglise
- 3440 Sielt jadis estre à Rome assise.

  Non porquant spirituelment

  Vivra l'espouse o son ament

  Aus cieulz, en pardurable raine,
- 3444 Empres sa transitoire paine, Et cil boneüré seront Qui en foi persevereront Jusqu'en la fin, sans eulz retraire
- Pour paour nulle de mal traire.
  Ensi l'ont li prophete dit,
  Qui ne pueent estre desdit,
  Et lor noms ou livre de vie
- 3452 Seront escript, je n'en dout mie.

   Telz merveilles et plus assez,
  Ains que tous li ans fust passez,
  Me raconta cele baësse,
- 3456 Qui manoit chiez l'enchanteresse, Et moult i vi meïsmement Que Cyrcé par enchantement Ot fet, et tant i demorasmes
- 3460 Que trop nous desacoustumasmes, Pour l'aise que nous avions, Des travaus que nous solions, Tant c'Ulixes por traveillier
- 3464 Nous fist arriere resvillier,
  Qui commanda come devant
  Garnir les nez et metre au vant
  La voile et partir dou rivage,
- 3468 Pour raler par la mer à nage.
  Cyrcé, qui les perilz savoit
  De mer, espoënté m'avoit,
  Qui dit nous ot les grans doutances,
- 3472 Les perilz et les mescheances Qui en la mer nous atendoient, Et que perilleuses estoient Les voies où nous alions
- 3476 Trop plus que nous ne cuidions. Pour la paour de ces perilz,

<sup>3437.</sup> C planee; A marmee.

<sup>3464.</sup> B resveillier; C repairier. Arriere = "de nouveau".

<sup>3470. &</sup>quot;me": c'est toujours Macareus qui parle.

Que je ne fusse en mer perilz, Issis de mer, si fis que sage,

3480 Et me trais assegur rivage."

— Un an tout enterinement
Et plus, c'est ou temps droitement
Qui est apelez temps de grace,

3484 Qui mil ans tient et plus d'espace, A Jhesucris faite demore Au monde, et encor i demore O ses homes et o ses gens,

O ses barons, o ses sergens,
Ou saint sacrement de l'autier,
Et bien pueent endementier
Avoir trop apris et veü

3492 Et par escripture seü

Des traïsons et des boisdies,

Des fraudes et des tricheries

Qui au monde sont et resont.

3496 Et coment li folz regneront,
Qui les bons metront à disciple.
Tant ont sejourné li desciple
Au monde en repos et en aise,

3500 Sans mal, sans paine et sans mesaise, Sans grief, sans tribulacion, Sans point de persecucion, Et tant ont apris les delices

3504 Et les mondaines mollices, Qu'ils ont desapris de bien faire, De laborer et de mal traire, Et tuit ont les cuers endormis,

3508 Mes par tens seront estormis:
Jhesucris les resveillera,
Qui tous les abandonera
En angoisses et en destresces,

3512 En misieres et en aspresces,
En perilz, en temptacions,
Aus flos de persecucions,
Qui sor les bons doivent venir

3516 Ains que li mons doie fenir. Aucun, pour issir des perilz

<sup>3480.</sup> Par ce vers Macareus termine son récit. C: aux seurs rivages. Ovide: "hoc litus" = Caieta.

<sup>3494-3536</sup> manquent dans C.

<sup>3508.</sup> estormir = "réveiller".

- Dou monde, où pluiseur sont perilz, Issirent, si firent que sage,
- Dou monde, et vindrent au rivage
  De segure religion,
  Où il firent lor mancion,
  Quar il n'osoient estriver
- 3524 Au monde. Aucun, por eschiver Les angoisses et les tristresces Et les dolours et les destresces, Les ameres temptacions,
- 3528 Les flos de tribulacions,
  Qui briement au monde avendront
  Sor les bons qui bien se tendront,
  Grouchent contre l'amere mer
- 3532 Dou monde, où trop avront d'amer.
  Cil qui loiaument nageront
  Dampnablement s'acorderont
  Au felon plain de decevance.
- 3536 De fraude et de faulse aparance, Qui les musars amusera Et les chetis alechera, Si cuideront estre arivé,
- 3540 Li dolereus achetivé, A droite rive et à bon port De pais et de joieus deport, Mes lor joie faudra briement
- 3544 Si le comperront puis griement, Qu'apres lor trespassable gloire Perira toute lor memoire, Quar Diex, qui pardurablement
- 3548 Maint et maindra dampnablement, Les lessera plaindre et doloir Ou feu d'enfer, à non chaloir. — Dessus avez oï le conte.
- 3552 Si com Machareüs le conte A Enee et à sa mesnie Et aus gens de sa compaignie, Des perilz et des griez anuis
- 3556 Qu'il ont souffert et jors et nuis En divers leus diversement,

<sup>3531.</sup> Ms. Guorvens. Grouchier = "gronder". Ou: grondent, ou: gromment, qui ont le même sens. C'est une allusion à la mentalité de Macareus. Il faut, en tout cas, une forme verbale, pas un participe.

<sup>3553.</sup> AC A'manque; B D'.

<sup>3554.</sup> B des gens.

Et chiez Cyrcé meïsmement, Et coment il s'iert contenus

- 3560 Puis lors qu'il en fu revenus. Eneas au hardi corage Demora tant en ce rivage Que sa norrice ot enterree.
- 3564 Lors a sa nef desaancree
  Si s'en vait à esploit nagent
  Par mer entre lui et sa gent,
  Mes à lor pooir eschiverent
- 3568 Qu' onc au port Cyrcé n'ariverent, Qui trop estoit mal renomee, Ains nagerent vers la contree Où le Tybre en mer descendoit:
- 3572 C'est la terre où il s'atendoit, Qui soë et aus siens devoit estre, Qui prince en seroient et mestre. Seignor en seront, mes sans faille
- 3576 Ce n'iert mie sans grant bataille!
  Tant a nagié que nuit que jour
  Eneas, sans point de sejour,
  Qu'arivez est à la cité
- 3580 Qui puis fu soë en herité.
  Grant joie en ot en son corage.
  Li rois Latins par mariage
  Li dona sa fille Lavine,
- 3584 Bele dame et de franche orine, Preus et sage et de bon affaire, Et toute sa terre en donaire, Mes Turnus le contredisoit,
- 3588 Uns riches vassaus, qui disoit Que ce ne soufferroit il mie Que nulz autres eüst s'amie Fors lui, qui avoir la devoit,
- 3592 Que l'en promise li avoit
  Et plevie premierement,
  Ains veult bateillereusement
  Chalengier la feme et la terre
- 3596 Par force d'armes et de guerre. Eneas voit et set sans faille

<sup>3560.</sup> Ici devrait se placer l'épitaphe de la nourrice d'Enée (Mét., XIV, 443, 44), que notre auteur a placée dans sa traduction après le vers 1730.

<sup>3568.</sup> A Qu'ains.

<sup>3576. &</sup>quot;Non sine Marte tamen....." (Mét., XIV, 450).

Que par armes et par bataille Le cuide Turnus despoullier

- 3600 De la terre et de la moullier Que li peres li a promis, Et bien voit qu'il a poi d'amis En ce païs pour soi deffendre.
- 3604 Par message mande à Evandre, Un riche duc, qui si ot nom, Poissant home et de grant renom, Et requiert qu'à ceste envaïe
- Par son plesir li face aïe,
   Par couvant qu'il li aideroit
   A son besoing, quant leus seroit.
   Evandre n'en refuse pas,
- 3612 Ains se porvoit ilnelepas
  Come il li puisse bien aidier.
  Ensi firent, au mien cuidier,
  Pluiseur, dont je ne sai les noms,
- 3616 Riches homes de grans renoms.

  Turnus les siens amis remande.

  Aus uns prie, aus autres commande

  Que tuit viegnent, sans point d'aloigne,
- 3620 Lui secorre en ceste besoigne.
  Chascuns d'eulz se paine et s'efforce
  De croistre son ost et sa force
  Et de gent mander et semondre,
- 3624 Pour son adversaire confondre.
   Tant esploita que nuit que jour Sainte Yglise, à poi de sejour,
  Qu'il vint ou regne des Latins.
- 3628 Grant joie en ot li rois Latins, C'est li pueples à cuer devot, Qui bien et loiaument se volt Joindre sans fraude et sans boffoi
- 3632 A la creance et à la foi Que Sainte Yglise preescha, Mes li dyables enpescha — Non fist, qu'il ne pot! S'il peüst,
- 3636 Volentiers empechié l'eüst! Que li filz Dieu n'i heritast.

<sup>3611.</sup> A Evanter; C Evender.

<sup>3619.</sup> BC esloigne.

<sup>3620.</sup> C Chascuns moult se p.

<sup>3624.</sup> C leur.

<sup>3636.</sup> C destourbé.

Ne voloit qu'il le degitast Ne despoullast de Gentillise,

- 3640 Qui s'espouse iere et sa promise.
  Li dyables i mist, sans faille,
  Grant deffense, et sans grant bataille
  N'ot pas Ihesucris grant saisine
- 3644 Dou pueple de terre latine, C'est des Lombars et des Romains. Sains Polz et Sains Peres au mains, Et mains des autres Diex amis.
- 3648 En furent à martire mis,
  Et tant firent par lor martire
  Qu'à Dieu conquistrent cel empire,
  Lonc temps dura ceste envahie.
- 3652 Moult ot dyables grant aïe
  A Dieu guerroier longuement.
  Maint grief et maint encombrement
  Fist à la crestienne foi
- 3656 Par la force et par le bouffoi Des princes romains et des juges. Grans fu la mors et li deluges Dou sanc des sains qu'il espandoient
- Et les autre decapiterent,
  Et les aucuns en mer jeterent,
  Et mains autres diversement
- Mistrent à mortel dampnement,
  Mes ne les porent, ce m'est vis,
  A ce mener, ne mors ne vis,
  Que la foi Dieu ne deffendissent.
- Quel que grief qu'il y entendissent.
   Pour la foi Dieu se combatoient
   Et les enemis Dieu matoient.
   Lonc temps fu la chose en pendant.
- 3672 Li prince aloient deffendant Que nulz ou fil Dieu ne creüst Et que la fois Dieu ne creüst En la seignorie de Rome,
- 3676 Mes li fort, li vertueus home
  La foi Jhesucrist soustenoient,
  Et mains par lor porchas venoient
  A la foi de crestienté,

<sup>3660-64.</sup> C Que par leur orqueil octroyent.

<sup>3668.</sup> C Quel mort que il en recevissent.

<sup>3674.</sup> C Ne fyance n'y eust.

- 3680 Tuit prest et tuit entalenté
  De paine et de mort recevoir
  Por l'amour Jhesucrist avoir.
  Ou, qui veult espondre autrement,
- 3684 Turnus puet noter droitement Le faulz desloial de put'aire, Antecrist, qui mains malz doit faire, Mains gries, maintes temptacions,
- 3688 Et maintes tribulacions
  Aus champions de Sainte Yglise,
  Si com l'Escripture devise.
  Turnus un sien message envoie
- 3692 A Dyomeden, si li proie
  Qu'il li vueille aidier de sa guerre
  Contre Eneas, qui de sa terre
  Le veult par force despoullier
- 3696 Et lui soustraire sa moullier.

  Dyomedes de Calidoine,

  Empres les travaulz et la poine

  Et les meschiez et les povertes
- 3700 Qu'il avoit longuement souffertes Empres la troïenne guerre, Vagua tant par mer et par terre Qu'ou regne Daunus s'arresta,
- 3704 Qui tant de terre li presta, Ains dona cuite en herité, Que faite y ot une cité, Et sa fille par mariage.
- 3708 Venulus vint en ce message Et de par Turnus li deprie Qu'à ce besoing li face aïe. Diomedes lui refusa
- 3712 S'aïde, et vers lui s'escusa, Si dist qu'il ne puet ne ne doit Faire ce que Turnus mandoit. "Amis, dist il, ne vous poist mie

<sup>3691.</sup> A partir d'issi, B s'ecarte à plusieurs reprises de A C, qui ensemblent garantissent le texte authentique. Le copiste de B donne une traduction absolument différente de celle de A C des vers 457—511 d'Ovide, [vers 3691—3878 de notre texte], puis il omet l'allégorie. Nous donnerons le texte de B en appendice, à la fin de ce volume.

<sup>3703.</sup> A damus; C dagmus; Ovide: ....... ille quidem sub Iapyge maxima Dauno, moenia condiderat" (Mét., XIV, 458). Daunus était roi de Iapygie, aujourd'hui Terra d'Otranto.

<sup>3705.</sup> C quite.

<sup>3711.</sup> A le.

<sup>3715.</sup> C Ains dist que il ne li poist mie.

- Que je ne vous puis faire aïe.
   Ne sui sires de ceste terre,
   Ne je ne doi mener en guerre
   La gent mon socre sans congié,
- 3720 Ne je n'ai propre gent dont gié
  Vous puisse à ceste fois aidier,
  Et que vous ne doiez cuidier
  Que je vous die controuvaille,
- 3724 Je vous raconterai, sans faille, La perte qui m'est avenue Puis que Troie fu confondue, Ja soit ce que la remembrance
- 3728 Face raviver ma pesance
  Et renouveler la dolor
  De ma pesance et de mon plor.
  Puis que la troyene guerre
- 3732 Fu finee et toute la terre
  Destruite et Ylions rasez
  Et de feus grejois embrasez
  Et la gent arse et decopee,
- 3736 L'une à feu et l'autre à l'espee, Nous cuidames estre asseür, Sans doute de nul mal eür Que plus nous deüst avenir,
- 3740 Et nous en quidasmes venir
  En nos terres joieusement,
  Mes trop nous greva durement
  Minerva, la bateilleresse.
- 3744 C'est Pallas, la sainte deesse, Qui por mal d'Ulixes le sage Nous haoit et trop de damage Nous fist pour cele occasion
- 3748 Qu'il ot trait le palladion
  Dou temple à la deesse et pris,
  Et tant ot vers Pallas mespris
  Qu'en son temple ot prise et ravie
- 3752 Cassandra, la bele eschevie,
  La fille Priant, la meschine,
  Si encorut l'ire divine,
  Dont tuit ensamble nous dolusmes.

<sup>3716.</sup> A Quar.

<sup>3719. &</sup>quot;mon socre": "Excusat: nec se aut soceri committere pugnae velle sui populos...." (*Mét.*, XIV, 462).

<sup>3753, 54</sup> manquent dans C.

- 3756 Qui grief damage en receüsmes, Quar tuit fusmes esparpeillié, Et come vague et exillié Foloiames trop lonc termine,
- 3760 A grant meschief, par la marine,
   Sans venir à port convenable.
   Li vent rebelle et contralable
   Nous furent trop pesme et divers.
- 3764 Foudre, tormente, pluie, yvers
  Et l'oscurté des troubles nuis
  Nous furent trop de grans anuis,
  Et trop nous fist souvent doloir
- 3768 L'ire de la mer et de l'oir.
  Et pour parsoïr la grant perte
  Que lonc temps eüsmes soufferte,
  Pluiseur furent mors et perilz
- 3772 En mer, à dolereus perilz.

  Pour ce que trop demoreroie,

  Se tout par ordre vous disoie

  Les grans meschiez que nous eüsmes
- 3776 Et les grans perilz où nous fusmes:
  Tant eüsmes, à briement dire,
  Et de dolours et de martire,
  Que rois Prians, au dire voir,
- 3780 Pitié eüst de nous avoir.
  Toutes voies qu'à mal qu'à paine
  Issi des flos à terre plaine
  Par l'aïde de la deesse
- 3784 Minerva, la bateilleresse, Qui par sa pitié me gueri Qu'ou perilleus flos ne peri, Si cuidai venir à repos
- 3788 En mon païs, mes je ne pos,
  Quar chaciez fui de mon païs,
  Si poi lors plus estre esbahis,
  Quant ma feme et cil me chaçoient

<sup>3759.</sup> C foliames.

<sup>3762.</sup> C Li vent contraire.

<sup>3765, 66</sup> manquent dans C.

<sup>3768.</sup> l'oir = ",l'air" (C).

<sup>3769.</sup> C parsomer.

<sup>3773.</sup> C demoroient.

<sup>3774.</sup> C comptoye.

<sup>3777.</sup> C y eumes a brief dire.

<sup>3790.</sup> C Lors fui sachiez plus esbahis.

- 3792 Qui plus avancier me devoient. Venus, la mere au Dieu d'amors, La sainte deesse d'amors, Remembrans l'anciene plaie
- 3796 Que fait li oi, nouvele paie Me paia de mon viel pechié. Tant oi de honte et de meschié, Tant souffri par mer et par terre
- 3800 Paine, travail, dolor et guerre, Que boneüré me sambloient Cil qui ces grans meschiez avoient Eschivez par les griez perilz
- 3804 Où mors estoient et perilz,
  Et vausisse estre, au dire voir,
  Mors ovuec eulz, por pais avoir.
  Tant avions qu'en mer qu'en terre
- 3808 Souffert paine, dolor et guerre, Que nulz plus souffrir ne peüst. J'oi poi compaignons qui n'eüst Cuer failli, ne plus ne pooient
- 3812 Souffrir les dolors qu'il avoient, Et queroient finable chief De lor duel et de lor meschief. Un en y ot moult engigneus,
- Amon ot nom —, si murmuroit

  Des misieres qu'il enduroit,

  Et dist: "Quel mal et quel contraire
- Ja pis douter ne nous convient,
  Quar qui pis doute assez avient
  Que li chiet selonc sa peor.
- 3824 Nulz ne porroit avoir pior Que nous avons. Nostre aventure Est si pesme qu'ele est segure Qu'el ne puisse devenir pire.

<sup>3792.</sup> C Qui le plus amer.

<sup>3799, 3800</sup> manquent dans C.

<sup>3804.</sup> C Qui.

<sup>3805.</sup> C Bien volsissons.

<sup>3811.</sup> C car plus.

<sup>3813, 14.</sup> manquent dans C.

<sup>3816.</sup> Aigre = ",cladibus asper".

<sup>3817. =</sup> Acmon (Ovide, vers 484).

<sup>3823.</sup> A sa peor; C le pyour.

<sup>3824.</sup> A peor; C pyour.

- 3828 Pis puet, ce me samble, despire
  Cilz qui de touz malz a la some.
  Trop grant misere assegure home
  Que pis avenir ne li doie.
- 3832 Ja soit ce que Venus nous oie Et ja soit ce qu'el heë adès Tous les homes Dyomedès, Si despison nous sa haïne
- 3836 Et son corrous et s'ataïne,
  Si doutons poi sa malveillance,
  Et poi prisons sa grant poissance''.
  Ensi murmure, ensi jargone
- 3840 Hamon, et Venus aguillone A pis fere que fet n'avoit, Et par ses affis esmouvoit Et fesoit raviver la brese
- 3844 De l'ire endormie et remese.
  Aucuns y ot à cui plesoit
  La folie que cis disoit;
  Li pluiseur de nous blasmions
- 3848 Hamon et le reprenions
  Dont vers Venus osoit regrondre.
  Si come il nous cuida respondre,
  La parole li est faillie.
- 3852 La vois li est trop agroillie, Et li conduis dont la vois vient

Cil de respondre s'aprestoit
Mais gorge et vois li descroissoit
Ses cheveux plumes devenoient
Et de plumes tous se couvroient
Son col et son dos et son pis
Plus grans pennes ont les bras pris
Ses coutes se tournent en eles
Legieres mouvans et isneles
Entre les dois des pies se tiennent
Charneuses peauls qui les detiennent
La bouche en dur cor s'enroidist
Dont le bout s'accue et durcist."

<sup>3840 =</sup> Acmon (vers 494).

<sup>3847.</sup> C le blasmons.

<sup>3849—3858.</sup> B donne ici un autre texte, où ne se retrouvent que peu de traces du texte original. Voici ce texte: " ...... reprenions (= vers 3848)

<sup>3849.</sup> A donne: regondre, ce qui alterne, en effet, avec regrondre = "gronder, murmurer (contre quelqu'un)".

<sup>3852.</sup> C engroissie; Ovide: "tenuata" (vers 498).

<sup>3853.</sup> A Li deduis.

Li restraint. Sa crine devient Nove plume, por ces despis,

- 3856 Sor son col, son dos et son pis, Et sa bouche est bec devenue, Dure come corne et ague. Lycus esgarde la merveille
- 3860 Et moult s'esbahist et merveille Quant le voit à tel deshonor. Ydas, Abas et Rexenor Et Nycteus s'en esbahirent
- 3864 Et en esbahissant se virent
  Autel forme prendre et avoir:
  La plus grant part, au dire voir,
  Des compaignons sont fais oiseles,
- 3868 Et par mer vont mouvant lor eles, Si vont la nave avironant, Entor nos avirons noant. Qui savoir veult la verité
- 3872 De lor doutable qualité, Quel forme il ont et quel samblant : Blanc sont et à cigne samblant, Mes droit cigne ne sont ce pas :
- 3876 La glose afferme endroit ce pas
  Que moës ont nom cil oisel
  Que devindrent li damoisel.

   Bien puet Turnus signifier
- 3880 Antecrist, qui seignorier Vaudra sor le siecle à bandon, Si fera courre de randon Ses messages et ses sergens
- Pour deçoivre et enchanter gens Et pour les traire à sa partie. Mainte gens sera parvertie Par lor dampnable prescheïs.

<sup>3855.</sup> C Plumes si come il m'est avis. Après ce vers, C ajoute: "Ses costes sont tournes en elles; Ses membres ont formes nouvelles". A et por ces despis. Nove = "nova" (vers 499).

<sup>3856.</sup> AC Ses colz et son dos et ses pis.

<sup>3862.</sup> A Albas; AC Rectenor.

<sup>3863.</sup> Mss. Ducheus. Dans Ovide les noms sont: Lycus, Idas, Rhexenor et Nycteus (Mét., XIV, 504, 5).

<sup>3865.</sup> C sont devenu.

<sup>3866.</sup> C Oisel li gent et li menu.

<sup>3868-3878</sup> manquent dans C.

<sup>3879.</sup> C abrège beaucoup cette "allégorie". Les vers 3886—3933 y manquent entièrement.

<sup>3882.</sup> A croire.

- 3888 Moult sera vilz et maleïs
  Qui ses obeïssans sera
  Et qui sa volenté fera.
  A ce temps doit venir à chief
- 3892 La grant honte et le grant meschief
  Des longues tribulacions
  Et des griez persecucions,
  Des grans anuis et des griez pertes
- 3896 Que souffre et lonc temps a souffertes Le pueple et la gent Israël. Li bon, li sage, li feël, Qui lor fole errour lesseront
- 3900 Et à Dieu se rapaiseront
  Vendront à la recognoissance,
  A l'amour, à l'obeïssance
  Dou vrai Sauveor, que pendirent
- 3904 Li fel juïf, qui li fendirent
  Le coste dou fer de la lance.
  Lor errour et lor ignorance
  Leront, si creront fermement
- 3908 Ou premerain advenement
  Dou Sauveor, qu'encor atendent.
  Li faulz, qui à nul bien n'entendent
  Et les cuers ont plains de durté
- 3912 Et de tenebreux obscurté, Ont le sens obnuble et nerci. Lors reprendra Diex à merci Le remanant de cest lignage,
- 3916 Si li donra par mariage
  L'amour et la recognoissance
  De sa foi et de sa creance,
  Et si li donra l'erbergage
- 3920 Dou celestial heritage
   Ovuec s'espousee en donaire.
   Li faulz desloiaulz de put'aire,
   Qui le siecle en errour metra,
- 3924 Au pueple Israël trametra
  Faulz prophetes, faulz prescheors,
  Decevables et tricheors,
  Qui seront plain de symonie,
- 3928 De luxure et de glotonie, Por Israël aguilloner

<sup>3913.</sup> Ms.: onuble.

Ou por prometre ou por doner Plenté de delis corporeulz

- 3932 Et de richesces temporeulz,
  Qu'il vueille estre de sa partie,
  Mes ja n'iert por ce parvertie
  La gent bien ferme et bien creant.
- 3936 Li cuer failli, li recreant,
  Li fel et li presumpcieus,
  Li glout et li luxurieus,
  Cil porront sa volenté faire,
- 3940 Mes ains se lairoient deffaire Li bon, li fort et li feel, Quant li remanans d'Israël, Qui sera lors de demorance.
- 3944 Remembrera la mescheance, Les grans hontes et les grans pertes Qu'il et li sien avront souffertes Pour lor mescreable durté
- 3948 Et pour la grant maleürté
  Dont lor cuer avront esté plain,
  Come il refuserent de plain
  Le Sauveor, qui venus iere
- 3952 Traire le monde de misiere, S'encocurent l'ire devine Li fel juïf de pute orine, Qu'il les puni dolentement
- 3956 En divers temps, diversement,
  Des outrages et des meffais
  Qu'il avoient et dis et fais
  Vers la divine sapience:
- 3960 En sor que tout la mescheance, La mortel paie et le flaël Que reçut le pueple Israël, Qui la divine char pendi
- 3964 Et son beneoit flanc fendi
  En crois, au trenchant de la lance,
  Dont Diex prist moult aspre vengance,
  Quar li pluiseur en encorurent
- 3968 Mortel sentence, si morurent
  A grant honte et à grant meschié
  Por lor fraude et por lor pechié.
  Li autre furent essillié

<sup>3953-66.</sup> manquent dans C.

<sup>3955.</sup> Ms.: Qui.

<sup>3968.</sup> C et si.

- 3972 Et par le monde esparpeillié
  Entre gens qui poi les amoient,
  Mes vilz et despis les tenoient
  En dolente subjection,
- 3976 Si furent en derrision
  A toutes gens qui les veoient,
  Et tant de mescheance avoient
  Li vivant et tant ierent vilz,
- 3980 Que li mort, ce lor iere à vis, Orent esté boneüré, Qui pas n'avoient enduré Les misieres vilz et vilaines.
- 3984 Les grans dolors et les grans paines Qu'il convenoit que cil souffrissent. Non pourquant, s'en gré le preïssent, Ce lor fust une medecine
- 3988 Pour apaisier l'ire devine
  Et pour espurgier lor malices,
  Mes come impaciens et nices
  Aucun, qui griement le souffroient,
- 3992 Vilainement en murmuroient
  Contre la divine amistié,
  Qui pour amours et pour pitié
  Lor fesoit temporeulz malz traire,
- 3996 Por eulz esmouvoir et atraire A merci querre et guerison De l'anciene mesprison Qu'Israël fist, qui le pendi
- 4000 Et son beneoit flanc fendi Dou fer de la lance trenchant, Mes il s'aloient revenchant Par murmurer et par mesdire,
- 4004 En esmouvant la divine ire
  A plus elz punir malement.
  Ensi, ce qui à sauvement
  Les atraisist, s'il fussent sage,
- 4008 Lor tornoit à mortel damage Si les traioit à dampnement D'ame et de cors finablement, Et perirent par lor outrage
- 4012 Et par l'orgueil de lor corage, Quar Diex à nonchaloir les mist

<sup>3973.</sup> A Autre (antre?).

<sup>3989-4010</sup> manquent dans C.

Par tel quar il ne s'entremist D'elz reprendre ne chastoier

- 4016 Ne d'eulz conduire ou avoier A la voie de verité, Mes pour la grant iniquité Les lessa selonc le desir
- 4020 De lor folz cuers à lor plesir Aler vagues et folvoiables: Oisiaus devindrent desvoiables, Oisiaus plains d'ordure et de vice,
- 4024 Oisiaus glous et plains d'avarice, Oisiaus qui par les flos dou monde Voletoient à la reonde Sans venir à droit sauvement.
- 4028 Quant Juda rememblablement Recordera le grief damage Et la perte de son lignage, Qui par son dapnable pechié
- 4032 S'iert mis à honte et à meschié
  Pour ce qu'il ot vers Dieu mespris,
  Juda sages et bien apris
  En l'autrui mal s'apensera,
- 4036 Tant que Dieu se rapaisera, Si lera sa fole ignorance Et sa dampnable mescreance, Venans à la profession
- 4040 Dou Seignor, qui remission De ses viez crimes li fera, Et lors Juda s'avoiera De la partie Jhesucrist,
- 4044 Si com tesmoignent li escrist.

   Ensi Dyomedes s'escuse
  Vers Venulus, cui il refuse
  L'aïde et le secours qu'il quiert
- 4048 Pour Turnum, cui message il iert.
  Venulus s'est d'illuec partis
  Si est vers Turnus revertis.
  Lesse les pors de Peucetyë,

<sup>4014.</sup> A "Par tel quar" = "Par tel que" (C).

<sup>4021.</sup> A folvoiables; C folyables.

<sup>4028.</sup> A Judas; C Jude.

<sup>4046.</sup> C et lui refuse.

<sup>4048.</sup> A qui messages iert.

<sup>4051.</sup> A Peuteye; C Phyteie; Ovide: "Peucetiosque sinus Messapiaque arva relinquit" (Mét., XIV, 513).

- 4052 Passe les champs de Mesapie. Là trouva fosses grans et creuses De parfondes forès ombreuses, Qui goutent assiduelment.
- 4056 Là suelent ancienement
  Nimphes habiter et manoir,
  Mes or y a Pan son manoir,
  Li diex qui les piez a de chievre.
- 4060 Appulus, un vilain ovievre,
  Paistres plains de derision,
  Chaça de cele region
  Les nimphes et premierement
- 4064 Les espoënta durement
  Et chaça toutes esfreees.
  Quant elles furent apensees,
  Si ne deignierent plus foïr
- 4068 Ne por le paistre essaboir, Ains despisierent la manace Dou vilain pastor qui les chace, Et s'arresterent maintenant,
- 4072 Si vont un vireli menant,
  Une quarole et une dance,
  Et li pastors jargone et tance,
  Qui les suit o agreste pas
- 4076 Et les jargons ne lesse pas,
  Jusqu'il a la gorge restrainte,
  Qui d'escorce d'arbre fu çainte:
  Il fu arbres, qui tient encores
- 4080 L'amertume qu'il avoit lores,
  Quar jus plain d'amertume rent.
  Par l'amertume est aparent
  Que la langue ot plaine d'outrage.
- 4084 Il a nom olivier sauvage,
   Portans baies d'amerté plaines.
   Tant erra par vaulz et par plaines
   Venulus et sa compaignie,

<sup>4053.</sup> fosses = "antra" (vers 514).

<sup>4054.</sup> ombreuses = "qui donnent de l'ombre [à ces antres]". B forests.

<sup>4060.</sup> C Au plus; Ovide: "Apulus" (vers 517). A ovrievre; C curievre; B ci..... (il n'ose pas achever le mot!). J'y vois une sorte de latinisme, formé sur "ovis", et je supprime un r.

<sup>4075. &</sup>quot;Improbat has pastor saltuque imitatus agresti....." (Mét., XIV, 521), B suivoit a greste pas; C a engresse pas.

<sup>4076. &</sup>quot;Addidit obscenis convicia rustica dictis" (Mét., XIV, 522).

<sup>4081.</sup> A just.

- 4088 Sans le secours et sans l'aïe Diomedes, qu'il ala querre, Qu'à Turnus vint. Ja fu la guerre Comencie efforciement.
- 4092 Turnus et li sien fierement
  Contre Enee se combatirent
  Et moult de sanc y espandirent.

   Par les repostes mancions
- 4096 Des ordres de religions
  Où li saint religieus orent,
  Qui sans cesser painent et plorent
  Pour espeneïr lor mesfais
- 4100 Qu'il avoient au siecle fais,
  Passe vaine gloire et vantance,
  Vaine orgueil et vaine arrogance,
  Vain delit et vaine mollice,
- 4104 Orde luxure et avarice,
  Quar en nulle religion
  N'a si sainte perfection
  Que voir n'i puisse, ce m'est vis,
- 4108 Aucun qui soient ort et vis.
  Jadis orent lor mancion
  Bones meurs en religion,
  Mes or y est ypocrisie,
- 4112 Qui est grant dame et bien prisie Entre les folz, les bestiaulz. Cele est mestresse especiaulz Des folz qui bestiaument vivent
- 4116 Et qui por vaine gloire estrivent De bien faire au veü dou monde. Le fel vilains, cui Diex confonde, Qui vault par sa derrision
- 4120 Chacier fors de religion
  Les bones meurs qui estre i suelent,
  C'est folz samblans et cil qui vuelent
  Par faulse simulacion
- 4124 Frauder voire religion

  Et faintement sambler et sivre

<sup>4097. &</sup>quot;orent", du verbe "orer".

<sup>4102-4.</sup> manquent dans C.

<sup>4105.</sup> A de nulle.

<sup>4106.</sup> A profection; C profession.

<sup>4110.</sup> A bones mors.

<sup>4117.</sup> A a veu.

<sup>4124.</sup> C faindre.

Ceulz qui selonc Dieu vuelent vivre En bones mours, en bone vie.

- 4128 Mes il n'ont nulle bone envie Ne nul bon desir de bien faire. Il suelent reprendre et detraire Les bons, et non pourquant mesprenent
- 4132 Plus assez que cil qu'il reprenent.
  Il sont paistre, qui paistre doivent
  Les simples, mes il les deçoivent:
  Par faulse simulacion
- 4136 Et par fainte derision
  Font il aucun bien en apert,
  Mes par lor mauvais fruis apert
  Qu'il sont de male volenté,
- 4140 Mes cil qui sont entalenté
  Por l'amor de Dieu de bien faire
  Ne se doivent onques retraire
  Des biens que proposez avoient
- 4144 Por ce se degaber se voient
  Des folz plains de derision,
  Mes tiengnent droite entencion
  De bien faire et ferme esperance.
- 4148 Avoir i puet autre sentance.

  Quant li menistre et li message

  Dou faulz desloial plain de rage,

  Antecrist, qui par tout corront.
- 4152 Riens nulle esploitier ne porront Vers Juda que li face aïe Ne qu'il soustiengne sa partie, Si vendront par les mancions
- Des ordres, des religions,
  Où conversent ore et demorent
  Li saint religieus qui orent
  Et por le commun sauvement
- 4160 Dieu prient assiduelment.
  Or ont des cloistres la saisine

<sup>4128.</sup> C nesune envie.

<sup>4129.</sup> C nul desirier.

<sup>4130.</sup> A repondre.

<sup>4132.</sup> A Pis assez.

<sup>4134.</sup> C Les nimphes (!).

<sup>4144.</sup> Por ce se = "parce que".

<sup>4145.</sup> C Des folz par.

<sup>4150.</sup> A folz.

<sup>4153.</sup> A Judas; C jude.

<sup>4158. &</sup>quot;orent", du verbe "orer".

Bone meurs et bone doctrine, Mes li temps doit, ce dout, venir

- 4164 Qu'avoir la doie et maintenir
  Faulz samblans, qui mestres s'en face,
  Li puans bouz plains de fallace.
  Les bones mours et la doctrine
- 4168 De saluable discipline
  S'en fuiront por la male beste,
  Li faulz paistre, li fel agreste,
  Antecrist, qui fera parsivre
- 4172 Ceulz qui selonc Dieu vodront vivre Bien et religieusement.

  Pour sa paour premierement S'en fuiront espoir li plus sage,
- 4176 Qui douteront la male rage
  Dou fel plain de derision,
  Qui par toute religion
  Vaudra confondre la doctrine
- 4180 De saluable discipline
  Et de religiosité,
  Fausser joustise et verité,
  Mes quant adverti se seront
- 4184 Li saint eslit, il lesseront
  La fuite et viguereusement
  Prendront cuer et bon hardement
  De deffendre droit et joustise,
- 4188 Et por la foi de Sainte Yglise
  Voudront mielz souffrir grief contraire
  Que plus fouïr por l'aversaire,
  Si vendront à ferme esperance
- 4192 Et à bone perseverance,
  Sans criembre et sans espaorir,
  Por Dieu bien vivre et bien morir.
  Tout à estrous s'arresteront
- 4196 Et au felon contresteront,
  Despisans toute sa manace,
  Tout mal et tout grief qu'il lor face.
  Lors aparra la male rage
  - 4200 Dou folz paistre au felon corage, Qui ains avra fet l'ipocrite, Le prodome, le saint hermite, Et par ses oeuvres verra l'en

<sup>4183.</sup> C parverti.

<sup>4184.</sup> C disciple.

<sup>4203.</sup> C l'on. Cf. le vers 1650.

- 4204 La felonie et le malen
  Qui ou cuer enclos li sera,
  Qu'amerement forsenera
  Contre les sains de Sainte Yglise,
- 4208 Qui foi maintendront et joustise.
   Turnus li fel vait enragent
   Contre Enee et contre sa gent.
   De deus pars y ot grant damage.
- 4212 Turnus, por ardoir le navage Où Eneas iere arivez, A feus espris et avivez Si les a mis en la navie.
- 4216 Li feus a la nef envaïe
  Si la fist ardoir et flamer.
  La navie des flos de mer
  Avoit tous les perilz passez,
- 4220 Mes elle est en greignor assez:
  Li feus art la pois et la cire
  Des nez, si derront et descire
  Les clostures, et tant s'espant
- 4224 Que par le haut mast vait rampant La flambe, et les voiles alument Et les corbes des naves fument. Tost fust la nave arse et perie,
- 4228 S'ele n'eüst esté guerie
  Et secorue hastivement,
  Mes Cybele piteusement,
  La mere aus dieus, y acorut,
- 4232 Qui la resqueust et secorut:

  Ne vault que pour defaut d'aïde

  Perist la nave qui en Ide,

  La montaigne a li dediee,
- 4236 Avoit esté prise et trenchiee. L'air fist tentir et resoner

<sup>4204.</sup> C malon.

<sup>4209, 10.</sup> manquent dans C.

<sup>4214.</sup> A feu.

<sup>4217-20.</sup> manquent dans C.

<sup>4218,</sup> suiv.: ,..... ignesque timent quibus unda pepercit (Mét., XIV, 531).

<sup>4226.</sup> A corbes; BC cordes; Ovide: "..... et incurvae fumabant transtra carinae" (Mét., XIV, 534).

<sup>4230. &</sup>quot;Sancta deum genetrix....." (Mét., XIV, 536).

<sup>4231.</sup> A au dieu; B a dieu.

<sup>4233,</sup> suiv.: "..... memor has pinus Idaeo vertice caesas" (Mét., XIV, 535).

<sup>4233-44.</sup> manquent dans C.

Aussi come arains selt soner, Si tint une longue buisine

- 4240 De buis, dont el corne et buisine, Et vait par l'air en char volant, Que portent li lion volant. Là s'arreste où Turnus estoit,
- 4244 Qui en la nef le feu gitoit, Et dist ausi com par manaces: "Que vault, fel, chose que tu faces? Cuides tu por defaut d'aïe
- 4248 Destruire et ardoir ma navie?
  Nenil. Je la delivrerai
  Et de tous feus la soustrairai".
  A ce mot que dist la deesse
- 4252 Tone, pleut et chiet grelle espesse, Et tuit vent ensamble venterent, Qui la marine et l'air troblerent Et estriverent à esfort.
- 4256 La deesse eslut le plus fort.

  Contre les nez l'empaint et boute.

  Par la force dou vent fu route

  La corde d'estoupe où tenoient
- 4260 Les nez, que li feu sousprenoient.
  Par mer porte la nave encline,
  Si la plonge sous la marine
  Pour l'escourre au feu et tolir.
- 4264 Li fust pristrent à esmolir,
  Si devindrent cors femelin.
  Li fumain de chanvre et de lin,
  Li plus grelle et li plus menu,
- 4268 Sont crin et chevol devenu.

  La part de la nef par derriere,
  C'est pupis, fu muee en chiere.
  Cuisses sont fet li aviron

<sup>4240.</sup> B Fort la sonne et par atheine.

<sup>4245.</sup> C Et dist ja pour deffault d'aije.

<sup>4246-48.</sup> C ne lairay ardoir ma navie.

<sup>4246.</sup> B Quoi fole chose.

<sup>4249.</sup> C Ains du tout.

<sup>4250.</sup> C ces feux.

<sup>4252.</sup> AB et chut pluie et.

<sup>4258.</sup> BC toute.

<sup>4259.</sup> BC La corde desront.

<sup>4263.</sup> escourre = "retirer". C secourre.

<sup>4266.</sup> B fylain.

- 4272 Et dois. Li coste d'environ Remestrent costes et sont ores Apelez ausi come lores : Ce dou mileu, c'est la carine,
- 4276 Est devenu ventre et eschine, Et les antompnes bras devindrent. Lor premieres colors retindrent: Pales les orent et les ont.
- 4280 Naiadianes de mer sont Les nez, qui au bois furent nees. Par mer orent esté menees A grant doute premierement;
- 4284 Or i joent seignorement
  Et conversent en la marine.
  Or ne lor chault de lor orine
  Ne de lor premiere nessance,
- 4288 Mes n'ont pas mis en oubliance Les perilz que souffers avoient En la mer, et quant elles voient Nez perillans, elles i corent
- 4292 Et piteusement les secorent Si les soustienent à lor mains, Et redrescent celes au mains Qui lor enemis ne portoient,
- 4296 Mes les nez qui aus Griex estoient Ne voloient elles aidier, Quar bien lor membre, au mien cuidier, Des Troyens que destruis orent,
- 4300 Et quant elles virent et sorent Mescheoir lor, si s'enjoïrent. Lies furent quant elles virent Les nez Ulixes depecier.
- 4304 Onc ne les vaudrent redrecier. Moult orent le cuer esjoï Quant la navie Alchinoï Virent muee en dure perre.

<sup>4272.</sup> B dos.

<sup>4276.</sup> A C'est. Nous ne noterons pas tout le galimatias de C, qui écrit, par exemple: "Les attempetes bras devindres" (vers 4277).

<sup>4280.</sup> B Naiadanes; C Narandienes (!).

<sup>4284.</sup> B Ou ilz nagent; C Ores y vont.

<sup>4293,</sup> suiv.: "Subposuere manus, nisi siqua vehebat Achivos" (Mét., XIV, 561).

<sup>4300.</sup> B eulz leur. 4301. B lors si; C les si.

<sup>4306.</sup> Ovide: "Alcinous", [roi des Phéaciens, perè de Nausicaa. Neptun avait changé en rocher le vaisseau qu'Alcinous avait mis à la disposition d'Ulysse pour le ramener dans sa patrie].

- 4308 Aucun cuidierent que la guerre Remainsist por ceste merveille, Mes Turnus point ne s'apareille De flechir ne d'amoloier,
- 4312 Ains s'efforce de guerroier
  Enee assez plus que devant,
  Et tant est l'oeuvre alee avant
  Et li contemps et la haïne,
- 4316 Qu'il s'efforcent, par aatine,
  Plus por vaintre et por gloire avoir
  Que pour terre ne por avoir
  Ne que por l'amor de Lavine,
- 4320 La pucele de france orine.

  Chascuns a dieus de sa partie

  Qui soustienent lor estoutie,

  Si ont cuers plains de hardement.
- 4324 En la fin fu honteusement
  Turnus mors et desbaretez,
  Et ses grans orguelz fu matez.
  Sa terre est gaste et confondue
- 4328 Et sa gent mate et esperdue. La citez qui à son vivant Estoit si riche et si avant, Glorieuse et de grant renom.
- 4332 Sa citez, qui Arde avoit nom.
  Fu prise et par terre rasee,
  A feu destruite et embrasee.
  Barbarins feus la dessola.
- 4336 Et des faveloisches vola
  Uns oisiaus, qui lors fu veüz
  Premierement et cogneüz.
  Sa vois fu triste et sa color
- 4340 Et sa maigresse et sa palor,
  Ses cors, sa façons et sa taille
  Et quanqu'il ot fu telz, sans faille.
  Come il avint à cité prise,
- 4344 A vile arse, have et desprise. Li nons que la vile ot eü

<sup>4325-34. &</sup>quot;..... Turnusque cadit; cadit Ardea....." (Mét., XIV, 573).

<sup>4335.</sup> barbarins; Ovide: barbarus [ensis, où notre auteur a dû lire: ignis]; vers 574. A les; C fu.

<sup>4336.</sup> C flamesques y; B favelotes.

<sup>4340.</sup> BC Fu toute semblans a palor. Ovide: "..... et sonus et macies et pallor....." (vers 578).

- Ne li fu changié ne meü: Dou nom de la vile ot nom "arde",
- 4348 Mes li pluiseur l'apelent "jarde".
  Or ne demant nulle ne nulz
  Se grant joie ot dame Venus,
  Quant vit de son fil la victoire.
- 4352 Plaine fu de joie et de gloire Et bien dut estre voirement. Tant a fet par son hardement Eneas au hardi corage
- 4356 Par sa force et par son barnage, Qu'achevee est toute sa guerre. Tant a trait de paines en terre Et tant est sa vertus seüe
- 4360 Et esprouvee et cogneüe, Que tuit li dieu, qui ont veü Ses bienfais, furent esmeü Vers lui de grace et d'amistié.
- Juno meïsmes par pitié
  Lessa s'ancienne aatine,
  Si li pardona sa haïne.
  Grans fu la persecucions
- 4368 Et griez la tribulacions

  Que jadis fist par son bouffoi

  Contre la crestienne foi

  Li sathans plains de felonie,
- 4372 Chiez d'orgueil, mestres de folie, Lors que la primitive Yglise Commença, si fu grant l'ocise Et li tormens et li desciples
- 4376 Des apostres et des desciples
  Et des sains qui por Dieu morurent,
  Mes plus grant damage encorurent
  Li felon qui dampnablement
- 4380 Furent mort pardurablement
  Par lor dampnable mescreance,
  Et grans doit estre sans doutance
  La dolours, au temps antecrist,
- 4384 Que li menistre Jhesucrist Soufferront por la foi deffendre, Mes cil qui Dieu vaudront offendre Et les amis Dieu guerroier

<sup>4348.</sup> B jarde; C jadre; A sarde. Il s'agit du héron; latin: "ardea".

- 4388 Et sa sainte foi renoier
  Seront mis à plus grief martire.
  Li felon plain de rage et d'ire
  Vaudra confondre sainte Yglise.
- 4392 Feu d'ire, feu de convoitise, Feu de haïne et de luxure Esprendra, dont la male arsure S'espendra tant, se Diex n'en pense,
- 4396 En cui doit estre la deffense Et la garde de sainte Yglise, Que tost ert sa nacele esprise Et destruite au feu de pechié.
- 4400 De ce feu seront entechié
  Li plus hautain et li greignor,
  Li plus grant mestre et li seignor,
  Et li menu que porent faire
- 4404 Quant li grant lor seront contraire?
  Qui se porra contretenir
  Ne l'assault dou feu soustenir
  Qui corra lores à bandon
- 4408 Par tout le monde de randon?

  Qui porra sauver Sainte Yglise

  Que de cest feu ne soit esprise?

  Nulz fors Diex ne l'en garira!
- 4412 S'il ne l'aïde, el perira.
  En Dieu soit la deffencion,
  La garde et la protection
  De sa barge et de sa nacele,
- 4416 Et en la piteuse pucele,
  La mere au Roi de paradis,
  Si sera elle, à mon avis.
  Cele sera deffenderesse
- 4420 De Sainte Yglise et garderesse.
  Ja la beneoite pucele
  Ne larra perdre sa nacele,
  S'il li plaist, pour default d'aïe.
- 4424 Au fel fera fiere envaïe.

  Contre lui se vendra abatre,
  En Dieu priant qu'il vueille abatre
  Son orgueil, et Diex si fera.
- 4428 Sa grant buisine sonera
  Si fera les fors vens venter,

<sup>4397-4412.</sup> manquent dans C.

Pour les felons espoënter, Et tonera par grant manace,

- 4432 Et par sa piteable grace Rompra la corde de pechié Dont li sien seront estachié, Cil qui sont ou livre de vie.
- 4436 Si delivrera sa navie,
  Et par les fluctuacions
  D'ameres tribulacions
  Et de martire espurgera
- 4440 Quanqu'en eulz purjable sera, Et li Juïf qui lors seront Par baptesme s'espurgeront, Si lairont la vueille durté
- 4444 De dampnable maleürté
  Qui en eulz est enracinee,
  Et lor nature iert trestornee,
  Quar ce que Judee crient ores,
- 4448 Li plongons dou baptesme, iert lores Sa norreture et ses delis, Et teulz seront les plus eslis Qui sont ore espoir mains prisié.
- 4452 Li plus vil, li plus desprisié
  Seront lors espoir li plus fort,
  Si feront aïde et confort
  A ceulz qui en peril seront.
- 4456 Li foible, qui chanceleront
  Souz les flos de temptacions
  Et des griez tribulacions,
  Qui ne porront pour la foiblesce
- 4460 De lor cuer souffrir la destresce Et les tormens et le contraire Que li Felons lor fera traire, Par lor bon amonestement
- Prendront fort cuer et hardement
   De souffrir les mondains assaulz.
   Quant cil verront les bons vassaulz,
   Les preuz, les fiers, les fors, les sages,
- 4468 Qui por vil temporeulz damages, Por nulles persecucions, Pour nulles tribulacions, Pour nul anui, por nul contraire,

<sup>4434.</sup> C Dont icel seront entechié.

<sup>4436.</sup> C Qui sont.

- 4472 Por nul mal qu'en lor face traire Ne se deigneront esmaier Ne lor folz cuers amoloier A faire chose qu'il ne doient,
- 4476 Ne cuidiez pas que liez ne soient.

  Quar lié seront il voirement,

  Quant il verront proeusement

  Les sains por la foi Dieu combatre,
- 4480 Si se lairont laidir et batre
  Et metre à mort et à torment,
  Si sofferront bien et forment,
  Por amour Dieu, toute laidure,
- 4484 Tout tort, tout grief et toute injure, Sans flechir eulz, por nul meschié, A consentement de pechié, Com bien fondé sor ferme perre.
- 4488 Aucun cuideront que la guerre Et li contens et l'ataïne Que li Sathans de pute orine Muet et mouvra par son boffoi
- 4492 Contre la crestiene foi,
  Quant verront Juïf convertir,
  Doie apaier et revertir
  A noiant, mes ce ne puet estre:
- 4496 Cil qui deable avront à mestre
  Et qui seront de sa partie
  Ne lesseront lor estoutie,
  Lor orgueil ne lor male rage
- 4500 Ne la fierté de lor corage,

  Tant com lor mestres regnera,

  Antecris, qui forsenera

  Contre la foi de Sainte Yglise,
- 4504 Si ne laira sa fole emprise,
  Volans parvertir tout le monde,
  Jusque li fils Dieu le confonde,
  Qui, voiant tous, apertement
- 4508 A honte et à destruiement Le metra. Lors seront maté, Desconfit et desbareté Li orgueilleus qui le servoient

<sup>4478.</sup> C appertement.

<sup>4485.</sup> C Et sans souffrir par nul meschie.

<sup>4494.</sup> C Doye apaisier et revenir.

<sup>4499-4534.</sup> manquent dans C.

- 4512 Et qui lor esperance avoient
  En lui seul, mes poi lor vaudra
  Sa gloire, et ses orguelz faudra,
  Sa seignorie et ses empires,
- 4516 Et la citez dont il ert sires,
  Qui tant sera large et pleniere
  A son vivant et riche et fiere,
  Fors et poissans et merveilleuse.
- 4520 C'est Babiloine, l'orgueilleuse, La citez de confusion, Sera mise à destruction, Par terre abatue et rasee,
- 4524 A feu et à flambe embrasee, Et tous li mondes ensement Sera mis à destruiement De feu par devine ulcion,
- 4528 A honte et à confusion. Have, dolente et dessolee Sera lors la glote assemblee De la dolereuse cité,
- 4532 Qui par sa grant iniquité, Par sa coulpe, par sa deserte Sera mise à dampnable perte. Lors primes sera cogneü
- 4536 Quel cuer avra chascuns eü, Quar chascuns selonc sa deserte Recouvrera gaaing ou perte: Li un lié, li autre dolent.
- 4540 Les ames s'en iront volant
  O les cors que repris avront
  Et divers loiers recervront:
  Li mauvais paine pardurable
- 4544 Et' li bon joie esperitable.

  Li plours, li cris, li hullemens,

  Li plains et li gemissemens,

  La colors pale et la megresce
- 4548 Seront signe de la destresce,
  De la paine et dou dampnement
  Que li felon finablement
  Soufferront en l'infernal flame,
- 4552 Où ardra lor dolereux ame A duel, à honte et à meschief.

<sup>4538.</sup> C Recevera.

<sup>4539-42.</sup> manquent dans C.

<sup>4545-60.</sup> manquent dans C.

Lors vendra la grant guerre à chief, Qui tant avra longues duré.

- 4556 Lors seront tuit asseguré
  Cil qui seront de la partie
  Jhesucrist. Lor paine ert vertie
  En joie et en pais delitable
- 4560 Et en repos esperitable.

  Lors sera la Vierge pucele,

  La roïne amoureuse et bele,

  Plaine de leesce et de joie,
- 4564 Quant li temps sera qu'ele voie Son fil plain d'onor et de gloire Avoir pardurable victoire De la guerre, et ses anemis
- 4568 Seront abessiez et demis
  Sous la roidour de son empire,
  Et qu'il avra sans contredire
  Et sans chalenge la saisine
- 4572 De la bele de franche orine
  Qui est s'espouse et sa promise,
  Que tant aime: c'est Sainte Yglise,
  Et tant avra fet de barnage.
- 4576 De proësce et de vasselage, Que tuit seront si redevable, Si sougiet et si favorable, Tuit li saint et tuit li eslit
- 4580 Qui sont ou souverain delit, Et tuit si bien vueillant seront Li dieu qui aus cieulz regneront, Ce est toute la Trinité,
- 4584 Diex tribles en simple unité, Tant que la joustise devine, Qui li soloit porter haïne, Ce sambloit, por le premier home,
- Qui peri dou mors de la pome,
  Sera vers lui toute apaisie,
  Si avra entr' eulz pais baisie.
   Ja fu Enee en grant hautesce,
- 4592 Et tant ot fet par sa proësce Qu'il ot plessiez ses enemis, Si fu et d'avoir et d'amis Moult efforciez et escreüs,

<sup>4567-80.</sup> manquent dans C.

<sup>4587, 88.</sup> manquent dans C.

- 4596 Et ja fu grans et parcreüs
  Ses filz Yulus Aschanie.
  Tant l'ot norri qu'il ne fu mie
  Trop joennes à terre tenir.
- 4600 Bien fu temps que deüst venir Eneas à fin et à chief De tout travail, de tout meschief, Quar moult avoit esté grevez.
- 4604 Or doit estre aus cieulz eslevez En repos pardurablement. Venus, qui son avancement Amoit et curieuse en iere,
- 4608 Aus damediex en fist priere, Et son pere meïsmement En embrace elle estroitement, Si li dist: "Biaus douz peres chiers,
- 4612 Onc ne me fustes durs ne fiers, Ains m'avez vous tout jors esté Plains de grant debonaireté. Or est mestiers, biax tres douz pere,
- 4616 S'onques m'amastes, c'or i pere, Si soit vostre grace moustree A moi et à mon fil Enee, Qui de vostre lignage est nez,
- 4620 Tant que deïté li donez.

  Faites le dieu, biaux tres douz sire,
  S'il vos plaist. Bien vous puet souffire
  C'une fois ait enfer veü
- 4624 Et que tant a de paine eü''.

  Sans contredit et sans moleste
  S'acorderent à la requeste
  De Venus li dieu bonement.
- 4628 Juno meïsmes liement
  S'i consent, qui haï l'avoit.
  Jupiter dist que bien devoit
  Et que bien iert dignes, par voir,
- 4632 D'onor celestre recevoir, Et que moult volentiers feroit

<sup>4597.</sup> *B* iulus ascanie; *C* julius ascanie. Le nom "Ascanius" n'est pas dans Ovide. 4606, suiv.: "Ambieratque Venus superos colloque parentis, Circumfusa sui: "nunquam mihi, dixerat, ullo, Tempore dure pater, nunc sis mitissimus, opto" (*Mét.*, XIV, 586, 87). 4608. *A* font.

<sup>4621. &</sup>quot;..... satis est inamabile regnum, adspexisse semel, Stygios semel isse per amnes" (Mét., XIV, 590, 91).

<sup>4631.</sup> *B* pour voir.

<sup>4631, 32.</sup> manquent dans C.

Ce que sa fille requeroit. Grant joie a Venus la deesse,

- 4636 Et son pere de la promesse
  Mercie, et grant grace l'en rent.
  D'illuec s'en est venue errant
  Par l'air, en un char que traioient
- 4640 Colons qui la dame servoient.

  Vint en Laurente, où ses filz iere,
  Si s'arresta sor la riviere
  De Numice, qui en mer cort,
- 4644 Si li prie qu'il la secort
  Et li commande qu'il netoit
  Quanque son fil mortel estoit,
  Et port en mer quanqu'il savoit
- 4648 Qu'Eneas de mortel avoit.
  Numicius, sans nul arreste,
  A fet à Venus sa requeste,
  Si purga tout et netoia
- 4652 Quanqu'il avoit en Enea
  De corrompable et de mortel:
  La part muable et immortel
  Li est remese solement.
- Venus de devin oignement
  A son fil aromatisié,
  Que li cornus ot espurgié,
  Et si li arrouse et atouche
- 4660 D'ambroise et de piment la bouche, Si le fist dieu tel voirement Qu'il vesquist pardurablement. La gent d'Itale l'apela:
- 4664 "Indigeten", c'est: "dieu de là Engendré", por ce que lonc temps Ot conversé, si com j'entens, Entr'eulz, et par sa poësté
- 4668 Ot rois et sires d'eulz esté,
  Si l'aorerent et servirent
  Et temples et autiers li firent.
  Lors que l'amoureuse pitié

<sup>4643.</sup> B mimice; C lumiche; Ovide: "Litus adit Laurens, ubi tectus harundine serpit, in freta flumineis vicina Numicius undis" (Mét., XIV, 598, 99).

<sup>4645.</sup> B nestoit.

<sup>4654.</sup> B Et de tout ce qui n'est pas bel.

<sup>4658. &</sup>quot;li cornus" = "corniger" (vers 602), surnom de la rivière Numicius (aujourd'hui "Numico").

<sup>4664. &</sup>quot;..... quem turba Quirini nuncupat Indigetem" (Mét., XIV, 607). B Indigetem; C Indigence.

- 4672 Et la piteable amistié
  Dou fil Dieu vit son fil, Enee,
  C'est à dire sa char penee,
  En diverses paines au monde
- 4676 Et vit que ja fu sor l'esponde De la foi de crestienté, Et bien furent entalenté Si desciple preus et vassaulz
- 4680 A souffrir les mondains assaulz, Et que tous les jors à devise Croissoit la fois de sainte Yglise Aus simples gens qui le sivoient
- 4684 Et à son example vivoient, Si pria Dieu, le poissant Pere, S'il oncques l'ama, c'or i pere En donant à l'umanité
- 4688 Gloire celestre et deïté,
  Et Diex li peres otroia
  Ce que ses chiers Fils li proia,
  Et li grans Espris ensement
- 4192 I mist le sien consentement,
  Quar ce fu dou commun acort
  De tous trois, sans nul desacort,
  Que li cors fust deïfiez
- 4696 Et par tormens glorefiez,
  Quar il avoit bien deservie
  L'onor de pardurable vie.
  Li Peres dist qu'il si feroit:
- 4700 Son saint cors glorefieroit, Et li filz Dieu moult s'esjoï De la response qu'il oï, Si deigna par sa grant simplesce,
- 4704 Por nous fors metre de destresce Et de torment, abandoner Son cors à paine, et coroner Se lessa de poignant espine,
- 4708 Et par le coste lez l'eschine
  Fu perciez dou fer de la lance,
  Si mori por no delivrance
  Et por le sauvement dou monde

<sup>4676.</sup> C fors l'esponde.

<sup>4691.</sup> A espirs.

<sup>4696.</sup> C Que par tormens fu nettoyez.

<sup>4710.</sup> A la; C no.

<sup>4711, 12.</sup> manquent dans C.

- 4712 Cil où toute vertus habonde.
  Par la riviere de Numice
  Puis noter la male avarice
  Dou faulz Judas, qui le vendi
- 4716 Au fel pueple qui le pendi. Li fel qui à mort le jugerent Sont les iaues qui le purgerent De quanqu'avoit en li morté.
- 4720 Ce qu'il ot trait et aporté
  Le jor de sa nativité
  De corrompable humanité,
  De la nature Adam son pere,
- 4724 Por espurgier de mort amere
  Fu en crois purgiez voirement.
  Li cors Dieu puis fu d'aroment
  Ou sepulcre oins et enbasmez,
- 4728 Et l'ame ala por ses amez
  Visiter l'infernal closture,
  Si les traist de la chartre obscure
  Et s'en revint à grant victoire,
- 4732 Si resuscita, c'est la voire. Or est ses cors deïfiez Et aus sains cieulz glorefiez, Si est Diex en terre aorez
- 4736 Et par sains temples honorez,
  Si le puet l'en, si com moi samble,
  Apeler home et dieu ensamble,
  Qu'il a l'une et l'autre nature
- 4740 Si fu de nostre norreture,
  Nostre sires, nostre sauverres,
  Nostre rois, nostre gouvernerres.
   Ensi fu Eneas diex fais
- 4744 Par la vertu de ses bienfais, Si li fist l'en honor devine. Toute Albe et la terre latine Tint puis Yulus Aschanie.
- 4748 Emprès en tint la seignorie Sylvius, qui de par Lavine Sa mere ot la terre latine. Cil n'estoit mie encore nez

<sup>4716.</sup> C fauls.

<sup>4719.</sup> A Quanqu'il; C mortel.

<sup>4726.</sup> C fu erramment.

<sup>4733.</sup> C est encor.

<sup>4746. &</sup>quot;Inde sub Ascanii dicione binominis Alba, resque latina fuit (Mét., XIV, 609).

- 4752 Au jor qu'Eneas fu finez.
  Silvius estoit ses drois noms,
  Mes Postumus fu ses sornoms
  Pour ce qu'emprès la mort dou pere
- 4756 L'enfanta Lavine sa mere. Emprès regna ses filz Latins Sor le roiaume des Latins. Cil fu vaillans et renomez
- 4760 Et dou nom son aiol nomez. Emprès Latins regna rois Albe, De cui nom fu sornomee Albe. Emprès Albe fu Epitus
- 4764 Et puis Cappis et Capetus.
  Tuit cil furent roi de Laurente.
  Emprès regna, que je ne mente.
  Tyberinus, dont fu nomez
- 4768 Li flueves et Tybris nomez.
  Por ce qu'ou flueve fu cheois
  Tyberinus et là noies
  Ot nom cilz flueves à delivre
- 4772 Tibris ou Tyberis, c'est "ivre".

  Deus filz ot Tyberins eüz:

  Li ainsnez, li plus parcreüz,

  Fu Romulus, si nome l'on
- 4776 Le mendre Acrota, le felon.
  Romulus dut le regne avoir,
  Mes il perdi par non savoir
  Et par orqueil et vie et terre.
- 4780 Vers Joven cuida mouvoir guerre. Guerre? Non, mes lui resambler: Foudres vault fere et dieu sambler. Com folz et d'orgueil enyvrez,
- 4784 Si fu par foudre à mort livrez.
  En leu de lui tint les regnez
  Acrota, qui plus fu senez.
  Emprès Acrota dut venir
- 4788 Avantins au regne tenir, Si ot de la terre latine

<sup>4761. &</sup>quot;..... clarus subit Alba Latinum" (vers 612).

<sup>4763. &</sup>quot;Epytus ex illo est; post hunc Capetusque Capysque" (vers 613).

<sup>4767.</sup> B Tibernus; sornomez; C Tibernis; sornomez; Ovide: Tiberinus (vers 614).

<sup>4769-72</sup> manquent dans C.

<sup>4769.</sup> B trouvez. La rime "cheois: noies" est très caractéristique pour notre texte.

<sup>4782. &</sup>quot;fulmineo periit, imitator fulminis, ictu" (Mét., XIV, 618).

La seignorie et la saisine. Quant mors fu, l'en l'enseveli

- 4792 Ou mont qui nomez fu de li, Et dou nom dou prince Avantin A li mons nom "Mont Avantin". — Emprès la sainte assencion
- 4796 Et la glorificacion
  Dou fil Dieu, lor Pere et le nostre,
  Gouvernerent li saint apostre
  Sainte Yglise premierement.
- 4800 Emprès vindrent secondement Hermite, habitans en boschages Ausi come bestes sauvages, Home sain et plain de joustise
- 4804 Et droit enfant de sainte Yglise. Emprès vindrent autres convers, Qui aus crotes et aus convers Des cavernes se tapissoient
- 4808 Et lor penitance faisoient En lor repostes mancions. Emprès vint la relegions Des abbes et des abeïes.
- 4812 Emprès vindrent les seignories
  Des sains evesques, qui regnerent
  Et crestienté gouvernerent.
  Emprès vindrent une autre gent,
- 4816 Qui furent povre et indigent Por Dieu, si ne vaudrent avoir Propre ne temporel avoir Et ne vaudrent à riens entendre
- 4820 Fors à Dieu servir et à prendre Ce que li autre lor donoient, Qui les possessions tenoient, Tant qu'il en fussent soustenu.
- 4824 Emprès sont autre gent venu,
  Qui ne se porent onc lasser
  De tout prendre et tout amasser
  Qu'on lor vaudroit abandoner,
- 4828 Si ne se vaudrent adoner A faire nulle riens en terre Fors à tout jors prendre et aquerre, Et tuit vuelent seignorier,

<sup>4811.</sup> A albes; C abbas.

<sup>4827.</sup> Mss. Qui lor.

- 4832 Tout prendre et tout aproprier
  A lor oeulz, plus qu'il ne convient,
  Emprès eulz est venue ou vient
  Une estrace de gens perilz
- 4836 Sor les flos des mondains perilz, En la parfondor de malices, Home dissolu, plain de vices, Homes noiez ou flux dou Tivre,
- 4840 Qui d'envie et d'orgueil sont yvre. Emprès est venue ou vendra Une autre gent, qui contendra Par orgueil contre Dieu le Pere,
- 4844 Si sera drois qu'el le compere, Que Diex confondra sans doutance Par la foudre d'aspre sentance. Emprès doit estre autre mesnie,
- 4848 Aigre et plaine de felonie. Ensi se change et changera Et se diversefiera En divers temps, diversement,
- 4852 L'estat et le gouvernement

  De sainte Yglise et li empires

  De bons en malz, de malz en pires,

  Qu'ensi quit je qu'il avendra
- 4856 Tant qu'à vrai sauvement vendra La judee gent et paien, Qui devendront vrai crestien, Fort champion de sainte Yglise,
- 4860 Dont por droit deffendre et joustise Aucun soudement mort seront, Dont les ames reposeront Em pais, où saluable mont
- Dou roiaume celestre amont.
  Dessus vous ai l'ordre contee
  Des divers rois qui puis Enee,
  L'espous à la bele Lavine,

<sup>4836.</sup> C dont cest perilz.

<sup>4837.</sup> C delis.

<sup>4839.</sup> C tybre.

<sup>4842.</sup> C qu'il convendra.

<sup>4843.</sup> C laisse ce vers en blanc.

<sup>4860.</sup> Mss. Qui.

<sup>4861.</sup> A Aucun soudement mort seront; C Aucun se devient mort seront. Ce texte est incompréhensible; c'est pourquoi j'ai changé, au vers 4860, "Qui" en "Dont".

<sup>4865.</sup> On constate que le mot "ordre" est ici du genre féminin, puisqu'il est impossible de lire: "conté: Ené". C'est une licence poétique; le mot n'est jamais féminin.

- 4868 Regnerent en terre latine.
  Emprès regna rois Palatins.
  Au temps qu'il fu rois des Latins
  Ot en Ytale une pucele,
- 4872 Qui tant fu avenant et bele Qu'en toute la terre latine N'ot de lui plus bele meschine, Si fu de moult simple maniere.
- 4876 Moult estoit bone cortilliere.
  En Ytale n'avoit sa per.
  Curieuse estoit d'esrachier
  Ces orties de ces vergiers.
- 4880 C'estoit s'entente et ses mestiers
  De ces arbres actefier.
  N'avoit cure d'aler chacier.
  Honte li sambloit et gabois
- 4884 D'aler en riviere et en bois.

  N'ot cure de floiches ne dars;

  Ja ne portast espiez ne dars;

  N'amoit se champs et arbres non:
- 4888 Des pomiers ot Pomona nom.

  Ja ne cessast de traveillier

  Ou de planter ou de taillier

  Ou des greffes joindre à ces hantes
- 4892 Ou d'aroser ces joennes plantes: C'estoit sa cure et ses apens, Non por aquerre ses despens, Quar riche ert et de grant affaire.
- 4896 Ja ne li convenist riens faire.

  Ne le fesoit pas por loier,

  Mes seul por soi esbanoier

  Et por ce qu'oiseuse ne fust.
- 4900 N'estoit riens qui tant li pleüst.
  C'estoit sa paine et ses labors.
  N'avoit cure dou dieu d'amors.
  Ne savoit qu'estoit druerie.
- 4904 N'avoit cure de compaignie D'ome charnel. Moult se doutoit, Por ce que feme simple estoit, C'aucun ne li feïssent force,

<sup>4869.</sup> Erreur de l'auteur! Ovide dit: "Iamque Palatinae summam *Proca* gentis habebat" (vers 622).

<sup>4876. &</sup>quot;qua nulla Latinas, inter hamadryadas coluit sollertius hortos" (Mét., XIV, 624).

<sup>4878.</sup> AC estraper; B arachier.

<sup>4881, 82</sup> manquent dans C.

- 4908 Si clost ses manoirs et enforce
  De fort cloison et de haut mur,
  Pour estre dou tout asseür.
  Moult fu amee la meschine
- 4912 Pour la biauté qui l'enlumine, Mes moult plus assez por son sens. Requeroient la de tous sens Li diex des vaulz et des montaignes,
- 4916 Li dieu des bois et cil des plaignes, Li satirial et Silvanus Et Pan et li vielz Sillenus, Qui le cuer ot joenne et gaillart,
- 4920 Et Priapus de l'autre part
  Et pluiseur que je ne nons mie
  La requistrent de druerie,
  Mes el n'en deignoit nul oïr.
- 4924 Ne porent de s'amour joïr Por priere ne por promesse. Sor tous ne fine ne ne cesse Vertumpnus de s'amor rouver,
- 4928 Mes il ne puet merci trouver Vers lui plus que li autre font. De s'amor art et frit et font. Pense de jors et de nuis veille.
- 4932 Amours le destraint et traveille Et n'en puet avoir guerison. Vertumpnus fu uns gentilz hom D'Albane, riches et proisiez.
- 4936 Moult iert jolis et envoisiez. Subtilz et engigneus estoit : Si diversement se vestoit Que ja ne le cogneüssois.
- 4940 Aucune fois le veïssois En samblance de faucheor, Puis ressambloit messoneor. Ja reportast au col la jerbe,
- 4944 Ja eüst ou chief chapiau d'erbe, La fourche et le rastiau tenist:

<sup>4918.</sup> Ovide: "Panes" (vers 638).

<sup>4927.</sup> A Vertupnus; C Verptonnus; Ovide: Vertumnus.

<sup>4937.</sup> A envoisiez.

<sup>4943.</sup> A garbe; B ierbe; C jerbe.

<sup>4945, 46.</sup> manquent dans C.

<sup>4945.</sup> B ratel.

- Samblast que de fener venist. Or portast l'aguillon à poindre
- 4948 Les bues et les liens à joindre.
  Ja presist le poisson à l'aim.
  Ja portast la sarpe en la main,
  Si com por les vignes taillier.
- 4952 Emprès resamblast chevalier: Le branc çaint et l'iaume lacié Portoit et l'escu embracié. Ensi Vertumpnus se desguise.
- 4956 Souvent se change en mainte guise Por cele à cui ses cuers s'atant, Mes il ne puet venir à tant Que de la bele ait son plesir.
- 4960 Tous art et esprent de desir.

  Lors s'apensa li damoisiaux,

  Que amors tient en ses roisiaux,

  Que sa cure et s'entente pert.
- 4964 Et bien cognut tout en apert
  Que poi li vault cele muance,
  Quar ne pooit avoir licence
  De parler à sa chiere amie
- 4968 Com cele qui ne voloit mie
  Estre acointe d'ome mortel,
  Et cil, qui l'amoit d'amor tel
  Qu'il voloit mielz morir que vivre.
- 4972 Se s'amor n'avoit à delivre, S'est porpensez à la parfin Coment ceste oeuvre traie à fin. Diversement se desguisa:
- 4976 Semblance de vielle prise a
  Et habit, si se met en voie.
  A une potence s'apoie.
  Sambla qu'il tramblast de viellesce.
- 4980 Son chief fu blans de chenuesce.
  Ou vergier vint à la pucele
  Qui le point d'ardant estincele.
  Ens est entrez sans contredit.
- 4984 Nulz ne nulle n'en contredit. Le leu esgarde et le deduit.

<sup>4948.</sup> A au; C Les vaches o les bues rejoindre.

<sup>4962.</sup> A Qu'amors; BC Qui.

<sup>4978. &</sup>quot;innitens baculo" (vers 655), A potente.

<sup>4984.</sup> B n'ont; C Car son malice nulz ne dit.

Loë les arbres et le fruit Et la pucele tint à sage

- 4988 Qui sot bastir tel cortillage:
  "Bele fille, moulz ez senee.

  Je ne vi puis que je fui nee
  Pucele où tant eüst biauté
- 4992 Ne tant de sens et de bonté.

  Ça me sui venue ombroier,
  En tes jardins esbanoier,
  Mes, por Dieu, ne te poist il mie?"
- 4996 "Certes non, fet el, bele amie, Mes tres bien puissois vous venir." Vertumpnus ne se pot tenir De la damoisele baisier.
- 5000 Onques mais si tres dous baisier Vielle à pucele ne dona! La pucele s'abandona Au baisier prendre et recevoir.
- 5004 Com cele qui cuidoit de voir Que vraie feme la baisast. Moult volentiers, se il osast, Feïst cil le sorplus de l'oeuvre,
- 5008 Mes sa volenté cele et coeuvre.

  Temps et point convenable atant.

  Celer se velt en jusqu'à tant

  Qu'il sache qu'ele en a corage.
- 5012 En l'ombre s'assiet sor l'erbage. Voit ces arbres qui ploient tuit Sous la pesantume dou fruit Et lor fes soustenir ne pueent:
- 5016 Grans pelz y a qui les apueent Por les rains garder de fraiture. Un orme vit par aventure Vertumpnus ou vergier planté
- 5020 Où de raisins avoit plenté
  En une vis, qui par mestrise
  Avoit esté sor l'orme assise.
  Moult fu biaus l'orme por la vis.

<sup>4996.</sup> AB il; C Certes dist elle non fait mie.

<sup>5000. ,.....</sup> oscula qualia nunquam, Vera dedisset ames..... (Mét., XIV., 658).

<sup>5011.</sup> A face.

<sup>5019, 20.</sup> C'est à dire: l'orme soutenait la vigne.

<sup>5021.</sup> C Sur vigne qui là.

<sup>5023.</sup> B par vis; C pour la viegne.

5024 Cil l'esgarda, qui à envis Ne quiert pas cause n'achoison De metre la bele à raison: ...Fille, ci a bele assamblee.

5028 Se la vis fust desassamblee
De l'orme, à terre porresist.
L'orme sans la vis poi vausist;
Or fait li uns l'autre valoir.

5032 Aussi deüsses tu voloir,
Por fruit faire et avoir lignie,
D'aucun vallet la compaignie
Par amors ou par mariage.

5036 Que te vaudra ton pucelage, Quant tu tout jors seras brehaigne? Moult feroies meillor gaaigne S'un tout seul hoir porter pooies

5040 Que se tout jors vierge vivoies, Quar il porroit moult de bien faire, Mes de tout ce n'as tu que faire: Ta virginité garderas,

5044 Mes ja nul bon fruit ne feras.

Moult mar fu ta bele jouvente!

De toi peüst naistre tele ente

Qui grant bien et grant fruit feïst.

5048 Je vaudroie, se Diex m'aïst,
Por ton preu et por ton honor
Que vausissiez prendre seignor.
Avoir porroies à ton chois

5052 Bel et noble et de grant richois. Onques Lavine de Laurente, Andromada, ne Athalente, Qui tant fu corant et isnele,

5056 Ne Deïanira la bele, La fille au roi de Calydoine, Ne Penelope, ne Helaine, Ne la pucele de Laphite,

5060 Por cui tant de gent fu affite, Ne furent de pluiseurs requises. Ja soit ce que tu les desprises Et n'aies soing de lor priere,

<sup>5024.</sup> C quoi qu'il aviegne.

<sup>5028.</sup> B Se la vigne fust desassemblé; C Ains lui dist la chiere levee(!).

<sup>5054.</sup> BC Andromeda.

<sup>5061.</sup> L'auteur traduit "pluribus" par "pluiseurs"; il est évident qu'il fausse ainsi le sens de la phrase.

- 5064 Te requierent de grant maniere Li plus esleü de Toscane Et de Lombardie et d'Albane, Mes se tu estoies tant sage
- 5068 Que vausisses par mariage
  Prendre seignor, ja, par mon los,
  Qui plus t'aime, bien dire l'os,
  Que tu pas penser ne porroies,
- 5072 Seignor de bas lin ne prendroies:
  Pren un vallet de grant noblesce,
  De grant pris et de grant richesce.
  Vertumpnus a nom li vallès,
- 5076 Et bien saches qu'il n'est pas lès.
  Ains est biaux de cors et de vis.
  Tu seroies, je te plevis,
  Bien mariee ou jouvenciel:
- N'a plus debonaire sous ciel
  Ne plus vaillant ne plus cortois.
  Bien le sai, quar je le cognois:
  Il ne se conoist mie mielz.
- 5084 Onc plus frans ne fu veüz d'ielz, Si n'est pas d'estranges regnez, Ains est de ceste terre nez, Si ne t'aime pas d'aventure
- 5088 Com cil autre amant, qui n'ont cure Fors de toi deçoivre et trahir: L'amour de ceulz doit l'en haïr, Mes cil te crient et aime et prise
- 5092 De cuer et de cors, sans faintise, Des qu'il te sot apercevoir, Et si est plains de grant savoir, Fors et legiers et prest de faire
- 5096 De cler cuer et de bon viaire Se tu riens comander li daignes. Bien est dignes que tu le praignes. Saches qu'il t'avra grant mestier.
- 5100 Il est bien duis de ton mestier. Il set bien ces arbres planter

<sup>5068.</sup> B vosissent.

<sup>5069.</sup> C bien dire l'os. Le sens de la phrase doit être: "par le conseil de moi qui, j'ose bien le dire, t'aime plus que tu ne le crois": ..quae te plus omnibus illis, plus quam credis, amo" (Mét., XIV, 676).

<sup>5070.</sup> C que plus te ayme et por ce los.

<sup>5093.</sup> A se soit; B se sot; C Mais ne le pens.

<sup>5095.</sup> A pres.

Et en temps convenable anter, Mes il n'est riens qui tant li place

- Tout a mis en oubli por toi.
  Aiez, por Dieu, merci de soi.
  Done li t'amor qu'il te quiert.
- 5108 Saches qu'il te prie et requiert Com s'il parlast premiers à toi Ce que je te requier por soi. Ne l'oci pas par ton dangier.
- 5112 Bien s'en savroit amors vengier Et li dieu, qui n'ont d'orgueil cure. Je te dirai une aventure Qui de mon temps est avenue.
- 5116 Je sui de viellesce chanue S'ai moult veü de mon eage. Tu feras que preus et que sage De faire ce que te conseille.
- 5120 En Chipre avint une merveille
  Dont l'en se puet moult merveillier.
  Bien se doit tes cuers esveillier
  Si qu'à cest fet example preigne,
- Ou'ausi malement ne t'en preigne Come il est à une autre pris! Une dame fu de grant pris, Riche, noble et de grant renom,
- 5128 S'avoit Anaxarete nom.
  Yphis ot en lui son cuer mis,
  Un vallès nez de bas amis.
  Por la biauté qu'il vit en li
- 5132 Li plot la dame et abeli
  Tant qu'il l'ama par estouvoir.
  Estouvoir? Voire, quar pooir
  Et force mist, se riens vausist,
- 5136 Que son cuer de lui retraisist.

  Son cuer blasme moult et reprent,

  Quant à si haute amour se prent,

  Quar n'estoit pas egaulz la coble:
- 5140 La dame estoit poissant et noble Et cil ert de bas lin estrais, Mes n'en porroit estre retrais Ses cuers. Por neant s'en efforce.

- 5144 Qui est qui contre amours ait force?

  Quant il voit que por estriver

  Ne porroit amours eschiver

  Et que plus la croist et atise,
- 5148 Son cuer descouvre à la norrice Si li pria moult humblement Qu'el ne li soit en nuisement, Mes poi valurent ses prieres.
- 5152 Souvent pria les chamberieres Qu'eles li feïssent secours. Ha, com tantes fois vit ses flours Sous l'auvane de la meson!
- 5156 Tant en traist mal que james hom Ne porra plus traire por fame. Mainte fois manda à sa dame Les malz que por s'amour endure,
- 5160 Mes la dame, qui plus ert dure Qu'aïmans durs ne fer recuit Et plus sorde, si com je cuit, Que mers de vens escommeüe,
- N'iert pas por s'amor esmeüe, Ains l'escharni vilainement, Et avuec l'escharnissement, Com felonesse bobanchiere,
- 5168 Le laidi elle à grant maniere Par ramposnes et par affis. Quant li las amoreus fu fis Qu'il ne porroit trouver merci,
- 5172 De dolour ot le cuer nerci. Ne pot souffrir la grant angoisse Qui trop le destraint et angoisse. Mielz veult morir que longues vivre.
- 5176 Teulz paroles dist à delivre Devant l'uis à sa male amie

<sup>5147.</sup> C Qui plus paine y met plus l'achete.

<sup>5148.</sup> C nonnete. Ovide: "Supplex ad limina venit, et modo *nutrici* miserum confessus amorem....." (Mét., XIV, 702).

<sup>5154.</sup> A cors; B yert cours; C vi sen courps. Ovide: "coronas" (vers 708).

<sup>5155. &</sup>quot;Auvane" = "auvent"; cf. Littré, s.v.; B la value; C Dessaubs l'auvent. Ovide: "postibus" (vers 709).

<sup>5162.</sup> B cruel.

<sup>5165, 66.</sup> manquent dans C.

<sup>5168.</sup> C En moustrant tres horrible chiere.

<sup>5173, 74.</sup> manquent dans C.

<sup>5174.</sup> A les.

A la parfin, ains que s'ocie : "Dame cruelz et sans pitié,

- 5180 Je me muir por vostre amistié.

  Demenez grant joie et grant feste,

  Quar grant los et grant pris conqueste

  Qui son lige home met à mort!
- Faites or joie de ma mort!

  Certes je prophecie et di

  Qu'encor iert tele hore et tel di

  Que de ceste joie avrois duel,
- 5188 Si maudirez le grant orguel
  Por quoi vous m'avez à mort mis.
  Direz que bien fust vostre amis
  Dignes de vostre amour avoir.
- 5192 Je muir por vous, sachiez de voir,
  Mes tant com j'aie ou cors la vie
  Ne sera de mon cuer partie
  La vostre amour qui le cuer m'emble.
- 5196 Vie et amour perdrai ensamble.

  De ma mort avrois teulz noveles

  Par temps qui moult vous seront beles,

  Quar mort me verrois sans tarder,
- 5200 Si porrois en moi regarder
  Vos iex saouler et repestre.
  Dieu poissant, Dieu, Peres celestre,
  Qui de tout avez cognoissence,
- 5204 Metez mon nom en remembrence!

  Je ne vos puis gramment requerre:

  Langue me faut et cuers me serre,

  Mes tant vous pri je que mon nom
- 5208 Ait emprès ma mort grant renom, Et que tout jors mais soit retrait Li malz que por amors ai trait." Quant il ot fini s'oroison,
- 5212 Si se torna vers la maison Que souvent ot de flors paree, Puis dist: "Cruelz desmesuree, Orgueilleuse et de mal affaire.
- 5216 Cil parement que ci vueil faire Vous feront deduit et soulas!" Puis atache au postis le las Où il se pent, sans plus atendre.

<sup>5184. &</sup>quot;..... age, ferrea, gaude!" (Mét., XIV, 721).

<sup>5202. &</sup>quot;..... o superi!....." (vers 729).

- 5220 La mort l'angoisse et fait estendre.

  Des piez regibe et l'uis ouvri.

  L'uis ouvert le fet descouvri

  A la mesnie de l'osté.
- 5224 Le cors ont dou postis osté, Si l'en ont porté chiez sa mere, Quar lonc temps ot esté sans pere. Qui lors veïst la grant dolor,
- 5228 La grant angoisse et le grant plor Que la mere fet por l'enfent, — A poi que li cuers ne li fent! Com souvent l'estraint et embrace!
- 5232 Com souvent li baise ien et face! —
  Bien l'en peüst prendre pitié.
  Quant le cors fu apareillié
  Et atornez por metre en terre,
- 5236 La procession le vint querre. La mere son grant duel demaine Emprès le cors que l'en en maine. Le cors en mainent en la biere
- 5240 Par devant l'ostel à la fiere
  Qui estoit cause de sa mort.
  Quant la noise oit emprès le mort
  Que la mere Yphis demenoit,
- 5244 Pitié et repentance en ot.
  Aus fenestres vint sans tarder
  Por son ami mort regarder.
  A paine ot la biere veüe,
- 5248 Toute li troubla la veüe,
  Si qu'ele ne pot veoir goute.
  Le sanc pert et la color toute.
  D'illuecques s'en vont retorner,
- 5252 Mes elle ne se pot torner, Quar trop fu froide et enredie. Ne cuide pas que je te die Fanfelue, ains est verité,
- 5256 Quar en Salamis la cité, Ou temple Venus la deesse, Est encore la felonnesse Muee en un marbre entaillié,
- 5260 Qui bien est portrait et taillié En droite samblance de feme.

<sup>5223.</sup> AB Et la mesnie.

<sup>5256.</sup> A porcession.

Pour ce, bele fille, par m'ame T'amoneste je et conseil

5264 Que tu lesses ton grant orgueil
Si secour ton loial amant,
Quar sages est, se Diex m'ament,
Qui par autrui meschiez se guaite."

5268 Quant Vertumpnus ot à chief traite La parole qu'il ot emprise, Sa droite samblance a reprise Si se descouvri en apert.

5272 Si com li solaus qui apert Clers et luisans, sans occurté, Qui lonc temps a sous nue esté, Pert plus biaus que souz la nublesce,

5276 Ausi jus mise la viellesce
Aparut plus biaux, ce m'est vis,
Vertumpnus de cors et de vis,
Quant sa droite forme reprist.

5280 Entre ses bras la dame prist.

Esforcier la volt, mes n'iert mie

Mestiers qu'il efforçast s'amie,

Quar sans efforcier estoit preste

De faire de cuer sa requeste, Com cele qui tant fu sorprise De la grant biauté qu'ele avise, Que plus li plot et abeli

5288 Et plus l'ama qu'il ne fist li.

— Historial sens puet avoir
En ces deus fables, si fu voir
C'uns vallès ama tel pucele

5292 Qui fu sage, avenant et bele Et si diligent cortilliere, Si la conquist en tel maniere Com la fable vait devisant.

5296 L'autre, qui tant s'ala prisant Que de son povre ami n'ot cure, Quant vit la honte et la laidure Où li dolereus se livra

5300 Pour fole amour qui l'enivra, Tel duel en ot et tel pitié

<sup>5288.</sup> Notre auteur va plus loin ici qu'Ovide, qui se contente de dire: "..... et mutua vulnera sensit" (vers 771)!

<sup>5289</sup>. B donne cette explication historique et allégorique jusqu'au vers 5376, mais non sans y introduire des changements.

<sup>5290.</sup> A et fu voir.

Qu'el morut por soie amistié. Enterree fu la meschine

- 5304 En la cité de Salamine Ou temple Venus, ce m'est vis. De cors et de face et de vis Samblable à la morte pucele
- 5308 Fu de marbre une ymage bele Entaillie et faite et assise, Sor le cors de la morte mise : Pour ce fu la fable trouvee
- 5312 Qu'en marbre avoit esté muee.

   La premiere fable autrement
  Puis espondre naturelment,
  Selonc phisique, et signifie
- 5316 Pomona largesce et copie
  De tous fruis: l'escripture nome
  Et prent tous fruis par nom de pome.
  Vertumpnus puet signifier
- 5320 Le temps, qui diversifier

  Se sieult en quatre temps divers:

  Printemps, estez, autompne, yvers

  Sont les quatre diversitez,
- 5324 Qui ont diverses qualitez
  Et diverses atemperures,
  Divers chaulz, diverses froidures,
  Et toute oeuvre, si com j'entens,
- 5328 Est fete et laboree en tens.
  Une hore est temps de transplanter,
  De faire hantes et planter.
  En temps doit l'on mouller ces hantes
- 5332 Et arrouser ces joennes plantes. En temps se doit l'on traveillier Or de fouïr, or de taïller. En temps fet l'en ces cortillages,
- 5336 Ces gaains et ces gaaignages.
  En temps redoit on aëschier
  Ces ameçons pour peëschier.
  En temps maine on l'iaue as augeres

<sup>5302.</sup> A Qu'il(!).

<sup>5303.</sup> A Enterré.

<sup>5315.</sup> BC et manque.

<sup>5330.</sup> hantes = ",entes".

<sup>5336.</sup> gaaing = récolte"; gaaignages = "culture de la terre", ou "récolte"; A Ces gareïs, B Ces ahaux; C Ces ahans.

<sup>5339.</sup> BC escourtilz.

5340 Por faire arrouser ces praieres. En temps se redoit l'on pener Or de fauchier, or de fener, Or de fains fenez amasser,

5344 De l'estoier et d'entasser. En temps doit l'en cueillir et batre Les blez. En temps doit l'en abatre Les nois, et les pomes cueillir,

Et ces autres fruits concueillir
Et garder en temps por mengier.
En temps redoit l'en vendengier
Et les vins faire et entoner.

5352 En temps se doit l'en adoner A bateillier et à combatre, Si est temps et saisons d'esbatre, De deduire et de reposer,

5356 Si puis bien dire et proposer
Que ja, se li temps ne l'adone,
S'il ne s'atempre et asaisone
A forme vielle et femeline

D'iver, qui chanue a la crine, De noif couverte et de gelee, S'il ne nege, s'il ne gelee Et yverne en temps et à point,

5364 Bien et forment l'en n'avra point Plenté de pomes ne de fruit, Quar les arbres s'empreignent tuit Ou temps de l'invernal froidure:

5368 C'est l'assamblee et la jointure De Vertumpnus et de Pomone. Ceste assamblee est bele et bone. Ceste jointure est convenable,

D'iver qui couve la racine
Par noif par gresle et par gelee
Dont racine est asaisonee
En yver temps qui qu'il anuit
Et celle de ce pert son delit [C: Et cel d'esté......]
Tonneauls et grenier seront vuit [C: Tonnes......]
Et li arbre aront poy de fruit
Car li arbre s'empreignent tuit
En bruine et en temps cuit [C: manque]
Ou temps d'iver et de froidure.

<sup>5340.</sup> BC les semeïs.

<sup>5343.</sup> manque dans C. B: Et des fains charroier en sauf.

<sup>5344.</sup> manque dans C. B: Par quoi ilz soient d'yaue sauf.

<sup>5360—5367.</sup> B et C donnent ici un autre texte:

<sup>5367.</sup> A infernal.

- 5372 Plenteïve et fructefiable.

  Sous le froit d'iver se norrissent

  Li fruit qui aperent et issent

  Quant li chaulz s'afferme et esclaire,
- Lors que li temps d'esté repaire.
   Allegorie i puet avoir,
   Qui bien est acordable à voir.
   Tant est changiez et changera,
- 5380 Tant se diversefiera

  Tous li mondes, si com j'entens,

  Diversement en divers temps,

  Que Dieux avra seulz la joustise
- 5384 Et le regne de sainte Yglise.
  A ce temps sera, sans doutance,
  De tous bons fruis grant habondance,
  Si com Pomona signifie.
- De tous bons fruis. Par non de "pome"
  Tout fruit prent l'Escripture et nome,
  Et par le "fruitement" l'enluevre
- 5392 Dou fruit à l'ame qui bien oeuvre. Cil qui des bons fruis veult avoir Large habondance, il doit savoir Qu'il est raisons qu'il se comporte
- 5396 Selonc que la saisons l'aporte, Si face, quar il est mestiers, En divers temps divers mestiers. Une hore est saisons de planter,
- D'entes faire et de transplanter. Or est temps d'amoistir ces entes Et d'arrouser ces joennes plentes, Que teulz secheresse n'i chiee
- 5404 Que de ces plantes li meschiee. Or doit fouïr, or doit taillier, Qu'adez troeuve il à traveillier En la plante de sainte Yglise,
- 5408 Qui veult faire le Dieu servise. Primes doit son jardin fermer,

<sup>5372.</sup> BC Plantureuse.

<sup>5375.</sup> BC Au chaut quant.

<sup>5376.</sup> BC Et li frois de l'iver repaire.

<sup>5377</sup>. Cette allégorie manque aussi bien dans B que dans C, qui ne recommencent tous les deux qu'au vers 5645.

<sup>5391.</sup> enlueure = "récolte".

<sup>5394.</sup> Ms. avoir.

<sup>5406.</sup> Ms. quar dez troeuve il ou traveillier. On peut liri aussi: "Qu'assez".

- C'est son cuer clore et confermer En humilite fermement.
- 5412 Quar bien sache certainement C'umblement se doit contenir Qui veult à haute honor venir, Quar c'est la riens qui plus l'avance,
- 5416 Si doit metre en Dieu sa fiance Et s'esperance et sa cremour, Si se doit fonder en l'amour De Dieu. Qui ensi le velt faire,
- 5420 Petit puet douter adversaire Ne nul qui fors aille la voie, Qui nuire ou damagier le doie. Ensi doit l'en fermer et clorre
- 5424 Le jardin dou cuer et fors clorre Les reneors et les agrestes. Pan, li cornus, li diex des bestes, Note vaine gloire et vantance,
- Fol orgueil et vaine arrogance, Faulz samblant, fausse ypocrisie. Silvanus note ydolatrie Qu'es haus bois ancienement
- 5432 Celebroient communement, Si faisoient sacre aus ydoles Les gens ydolastres et foles. Li faunet sont li losengier,
- 5436 Qui servent des gens losengier Et de chuer en lor malices Les gens pecheërres et nices. Sillenus note glotonie,
- 5440 L'orde, puant, vilz et honie, Et Priapus orde luxure. Moult met grant entente et grant cure Ceste torbe, ceste mesnie.
- 5444 Com la sainte ame soit honie Et corrompte par son effort, Mes l'ame vertueuse et fort Doit son jardin fermer et clorre
- 5448 Pour les debouter et fors clorre, Quar l'ame qui les atreroit Sor soi, corrompue en seroit. Quant l'ame a bien son cuer fermé

<sup>5410.</sup> Ms. corre, cf. le vers 5423.

<sup>5434.</sup> Ce vers se trouve écrit à côté du texte dans A.

- 5452 Et en l'amour Dieu confermé, Que nulle agreste vilenaille Ne nulle estrange larronaille N'i puisse entrer ni avenir
- 5456 Dont anuis li doie venir,
  Eschiver doit tout vain deport
  Et vaine oeuvre qui fruit ne port.
  Ne doit entendre à oidiver,
- 5460 Ains doit toute oidive eschiver, Et comme bone ouvriere et sage Doit entendre au bon cortillage. Enter doit entes saluables
- 5464 Et planter plantes profitables, Entes de bone affection Doit enter en s'entencion. Plantes de bones vertus plant,
- 5468 Dont tout aille son cuer emplant, Si les arrouse de doctrine De saluable descipline, Por ce que male secheresce
- 5472 Ne chiee, qui les grieve et blesce, Qui l'umoistour face tarir Et qui lor toille le florir. S'il y naist gitons qui ne vaille
- 5476 Ne malz brocerons, si le taille.

  Se nulz maulz remors croist ou lieve
  En son cuer, qui li nuise et grieve,
  Trenchier le doit sans demorance
- 5480 O la sarpe de penitance.

  Ensi porra fructefier

  La sainte ame, et actefier

  En son cuer antes profitables,
- 5484 Et planter plantes saluables
  De vertus et de bones mours.
  Tele ame aime Diex par amours,
  Et por soie amour se desguise
- 5488 En maint estat, en mainte guise.
  Diex est vignereus, qui planta
  La vigne et puis la transplanta
  En terre bone et delitable,
- 5492 Si trencha le non profitable,
  Qui fruit ne voloit aporter.
  C'est cil qui au col vault porter
  La garbe de charnel nature,

- 5.496 Si ot habit et couverture

  De vrai home et fu gaaignierres

  Et moissoniers et cortillierres.

  Il ot chapiau d'erbe poignant,
- 5500 Qui li fist la teste saignant,
  Dont Judee le corona,
  Quant de joins marins li dona
  Corone, ou, qui velt autrement,
- 5504 Li chapiaus d'erbe droitement Puet noter la chapeleüre Que Diex ot de charnel nature. La char fu sechie et fenee,
- 5508 En crois estendue et penee Au jor de tribulacion, Qu'il souffri paine et passion. Il fu fauchierres et sera,
- 5512 Quant il les felons fauchera
  A la faulz de digne joustise
  Et metra fors de sainte Yglise.
  Il fu peschierres qui pescha
- 5516 Les poissons, quant il aëscha Les pecheors de bone orine A l'ain de sa sainte doctrine. Fruitier sambla, ce m'est avis.
- 5520 Quant l'eschiele de paradis, C'est la crois precieuse et fine, Soustraist et porta sor s'eschine, Puis i monta cueillir le fruit
- Par cui nous fusmes sauvé tuit, Le fruit de vie esperitable, Le fruit de salut pardurable. Forme et office de boier
- 5528 Ot Diex, quant por le grant loier De vie pardurable acquerre Copla les apostres en terre Au joug de voire penitance.
- 5532 Chevaliers fu de grant vaillance Quant la fort bataille arrami Por nous contre nostre enemi, Dont il ot l'onor et la gloire.

<sup>5527.</sup> boier = "bouvier".

<sup>5530.</sup> Ms: coble.

<sup>5531.</sup> Ms. jeu.

<sup>5533.</sup> aramir = "soutenir énergiquement".

- De mains offices, c'est la voire.

  Deigna Diex li piteus servir,

  Si se volt li frans asservir

  Por l'amour d'umaine nature,
- 5540 Si prist habit et couverture De char, couvrans sa deïté Soz humaine fragilité, Et s'en entre subtivement,
- 5544 Sans force et sans violement,
  Ou clos jardin de violetes,
  De dous fruis, de bones pometes,
  C'est de grace et de bones mours.
- 5548 La bele amee par amours,
  La Vierge mere, la pucele,
  Fist le jardin clos et la cele
  En cui Diex se vint ombroier
- 5552 Et deduire et esbanoier, Por fere assamblee et jointure De lui et d'umaine nature, Et dou douz baisier de sa bouche,
- 5556 Qui sor toute autre douçor touche, Baisa sa doucereuse amie, Qui le volt, si n'en desdist mie. Là devint Diex vrais homs parfais.
- 5560 Là fu li mariages fais
  Par consentement de la bele,
  Qui reçut la douce nouvele
  Que li angles li aporta
- 5564 Pour qu'ele conçut et porta Le fruit de pardurable vie. Tout jors nous amoneste et prie Diex li poissans, plains de pitié,
- 5568 Que nous recevains s'amistié
  Et l'amains por nostre profit.
  Nostre amours por nous li souffist,
  Non pas pour profit qu'en li face.
- 5572 S'amour nous presente et sa grace, Si requiert la nostre à avoir, Et bien poons apercevoir Qu'il se puet bien de nous souffrir:
- 5576 Por nostre preu se vient offrir Et d'amors nous requiert et prie;

<sup>5538.</sup> li frans = "l'homme libre".

<sup>5542.</sup> Ms. Sor.

<sup>5550.</sup> Ms. Fu li jardins.

A l'uis dou cuer apele et crie, Si enterra selon li oeuvre.

- 5580 Trop est cil durs, trop fet male oeuvre Qui son huis ne li desvereille. Diex nous amoneste et conseille Que nostre amour li otroions,
- 5584 Et preuve d'amer li donons
  Par raison, quar premierement
  Nous a Diex amé voirement
  Tant que por nous se volt offrir
- 5588. A mort et passion souffrir, S'est drois que l'on li guerredoigne. Or est drois que je vous espoigne L'alegorie et le mistere
- De la dame orgueilleuse et fiere Qui son povre ami desdeigna. Lonc temps fu c'onques ne deigna La souveraine deïté
- 5596 Venir à tele humilité
  Qu'ele preïst humain lignage
  Par amours ne par mariage,
  Tant que cil qui sans charnel pere
- 5600 Fu seulz nez de la Vierge mere, Jhesus, qui por nous enrichir Fu povres et por nous franchir Devint sers plains d'umilité
- 5604 Et sougiez à la deïté,
  Pria la devine amistié
  Que misericorde et pitié
  Eüst dou povre humain lignage,
- 5608 Mes l'ire dou devin corage,
  Qui contre humaine creature
  Estoit trop desdeigneuse et dure,
  Ne pot onques amoloier
- 5612 Par amors ne par biau proier, Jusque cil fu mors et pendus Li cui sans por home espandus Esmut la divine pitié,
- 5616 Et l'ancienne anemistié
  Trespassa que Diex ot vers home
  Por le mors de la mortel pome.
  Lors fu la deïtez benigne,

<sup>5579.</sup> enterra = "entrera".

<sup>5584.</sup> Ms. qu'amer le doions.

- 5620 La char Dieu beneoite et digne, Por l'amour d'umaine nature Mise morte en la sepulture, Dont en Solime ou en Salem.
- 5624 C'est à dire en Jherusalem,
  Apert li sepulcres encors
  Où reposa li devins cors,
  En memoire et en tesmoignage
- 5628 Que pour l'amour d'umain lignage Fu Diex mors et sepulturez. Trop sera dont maleürez Et durs cil qui Diex n'amera,
- 5632 Et griement pugnis en sera, Quar Diex, qui est voire amistié, Misericorde ne pitié N'avra, ce croi certainement,
- 5636 De ceulz qui orgueilleusement Despiroit s'amour et sa grace, Mes qui sans fraude et sans fallace Avra le cuer entalenté
- 5640 De faire à Dieu sa volenté, Et qui de vrai cuer et de fin L'amera, Diex à la parfin Li donra gloire pardurable
- 5644 En la grant joie esperitable.

   Puis que mors fu rois Palatins
  Tint le roiaume des Latins
  Amulius au fier corage.
- Qui n'avoit droit en l'iretage,
   Qu'à Munitor, son frere ainsné,
   Devoit avenir le regné,
   Mes cil par bataille et par guerre
- 5652 L'ot deserité de la terre,
  Mes puis revint au chief dou tour
  Li roiaumes de Munitour,
  Si fu la terre en son aveu
- Far la force de son neveu
  Romulus, le fort et le sage,
  Qui li rendi son heritage,
  Sa terre et son roiaume arriere.
- 5660 Or vous vueil dire en quel maniere Remus et Romulus nasquirent,

<sup>5645.</sup> Nous avons déjà dit plus haut que notre auteur se trompe ici; voir la note au vers 4869.

Et dou dieu Mars dont il issirent, Et coment avint li regnez

- 5664 A Romulus. Mars iere nez
  D'une flor. Or orrois comment.
  Aussi com merveilleusement
  Avoit Jupiter engendree
- 5668 Pallas, qui conceüe et nee
  Estoit de la sustance au pere,
  Sans charnel sustance de mere,
  Ausi vault merveilleusement
- 5672 Juno, se la fable ne ment, Conçoivre un fil et estre mere Sans charnel sustance de pere, Si conçut le dieu de bataille
- 5676 Par l'oudor d'une flor, sans faille. Une fille ot gente et polie Munitor, qui ot nom Ylie. Cele fu nonain et prestresse
- 5680 Ou temple Vesta la deesse:

  Là fesoit le devin office.

  Un jor, pour faire sacrefice,
  Se leva la prestresse main,
- 5684 Si prist une cruce en sa main.
  Pour les entailles netoier
  Qu'ele devoit sacrefier
  Ala querre yaue à la riviere,
- 5688 Qui loing de son habitacle iere. Quant vint là, la cruise posa. Lasse fu, si se reposa Et vait esventer sa poitrine
- 5692 Et desmella sa blonde crine.

  Tandis come elle se seoit
  En l'ombre, qui moult li seoit,
  Les oisiaux qui vont jangoillant
- 5696 Et la riviere grondillant
  Li donent faim et apetit
  De là sommeillier un petit.
  Endormie est sur la riviere.

<sup>5664,</sup> suiv.: Ces récits de la naissance de Romulus et de Remus, de la fondation de Rome, etc., ne sont pas dans les *Métamorphoses*; voir notre "Sommaire" de ce livre XIV.

<sup>5665.</sup> C et orres.

<sup>5684.</sup> BC cruche.

<sup>5689.</sup> BC cruche.

<sup>5695.</sup> B jargoillant; C gargonnant.

<sup>5696.</sup> C Sur la riviere voletant —. Grondiller = "murmurer".

<sup>5699.</sup> A sous.

- 5700 Mars vit la dame, qui bele iere, Si l'ama si la volt avoir: En dormant la vint decevoir C'onc la bele ne l'aperçut.
- 5704 La pucele en dormant conçut
  Deus enfans, et quant se resveille
  Pesant se sent, si se merveille
  Ne ne set pour qu'ele se sent
- 5708 Si endeble ne si pesent.

  Neuf mois porta le devin germe,

  Puis enfanta, quant vint au terme,

  Deus jumiaux fils, de grant biauté.
- 5712 Plains fu de grant desloiauté
  Amulius, qui le regné
  Ot soustrait à son frere ainsné
  Munitor, le pere à la bele.
- 5716 Quant l'en li conta la nouvele Que sa niece a deus filz eüs, Trop par se tient à deceuz Se cil dui sont longues en vie.
- 5720 Grant duel en ot et grant envie Et pensa que, quant grant seroient, Dou regne le degeteroient Si le rendroient à son frere,
- 5724 Lor aiol, le pere à lor mere. Il ne volt pas que plus creüssent, Ains comanda que noié fussent Li enfant en l'aiue dou Tyvre,
- 5728 Si tendra le regne à delivre.
  Par ses messages les envoie
  Noier en Tyvre, et toute voie
  Li message, qui biaux les virent,
- 5732 Son commandement pas ne firent, Ains les lessierent, sans plungier, Sor l'iaue en lor berçuel nagier. Li berceulz vait ou flun flotant
- 5736 Là ou l'iaue le vait botant, Et tant flota que il arive En un marois jouste la rive, Soz l'ombre d'une arbroie espesse,
- 5740 Et là les trueve une louvesse Si les norri celeement

<sup>5713.</sup> *B* Romulus; *C* Anulus cil qui. 5737. *A* que les; *B* qui les arive.

De ses mameles longuement. Li dui jumiau, qui norri furent

- 5744 Dou lait de la loësse, crurent
  Tant que de lait souffrir se porent.
  Tant amendent, tant esvigorent
  Que sans norrice pueent vivre,
- 5748 Et tost furent fort et delivre,
  Biaux et preus selonc lor aage,
  Si relignoient au lignage
  Dou dieu dont il ierent estrait.
- 5752 Assez lor fu dit et retrait
  Que fil Mars et Ylie estoient;
  Moult s'en orgueillent quant il l'oient
  Et plus grant hardement em pristrent.
- 5756 Amulius lor oncle occistrent,
  Qui à mort les cuida livrer,
  Si font le regne delivrer
  A lor aiol, qui droit y a.
- 5760 Emprès l'aiol seignoria Romulus si tint l'erité. Cil fonda Rome la cité, Qui puis fu biaux et chiez dou monde,
- 5764 Si l'ençaint tout à la reonde
  De fors murs, mes n'ierent pas halt
  Tant c'uns homs ne peüst à sault
  Tressaillir les, s'il li pleüst.
- 5768 Li rois fist ban qu'il ne leüst, Sor paine de mort, à nul home Tressaillir les muriaus de Rome. Remus tressaili la cloison,
- 5772 Si mori por cele achoison,
  C'onques n'i ot mieudre avantage
  D'un autre home de bas parage.
  Or est Romulus rois de Rome.
- 5776 Moult le douterent tuit si home Por son frere qu'il ot deffait Et mort por si poi de mesfait. Tuit se doutoient de quasser
- 5780 Les lois et son commant passer.
   Moult fu li rois bateillereus.
   Moult fu poissans et viguereus.
   Moult fu preus et hardis et fors.

<sup>5763.</sup> BC dame.

- 5784 De jor en jor crut ses effors.
  Sa poissance et sa seignorie,
  Sa gent et sa chevalerie.
  De toutes pars à lui venoit
- 5788 Estrange gent, qu'il retenoit
  O la soë propre mesnie.
  Moult i venoit grant compaignie
  De larrons et de robeors,
- 5792 De murtriers et d'escorcheors, N'il n'iert nulz qui à lui venist Que volentiers ne retenist, Si devenoient si lige home.
- 5796 Mault fu poissans li rois de Rome, Mes il ne si home n'avoient Moulliers, n'entor eulz ne trouvoient Baron nul qui par mariage
- 5800 Se vausist joindre à tel barnage, Ou por haïne ou por cremor. Quant vit li rois que par amor Ne se porroient marier,
- 5804 Si fist un grant tornoi crier, Une grant feste et un grans jeus, Si pensa li rois corageus Que les dames de la contree
- 5808 Vendroient à cele assamblee, Por le tornoiement veoir Et pour elles esbaneoir, Si porroient à lor plesir
- 5812 Il et li sien femes choisir, Et qui vaudra grocier, si groce, Ou qui vaudra si se corrouce. Li tournois fu criez sous Rome.
- 5816 Maint vaillant duc, maint poissant home Vindrent por le tornoi veoir. Au jor qu'il durent torneoir Assez i vint de beles femes.
- 5820 De riches et de vaillans dames, De meschines et de puceles, De dames et de damoiseles, Por veoir la chevalerie
- 5824 Et la bele bachelerie
  De Rome et de terre latine.
  La fille au fort roi de Sabine
  I vint à bele compaignie

- 5828 De puceles et de mesnie.

  Quant Romulus vit la pucele,

  Qui tant ert avenans et bele,

  Quarolant o ses compaignetes
- 5832 Beles et gentes et jonetes, Grant fain li prist de dosnoier, Si a lessié le tornoier. Brochant s'en vait vers la quarole.
- 5836 La fille au roi prent et acole
  Si la monte sor son destrier,
  Et tuit li autre chevalier
  Font autel, quar chascuns a prise
- 5840 Cele qui plus aime et plus prise Ou qu'il encontre premeraine, Si emporte, sans laschier raine, Chascuns la soë en la cité.
- 5844 Moult le tindrent à grant vilté
  Taces, qui fu rois de Sabine,
  Et ses gens, et ceste rapine
  Cuident vengier moult chierement.
- 5848 Rome envaïrent fierement
  Et moult grant assault li rendirent,
  Mes li Romain se deffendirent.
  Tarpee, une fole musarde,
- 5852 Ot à Rome une porte en garde. Les clez avoit en sa saisine. Cele vit les olz de Sabine, Qui richement armé estoient
- 5856 Et devers senestre portoient Chascuns une riche cointise. Envie en ot et convoitise, Si lor dist qu'el lor ouvriroit
- 5860 La porte et entrer les leroit, Se tuit ensamble li juroient Que les armes li doneroient Qui devers senestre pendoient.
- 5864 Cil li jurent, qui entendoient:

  Les escus! La porte est ouverte.

  Cil entrent ens, si l'ont couverte

  D'escus tant qu'estoufee et morte
- 5868 Fu sous le fes. Pour ce la porte Et la tour qu'ele avoit en garde

<sup>5846.</sup> A de ceste rapine.

<sup>5851.</sup> A Tyrpee.

<sup>5854.</sup> B os; C ostz.

Dou nom à la fole musarde Ot nom Tarpee, et encore a.

5872 Romulus pas ne demora Ne ses gens, qui la frainte oïrent. Armez vindrent, si resortirent Les Sabins fors de Rome arriere.

5876 Une autre porte par derriere Ouvri Juno celeement Aus Sabins, que trop durement Avoit ceulz de Rome en haïne.

5880 Par là volt li olz de Sabine
Entrer de nuis, repostement,
Por tout metre à destruiement
Les barons romains, qui dormoient,

5884 Mes les nimphes, qui Rome amoient Et les Romains, par la priere De Venus, qui lor amie iere, Qui la porte oï desfermer,

5888 Pour ce qu'el ne la pot fermer, Quar li uns diex pas ne desfait Riens que li autres diex ait fait, Si fist ce qu'ele en pot seveaus:

5892 Aus Naiadiane des eaus Pria que conseil i meïssent Tant que li Romain n'i perdissent Par sa priere, et elz si firent.

5896 Les iaues d'ardant souffre emplirent Si c'une grant iaue escreva Devant la porte, et là leva Une si espesse fumee

5900 Que l'ost qui la iere aünee Ne passa pas legierement, Et Romulus isnelement S'arma tandis, si vint encontre.

5904 Pres de la porte les encontre Si les occist à grant haschie Et d'eulz a la terre jonchie, Et li Sabin de l'autre part

5908 Refirent des siens grant essart: De l'un et de l'autre barnage

<sup>5892.</sup> Ovide: "Naïdes" (vers 786). Il ajoute: "Ausoniae". C mandagiennes(!).

<sup>5894.</sup> BC ne perdissent.

<sup>5895.</sup> BC eulz.

<sup>5897.</sup> C fumee.

Y ot grant perte et grant damage. Trop dura longuement, sans faille,

- 5912 Entre les deus olz la bataille, Si ne sot l'en jugier ne dire Qui le mieudre eüst ou le pire. Les dames et les damoiseles,
- 5916 Les meschines et les puceles Qui avoient esté ravies Avoient enfans plains de vies Les aucunes d'eles eü,
- 5920 Les autres orent conceü, Si lor desplut cele mellee. Entr'eles font une assamblee Et un porparlement ensamble
- 5924 Ou temple Juno, ce me samble. Hersilie parla premiere, La fille au roi, qui amie iere Romulus, qui de Rome est rois,
- 5928 Si dist: "Trop dure cilz desrois, Ceste guerre, ceste ataïne, Qui meüe est por la rapine De nos compaignes et amies,
- 5932 Quar ensamble fusmes ravies, Si nous vient de grant mauvestié Quant il ne nous en prent pitie. Je lo que conseil i metons
- 5936 Et tant nous en entremetons,
  Se nous poons, que pais i chiee,
  Quar je dout qu'il ne nous meschiee
  De quel que part, coment qu'il alle,
- 5940 Se plus dure ceste bataille.
  Se nostre ami sont vainqueor,
  Nos peres avront le piour,
  Et se nous perdons nos seignors,
- Nostre perte sera greignors.
   Qui que perde ou qui que gaaigne,
   Qui que muere ou qui que mehaigne,
   Nostres en sera li damages.
- 5948 Crees moi, si feres que sages, Et fetes ce que je ferai Et que je vous conseillerai". Celes distrent: "Nous vous crerons

<sup>5918, 19.</sup> Les trois manuscrits sont d'accord sur cette construction un peu bizarre.

<sup>5924.</sup> *B* iovem; *C* junam.

<sup>5937.</sup> B pais ressie.

- 5952 Et selonc vostre los ferons".

  Adont se destresce et deslie
  Toute premeraine Hersilie,
  Et les autres autresi firent
- 5956 Et de plorens dras se vestirent, Si s'en vont tristes, adolees, En noirs dras et eschevelees, Lor enfans portant à lor couz.
- 5960 En la place où les mortelz cous Devoient estre departis Trouverent les deus olz partis, Qui entr'assambler se voloient.
- 5964 Li buisineor s'aprestoient
  De buisiner, si com moi samble,
  Por les deus olz meller ensamble:
  Ja n'i avoit que dou combatre,
- 5968 Quant les dames se vont embatre. Emmi le champ, eschevelees, Tristes, plorans et adolees, Jointes mains, à faces moillies,
- 5972 Se sont à terre ajenoullies.

  Lor peres et lor amis prient

  Qu'il facent pais. Li enfant crient,

  Que les meres as colz avoient.
- 5976 Li pere et li mari les voient, Si lor en est grant pitié prise: La guerre qu'il orent emprise Et maintenue longuement
- 5980 Lessierent amiablement; Les hiaumes ostent et deslacent, Si s'entrebaisent et embracent. Ensi fu la guerre apaisie,
- 5984 Si firent entr'aulz pais baisie Par convent que Taces avroit Son regne tant come il vivroit Et sor les Sabins regneroit,
- 5988 Et quant Taces devieroit, Romulus l'un et l'autre empire Gouverneroit sans contredire, Si seroient li Sabin home
- 5992 Obeïssant au roi de Rome, Et seront pardurablement

<sup>5959.</sup> *Mss.* colz. 5960. *Mss.* cops.

De deus regnes un seulement.

— Par le folz tirant traïtor

5996 Qui desherita Numitor

Et li toli son heritage

Par sa fraude et por son outrage,

Puet l'en entendre le dyable,

6000 Le traïtour, le decevable, Qui home despoulla jadis Dou roiaume de paradis, Et joustisa par son outrage

6004 Come rois sor l'umain lignage,
Mes si com Diex, Peres aidierres,
Li tous poissans, li gouvernerres
Dou ciel, dou monde et des abismes

Ot engendré de soi meïsmes,
Par pardurable engendrement,
Sans fin et sans commencement,
De la propre sustance au pere,

6012 Sans charnel semence de mere,
Cele sapience devine
Qui tout commence et tout affine,
C'est le fil equal et samblable

6016 A Dieu le pere pardurable,
Ausi velt concevoir en tens
Par son plesir, si com j'entens
Et l'Escripture le recorde,

6020 La devine misericorde

De propre sustance de mere,

Sans charnel semence de pere,

Par l'atouchement d'une flor,

6024 Un fil preu et de grant valor, Qui puet estre apelez, sans faille, Diex poissans et fors em bataille. Cil Diex vit la sainte prestresse,

6028 L'umble ancele, l'umble beesse De Dieu, qui sans nulle malice S'iert donee au devin office, Et en pure devocion

6032 De vraie contemplacion
Estoit ausi come endormie,
Si en deigna faire s'amie.
Tant la convoita, tant li plut

- 6036 Que sor toutes autres l'eslut Si se joint à li charnelment. Si bel, si merveilleusement, Qu'ains charnel delit n'apercut
- 6040 La dame quant elle conçut. Neuf mois porta le devin germe, Si enfanta, quant vint au terme, Un enfant de double sustance,
  - 6044 Voir home et voir dieu sans doutance, Mes cil, qui au mors de la pome Ot guerroié le premier home Et par fraude desherité
  - 6048 De paradis et degité, Cil. où toute malice habonde Ou flotoiement de ce monde, Cuida par sa fole estoutie
  - 6052 Le fil à la Vierge Marie, Qui estoit vrais diex et vrais hom, Perdre par mauvese raison Et metre à mort par ses sergens,
  - 6056 Quant par Herode et par ses gens Destruit à milliers et à cens Por mal de lui les innocens. Si cuida c'ou nombre des mors
  - 6060 Deüst estre estoufez et mors Cil qui avoit en sa baillie Le pooir de mort et de vie Et qui tous devoit faire saus.
  - 6064 Mes poi li valut cis consaulz, Quar Diex, qui tout puet, le gueri Et delivra qu'il ne peri. En Egypte vint à garant.
  - 6068 Murtrir le vaudrent si parant, Li fel juïf plain de bouffoi, Et la gent paiene et sans foi, Gent sauvage, gent enragie,
  - 6072 Qui puet estre comparagie Par raison à loë sauvage, Ne li fist anui ne damage, Ains le reçut joieusement
  - 6076 Et norrit amiablement, Jusqu'il vint en sa terre arriere.

<sup>6062, 63.</sup> manquent dans C.

<sup>6070. &</sup>quot;Et", dans le sens de "Mais" 6076. A morut.

C'est li enfes de grant maniere Qui bien sambloit estre, sans faille,

6080 Filz au poissant Dieu de bataille. C'est cil qui destruit le dyable, Le traïtour, le decevable, Si li toli le seignorage

6084 Qu'il avoit sor l'umain lignage, Si fist l'eritage celestre Franchement rendre à son ancestre, Dont dyables l'ot degité

6088 Par sa fraude et desireté. C'est cil qui regne et regnera, Et ses roiaumes durera En glorieuse eternité.

6092 C'est cil qui basti la cité
De Sainte Yglise et fermement
La fonda sor fort fondement,
Qui ore est dame et chiez dou monde,

6096 Si l'ençaint tout à la reonde De murs, c'est de commandemens, Si fist les establissemens Et son ban que cil encorroit

6100 Paine de mort et si morroit
Qui oseroit son ban quasser
Ne ses commandemens passer.
Li humains lignages passa

6104 Son commant et son ban quassa,
Dont mortel paine il encorut,
Mes li filz Dieu le secorut,
Qui l'avoa de cest pechié

6108 Et le traist fors de cest meschié, Si vault son cors à mort livrer Por home et feme delivrer Et pour sauver l'umain lignage,

6112 C'onques n'i ot autre avantage Li cors Dieu c'uns autres eüst, Ains convint que mort receüst Por la devine ire apaier

6116 Et pour tout nostre escot paier Où Adam nous ot escotez.

<sup>6091.</sup> A enternité.

<sup>6099.</sup> A banc. Allusion au vers 5768. C ban et qui l'encorroit.

<sup>6105.</sup> A paine y encorut; C paine il encourut.

<sup>6107.</sup> C l'acquita.

<sup>6115-20.</sup> manquent dans C.

- Por ce fu li filz Dieu dotez Com rois souverains et hautismes
- 6120 En ciel, en terre et en abismes.
  C'est li rois qui les pecheors,
  Les larrons, les escorcheors
  Recevoit piteablement
- 6124 A penitence, et bonement
  Les prenoit en sa compaignie
  O la soë propre mesnie,
  Et o ses sains les corona.
- 6128 C'est cil qui example dona
  A ses amis, à ses sergens,
  A ses homes et à ses gens,
  Comment il devoient chevir
- On the first of th
- 6136 Est une grant chevalerie.

  Aus engaignemens de travail

  Doit brochier le charnel cheval,

  Por corre plus ilnelement
- 6140 Aus oeuvres de son sauvement,
  Si doit tornoier et combatre
  Et tout vice vaincre et abatre.
  La moullier que chascuns doit prendre
- 6144 Si est que tuit doivent entendre
  A l'example nostre Seignor,
  Fort et foible, maindre et greignor,
  A penitance maintenir:
- 6148 Selonc ce qu'il puet soustenir
  En doit chascuns prendre et chargier,
  Quar nulz hom ne doit enchargier
  En sa char plus de penitance
- Ou'il ne puet porter, sans doutance,
  Ne soi grever par fol outrage.
  Espouser doit par mariage
  Penitance et faire ent s'amie

<sup>6127—32.</sup> manquent dans C. Dans toute cette allégorie, C arrange à chaque instant le texte et saute beaucoup de vers: 6135—40; 6145, 46; 6149—56; 6163, 64; 6183, 84; 6189, 90; 6197—6201.

<sup>6137.</sup> Ms. engegumes; je lis: engaignemens, dans le sens de "peine".

<sup>6142.</sup> C Pour raser tout vice et abatre; A Et tout vice,

<sup>6143.</sup> AC La moullier.

- 6156 Bons crestiens toute sa vie.
  Par le roi Tace et par les siens
  Est notez li fels essiens
  Des charneulz delectacions
- 6160 Et des vaines temptacions,
  Qui au cors tienent compaignie
  Come sa gent et sa mesnie,
  Tel com li apostres les nome.
- 6164 Cil guerroient le roi de Rome Et les Romains, c'est l'esperite Qui se deduit, qui se delite En dignes fruis de penitence.
- 6168 Cilz a gent d'autre continence,
   Tels com li apostres devise.
   Ces deus olz ont bataille emprise
   Moult felonesse et moult grifaigne,
- 6172 Si n'i a nulz d'eulz qui se faigne L'un de l'autre suppediter. Li cors s'efforce à deliter Et avoir les charneulz delis
- 6176 De vins, de mengier et de lis, Si veult toutes vaines mollices, Et quiert toutes charneulz delices, Et veult penitance soustraire
- 6180 A l'esperit qui tant puet plaire. Li esperilz veult traveillier, Orer, jeüner et veillier, Vivre à dolour et à destresce.
- 6184 En penitence et en aspresce,
  Pour vie pardurable acquerre.
  Ensi dure entr'eulz ceste guerre,
  Si ne set l'en jugier ne dire
- 6188 Qui ait le mieudre ne le pire N'il n'est pas legier à savoir Qui doie la victoire avoir, Mes bien voi que li esperis
- 6192 Est en doute d'estre peris Par deus portes, quar la musarde Qui la plus haute porte garde — Garde? Non pas! Mes el deüst
- 6196 Garder la bien, s'ele seüst, O cuer vezie et recuit.

<sup>6158.</sup> A felons; C fols.

<sup>6193.</sup> Allusion à Tarpeia.

- Ceste excellente dois, ce cuit!

   Est tost deceüe et sorprise,
- 6200 Quant voit la dampnable cointise
  Des aparans que li cors porte,
  Et tost abandone sa porte
  A celz qui l'esperit guerroient
- 6204 Et por lui perdre se desroient, Si leur done entree et passage. Ceste portiere n'est pas sage Qui son seignor triche et deçoit
- 6208 Et ses adversaires reçoit, Et bien l'en devroit mescheoir, Si fet il, quar seul dou veoir, Por que consentement i chiee,
- 6212 Est elle estainte et estoffee.

  Lors puet estre li esperis

  Soudainement mors et peris,

  Quar puis que l'entree est ouverte
- 6216 Avoir i puet damage et perte,
  S'il ne se puet contr'elz deffendre
  Et qu'il se laist mater ou prendre,
  Mes li bons esperis et fors
- 6220 Se combat contre les effors
  Des charneulz delectacions
  Et des vaines temptacions,
  Si chace et forsclost et esloigne
- Ou meschiez li doie avenir,
  Qu'o lui n'en doit nul retenir
  Qu'il ne forscloë ou mortefie,
- 6228 Quar folz est qui de riens s'i fie. L'autre porte est plus damageuse, Plus doutable, plus perilleuse Que l'ost adversaire n'i viengne,
- 6232 Qui de nuis en dormant sorpreigne L'ame desporveüement. Ceste porte repostement Oeuvre Juno, qui signifie
- 6236 De biens habondance et copie, Quar quant li homs est bien peüz, Bien gogues et bien embeüz, Et li ventres, qui ne demande

<sup>6212.</sup> C enforciee. L'autre rime est pourtant possible dans notre texte.

<sup>6237.</sup> A li uns; C li homs.

<sup>6238.</sup> C Bien conres et; A Bien agogues bien. gogue = "gai, joyeux".

- 6240 Fors bons vins et bone viande, A ce qu'il aime à son plesir, Lors a la char aise et lesir De faire à l'esperit grevance.
- 6244 Lors puet charneulz concupisance Entrer habandoneement, Quar la porte est couvertement Ouverte, et l'ame est endormie
- 6248 En oubliance et n'i puet mie Metre grant deffence en ce point, Com cele qui n'i pense point, Si porra perdre, se devient,
- 6252 Se d'aillors secors ne li vient, Mes Venus, si com dist la fable, Qui est amie et favorable Aus Romains, oï deffermer
- 6256 La porte et la cuida fermer,
  Mes ne pot pas estre desfet
  Par lui ce que l'autre avoit fet,
  Si fist ce qu'ele em pot seveaus:
- 6260 Les Naiadianes des eaus
  Pria que conseil i meïssent
  Et aus Romains secors feïssent,
  Et celes por s'amor si firent.
- 6264 Les dois de lor fontaine emplirent D'ardant souffre, et lors s'escreva Une grant riviere et leva A la porte une orde fumee,
- 6268 Si que toute en fu estouffee L'ost qui voloit outre passer. Tandis fist li rois amasser Sa gent et armer son empire.
- 6272 Or vous dirai ce que veult dire Venus. C'est l'ardours de luxure, Orde, puant, plaine d'arsure. Ceste aperçoit et set, sans doute,
- 6276 Quant charneulz apetis se boute
  En cuer d'ome et quant la porte oeuvre,
  Mes ne puet pas destorner l'oeuvre
  Dont elle est sachans parçoniere.
- 6280 Mes les vaines por sa priere Emplent les dois de lor fontaine

D'ardant souffre, si qu'ele est plaine D'orde puour, et la riviere

- 6284 Soronde à la porte derriere
  Si lieve une puant fumee,
  Tel que toute en est estoufee
  L'ost qui estoit entour la porte
- 6288 Et convient qu'ele se ressorte.

  Tant est li effez de luxure

  Ors et puans et plains d'arsure,

  Qu'ensorquetout finablement
- 6292 Maine à mort pardurablement
  Ceulz qui s'i endorment et musent
  Et qui mauvesement en usent.
  Tant art et point li appetis
- 6296 Et tant est li delis petis!

  Petis? Voire, et briement passez,

  Et, tout fust il plus lonc assez,

  Qui se prendroit garde à l'ordure
- Et au torment que tant endure.
  Et qui bien s'en apenseroit,
  Ja tant endormis ne seroit
  Ses cuers en mauvese folie
- 6304 N'en vain delit de lecherie, Que tantost ne s'en resveillast Et garnist et apareillast A deffendre soi com vassaulz
- 6308 Contre les dampnables assaulz
  Des charneulz delectacions
  Et des vaines temptacions,
  Qui devers cele porte assaillent.
- 6312 Aucun sont qui bien s'aparaillent Et garnissent hastivement D'eulz deffendre proëusement Contre les charneulz apetis
- 6316 Tant com lor pooirs est petis,
  Ains que trop embatu se soient
  En lor cuers, quar s'il les lessoient
  Sor eulz embatre et seignorir,
- 6320 Tost en porroit l'ame morir
  Par dampnable consentement.
  Li sage vertueusement
  Se combattent, et mortefient

<sup>6291.</sup> Mss. Ensorque tout.

<sup>6307.</sup> Mss. A deffendre come.

- 6324 Les vains apetis et ocient
  En lor cuers par fort abstinence,
  Par confesse et par penitence,
  Mes li fol folement i perdent,
- 6328 Qui par consentement s'aherdent
  Aus vains delis qui sus lor corent,
  Dont mort spirituel encorent.
  Ensi est ceste grief bataille
- 6332 Entre l'ame et le cors sans faille, Si n'est pas legier à savoir Qui le meillor en puisse avoir Ne qui doit vaintre à la parclose,
- 6336 Et moult est perilleuse chose Que li uns d'eulz en soit perilz: Ou li cors, ou li esperilz, Ou ambedui, par aventure,
- 6340 Se li contemps longuement dure, Quar pluiseurs, se bien m'en recors, Ont perdu et l'ame et le cors Pour faire à la char ses desirs,
- 6344 Tous ses bons et tous ses plesirs.

  Negligens est qui ne s'en doute,

  Et pour eschiver ceste doute

  Se doit penitence entremetre
- 6348 De ceste bataille em pais metre.
  Penitence se doit embatre
  Entr'eus, por le contemps abatre.
  Ceste en doit estre acorderesse.
- 6352 Moieniere et apaiserresse,
  Come apartenans et amie
  De l'une et de l'autre partie,
  Quar penitence naist et vient
- 6356 Dou cors, et pour ce, se devient, Se li cors n'avoit soustenance Selonc naturel souffisance, Il ne porroit longues durer
- 6360 Ne la penitence endurer. Emprès elle est amie et fame Et loiaulz espouse de l'ame, Sans cui l'ame ne puet avoir
- 6364 Parfaite vie, au dire voir,
  Et se l'ame est morte, que vault
  Que li cors se griet et travault
  En penitence sans profit?

- 6368 La penitence ne souffit
  Ne n'est, quant à Dieu, nient prisie
  Qui est faite en ypocrisie.
  L'ame est morte, par verité,
- 6372 En cui n'a point de charité, N'à l'ame ne profite point Penitence fete en ce point. Ensi apartient, sans doutance,
- 6376 A l'ame et au cors penitance, Si doit estre moiene amie De l'une et de l'autre partie, Et se doit traveillier, sans faille,
- O'apaisier ceste grief bataille
  Qui est entre l'ame et le cors,
  Qui tant sont rebelle et discors.
  Mette soi penitence en mi,
- 6384 Si devendront loial ami
  Et feront entr'eulz pais baisie.
  Ensi fu la guerre apaisie.
  La fins est teulz, ce m'est avis,
- 6388 Que, tant com li cors sera vis
  Au monde et avra franc lesir
  De vivre à son propre plesir,
  Il veult avoir la seignorie
- 6392 De sa gent et de sa mesnie,
  Qu'il voudra que l'esperis raine
  Et tiengne l'un et l'autre raine,
  C'est de l'ame et dou cors ensamble.
- 6396 Mortifier doit, ce me samble, La char par aspre penitance, Si seront en l'obediance De l'ame li charnel desir
- 6400 Et serviront à son plesir, Et tendra l'un et l'autre empire Li esperis sans contredire, Et Diex regnera sans doutance
- 6404 En home de tel contenance,
  De tel maniere et de tel estre,
  Si li donra gloire celestre
  Aus cieulz o les glorefiez.
- 6408 Quant rois Taces fu deviez, Romulus fu rois de Sabine, De Rome et de terre latine, Si tint deus regnes en sa main.

- 6412 Tuit li Sabin et li Romain
  Furent si home et de lui tindrent
  Et selonc ses lois se maintindrent,
  Quant en sa juridicion
- 6416 Furent sans contradicion
  Li dui pueple et li dui roiaume.
  Mars a de son chief trait son hiaume.
  Si a le dieu des diex proié
- 6420 En tel maniere et soupploié : "Biau pere, Rome la cité Est ore en grant stabilité, Fondee sor fort fondement,
- 6424 Si tient en son gouvernement
  Uns seulz prince Rome et Sabine
  Et toute la terre latine.
  Tout tient mes filz en son aveu.
- 6428 Or te pri: reng à ton neveu

  La promesse que me feïs,

  Et lonc temps a me promeïs,

  C'uns temps seroit que je treroie
- Oou monde et deïfieroie
  Un home aus cieulz, bien m'en souvient.
  S'il te plaist, biau pere, or convient
  Que promesse me soit tenue,
- Qu'orendroit est l'ore venue Que mon fil vueil glorefier, S'il te plaist, et deïfier". Li diex tous poissans otroia
- 6440 Ce que ses filz Mars li proia.

  L'air couvri d'une creuse nue

  Et dou ciel est foudre venue

  Et un tonoirre espoëntable.
- 6444 Mars vit le signe aparissable, Si sot par ceste demonstrance Qu'il avroit sans nulle doutance Sa demande, et ja n'i faudroit,
- 6448 Et que sa requeste vaudroit. Sor sa hanste s'est apoiez

<sup>6418.</sup> A Mors; B traist. Ovide: ,,..... posita cum casside Mavors, talibus adfatur divumque hominumque parentem'' (Mét., XIV, 806, 7).

<sup>6431. &</sup>quot;Unus erit quem tu tolles in caerula caeli". Dans Ovide, ce vers est une citation prise dans le premier livre d'Ennius; cf. Fasti, II, 487, suiv.

<sup>6449. &</sup>quot;Innixusque hastae pressos temone cruento, impavidus conscendit equos Gradivus....." (Mét., XIV, 819, 20).

Hardiement, si est poiez Ou chars que li cheval portoient,

- Ont li tymon sanglent estoient.

  Ses chevalz esperone et point
  Parmi l'air et n'arreste point
  Jusqu'il vint ou palu Capree,
- 6456 En Mont Palait, en une pree,
  Où ses filz ert, li rois de Rome,
  Romulus, entor soi si home,
  Qui ses drois et ses lois ooient
- 6460 Et ses commandemens fesoient.

  Mars le prist, si l'en a porté,
  Et quanqu'il ot en lui morté
  En peu d'ore affine et espure.
- 6464 La face ot plus fine et plus pure Qu'il n'ot eü premierement, Quar si com li plons droitement, Que la fonde lieve et fondoie,
- 6468 En l'air haut se font et netoie, Aussi espurge il et affine, Si prist forme noble et divine, Et fu de grant auctorité,
- 6472 D'onor grant et de dignité, Et ses noms fu renouvelez Si fu Quirinus apelez Cil qui Romulus avoit nom,
- 6476 Et de ce changea le sornom
  Dou mont, où Quirinus fu pris,
  Si fu apelez Mont Quiris.

   Tant ot regné li enemis,
- 6480 Que li temps vint qu'il fu demis Et desposez dou seignorage Qu'il avoit sor l'umain lignage, Si ot li Filz Diex em baillie
- 6484 De deus regnes la seignorie, Et dut estre glorefiez Aus sains cieulz et deïfiez Li cors que li Filz avoit pris

<sup>6450.</sup> poier = puier = "monter".

<sup>6455.</sup> Ovide: "in summo nemorosi colle Palati" (vers 822); AB copree; C chappree. Il s'agit de la "palus Capreae", au Champ de Mars; cf. Fasti, II, 491, suiv.

<sup>6456.</sup> manque dans C.

<sup>6463.</sup> A En pendant l'affine et l'espure,

<sup>6466.</sup> B ploubs.

<sup>6483.</sup> Miss. Diex li filz.

- 6488 En la pucele de haut pris
  Dont il volt nestre charnelment,
  Qu'ensi l'avoit par serement
  Diex, li poissans Peres, promis
- 6492 Ou concile de ses amis
  Et de ses Sains, quant temps seroit,
  Que li Filz glorefieroit
  Un home, et quant le terme vint,
- 6496 La promesse averer convint.
  Li filz Dieu le Pere en proia,
  Et li Peres li otroia,
  Et pour ce qu'en le deüst croire,
- 6500 Signe de foudre et de tonnoire Dou ciel en terre li tramist. Li diex de bataille se mist Et monta sor le riche char
- De la crois, où la sainte char
   Dou fil Dieu fu crucefiee,
   Qui dut estre glorefiee.
   Quanqu'il prist en la vierge mere
- 6508 De mortel char par mort amere Fu en crois pendant, espuré Et netoié et escuré. Si com li plons que l'en fondoie
- 6512 En fondant s'espurge et netoie, Ausi fu plus fine et plus pure Et de plus excellent nature, Plus escalorjant, plus mouvable,
- 6516 Plus clere et plus resplendissable Sa chars emprès la passion, La mort et la surrection, Qu'il n'iert avant, quant il vivet.
- 6520 Jhesucris de Mont Olivet, A veü de sa compaignie,

<sup>6491.</sup> A pramis.

<sup>6492.</sup> C conseillie.

<sup>6493.</sup> C que uns temps seroit.

<sup>6495. &</sup>quot;li fils" = Mars - Jésus.

<sup>6499, 6500.</sup> manquent dans C.

<sup>6504.</sup> C De la rois.

<sup>6509.</sup> A Fu en la crois pendant puré.

<sup>6511.</sup> A Si que.

<sup>6512.</sup> A espurge.

<sup>6515, 16.</sup> manquent dans C.

<sup>6519.</sup> C vivoet. La même rime se trouve ailleurs dans le poème.

<sup>6520.</sup> C sus le.

De sa gent et de sa mesnie, Des desciples qui le sivoient

- 6524 Et ses commandemens fesoient, Emporta si fine et si pure Aus cieulz nostre humaine nature, Si l'assist hautement à destre
- Dieu le Pere, en gloire celestre.
  Mars a son filz glorefié,
  Romulum, et deïfié,
  Mes de cest glorefiement
- 6532 Ne savoit riens certainement S'amie et s'espouse Hersilie, Qui triste ert et desconseillie Et moult ot le cuer esperdu,
- 6536 Qu'el le cuidoit avoir perdu, Si plore et gemist et dolouse Por son ami la franche espouse. Juno por reconforter la
- 6540 Vault son message envoier là, C'est Yris, qui la reconfort Et de par sa dame li port De son espous certaine enseigne
- 6544 Et la verité l'en enseigne, Si li die: "O, vaillant roïne, Flors de Rome, flors de Sabine, Vaillans roïne et vaillant dame,
- 6548 Qui sole fus digne estre fame, Espouse et amie à tel roi, Lesse ton duel et ton desroi. Quirinus est glorefiez,
- 6552 Tes espous, et deïfiez,
  Et se tu as faim et desir
  De lui veoir à ton plesir,
  Le verras. Or vien sans gabois
- Ovuec moi en ce ramé bois
  Qui verdoie sor Mont Quiris,
  Où ses sains temples siet". Yris
  Descent en terre en un arc point,

<sup>6529.</sup> C Mais.

<sup>6545.</sup> A die; BC dit. Ce n'est pas encore ici Yris qui parle; c'est Junon, qui lui dit ce qu'elle doit dire à Hersilie. Donc: "die". Ovide: "..... cum regia Juno, Irin ad Hersilien descendere limite curvo, imperat et vacuae sua sic mandata referre: "O, et de Latia......" (Mét., XIV, 829, suiv.).

<sup>6558.</sup> B En ce saint temple.

- 6560 Si forni son message à point A la dame où Juno l'avoit Tramise, et quant elle la voit, La franche dame, la roïne,
- 6564 Vergoigneuse est, son chief encline,
  Qu'à paine osa drecier le vis
  Vers la message, ce m'est vis,
  Qui li aportoit la nouvele,
- 6568 Si dist: "Vaillant deesse et bele, Quar deesse iez tu voirement, Mes ne porroie droitement Dire ou deviser qui tu soies,
- 6572 Se tu au leu me conduisoies
  Ou je veïsse vis à vis
  Mon espous, moi seroit avis
  Que roïne des cieulz seroie
- 6576 Et toutes autres passeroie
  De bone aventure et de joie''.
  Atant Hersilia s'avoie
  Ovuec la messagiere Yris,
- 6580 Si est montee ou Mont Quiris.

  Là descendi dou ciel en terre

  Une estoile, qui la vint querre,

  Et de la resplendour de li
- 6584 Resplendi cele et embeli, Si s'en monte o l'estoile es cieulz. Là la reçut li jovencieulz, Li rois de grant auctorité
- 6588 Qui fonda Rome la cité,
  Quirinus, qui lez lui l'assiege
  Hautement sor un noble siege,
  Si l'a toute renouvelee
- 6592 Cors et nom: or est apelee "Hora", si est à grant honor Jointe deesse à son seignor.

   Or vous dirai l'allegorie.
- 6596 Li filz a la Vierge Marie, Jhesucris, où tous biens habonde, Li sauverres de tout le monde, Avoit esté mors et pendus

<sup>6564.</sup> A en son chief.; C V. son chief cline.

<sup>6566.</sup> BC le message.

<sup>6591. &</sup>quot;..... pariter cum corpore numen mutat Horamque vocat, quae nunc dea juncta Quirino est" (Mét., XIV, 851).

- 6600 En crois et ses sans espandus, Dont tuit fumes vivifié, Et ja l'ot Diex glorefié Par voire resurrection.
- 6604 A sa mort, à sa passion
  Furent present et bien la virent
  Aucun des siens qui le servirent,
  Et de certaineté savoient
- 6608 Come à tort condampné l'avoient Par traïson et par envie Li faulz Juïf à perdre vie Par jugement de mort amere.
- 6612 Ensorquetout sa douce mere
  L'ot seü, la Vierge Marie,
  Qui moult fu dolente et marrie,
  Quant vit que si vilainement
- 6616 Fu mis à mortel dampnement Ses filz, ses peres, ses amis, Par les mains de ses anemis, Mes de son saint resordement
- Ne de son glorefiement
  Ne savoit riens s'espouse encors,
  Sainte Yglise, qui le sien cors
  Tenoit à mort et à perdu,
- 6624 S'ot le cuer triste et esperdu Por la mort dou crucefié, Que Diex avoit glorefié, Mes pour sainte Yglise apaier
- Volt des cieulz message envoier
  La divine misericorde,
  Si com l'Escripture recorde,
  Qui de sa resurrection
- 6632 Fist une annonciation
  Aus trois dames qui le queroient,
  Si lor dist qu'el le trouveroient
  En Galilee, où il seroit.
- 6636 Et là se manifesteroit
  A ses amis, si lor deïssent
  Qu'en Galilee le queïssent,
  Qu'à eulz s'iroit aparoir là.
- 6640 Il meïsmes se revela A Pierre à la Magdalaine,

- Si fist sainte Yglise certaine En divers leus, diversement,
- 6644. De son saint resuscitement,
  Dont lié furent et joie firent
  Ses desciples, quant il le virent
  En une forme aparissant:
- 6648 C'est l'estoile resplendissant
  Qui de sa resplendor divine
  Toute sainte Yglise enlumine,
  Qui descendi dou ciel en terre
- 6652 Por s'amie sauver et querre, Si porta nostre humanité En glorieuse eternité. Là est la triumphant Yglise
- 6656 Aus cieulz o son espous assise En real trosne, à grant honor, Où elle regne o son seignor, Et ors ore assiduelment
- Vers Dieu por nostre sauvement
   Metre i puis autre allegorie,
   Si soit de la Vierge Marie
   Toute ceste fable exposee:
- 6664 C'est l'amie, c'est l'espousee A cui cil où tous biens habonde, Li Sauverres de tout le monde, Li filz Dieu, li vrais gouvernerres
- 6668 De sainte Yglise et li fonderres, Se deigna joindre charnelment. Cele fu singulierement Sor toutes autres esprouvee,
- 6672 Et sole fu digne trouvee

  De tel espous prendre et avoir

  Et de si haut fil concevoir.

  C'est la roïne, c'est la dame,
- De Judee et de Gentillise,
  Honors de toute sainte Yglise.
  C'est la douce, la debonaire,
- Qu'il en fist s'espouse et sa mere.

  Dolor angoisseuse et amere

  Pot avoir la vaillant roïne.

<sup>6659.</sup> C Et est. or.

- 6684 La piteuse de franche orine.

  Moult li pot desplaire et grever,
  Quant vit son fil en crois lever,
  Li Roi des rois, que tant ama.
- Dou glaive qui li entama
  Le coste fu s'ame entamee.
  D'angoisse et de duel fu pasmee,
  Quant elle vit son fil morir,
- 6692 Mes ne pot la mors seignorir
  Ou cors dou fil Dieu longuement,
  Ains ressourt glorieusement
  Si fu exauciez à la destre
- Onc puis la glorieuse espouse
  Ne fu parfaitement joiouse
  Au monde, ains fu come esperdue,
- 6700 Qu'ele ot de son chier fil perdue La corporel presence en terre, Jusque li filz Dieu la vint querre, Qui l'emporta joieusement
- 6704 Aus cieulz et glorieusement Jouste soi l'assist à sa destre, Où elle est, en gloire celestre, Dame et roïne coronee.
- 6708 De bone ore fu cele nee,
  Quant por lui fu vie rendue
  A ceulz qui l'avoient perdue.
  Elle est estoile et pors de mer,
- 6712 Que tuit mortel doivent amer. Elle est la piteuse tendriere, Qui fait oroison et priere Vers son fil assiduelment,
- 6716 Por nous atraire à sauvement.

<sup>6711.</sup> pors = "port".

<sup>6713.</sup> C emparliere.

## QUINZIÈME LIVRE SOMMAIRE

## QUINZIÈME LIVRE

## SOMMAIRE

- 1 210.Mét., XV, 1—59 (Numa va à Croton, ville grecque en Italie, pour "aprendre noires changées en boules blanches. vieillard lui raconte l'histoire de "Mucile" (Myscelius) d'Arges et des boules l'art de nature et le pooir et les natures et les forces des créatures". Un
- 211—1228. Mét., XV, 60-478 (La "doctrine" de Pythagore). Voici les parties dont se compose ce morceau:
- 211—235: Pythagore explique différents phénomènes de la nature
- 412—464: 236—411: Il condamne l'usage de manger des animaux.
- Il explique la métempsychose, en commençant par révéler qu'il a été autrefois au siège de Troie, sous le nom d'Euphorbus, et qu'il y a été tué par Ménélas (458-464).
- 465-1228: Il montre ensuite comment "toute chose se change et mue" qu'il défend ici. Il parle successivement du temps, du soleil et combien de villes puissantes sont "tombées en grande faiblesse" d'autres encore, et aussi l'oiseau qu'on appelle "Phenix", puis montagnes, fleuves (720-956), des petites bêtes qui naissent produisent dans les différentes parties de la terre: mers, îles, ment l'un en l'autre" (659-719), des changements qui se de la lune, et des saisons, qu'il compare aux quatre âges de avait déjà prédit à Enée, au moment de la destruction de Troie au contraire, devient de plus en plus puissant, ce que Helenus Troie, Sparte, Mycènes, Thèbes, Athènes (1064-1087); Rome. l'hyenne, le caméléon, le corail (957—1063). Il nous montre de façon miraculeuse, comme les abeilles, les grenouilles, bien l'homme (516—658), des éléments, "qui se refolent semblable-(467), ce qui constitue un argument puissant pour la thèse (1088—1161). Conclusion: 1162—1228.
- 1229—1452. Mét., XV, 479—551 (Mort de Numa. Douleur d'Egeria, à qui le dieu il fut tué, puis ressuscité sous le nom de Virbius. Egeria, inconsolable, est point voulu consentir à la passion de Phèdre; celle-ci l'accusa faussement; Virbius, qui n'est autre qu'Hippolytus, raconte ses mésaventures: il n'avait

de la fable à laquelle chacune de ces moralités doit être rattachée, en guise de réclame". Cette dernière phrase veut dire que, ici comme dans la suite, chaque allégorie débutera par le vers par lequel commence la fable à laquelle l'allégorie se rapporte — ce qui est, en effet, le cas: la première allégorie commence par la répétition du vers 1 du quinzième livre, la seconde par notre vers 211, et ainsi de suite. L'auteur n'a usé de ce procédé dans aucun des livres précédents; partout les allégories alternent avec les récits.

2309—2502. Allégories de l'histoire de Numa, qui, entre autre, est comparé à Saint Clément, successeur de Saint Pierre, comme Numa a été le successeur de Romulus (vers 2329). Ensuite celles des boules noires changées en boules blanches, où Numa est comparé à "Saint Polz", accusé par les Juifs. Les boules noires sont les Juifs, les boules blanches sont les Disciples (vers 2482).

2503—6248. Allégories de l'histoire de la doctrine de Pythagore. Les vers 2517—2557 contiennent un passage remarquable: l'auteur nous avertit que des oeuvres comme les *Métamorphoses* d'Ovide, ou *la Bible*, contiennent toutes sortes de récits qui ne doivent pas être prises à la lettre; il faut savoir les lire:

"Qui n'i met autre entendement Qu'en la letre ne samble avoir, Et qui creroit, par non-savoir, Qu'il n'i eüst autre sentence, Il se decevroit, sans doutance, Si metroit s'ame à dampnement." (2552—57).

Après quoi, l'auteur ose commencer à nous expliquer ce que signifie la "fable" de Pythagore, qui est comparé aux hermites d'autrefois. Les hermites d'aujourd'hui ne sont plus comme ceux-là! (2652). Allégories des bêtes qu'il est défendu de manger: 2763, suiv. — Les mauvais juges: 2825, suiv. —. L'auteur condamne la peine de mort: 2888, suiv. —. Il prêche l'humilité: 2964, suiv. —. Allégories de tout ce qui est "muable" dans ce monde et dans la nature, y compris le temps, les saisons, etc.: 2984, suiv.

Je note ici, au milieu de ces centaines de vers, le passage suivant, qui contient, de la part de l'auteur, une note personnelle. Après avoir dit que la "rate", où l'"esplain", s'appelle aussi quelquefois "esclaim", il continue ainsi:

"Mes moì ne chaut comment je claim Lui ne riens qui nom doie avoir, Mes que briement face savoir Et entendre que je vueil dire. Por plus abregier ma matire, Ne de fort rime n'i fais force: Poi la quier et poi m'en efforce, Quar se "double rime" queroie, Ma matire en alongeroie Por vain los querre, sans profit. "Legiere rime" me souffit. Poi m'en chaut, mes qu'au voir ataigne Et que la droite voie taigne De mon propos, sans desvoier. Poi me chaut de biau rimoier. Et bien sai qu'aucun me reprenent, Mes il me semble qu'il mesprerrent, Quar je ne puis partout biau dire Et briement en si grant matire. Qui mielz voudra rimer, si rime De "rime double leonime" ". (4192—4212).

Cette tirade est très bien à sa place ici: toutes ces explications de la doctrine de Pythagore ont un caractère bien moins poétique que scientifique. Astronomie, physique, médecine, d'autres sciences encore, y jouent un rôle prépondérant; des lors il s'agissait bien plus d'exposés clairs que de belles rimes! Quel dommage que cet auteur si remarquable, qu'on sent ici un moment, quelque court qu'il soit, vivre, nous a caché jusqu'à son nom! Il nomme à plusieurs reprises, comme une de ses sources, "l'art de physique", (p.e. au vers 5040); au vers 5111, suiv., il parle des "neufs signes qu'Ypocras touche en pronostique, en un sien livre de physique, par quoi l'on peut apertement cognoistre et jugier pleinement dou malade, s'il en porra respasser ou s'il en mourra". Aux vers 5215-17 nous lisons: "Ypocras, mestres de phisique, dist au livre de pronostique, que, etc.". Aux vers 5227, 28, se trouve une étymologie du nom d'Ypocras; ensuite l'auteur nous "explique" cette étymologie. Dans cette explication, il cite le "Psautier" de David (vers 5244); il avait également cité David au vers 5006. C'est encore David qu'il mentionne au vers 5580, où il prêche l'humilité.

Au vers 5768 l'auteur, après avoir parlé, dans ce qui précède immédiatement, de "la médecine de l'âme et des quatre humeurs", passe à "l'exposition du conte, sicom Pitagoras le conte, qui dist que tout se vait changeant l'estat et l'estre de la gent et du siecle meïsmement". Il commence par l'explication des quatre "siècles", dont le premier fut d'or, le second d'argent, le troisième d'airain, le quatrième de fer. Au vers 5891, le nom de "Gehenna", qu'on donne quelquefois à l'enfer, se trouve expliqué par le nom de l'Ethna. Au vers 5925, l'auteur commence l'explication de la naissance miraculeuse de certaines bêtes, parmi lesquelles le "Phenix" (6116, suiv.), puis il allégorise les autres animaux dont on parle dans la "doctrine" de Pythagore, pour terminer cette partie par une exhortation aux hommes de s'aimer les uns les autres:

"Quar nous somes tuit en Dieu frere, Qui tout somes crié d'un Pere". (6247—48).

Au vers 6249 commencent les explications des fables racontées aux vers 1229, suiv., qui débutent par le récit de la mort de Numa. Je note ce détail qu'Hippolyte, le beau-fils de Phèdre, représente..... saint Hippolyte, (6279), comparaison, d'ailleurs, qui n'est pas nouvelle, comme le prouve le récit de la mort de ce dernier d'après les Actes des martyrs. 6377—6415. Les Allégories de l'histoire de Tages.

6416—6506. Allégories de l'histoire de Cipus cornu en de celle de la lance de Romulus.

Cette dernière histoire de trouve, dans le corps de l'ouvrage, avant celle de Cipus.

6507—6956. Allégories de l'histoire d'Aesculapius. L'auteur nomme ici les empereurs Titus et Vespasianus, qui, "si comme je l'ai des anciens oï raconter et retraire", envoyèrent chercher Jésus à Jérusalem, pour qu'il guérît l'un d'eux de la lèpre (6507), suiv.). Suit l'histoire de "la Veronique", dont le nom se trouve au vers 6602. Aux vers 6607, suiv., l'auteur nous raconte ce quie Tarbé 1), dans son édition de ce récit, appelle "l'invention de la sainte croix", sous le règne de Constantin, dont le nom se trouve aux vers 6631 et 6693, et dont l'auteur raconte d'abord la conversion. Au vers 6695 se trouve le nom de l'impératrice Hélène, "sa sainte mère". Au vers 6725 commence une nouvelle "explication" de l'histoire d'Aesculapius. Au vers 6788 se trouve le nom de Simeon, qui reçoit l'enfant Jésus au temple, et

<sup>1)</sup> Tarbé, Les oeuvres de Philippe de Vitry, (Reims 1850), p. 181—83; c.f. l'Introduction à notre premier volume, p. 9—11, et l'Introduction à notre édition de Philomena (Paris, 1909), p. VII—XIV.

dont l'auteur cite les paroles; au vers 6804 Jésus est reconnu par "le Baptistes", au vers 6810 par les Disciples. Au vers 6852—62, Jésus chasse les marchands du temple. Entrée de Jésus à Jérusalem (6865, suiv.), au chant des "saint enfant". 6883—6922: Jésus arrive au "Mont de Calvaire", comme Aesculapius arrive au port; il "monte en la nef": tous les deux sont "Seignor de vie" (6922). Le christianisme arrive à Rome, tout comme Aesculapius y était venu (6937). Le christianisme sauve Rome "entechiee de pechié", tout comme Aesculapius l'avait sauvée d'une épidémie (6951—6956).

6957-fin:

Explication selon "l'estoire" du récit qu'on appelle: "l'apothéose de César". Ce morceau comprend:

- a. Les six premiers rois (6959-6975).
- b. L'histoire de Lucrèce (6976-6988).
- c. La république; des consuls (6989-7009).
- d. Les triumvirs: Marc Antoine, César, Pompée (7010-7045).
- e. César et Pompée (7046--7077).
- f. La mort de César (7078-7089).
- g. Auguste, Antoine, Cléopatre (7090—7109). Au vers 7101 l'auteur cite "l'istoire" qui a été sa source.
- h. Naissance du Christ. Auguste fait "descrire tout le monde", comme le raconte "sains Lucas" (7119). L'étoile qui "mena les rois de Tarse en Bethleem" (7130). Petite digression au sujet de l'étoile, où nous lisons le passage suivant:

"Plusieurs, qui parler en oïrent
Ou par aventure la virent
S'en esbahirent, si cuidoient.
Quar li poëte le faignoient,
Que César fu deïfiez
Et qu'ensi fu stellifiez,
Et Ovides meïsmement,
Qui voloit prouver faintement.
Par fables et par fictions,
De diverses mutacions,
Qui sont touchees en cest livre,
Quar par ce cuidoit à delivre
La grace d'Augustus aquerre,
Qui bani l'avoit de sa terre
Por "l'Art d'Amour" qu'il ot escripte" (7141—55).

"Mais", dit notre auteur, "il y avait, à cet exil, d'autres causes encore:

"Quar il ot Augustus veü
En point vilz et desconvenable.
Tierce cause y ot plus grevable,
Quar Augustus l'avoit trouvé
Sor Corine et dou fet prouvé.
Pour ces trois causes, sans doutance,
Ot Ovides la malveuillance
Du prince, et par son livre escrire
Cuida la malveuillance et l'ire
Cesar Augustus apaier,
Mes onc faindre ne fabloier
Ne porent racorder Ovide". (7177—69).

- i. Mort d'Auguste (7170-7167).
- j. Allégories de sa déïfication (7177-7428).
- k. Epilogue (7429—7548). C'est là que l'auteur s'appelle "le moindre des menours", ce qui a fait croire à Gaston Paris qu'il était Frère Mineur; voir la note au vers 7432. Je traduis plutôt: "le plus humble des humbles". Au vers 7537, l'auteur espère que son ouvrage sera "publié". Il a été "publié", aussi bien au sens que ce verbe avait à l'époque de l'auteur que, enfin, au sens moderne!

## QUINZIÈME LIVRE TEXTE

## QUINZIÈME LIVRE

28

Por entendre à philozophie —

Qui siet aus fins de Lombardie,

Por plus diliganment entendre A estudier et à aprendre Lessa la terre et le païs Dont il estoit nez et naïs Et les gens de sa naïté, Si vint en Croton la cité,

Si demanda Numa coment 32 Et qui l'avoit fete autrement

Là l'avoit en grejoise guise Un Grejois fondee et assise —, 24

20

Et les forces des creatures.

- 36 Qui moult avoit le cuer sené Et qui de l'ancien aage Savoit la coustume et l'usage, Li dist: "Jadis venoit d'Espaigne
- 40 Hercules o riche gaaigne, Que li bers illuec conquesta. En ce rivage s'arresta Si prist port et son bestiage
- Lessa pasturer en l'erbage.
   Tandis com l'aumaille pessoit,
   Por le travail, qui l'oppressoit,
   Vint Hercules chez un prodome
- 48 Large et cortois. Croton le nome Li pueples de l'ancien temps. Cortois estoit, si com j'entens, Et cil qui son hostel rouvoient
- 52 Cortoisement hostel trouvoient. Croton bien et biau l'ostela. Quant Hercules parti de là, Si dist à l'oste: "Uns temps vendra
- Que ceste maisons devendra
   Cité de grant auctorité."
   Il le dist, si fu verité.
   Bien est la chose aparissable
- 60 Que la promesse fu estable. Or orrois coment n'en quel guise Fu puis la citez ci assise. Un riche home preu et sené,
- 64 Fil Alemon, de Grece né,
   Vaillant home et de grant renom,
   Ot en Arge. Mucile ot non.
   Moult plot sa maniere et ses estres
- 68 Aux dieux poissans, aux diex celestres. En celui temps n'avoit esté Nulz hom de si grant honesté, Ce m'est vis, ne qui tant pleüst
- 72 Aus diex, ne qui lor grace eüst Si finement com cil l'avoit, Car de loial cuer les servoit. Une nuit vit li gentilz hom
- 76 En son dormant une avision Qui teulz fu que devant sa face

<sup>74.</sup> A le servoit.

- Aparut li dieu portant mace, Qui li dist que fors dou païs
- 80 Et dou regne où il est naïs S'en ault, sans nule demoree, Por manoir en autre contree. Une cité li comment faire
- 84 Et bastir sor le flun d'Isaire, Où sa demorance seroit, Et sache qu'il l'achateroit Et seroit punis malement
- 88 S'il passoit cest commandement.
  Quant Mucilus se resveilla,
  Si s'esbahist et merveilla
  De l'avision qu'il avoit
- 92 La nuit veüe, et ne savoit
  Qu'il en deüst penser ne dire,
  Quar le dieu n'ose contredire
  N'il ne doit son commant passer;
- 96 D'autre part il n'ose quasser La loi de l'establissement Dou païs, quar crueusement Seroit de traïson retez
- 100 Si seroit pris et arrestez
  Et jugiez à mort recevoir
  Qui se porroit apercevoir
  Qu'il vausist partir dou païs
- Et dou regne où il est naïs,
   Por aler en autre contree,
   Por faire là sa demoree,
   Quar teulz fu la loi dou païs,
- 108 Si fu douteus et esbahis
  Li preudoms qu'il en deüst faire.
  Li jors s'en va, la nuis repaire,
  Si s'est couchiez, et quant ce vint
- 112 Qu'il fu endormis, si revint Li diex aussi come il estoit L'autre nuit, si l'amonestoit Que sans point de dilacion
- 116 Meïst en excecucionLe commant que fet li avoit,

<sup>78.</sup> portant mace; Ovide: "claviger" (vs. 22).

<sup>84.</sup> Les manuscrits donnent: "Disaire", (ou: "d'Isaire"?); il s'agit de l'Aesar, aujourd'hui l'Esaro; cf. *Mét.*, XV, 23: "et pete diversi lapidosas Aesaris undas".

<sup>104-107.</sup> manquent dans B.

Et que grant malgré li savoit Dont il avoit quis nule aloigne

- De metre à chief ceste besogne,
   Et que grant honte et grant meschief
   Li vendra s'il ne trait à chief
   Cest commendement, sans desdire.
- 124 Cil, qui douta la divine ire,
  Apresta toute sa besoingne
  Pour aler s'en sans nulle esloigne.
  Aler veult en autre contree
- 128 Demorer, mes la renomee S'espandi, quar ses voisins sorent Si le distrent à l'ainz qu'il porent Que cil voloit la loy, quasser
- 132 Et l'establissement passer
  Dou païs, qui en autre terre
  Voloit aler mancion querre,
  Si fu de traïson retez
- 136 Et par les juges arrestez, Si vault enquerre la joustice Se c'est voirs que l'en li devise Qu'il vueille lessier le regné.
- 140 Onc n'i ot tesmoing amené
  Qu'il recognut sans tesmoing traire
  Quanqu'il ot en pensé de faire,
  Si fu por sa recognoissance
- 144 Jugiez à mort sans demorance.
  S'il ot paour n'est pas merveille!
  La colour, qu'il ot ains vermeille,
  Devint descoloree et pale,
- 148 Si ot le vis destaint et sale.

  Ses mains tendi et son visage

  Vers les cieulz et d'umble corage

  Pria les diex qu'il li aidaissent
- 152 A cest besoing et delivraissent, Et Hercules nomeement Apele il et prie humblement, Qui en cest grief peril l'a mis,
- 156 Qu'en cest besoign li soit amis. Un merveilleus usage avoit

<sup>130.</sup> A l'ainz que = "aussitôt que". B ancoys; C plus tost que peurent.

<sup>140,</sup> suiv.: ...... crimenque patet sine teste probatum"; (Mét., XV, 37). B Il n'i ot, C N'y ot.

<sup>142.</sup> BC à faire.

- En la vile où l'en le devoit Condampner, car chaillous prenoient
- 160 Blans et noirs, et si les metoient En un pot egalment par nombre, Et se drois descharge et descombre Celui qui à tort est retez,
- 164 Li chaillou noir ou pot gitez,
   Quant ce vient qu'en les en vieult traire,
   Doivent prendre color contraire
   Et samblable coulor avoir
- O les blans, si puet l'en savoir
  Que dou forfet dont l'en l'encoulpe
  Et achoisonne il n'i a coulpe,
  Et se cil que l'en soupeçone
- 172 De cas de crime et achoisone Est coulpables à escient, Li chaillou blanc vont nerceent: Ensi set l'en qui est nuisables
- 176 Et qui non, si est li coulpables
  Punis de son crime aparant,
  Et li blanc chaillou sont garant
  Au non coulpable et le font cuite.
- 180 Par la coustume devant dite Fu lors Mucilus esprouvez, Si fu non-coulpables trouvez Par les noirs chaillous qui blanchirent,
- 184 Qui de mortel duel le franchirent.

  Ensi par miracle aparant

  Li fist lors Hercules garant.

  Cil le mercie bonement
- 188 Si s'apreste joieusement De parsoïr et de parfaire, Sans point de delaiement faire, Quanqu'il li avoit enchargié.
- 192 Cil a tout son harnois chargié En une nef, il et sa gent, Si s'en vait à esploit nagent O son harnois par la marine.

<sup>169.</sup> Mss. qui.

<sup>175.</sup> Mss. qu'il est nuisables.

<sup>180,</sup> suiv.: Notre traducteur néglige ici un détail important: il ne nous raconte pas qu'on n'avait jeté dans l'urne que des boules noires.

<sup>189.</sup> B de poursuir; C de parsuivir.

<sup>193.</sup> BC lui et sa gent.

- 196 Passe Tarente et Sibarine
  Et pluiseurs autres leus assez.
  Tant a viles et pors passez
  Qu'il a trouvé le chief d'Isaire,
- 200 C'est dou flueve où il devoit faire
  Son herbegage et son manoir,
  Et la vile où il doit manoir
  Fonda sor la fosse au prodome
- 204 Croton, et Crotone la nome Dou non que li prodons avoit En celui temps que il vivoit. Ensi fu faite la cité,
- Riche et de grant nobilité,
   Tel con l'en la puet or veoir
   En la fin d'Itale seoir.
   Uns clers de grant auctorité
- 212 Ot en Crotone la cité, Grant philosophe et bien sené, Pitagoras, de Same né, Qui moult ert bons naturiens
- 216 Et sages astrenomiens.

  En son temps n'ot per ne greignor.

  Por mal dou terrien seignor

  Qui de Same avoit la joustise
- 220 Et por vivre à greignor franchise.
  Fors de male subjection,
  Lessa Same et sa region
  Por vivre en exil en Crotone.
- Prodoms fu et sainte persone,
  Et des celestiaus secrez
  Fu il sages et bien discrez,
  Si sot des secrez de nature
- 228 Tant que nulle autre creature N'en sot plus, et com bien apris Enseignoit ce qu'il ot apris A ceulz qui ses leçons ooient,
- 232 Si lor moustroit come il devoient Vivre au monde et eulz contenir.

<sup>199.</sup> Voir la note au vers 84.

<sup>210.</sup> Entre les vers 210 et 211, on lit dans le manuscrit A le vers suivant: "Après la sainte passion, etc.". Ce vers isolé manque dans les autres manuscrits. Après ce vers il y a une miniature. On constatera plus tard que c'est le vers 2309 de notre texte, par lequel commencent les allégories des "fables" de ce quinzième livre.

<sup>214.</sup> A Pictagoras.

<sup>223.</sup> A Cortone.

<sup>231.</sup> A ces.

- Et disoit dont pueent venir La noif, la foudre et le tonoirre,
- 236 Si disoit qui l'en vausist croire Que tous homs se doit estrangier De sanc boivre et de char mangier, Et voloit moustrer par raison
- 240 Qu'il n'est pas drois que morteulz hom Doive destruire et affoler Autrui cors por soi saouler. Autres viandes sont assez
- 244 Dont homs puet estre respassez
  Et peüz convenablement.
  Menjust por son soustenement
  Blez et raisins, poires et pomes.
- 248 De teulz viandes se paist homes!
  Herbes doulces et chous et lait
  Et miel otroi je bien qu'il ait.
  La terre est large et largement
- 252 Done à tous lor aaisement, Tant qu'il doit à chascun souffire. Bestes sauvages, plaines d'ire, Suelent autrui cors damagier
- 256 Por la lor faim assouagier,Si se saoulent, si se pessent,Si se norrissent, si s'engressentPar sanc et par occision.
- 260 Tygres d'Armenie et lyon, Ours et leu, qui sont plain de rage, Se norrissent d'autrui damage, Qu'il affiert à lor cruauté,
- A lor rage et à lor malté.

  Autres y a de plus douce aire,
  Qui n'ont d'ocision que faire:
  Chevalz, asnes, bues et berbis,
- 268 Qui vont pessant par ces herbis. C'est lor vie, c'est lor pasture. Ensi nulle humaine nature Ne doit, por saouler sa pance,
- 272 Faire à autrui mal ne grevance.

  Quar c'est trop grant desloiauté

  Et felonnesse cruauté

  C'une ame por sa norreture

<sup>244.</sup> B repassez.

<sup>262.</sup> A d'autre.

- Mete une autre à desconfiture.
   Puet l'en entre tant de devices,
   Tant de biens et tant de delices
   Com la terre norrist et charge,
- 280 Qui tant est plenteïve et large, Trouver viandes ne pasture Qui souffise à la norreture De cors d'ome sans sanc espandre,
- 284 Sans char mengier et sans mesprendre
  Vers autrui cors en lui plaiant?
  Ce suelent faire li jaiant.
  Ne puet homs son ventre apaier
- 288 Sans autrui destruire et plaier?
  Ce fu trop mauvese aprison
  Que de faire tel mesprison.
  Un temps fu ancienement
- 292 Que les gens seignoreusement, Sans charnel char, se norrissoient Des fruis qui des arbres issoient: De chous et d'erbe et de racine.
- 296 Cele gens fu de franche orine,
  Plenteïve et boneüree,
  Et ceste apeloit l'on doree
  Por les homes, qui bons estoient.
- 300 A celui temps riens ne doutoient Les oisillons par l'air volans: Nulz homs ne les fesoit dolans, Quar nulz, por prendre les oisiaus,
- 304 Ne tendoit lors las ne rosiaus, Et li lievre segur jouoient Aus champs, et les poissons nooient Aus eaus sans douter hameçon.
- Nulle riens n'iert en soupeçon Qu'en li feïst fraude ne guile. En bois, en plain, en champ, en vile Estoit toute riens asseür,
- 312 Sans doute de nul mal eür,
  Em pais, en joie et sans paor,
  Mes puis que li glout lecheor,
  Qui qu'il fussent premierement,
- 316 Rompirent felonessement Ceste pais et ces alliances

<sup>277.</sup> BC divices.

<sup>280.</sup> BC plentureuse.

- Por saouler leurs gloutes pances Et de charneulz mengiers vesquirent,
- 320 A toutes cruautez se prirent,
  Si fu lor entente et lor cure
  A toute fraude, à toute injure,
  Si monstrerent primes la rage
- 324 Et la fierté de lor corage Aus sauvages bestes occire. Ce lor deüst au mains souffire Des sauvages bestes destruire,
- 328 Celes qui s'efforcent de nuire A cors d'ome et homes ocient, Mes mal font cil qui se cunchient Por mengiers si ors et si vilz.
- 332 Bien ont teulz bestes, ce m'est vis, Par lor rage mort deservie, Mes mengier ne les doit l'en mie, Quar c'est trop grant desconvenue.
- 336 Or est la cruautez creüe, La felonie et li outrages, Que non pas les bestes sauvages Seulement met l'on ore à mort,
- 340 Mes chascuns s'aleche et s'amort Au mengier, et pis est encores Qu'il ne seult, quar l'en ocist ores Les simples bestes sans raison,
- 344 Si quiert l'en cause et achoison Con l'en les ocie et destrive, Si dist l'en que mort a la trive Deservie por son outrage,
- Qu'o son groing fet trop de damage
  Aus blez, qu'ele devore et mort,
  Et la chievre rest mise à mort
  Por ce qu'ele brouste la vigne.
- 352 Or soit que cil maulz lor avigne Por lor coulpe et por lor meffait, C'ont les douces berbis mesfait? Por c'ont elles mort desservie?

<sup>318.</sup> A les: C leur.

<sup>323.</sup> A prime; B premier.

<sup>338.</sup> A n'ont pas.

<sup>344.</sup> A quiert la cause; C quiert on cause.

<sup>345.</sup> C qu'on les tue par glotonie.

<sup>346.</sup> la trive = "la truie"; Ovide: "sus" (vers 112).

<sup>354-58.</sup> manquent dans C.

- Que plus nous valent en leur vie
   Qu'en lor mort, ce puet l'en savoir:
   Par elles nous convient avoir
   Les laines dont nous nous couvrons,
- 360 Et nous le lait en recovrons
  Et le caillet et le fromage,
  Qui bons sont por humain lignage.
  Les bues neïs qu'ont il pechié?
- 364 Por quel chose et por quel pechié Doit l'en destruire ne desfaire Beste si douce et debonaire, Beste sans fraude et sans malice,
- 368 Dont tant nous vient de benefice?
  Li bues est nostre gaaignerres,
  Qui are et cultive les terres
  Où naist li blez et li semens
- 372 Dont vient nostre norrissemens. Bien est cil de povre savoir, Et bien devroit souffrete avoir, Qui destruit son laboreour,
- 376 Son sergant, son gaaigneour!
  Encor ne lor souffist il mie
  A faire si grant felonie,
  Ains en metent sor Dieu la rage,
- 380 Et dient que sans cest damage Ne porroit Diex estre apaiez, Et quident que bien soit paiez Dou sanc et de l'occision
- Des bues. C'est grant derision
  De faire à Dieu tel sacrefice!
  Encor font il plus de malice,
  Quar des boiaus et des entrailles
- 388 Font il charmes et devinailles, Si quident enquerre et savoir Des devins jugemens le voir Aus vaines de la morte beste.
- 392 Encor font il autre moleste, Plus vilz et plus desconvenable,

<sup>363,</sup> suiv.: "Quid meruere boves, animal sine fraude dolisque, innocuum, simplex, natum tolerare labores?" (*Met.*, XV, 120, 21).

<sup>379.</sup> *B* dieux; *AC* dieu. Dans le texte latin il y a, évidemment, "deos"; il me semble pourtant impossible de ne pas respecter ici le singulier, "Dieu", aussi bien ici que dans le vers 381. Dans des questions de ce genre, les auteurs du moyen-âge n'y regardaient pas de si près! D'ailleurs, les vers suivants prouvent suffisamment qu'il faut ici un singulier, par exemple la forme "sait" au vers 382.

Plus laide et plus abominable, Qu'il se norrissent et se paissent

- 396 Et se saoulent et s'engraissent
  Des chars des bues et des genices
  Qu'il occient aus sacrefices!
  Mes dont vient tels fains et tex cure
- 400 A nulle humaine creature

  De viande qui ne convient,

  Ne de quel rage lor souvient,

  Quant il lor laboreours tuent
- 404 Si les devorent et menguent?

  Ce ne deüssent il pas faire!

  Nuls tex mengiers ne devroit plaire

  A mortel home, ce m'est vis,
- 408 Qui tant soit horribles et vilz.

  Bones gens, por Dieu, ne vos chaille

  De vous paistre de tel vitaille!

  Nulz biens ne vos en puet venir,
- 412 Mes metez paine à retenir
  Ce que je vous enseignerai,
  Et je vous manifesterai,
  Por que Diex m'en donne la grace,
- 416 Qui me semont que je le face, Les sentences et les decrez Et les celestiaus secrez Qui sont en ma pensee enclos,
- 420 Si vous sera par moi desclos
  Plus que li ancien n'en porent
  Encerchier et plus qu'il ne sorent.
  Par les estoiles m'en irai,
- 424 Et tout en apert vous dirai
  Ce que maint ne porent enquerre.
  Lerai les vanitez de terre,
  Si m'en irai par l'air volans.
- 428 Aus chetis homes, aus dolans
  Qui n'ont sens ne discretion,
  Et qui par fole opinion
  De mort se vont espoëntant
- 432 Tant que nulz à nul bien n'entant, Mousterrai come il doivent vivre, Se ma doctrine vuelent sivre, Si lor mousterrai l'ordenance

<sup>412, ......</sup> et monitis animos advertite nostris!" (Mét., XV, 140).

<sup>423. &</sup>quot;Juvat ire per alta astra" (Mét., XV, 147, 48).

- 436 Des destinees, sans doutance.
  O fole gent desmesuree,
  Gent esbahie et esgaree,
  Dont vient ceste vaine paor,
- 440 Ceste doute, ceste freor,
  Qui tant vous fait espaorir?
  Por qu'avez doute de morir?
  Porqu'estes vous tant assotez
- 444 Qu'enfer et tenebres doutez Ne les infernaulz deïtez? Ce n'est que fainte vanitez, Dont li poëte font lor conte,
- 448 Qui riens ne valt ne riens ne montel Soiez certain: que qu'il aviegne Dou cors, à quel que fin il viegne, Doie ardoir li cors ou porrir,
- 452 Les ames ne pueent morir
  Ne mal souffrir ne mal avoir,
  Mes les cors mors, au dire voir,
  Où les ames suelent manoir,
- 456 Elles rechangent lor manoir
  Si habitent en nouviaus cors.
  Jadis fui. quar bien m'en recors,
  Au temps où la guerre iert à Troie,
- 460 Autres homs et nomez estoie
   Eüphorbus Penthoïdes.
   Menelaux, le mendre Atrides,
   Me perça le pis o sa lance.
- J'ai puis cogneü, sans doutance,
  L'escu que je portoie lores:
  Ou temple d'Arges pent encores.
  Toute chose se change et mue.
- 468 Riens ne muert, mes quant d'une mue, C'est d'un cors, quant il est perilz, S'en ist l'ame ou li esperis.

  Tant vait errant que il recuevre
- 472 Un autre cors dont il se coeuvre, Celui qui primes li avient.

<sup>437. &</sup>quot;O, genus attonitum gelidae formidine mortis, quid Stya, quid tenebras et nomina vana timetis.....?" (Mét., XV, 153, 54).

<sup>442.</sup> A Por qu'a nulz; C Pour la grant doute.

<sup>451.</sup> AC Doit; B Doie.

<sup>461.</sup> B pantolides; Ovide: "Panthoïdes Euphorbus eram, cui pectore quondam haesit in adverso gravis hasta minoris Atridae" ( $M\acute{e}t$ ., XV, 160, 61).

- Ensi vait l'esperis et vient Si change et mue ses mesnages,
- 476 Et l'ame des bestes sauvages
  Souvent trespasse en cors humains,
  Et li nostres ne plus ne mains
  Aus sauvages bestes s'en vole.
- 480 Tout aussi com la cire mole Sans la sustance remouvoir Puet diverses formes avoir Et diverses impressions,
- 484 Ne pour les variacions
  Des empraintes où l'en la mue
  Elle ne change ne remue
  La propre sustance de cire,
- 488 Ensi puis je proprement dire Que l'ame est une, sans doutance, Sans muer sa propre sustance, Ja soit ce qu'elle se desguise
- 492 En figures de mainte guise.

  Trop est dont de male nature

  Qui destruit pour la norreture

  De son glout ventre un autre cors,
- 496 Quar bien puet, si com je recors, En destruiant aucune beste Faire violence et moleste A aucune ame sa cousine
- Ou sa parente ou sa voisine.
   Trop malement se desnature
   Li homs qui de sanc s'apasture.
   Nulz ne doit tel pasture amer,
- 504 Et puis qu'en la parfonde mer Suis voilliez et j'ai mis avant Et desploié mon voile à vent, Puis qu'empris et comencié l'ai,
- 508 Je vueil dire, sans nul delai, Ce que j'ai ou cuer conceü. Je sai, j'ai bien aperceü Que toutes choses se varient
- 512 Et changent et diversifient, Qu'il n'a riens nulle en tout le monde.

<sup>488.</sup> BC Aussi.

<sup>498.</sup> A volonte.

<sup>505.</sup> B volés, C porté.

<sup>506.</sup> A despoillié.

Tant come il dure à la reonde, Qui puisse arrester en un point.

- 516 Si com l'iaue ne cesse point
  D'escalorgier et nuit et jor,
  Sans repos prendre et sans sejor,
  Ains cort et tout jors vait flotant
- 520 Et l'un flos vait l'autre boutant, Ensi li temps se change et l'ore, Et li temps où nous somes hore Ne fu pas ier ne n'iert demain.
- 524 Li temps s'en fuit et soir et main, Sans fere arreste ne sejor: Emprès la nuit revient le jor, Et quant li jors faut et decline,
- 528 La nuit vient, qui se rachemine.
  Ensi li temps n'arreste point,
  Ne li cieulz n'est pas en un point,
  Ne telz la nuit come le jor,
- 532 Ne li solaus n'a tel color Quant il lieve ou quant il se couche, Por la terre dont il s'aprouche, Come il est endroit le midi,
- 536 Et de la lune autretel di: Sa forme n'est pas tot jors une, Mes adès samble il que la lune Son estat et sa forme mue:
- 540 Une hore est plaine, autre cornue, Si se change chascune nuit, Et la forme qu'elle ot anuit Est dessamblable à cele d'ier,
- 544 Si est hui maindre, au mien cuidier, Que demain, s'ele est en croissant, Et quant elle est descroissant, Si est hui maire que demain.
- 548 En decours luist plus vers le main, Et plus vers le vespre nouvele. Ensi se change et renouvele Li ans en quatre temps divers:
- 552 Printemps, estez, autompne, yvers, Qui ont diverses qualitez,

<sup>535.</sup> B au droit du midi: C est en droit miedi.

<sup>537—1164.</sup> manquent dans C. Le copiste de ce manuscrit "en avait assez", sans doute, comme il lui arrive plus d'une fois.

<sup>538.</sup> A semblez.

<sup>548.</sup> decours = "déclin".

- Sont les quatre diversitez De l'an, qui resamblent et sivent
- 556 Les estas des homes qui vivent.
  Alors que printemps renouvele,
  Est la saisons tendre et nouvele
  Et moiste, à enfant resamblable:
- 560 L'erbe nouvele et delitable
  Naist lors et lieve, foible et tendre,
  Si qu'el ne porroit pas atendre
  Une cuite ou une gelee,
- 564 Ains seroit tost cuite ou gelee.

  Li agreste, qui l'erbe voient,

  Esperance y ont si s'esjoient.

  Lors vont li champ reverdissant
- Et toutes choses florissant.
  Les flors des prez et des champs issent.
  Ces bois et ces arbres fueillissent,
  Mes en ce temps sont trop foibletes
- 572 Les fueilles joeunes et tendretes. Estez revient emprès printemps, Qui resamble, si com j'entens, Jouvencel, qui plus a de force.
- 576 Lors se resvigore et efforce
  La saisons, si se rasseüre
  L'erbe, qui devient fort et dure.
  C'est li temps ses et plains d'ardure:
- 580 Ainsi est de chaude nature Jonesce et fort pour soustenir Plus qu'enfance. Après doit venir Autompnes, qui plus se meüre
- 584 Entre le chaut et la froidure, Entre joenne et viel ensement, Atemprez raisonnablement, Si qu'el n'est trop vielz ne trop joennes,
- 588 S'a les crins emmellés de chesnes.

  Aprez vient yvers, qui trop tramble.

  Qui viel et decrespi ressamble.

  Cis temps a la crine perdue

<sup>559.</sup> B moeste.

<sup>566.</sup> B en ont.

<sup>575.</sup> A qu'il.

<sup>580.</sup> A Aussi.

<sup>586.</sup> A Et tempre.

<sup>588.</sup> B Si a les crins mellez.

- 592 Ou, s'il l'a, blanche est et chanue. Li cors des homes ensement Ne pueent estre longuement En un estat, en une forme,
- 596 Ains se change et mue et difforme L'estre et l'estat de cors humain, Ne nous ne serons pas demain Teulz com nous somes orendroit,
- 600 Et, qui bien garde s'en prendroit,
  Il le porroit apercevoir
  Et cognoistre que ce soit voir.
  Un jor fu que premierement
- 604 Fumes semence seulement,
  Enclose ou ventre de la mere
  En un vessiel, qu'on claime "mere"
  Ou "matris", et sans forme avoir,
- 608 Mes nature, par son savoir,
  Y ouvra tant que forme eüsmes
  Et ame et vie et tant creüsmes
  C'ou ventre à destroit estions
- 612 Et que nos meres grevions,
  Tout fussons nous et foible et tendre,
  Si faisions nous le ventre estendre
  Tant que nature nous traist hors
- Ou ventre aus meres et dou cors. Quant nous fumes à plain venu, Si nous geüsmes foible et nu, Sans force, et qui secours n'eüst,
- 620 Ja nulz aidier ne se peüst.
  Puis creüsmes et enforçames
  Tant que sor quatre piez alames,
  En quise de beste sauvage.
- 624 Aprez nous crut force et aage Tant c'un poi viguereusement Nous soustenimes droitement Sor deus piez, à petit d'aiüe.
- 628 Ensi se change, ensi se mue
  La force et li aëz des homes
  Tant que fort et jouvencel somes.
  Puis passe li temps de jouvente.
- 632 Emprez ce vient, que je ne mente, Li homs en son moien aage,

<sup>602.</sup> A et que ce.

<sup>630.</sup> A Tant com.

Si est plus meürs de corage Et plus amesurez assez.

- 636 Quant cis aages est passez,
  Si vient l'aage de viellesce.
  Lors rechiet li homs en foiblesce.
  Lors pert sa force et sa valor,
- 640 Sa gresse et sa bele color,
  Et tex estoit en sa jounesce
  Fors et fiers, qui en sa viellesce
  Ne se puet aidier ne porter,
- 644 Et teulz se soloit deporter
  Quant il estoit de joenne aage,
  En remuant son cler visage,
  Qu'il ot vermeil et cras et plain,
- Ouant se voit maigre et pale et plain
  De vielles fronces sans color,
  Qui lors puet avoir grant dolor
  En son cuer, si plaint et souspire
- 652 Quant en son mireor se mire
  Et voit son descoloré vis.
  Tout gaste et destruit, ce m'est vis,
  Tout menjue et devore et mort
- 656 C'a petit et tout maine à mort La viellesce, et si nous deçoit Lentement, qu'on ne l'aperçoit. Ensi se treschange et desguise
- Toute chose en diverse guise,
  Et neïs li quatre element
  Se transmuent diversement.
  Quatre element sont, dont sont traites
- Toutes choses dou monde et faites.
   Cil sont li naturel merrien
   De tout le monde, et nule rien
   N'est sans euz faite en tout le monde.
- Li dui pesant c'est terre et onde,
   Qui plus sont espès et massis,
   Et pour lor pois plus bas assis.
   Assis sont li autre element

<sup>640.</sup> B Sa craisse.

<sup>648.</sup> B qu'il est vuit et si n'y a rien.

<sup>650.</sup> B leur.

<sup>655.</sup> B Tout maine.

<sup>656.</sup> B Cha petit.

<sup>658.</sup> B Laidement.

<sup>661. &</sup>quot;Haec quoque non perstant quae nos elementa vocamus" (Mét., XV, 237).

<sup>668.</sup> B poissant. Ovide: "onerosa (elementa)"; vers 240.

- Oui mains poisent: l'air et li feus.
  Cis quatre en quatre divers lieus
  Sont assis proloignablement,
- 676 Et nonporquant comunement
  Sont toutes choses d'eus conpostes
  Et en eulz meïsmes repostes,
  Et cil quatre meïsmement
- 680 Se refolent samblablement
  L'un en l'autre. En l'iaue se font
  La terre, et li autre ensi font:
  L'iaue en l'air et li airs ou feu,
- 684 Si change et sa forme et son leu.

  Chascuns d'eus s'espurge et escure

  En atenvissant sa nature.

  Li feus se revait espessant
- 688 Et sa legiereté lessant
  Si devient airs, et l'air s'espoisse
  En yaue, et l'iaue en terre espoisse,
  Si se muent li element
- 692 L'un et l'autre diversement Et changent lor propre figure Et lor espece. Ensi nature Les choses mue et renouvele.
- 696 Si lor done forme nouvele
  Autre qu'il n'avoient avant.
  Ensi riens nulle par convant
  En tout le monde ne depert,
- 700 Ains se varie et autre apert Qu'il n'aparoit premierement, Et par le renouvelement De sa forme qu'el renouvele
- 704 Samble nestre toute nouvele, Si dist l'en "ce nest". Et qu'est "nestre"?

<sup>674,</sup> suiv.: "Quae quamquam spatio distent, tamen omnia fiunt ex ipsis et in ipsa cadunt: resolutaque tellus in liquidas rarescit aquas......" (Mét., XV, 243—46).

<sup>677.</sup> A desconpostes; B II conpostes.

<sup>678.</sup> A Et eulz; ressortes.

<sup>681.</sup> B la terre se font.

<sup>682.</sup> B En terre et l'air aussy font.

<sup>683.</sup> B L'esve.

<sup>686.</sup> atenvir = "affaiblir, atténuer".

<sup>699.</sup> *A* depart.

<sup>700.</sup> A apart.

<sup>705.</sup> B quel naistre. Ovide: "..... nascique vocatur incipere esse aliud" (Mét., XV, 255).

- Comencier seulement à estre La chose autre qu'el n'iert eüe,
- 708 Et "morir" est quant el se mue Et lesse sa premiere forme: Ja soit ce qu'ele se tranforme Et translate, elle ne muert pas,
- 712 Mes riens ne dure c'un trespas En une forme, en une ymage. Ensi remuent li aage, Et li siecle qui furent d'or
- 716 Sont devenu fer. Au temps d'or Or valut ains, et puis argent, Et puis arain et fer la gent Qui muee est. Li lieus neïs
- 720 Se transmuent en mains païs:
  Ce qui selt estre terre est mer,
  Si puet l'en orendroit semer
  Comme en terre arable et champestre
- 724 En mains lieus où la mer seult estre. C'est legiere chose à prouver, Quar l'en puet loing de mer trouver, As champs où l'en quielt les moissons,
- 728 Les coquilletes des poissons Qui soloient en mer noër, Et les autres es mons troër, Et ce qui plaine et large et lee
- 732 Selt estre est orendroit valee,
  Em pluiseurs leus creuse et parfonde
  Por le defluevement de l'onde,
  Et ce qui montaigne ot esté
- 736 Ont li flos de mer tant froté
  Qu'elle est convertie en marine
  Par la fluctueuse crestine,
  Et ce qui fu palu boeuse
- 740 Est or terre are et sabloneuse, Et ce qui fu terre deserte Et are est or d'iaue coverte. Aillors sordent, aillors tarissent
- 744 Les fontaines, et li flueve issent En pluiseurs leus par mi le monde.

<sup>721.</sup> A terre et mer.

<sup>734.</sup> B despluement du monde.

<sup>737.</sup> B en mer.

<sup>738.</sup> B creaturer, A crutine —. Crestine = "crue d'eau, inondation, débordement".

<sup>740.</sup> B est terre et ayve.

- Ailleurs seche et tarist lor onde, Quar quant la terre beë et oeuvre,
- 748 Des iaues s'enyvre et abeuvre, Si les boit et vait devorant, Puis vont tout soz terre corant Qu'aillors en autres païs issent
- 752 Et renaissent et aparissent, Et puis vont sor terre flotant. Ensi se vait toutz encrotant Erasinus, uns grans fluns larges,
- 756 Qui puis naist et resourt en Arges, Et Caycus cort autrement Qu'il ne coroit premierement, En autre terre, en autre sié,
- 760 S'a son premier augiel lessié.
   Amenanus, en Siccanie,
   Or court et ore ne cort mie.
   Anigrus fu une riviere
- Jadis bone à boivre et legiere,
   Mes, si come aucun tesmoignierent,
   Puis que li centor s'i baignierent
   Ne fu home qui em beüst
- 768 Que li boivres ni li neüst,
  Quar les yaues envenimerent,
  Quant cil lor plaies y laverent
  Qu'Ercules li preus lor ot faites
- 772 De ses escochiees saietes,
  Et pour ce n'en but piec'a nus.
  En Escoce court Hispanus,
  Une yaue salee et amere,
- 776 Qui jadis douce et bevable ere. Antisse et Pharos, ces deus illes, Thiros et maintes autre viles Soloient estre en mer encloses,

<sup>747.</sup> A abee.

<sup>755.</sup> Erasinus; cf. Ovide, vers 276.

<sup>757.</sup> Caicus; cf. Ovide, vers 278.

<sup>759.</sup> B fié.

<sup>761.</sup> AB Amasenus; cf. Ovide, vers 279.

<sup>763.</sup> AB Anagrus; cf. Ovide, vers 282.

<sup>772.</sup> B encochees.

<sup>774.</sup> Il s'agit de l'Hypanis, "Scyticis de montibus ortus" (vers 285)!

<sup>777. &</sup>quot;Antissa Pharosque", (Ovide, vers 287). A Aphise et Phoros; B Anthise et Paros.

<sup>778. &</sup>quot;Phoenissa Thyros", (Ovide, vers 288).

- 780 Qui nel sont mais. Ensi les choses Se changent. Ancienement Fu jointe continuelment Leucade à gaaignable terre,
- 784 Or l'enclost la mers et enserre.

  Zancle fu jointe à Italie,

  Or l'en a la mers departie.

  Qui Elice et Burin querroit,
- 788 Soz les iaues les trouveroit: Citez furent de grant renom, Or n'ia mais se roiches non. Qui remestrent de la ruïne
- 792 Des murs plungiez souz la marine. Si com l'en raconte et recite, Bien prez de Troezene, en Phite, Ot jadis une large plaigne,
- 796 Qui or est une grant montaigne: Ce firent vent, qui s'encroterent Aus sozterrenes et bouterent, Et quant se furent encroté
- 800 Souz les cavernes et boté, Issir vaudrent, mes il ne porent, Quar crevaces ne chemin n'orent Par où il ississent à plain,
- 804 Si firent estendre le plain
  Et enfler par lor soufflement,
  Tout ausi con fet droitement
  Le chevreterres qui chevrete
- 808 Enfler la pel de sa chevrete, Ou cil qui souffle en la vessie. Onc ne pot puis estre abessie L'enfleüre, ains y est encores
- 812 Un grans mons dès le temps de lores.
  J'ai moult oï, j'ai moult veü,
  J'ai moult apris et cogneü,
  Si vous aprendrai quel que poi

<sup>780.</sup> A ne sont.

<sup>783.</sup> Leucada; cf. Ovide, vers 289.

<sup>785.</sup> Zancle; cf. Ovide, vers 290.

<sup>787, &</sup>quot;Si quaeras Helicen et Burin....."; (Ovide, vers 293); A Eclice,

<sup>794.</sup> *B* des troyens. Ovide: "Est prope Pittheam tumulus Troezena, sine ullis arduus arboribus, quondam planissima campi area, nunc tumulus....."; (*Mét.*, XV, 295, 96).

<sup>807. &</sup>quot;chevrete"  $\equiv$  jouer de la "chevrete", un instrument de musique. B covertes

<sup>808.</sup> B Emplir.

<sup>815.</sup> poi = ",pauca" (vers 308).

- 816 Des divers sens qu'entendre poi.
  Toute riens, si com je devise,
  Se diversefie et desguise.
  L'iaue meïsmes ensement
- 820 En divers lieus diversement
  Change sa forme et sa figure.
  Une merveilleuse nature
  A en Libe une fontenele.
- 824 Qui trois fois change et renouvele Son estat entre jor et nuit: Elle est chaude endroit mienuit, Endroit le midi refredist.
- 828 Au soir et au main entiedist.
  Aillors ra une autre riviere,
  De tel force et de tel maniere
  Que le fust art quant l'en l'i boute,
- 832 Tant est chaude et ardant la goute, Quant la lune torne en croissant. Un autre fleuve a si poissant, En Cicoine, qui en bevroit
- Ausi com de marbre ou de perre, Si a bien pres de nostre terre Eaues que, qui s'i laveroit,
- 840 Or ou electron sambleroit
  Sa crine et sa cheveleüre.
  Yaues y a d'autre nature,
  Qui les cors merveilleusement
- 844 Muent et les cuers ensement,
  Dont c'est grant merveille à veoir.
  Salmacis a tant de pooir
  Que tous ceulz qui s'i baignent mue.
- 848 Bien est sa force cogneüe.

  En Ethiope a tel riviere

  Que nulz homs en nulle maniere

  N'en boit que dervez n'en deviegne
- 852 Ou que dormir ne le conviegne, Si que nulz n'en puet esveillier.

<sup>816.</sup> B aprendre.

<sup>828.</sup> B enchaudist.

<sup>831.</sup> B fer; Ovide: "lignus" (vers 311).

<sup>833. &</sup>quot;..... minimos cum luna recessit in orbes" (Mét., XV, 312).

<sup>834. &</sup>quot;Flumen habent Cicones....." (vers 313).

<sup>839.</sup> A Gaves. Ovide: "Cratis" et "Sybaris", deux rivières près de la ville de Sybaris. 840. "Electro similes faciunt auroque capillos" (*Mét.*, XV, 316); A electon; B electre.

<sup>846.</sup> A Psalmacis; Ovide: "Cui non audita est obscenae Salmacis undae?" (vers 319).

Ne fait ce bien à merveillier: De la fontaine de Clitoire

- Ne boit homs morteulz, c'est la voire, Que jamais des lors en avant Vueille vin boire à son vivant? Or ne set on por que ce vient,
- 860 Fors qu'aucun dient, se devient, Que l'iaue a contraire nature Au vin chaut. Por ce si n'a cure De vin à savorer ne boivre
- 864 Puis qu'il a gousté de ce boivre. Li autre diënt autrement, Quar Phenix ancienement, Li filz Amiton, ot sanees
- 868 Les Pretides, qui forcenees
  Erent, et lor ot fet mecines
  D'erbe charmee et de racines.
  En l'iaue mist le remanant
- 872 De ces herbes, et maintenant L'iaue traist à soi la nature Des herbes, si qu'encore i dure La malvueillance d'amer vin:
- 876 Qui en boit ne puet amer vin.
  Une yaue rest d'autre nature,
  Que nulle humaine creature
  N'en boit que l'yaue ne l'enyvre,
- 880 Si cope et chancele come yvre.
  Une riviere a en Archade
  Qui de nuis est mauvese et fade,
  Si que qui de nuis en bevroit
- 884 Perte et peril en recevroit,
  Et de jors sans damage avoir
  En puet l'en boivre, au dire voir.
  Ensi se changent les rivieres
- 888 Par le monde en maintes manieres. Un temps fu Ortige en crolliere,

<sup>855. &</sup>quot;Fons clitorius" — source près de Clitor, une ville en Arcade; cf. Ovide, vers 322. 866. B Quant vint ancienement. — Le manuscrit A donne: "Phenin". Il s'agit de Melampus, fils d'Amythaon, mais ce nom n'est pas dans le texte latin. Où notre auteur

a-t-il trouvé ce nom de Phenix? Dans une glose? 868. A Pertides; Ovide: "Proetidas (eripuit furiis)" (vers 326). Ce sont les filles de Proetus, roi d'Argos.

<sup>875.</sup> B du mer vin; A d'amer vin.

<sup>880.</sup> B chope.

<sup>883.</sup> A Si que de nuis en beveroit.

<sup>889. &</sup>quot;Ortige" = Ortygie = Delos.

De tous sens assise en riviere: Or est assise fermement

- 892 En sec leu, sans nul crollement.
  Simplegades jadis estoient
  Roiches grans, qui par mer flotoient
  Par les ondes et par le vent,
- 896 Si firent maintes nez souvent
  Fendre et brisier, quant s'i hurtoient.
  Cil qui la nef Jason menoient
  Douterent lor encontrement:
- 900 Or sont assises fermement,
  Sans douter les flos ne le vent,
  Qui ces roches aillent mouvant,
  Por nul embreneus ventement.
- 904 Ethna, qui assiduelment
  Rent ardent flame, un temps sera
  Que sa grant flame cessera,
  Et tex temps ert que n'ardra mie,
- 908 Quar se la terre a ame et vie, Si com aucuns vont racontant, Et par mains lieus aille montant La flambe, qui sault et souspire
- 912 De la terre, quant elle espire, Clos porroit estre le conduit Par où la flame se conduit Et saut fors dou cors de la terre,
- 916 Si porra la flame aillors querre Autres conduis dont el saudra, Et li conduis d'Ethna faudra, Ou, se la terre se remue
- 920 Come beste, elle change et mue Les conduis par où la flame ist Et le feu par ailleurs vomist. Autres sont qui vont esperant
- 924 Qu'Ethna par autre cause rant
  Ardant flame assiduelment,
  Et que ce sont li soufflement
  Des vens, qui en terre s'encrotent
- 928 Et souz les cavernes se boutent, Si font par lor embrevement Hurter souz terre roidement Les roiches, et convient, sans faille,

<sup>893.</sup> A Simples gastes: B Simples gades. Ovide: "Symplegadas" (vers 338).

<sup>905.</sup> A flames.

<sup>931. &</sup>quot;Et, à cause de cela, il est inévitable que "flame ardans en saille". Le même

- 932 Por ce, que flame ardans en saille,
   Mes quant li souffles bessera,
   Et l'ardant flame cessera
   Dont la montaigne vait ardant.
- 936 De betun et de souffre ardant, Selonc la tierce opinion, Naist cele ardant combustion: Quant el perdra la norreture
- 940 Dou souffre et dou betun, qui dure Et norrist le feu devorant, Si s'ira la flame morant. Et conviendra qu'ele fenisse,
- 944 Quant n'i avra qui la norrisse. L'en dist que vers septentrion A gent en une region Que l'en apele Palantee.
- 948 Qui, quant il ont neuf fois hantee
  La Tritoniane palu,
  Il sont de plumes tout velu
  Come oisel, mes c'est grief à croire
- 952 Que tel chose puisse estre voire, Si dist l'en qu'ensi pueent faire Unes femes de put'afaire, Qui sont en Sace engigneresses,
- 956 Sorchieres et enchanteresses,
  Mes s'il est nulz qui vueille croire
  Chose bien esprouvee et voire:
  De charoignes, de chars porries
- 960 Sont concriees et norries
   Petites bestes d'autre forme,
   Quar l'abaille se crie et forme
   Dou ventre des toriaux porris;
- 964 L'escharbos rest nez et norris Des chevaulz morans em bataille;

sens de convenir au vers 943. Por ce = "à cause de cela". Que, au vers 932, introduit la phrase subordonnée qui dépend de convenir.

<sup>936.</sup> B bitun.

<sup>945. &</sup>quot;Esse viros fama est in Hyperborea Pallene, Qui soleant levibus velari corpora plumis, Cum Tritoniacam noviens subiere paludem" (Mét., XV, 356—358).

<sup>949.</sup> A La tritoniane palu; B triconiane; voir la note précédente.

<sup>951.</sup> Ovide: "Haut equidem credo" (vers 359); A trop grief fait croire.

<sup>955. &</sup>quot;Sparsae quoque membra venenis exercere artes Scythides memorantur easdem"; (Mét., XV, 359, 60).

<sup>962.</sup> A la baille; B la boille. Notre auteur écrit toujours "crier", au lieu de "créer"; de là, au vers 960, "concriees" veut dire "créees". Ovide: "apes" (vers 366).

<sup>964. &</sup>quot;L'escharbos" = "crabo" (vers 380).

De l'escreveïce, sans faille, Qui les piez li erraceroit

- 968 Et l'autre cors enterreroit, Icele enterree partie Seroit en scorpion vertie, Qui point o son corbe aguillon,
- 972 Si se forment li papillon
  Des chenilles, en prenant eles,
  Et volent ausi come oiseles.
  Dou limon de terre se forme
- 976 Une vilz semence sans forme,
  Dont les raines sans piez sont nees:
  Emprès lor sont cuisses donees,
  Et, por mieulz saillir, les derrieres
- 980 Sont plus longues que les premieres.

  Quant l'orse enfante son faon,

  Il ne samble fors un braon

  De char mal vive et mal formee:
- 984 Emprez li est forme donee
  Par le lechement de la mere,
  Qui en lechant le forme et pere
  Tant que la forme est aparans,
- 988 Bien resamblable à ses parans. Li faon que les eëz font, Que la cire coeuvre et repont, Nessent sans piez premierement,
- 992 Puis lor vienent tardivement
  Piés et èles et sont parfait
  Ausi com cele qui les fait.
  Qui l'aigle et le paon verroit
- 996 Et les colons, envis creroit,
  S'il ne l'avoit ançois seü
  Et esprouvé et cogneü,
  Que dou moial d'un oeuf nasquissent
- 1000 Et que tel devenir poïssent; Nonporquant c'est veritez fine. Aucun diënt que de l'eschine D'ome mort mis en sepulture,
- 1004 Quant elle torne à porreture. Puet li serpens nestre et venir.

<sup>977.</sup> raine = "rana" (vers 375).

<sup>982.</sup> braon = "morceau de viande".

<sup>989.</sup> B ees.

L'en voit toute voie avenir Que ces choses que j'ai nomees

- 1008 Sont d'autres espieces formees, Mes une y en a seulement Qui de soi seul meïsmement Se rapareille et renouvele:
- 1012 C'est uns oiseaux, que l'on apele Phenix, qui habite en Assire. De cest oiseau puis le voir dire Qu'il ne vit pas de la pasture
- 1016 Dont li autre ont lor norreture;
  Il ne vit fors de cinamaine,
  D'encens, d'espices et d'amaine.
  Quant li temps de cinq cent ans passe,
- Ou somet d'un haut arbre amasse Un ni d'espices o sa bouche Et aus ongles, et là se couche Ou ni delitable et flerant,
- 1024 Qui douce souautume rant,
  Si fine ou douce odour son temps,
  Et de lui naist, si com j'entens,
  Un petis Phenix à delivre,
- 1028 Qui autretant de temps doit vivre. Quant tant a vescu qu'il a force Et qu'il s'esvigore et enforce, Il lieve le ni de son pere
- 1032 Et le bercuel où norris ere, Si l'enporte au ciel hautement, Si l'assiet honorablement En la cité devant le temple
- 1036 Dou Soleil, qui est large et ample,
  Mes se nulz de ce se merveille,
  Encor est une autre merveille
  Qui moult est merveilleuse et fiere.
- 1040 Uns serpens est de tel maniere Qui doublement se renouvele:

<sup>1006. &</sup>quot;Haec tamen en aliis generis primordia ducunt; Una est quae reparet seque ipsa reseminet ales: Assyrii phoenica vocant....." (Mét., XV, 391—93).

<sup>1017. &</sup>quot;Non fruge neque herbis, sed turis lacrimis et suco vivit amomi" ( $M\acute{e}t$ ., XV, 394, 95). — Cinamaine = cinnamonium, une espèce de cannelle; amaine = amomum, une plante orientale odoriférante.

<sup>1029.</sup> A B Quar.

<sup>1040. &</sup>quot;..... et, quae modo femina tergo passa marem est, nunc esse marem miremur hyaenam" (*Mét.*, XV, 409, 10).

Une hore est malle, autre femele Hyena, qu'ainsi l'apele on.

- 1044 Un oiseau, c'est gamaleon,
  Qui ne vit de riens proprement
  Fors d'air et de vent purement,
  Toutes les choses qu'il ataint
- 1048 En samblable forme se taint.
  Une beste est qui lins a non,
  Qui ne pisse se pierres non,
  Quar sa pissate devient perre
- 1052 Quant à l'air vient et touche à terre. Li coraulz rest de tel nature Que fors de l'iaue est pierre dure, Et ce qui est de mer couvert
- 1056 Si est verge tendrete et vert.

  Trop feroie longue demore

  Se tout raconter voloie ore

  Ce qui se transforme et treschange
- 1060 En nouvele espiece et estrange:
  Ains convendroit le jor fenir
  Que je peüsse à fin venir.
  Toutes choses se vont changent,
- 1064 Dont nous veons aucune gent
  Qui moult fu foible et ore est fort,
  Et maint furent de grant effort
  Qui sont cheoit en grant feblesce.
- 1068. Moult fu Troie de grant noblesce,
  D'avoir efforcie et d'amis,
  Et moult greva ses anemis,
  S'en mist mains à destruiement,
- 1072 Et se tint viguereusement
  Dis ans contre tant d'aversaires,
  Qui les Grejois ne prisoit gaires,
  Mes or est povre et deceüe,
- 1076 A grant desertive venue, Si n'i pert que la trebuschence. Sparte fu de grant vaillence. Grans fu la citez de Miscenes.

<sup>1044.</sup> Le nom du caméléon n'est pas dans Ovide.

<sup>1047, 48.</sup> Cette phrase est peu correcte au point de vue de la construction. Elle est pourtant claire.

<sup>1057,</sup> suiv.: "Desinet ante dies ...... quam consequar omnia verbis in species translata novas" (Mét., XV, 418, 19).

<sup>1078.</sup> Mss. Sa perte. Il faut: "Sparte" ["Clara fuit Sparte....."; vers 426], de sorte qu'il manque une syllabe à ce vers. On pourrait lire, p.e.: "tres grant", mais ce serait, au fond, arbitraire.

- 1080 Cele de Thebes et d'Athenes
  Furent en grant auctorité,
  Mes or est Sparte en grant vilté
  Et Miscenes resont cheües.
- 1084 Que sont Athenes devenues?
  Il n'en est remes que le nom!
  Durent Thebes. Encor a nom.
  Il n'en est fors tant qu'on les nome!
- Or lieve une nouvele Rome,
  Où l'en fait grant bastiement
  D'ençainte et de fort fondement,
  Si vait de jor en jor croissant,
- 1092 Et tant sera riche et poissant Qu'el sera dame et chiez dou monde Tant come il dure à la reonde. Nulz ne porra vers lui forcier.
- 1096 Ensi le distrent li sorcier
  Et li devin l'ont deviné.
  Qu'il est escript et destiné
  Que Rome avra la seignorie
- 1100 Sor tout le monde et la mestrie.
  Ensi avenir le convient.
  Ensi le dist, s'il m'en souvient,
  Helenus, filz au roi Prian.
- 1104 Aeneë, ou temps ancian.

  Des lors que Troie ert em balance.

  Eneas ploroit sans doutance

  Por le peril de la cité;
- 1108 Helenus qui la verité
  Savoit des choses à venir
  Li dist: "Tu te pues bien tenir
  De plorer, et se tu savoies
- 1112 Ce que je sai, ja n'en plorroies.
  Tu restoreras le damage
  Et la perte dou grant lignage
  De Troie, et t'en eschaperas.
- 1116 Par fer et par feu passeras
  Sain et sauf, si te feront voie.
  Les diex emporteras de Troie,
  Si vendras par bone aventure
- 1120 En terre amiable et segure Et fonderas une cité,

<sup>1104.</sup> Aeneë est datif ici.

<sup>1116, 17. &</sup>quot;Flamma tibi ferrumque dabunt iter....." (Mét., XV, 441).

- Riche et de grant auctorité. Où tes lignages regnera.
- N'est or, ne jamais ne sera, N'onques ne fu au temps passez Si fors ne si poissans d'assez. Maint baron la gouverneront,
- 1128 Qui fort et poissant la feront,
  Mes puis nestra de ton lignage
  Uns poissans bers de grant barnage,
  Qui mestresse et chief la fera
- 1132 Dou monde, et suppeditera
  Toutes terres et tous regnez.
  Ne sera nulz de mere nez
  Qui par la force de cest home
- 1136 Ne soit sous l'empire de Rome. Moult sera sa valors proisie. Quant avra la terre apaisie, Si montera joieusement
- 1140 Aus cielz, et là finablement Sera li rois deïfiez Et come diex glorefiez." Ensi le racontoit, sans faille,
- 1144 Helenus en sa devinaille
  Aeneë, en lui confortant,
  Qui ça vint de Troie aportant
  Les diex qu'il traist dou feu de Troie.
- 1148' Bien m'en membre et si ai grant joie Dont je voi Rome si poissant, Qui de jor en jor vait croissant, Si m'esjoïs dont cil de Troie
- Furent vaincus, quar c'est grant joie
  Et grans preus que Grejois lor firent,
  Quant la grant Troie desconfirent,
  Quar par cele desconfiture
- 1156 Vienent et vendront à droiture Li Troien à tel noblesce, A tel honor, à tel hautesce Que li Romain doivent avoir,
- 1160 Se li devins sot dire voir,
  S'avront pais et joie et repos,
  Mes por ce que de mon propos
  Ne me doie plus esloignier,
- 1164 Retorner vueil sans proloignier A ma premeraine matire,

Si puis bien affermer et dire Que li cieulz et la terre ensamble

- 1168 Et quanqu'il y a, ce me samble,

  La mer neïs et les abismes,

  Changent lor forme, et nous meïsmes,

  Qui avons assambleement
- 1172 Ames et cors communement,
  Changons nos formes et nostre estre
  Si passons, qu'ensi puet il estre,
  Et nous reponons aus estages
- 1176 Et aus cors de bestes sauvages.
  Or n'est ce dont pas chose honeste
  Que nulz homs ocie autre beste
  Por son cors pestre et engressier,
- 1180 Ains les doit on em pais lessier, Puis que les ames de nos peres, De nos amis ou de nos freres Ou les ames des autres homes,
- 1184 Qui tel ont esté com nous somes, Y pueent maindre et demorer. C'est grant honte de devorer Cors qui li apartient en chief.
- 1188 C'est grant dolor, c'est grant meschief Et c'est grant cruauté, sans faille, De trenchier la gorge et l'entraille D'un veël, et dur cuer avroit
- 1192 Qui à pitié ne s'esmouvroit, Quant il l'orroit braire et muïr. Qui seroit qui porroit oïr Un chevrolet crier et braire
- 1196 Ausi come un enfant selt faire?

  Sans pitié, certes, dur seroit

  Et crueulz qui l'estrangleroit!

  Qui puet ocirre l'oiselot
- 1200 Et mengier qui pestre soulot?

  Que profite tel cruauté,

  Et que vault tel desloiauté

  De beste ocirre et mehaignier?

de changements. Selon notre habitude à nous, nous ne noterons pas toutes ces variantes inutiles, qui n'ont aucune chance d'avoir jamais appartenu au texte original.

<sup>1175, 6.</sup> Au lieu de aus, le manuscrit B écrit ici partout es.

<sup>1187.</sup> B apartiegne.

<sup>1199, 1200.</sup> A donne la rime: oiselot: solot; B donne: oiselet: solet; C ne donne pas ces vers.

<sup>1201.</sup> *A* porfite.

- 1204 Li bues doit vivre et gaaignier
  Les terres por nostre vitaille,
  Ou, s'il muert, si muere sans faille
  De viellesce. Ensi laist l'en vivre
- 1208 L'oeille et porter à delivre
  Les robes que nous vestirons.
  Vive la chievre, et la trerons
  Por avoir ou lait ou fromage
- 1212 Et dou caille por nostre usage.
  Ostez les las et les rosiaus,
  Si ne decevez les oisiaus
  Ne les bestes noient nuisables.
- 1216 Les cers paourous et tramblables Lessiez vivre segurement. Ne devez decevablement Vos ains couvrir ni aëschier
- 1220 Por les poissons prendre et peschier. Lessiez les bestes non-nuisables Vivre em pais, et les destruisables Destruisiez, et ce vous souffise,
- 1224 Sans point mengier de tele occise.

  Gardez ja le col n'en passez!

  Autres viandes sont assez

  Dont cors d'ome puet à delivre,
- 1228 Sans mesprendre et sans pechié, vivrel

   Dessus avez oï le conte,
  Si com Pitagoras le conte,
  Coment les choses se varient
- 1232 Et changent et diversefient En divers temps diversement Numa moult ententivement, Come sages et bien apris,
- 1236 Ot tel enseignement apris
  Et diligaument retenus,
  Puis est en Rome revenus,
  Plains de science et de savoir.
- 1240 Li Romain le vaudrent avoir A mestre et à governeor.

<sup>1212.</sup> *A* caillie.

<sup>1228.</sup> Après ce vers, A donne deux vers, qui n'ont aucun sens ici: "Or me doinst diex grace et savoir, De bien espondre et metre a voir, et c". Ces deux vers n'ont visiblement d'autre but que de remplir l'espace entre le récit qui se termine au vers 1228 et la miniature qui se trouve au-dessus du récit suivant. Voir aussi notre note au vers 1898.

- De lui firent empereor, Si li baillierent la mestrie
- 1244 Dou royaume de Romenie, Si li donerent à son chois Bele feme et de grant richois, Preuz et vaillant, cortoise et sage,
- 1248 De haut lin et de grant parage.
  Bien s'entramerent ambedui.
  Cil l'ama moult et cele lui,
  Si fu de sage baronie
- 1252 Sa court bien pueplee et garnie.
  Cil mist primes ou kalendier
  Deus mois, c'est genvier et fevrier,
  Qu'ains n'en avoit en l'an que dis.
- 1256 Sages fu de fais et de dis, Si sot bien governer sa terre En temps et de pais et de guerre. La gent bateillereuse et fort,
- 1260 Qui son estuide et son effort N'avoit ains mis qu'à traveillier, A combatre et à bateillier, Aprist par son enseignement
- 1264 A vivre em pais joieusement,
  Si ot em pais toute sa vie
  Le roiaume de Romenie,
  Fors et sages et bien aidans,
- Puis mourut plains de jors et d'ans.
  Por sa mort ont grant duel mené
  Cil de la terre et dou regné,
  Homes et femes, joenne et viel,
- Mes sor tous en fist plus grant diel
  La bele Egeria, s'espouse.
  Cele plore et plaint et dolouse.
  De duel let la cité de Rome.
- 1276 Si s'en fuit, sans feme et sans home Qui le sache, et sans nul arrest S'ala repondre ou val d'Arest. Là plora la bele et gesmi.

<sup>1243.</sup> A mestrise.

<sup>1253.</sup> B Kalendrer. Ce détail n'est pas dans le texte latin.

<sup>1271.</sup> Les manuscrits donnent la rime: vuel : duel. Or, la forme diel existe; je la rencontre, par exemple, au vers 1439. Je change donc en: viel : diel.

<sup>1272.</sup> Le nom d'Egeria ne se trouve pas dans le texte latin.

<sup>1278.</sup> Egeria se retire dans la forêt d'Aricia. — AC val d'arest; B val de horest.

- 1280 Là fist le duel de son ami
  Si grant, que nulz ne la veïst
  Que granz pitiez ne l'en preïst.
  Les nimphes qui ou bois manoient
- 1284 De lui conforter se penoient,
  Mes ne volt confort recevoir.
  Moult se penoit, au dire voir,
  Virbius, qu'en dist Ypolyte,
- 1288 De la dolente desconfite Reconforter en sa tristresce, En sa dolour, en sa destresce, Si li moustra par examplaire
- 1292 Qu'el se tenist dou duel retraire, Et que par autrui mescheance Puet elle alegier sa pesance, Si li raconte une aventure
- 1296 Qui ja li avint pesme et dure.

   "Oïs, dist il, onques retraire
  Coment Theseüs fist detraire
  Un sien fil par l'enticement
- 1300 De sa fame, qui folement Requist le vallet, son fillastre. De putage, et quant la marrastre Vit qu'il ne la deignoit oïr
- 1304 De son fol talant parsoïr,
  Si li sormist sa derverie
  Et l'acusa par tricherie
  Vers le pere fol et creable,
- 1308 Et dist la fausse decevable Que requise l'ot de putage Et de brisier son mariage? Ou por ce que dolente fu
- De l'escondit et dou refu
  Dou vallet qui l'ot refusee,
  Ou qu'el doutoit estre accusee
  De son vice et de son pechié,
- 1316 Si torna sor lui le meschié Et dist que temptee l'avoit. Li peres, qui pas ne savoit La verité, son fil mescrut,

<sup>1287.</sup> Le dieu Virbius est, en effet, le même personnage qu'Hippolytus. L'auteur n'a pas pu trouver ce détail dans le texte latin. On adorait Virbius dans la grotte d'Egeria. à Aricia.

<sup>1304.</sup> B parsuir; C parfurnir.

- 1320 Qui n'ot coulpe, et cele crut, Qui plaine estoit d'iniquité. Je fui, par fine verité, Cil meïsmes dont je parole,
- 1324 Que ma marrastre faulse et fole Accusa. Por ceste raison. Me chaça fors de la maison Mes peres et de sa cité,
- 1328 Come exil et desherité,
  Qui le cuer ot en grant friçon,
  Si m'oroit griez maleïçon.
  Je, qui tristes et las estoie,
- 1332 A Troezene en Phite aloie
  O cuer plain d'angoisse et d'amer,
  Par le rivage de la mer.
  Vers Corinthe soudainement
- Vi la mer enfler hautement
  Come un mont, et sambla, sans faille,
  Qu'el muïst come buef d'aumaille.
  Lors issi uns tors hautement
- 1340 De l'iaue et parut droitement Jusqu'au pis tout à descouvert, Si ot le groing large et ouvert, Dont il vomissoit la marine.
- 1344 Por la beste de male orine S'effroierent et s'esbahirent Mi compaignon, quant il le virent, Mes je de riens ne m'esbahi,
- 1348 Qu'assez me tenoie à traï, A sorpris et à esperdu De mon païs que j'oi perdu, Si ne cuidoie, au dire voir.
- 1352 Que je nul pis peüsse avoir, Mes li fort cheval qui traioient Le chars où je sis s'effreoient Si furent tuit essaboï
- 1356 Por le moustre qu'il ont oï, Et les oreilles chamuissant

<sup>1330.</sup> C Et menoit grant. Ovide: "..... meritumque nihil pater eicit urbe, Hostilique caput prece detestatus euntis" (Mét., XV, 504, 5).

<sup>1332. &</sup>quot;Pittheam profugo curru Troezena petebam" (Mét., XV, 506).

<sup>1333.</sup> Mss.: et d'anui.

<sup>1357, 58.</sup> ont été intervertis dans B. — A chamuissent; C abaissant. Ovide: "adrectis auribus" (vers 516).

S'en vont contre un mont gravissant Et s'en fuient en grant desroi,

- 1360 Si vait cabotant mon charroi
  Aus roiches, où breveusement
  Je m'esforçoie vainement
  De mon char conduire et mener
- Et de mes chevaulz refrener,
  Et volz tirer arrier ma raine,
  Et bien i meïsse tel paine
  Que ja, por rage qu'il eüssent,
- 1368 Li fort cheval ne me peüssent Sormonter, et bien les tenisse O la paine que g'i meïsse, Mes la roë dou chars quassa
- 1372 Sor un grant tronc où el passa, Si versai dou chars contreval Et fui pris come en un traval Sor le tronc où je fui cheüz,
- 1376 Et ne fusse d'illuec meüz, Mes li cheval m'entraïnoient En lor resnes, qui me tenoient Entrapé, si me derrompirent
- 1380 Et les entrailles me partirent S'oi tous les membres esloissiez Et les os derrons et froissiez, Si sambloie mielz mors que vis.
- 1384 Je n'oi ne de cors ne de vis Forme que cognoistre peüst Nulz qui onques veü m'eüst. En moi n'ot riens à damagier.
- 1388 Donc ne pues tu comparagier
  Ta male aventure et ta perte
  A la dolour que j'ai soufferte.
  Je vi la tenebreuse paine

<sup>1358.</sup> B Si vont.

<sup>1360.</sup> A Si vont; C Si vost.

<sup>1361.</sup> B embreveusement; C perilleusement.

<sup>1374.</sup> *B* travail.

<sup>1377.</sup> A m'manque.

<sup>1378.</sup> A Et: C A.

<sup>1379.</sup> B Estrapé; C Atrapé.

<sup>1381.</sup> A Sor; B Sos; C Sy oi.

<sup>1387. &</sup>quot;..... unumque erat omnia vulnus" (vers 529).

<sup>1388.</sup> Ovide exprime ceci sous forme d'une question: "Num potes aut audes cladi componere nostrae, nympha, tuam?" (Mét., XV, 530). Faut-il peut-être lire: "Donques". au lieu de "Donc ne"? Ou l'auteur a-t-il lu "Non", au lieu de "Num"?

- 1392 D'enfer, qui les infernaulz paine: Je meïsmes en enfer fui, Dont je n'eüsse mais refui, Secours ne nulle garison
- 1396 D'issir de l'infernal prison, Ne jamais ne venisse en vie, Se je n'eüsse eü l'aïe Dou vaillant mire de hault lin,
- 1400 Esculape, fil Apolin.

  Li bons mires de grant renom,
  Peon, qui Esculape ot nom,
  Par force d'erbes à delivre
- Me traist d'enfer et fist revivre Maugré Pluto, qui me tenoit,
   Li rois d'enfer, qui duel en ot.
   Por ce que ma dame et m'amie,
- 1408 Dame Dyane, ne volt mie Que nulle ame me cogneüst Qui envie ou desdaing eüst, S'il me veïst reçuscité,
- 1412 D'une noeuve obscurité
  Couvri ma face et ma figure,
  Si me dona forme et faiture
  Tele que nulz ne cogneüst,
- 1416 Si que nulz achoison n'eüst
  De moi faire anui ne damage,
  Si me dona samblable aage.
  El fu en doute qu'el feroit:
- 1420 S'elle en Crete me lesseroit
  Ou en Pelon, puis m'a ci mis,
  Por doute de mes anemis,
  Et m'osta le nom toute voie
- 1424 "Des chevaus", que primes avoie, Si ne volt plus que nom eüsse "Ypolite", ains volt que je fusse "Virbius" nomez, et des lores
- 1428 Sui Virbius nomez encores.

  Or est à moi divine honors,

<sup>1400.</sup> Le nom d'Esculape n'est pas dans le texte latin, qui l'appelle: "proles Apollinea", (vers 533), et parle de "ops Paeonia", (vers 535; cf. notre vers 1402).

<sup>1402.</sup> Voir la note précédente.

<sup>1412.</sup> A noeuve; B enuieuse; C bruineuse. Ovide: "densas objecit Cynthia nubes" (vers 537). Donc: "d'un nuage épais". L'expression: "d'une nouvelle obscurité" me semble acceptable ici: notre auteur n'a pas la prétention de traduire partout littéralement 1421. A Telon; BC Delon. Il s'agit, en effet, de Delos, qui est à l'accusatif dans le texte latin, vers 541.

Si sui des damediex menors, Et des lors mains en ce boschage

- 1432 En l'obeïssance, en l'omage De Dyane, qui me gueri''. Onques n'ot mains le cuer mari, Por riens que Virbius deïst
- 1436 Ne por paine qu'il i meïst En lui conforter, Egerie, Qui trop est dolente et marrie. Ses dielz ne cesse d'engregier,
- 1440 Qui point ne puet assovagier,
   Ains s'est reposte au pié dou mont,
   Et, si com ses dielz la semont,
   Plore et plaint assiduelment,
- 1444 Et tant plore parfondement
  La lasse, qu'ele se confont
  Et toute remet et refont.
  Dyane ot de son duel pitié,
- 1448 Si li mua par amistié

  Le cors en froide fontenele

  Et fist les membres de la bele

  Decourre en yaue pardurable,
- 1452 Si fu fontaine escalorgable.

   Dessus avez la fable oïe
  Coment fu muee Egerie
  En fontaine nouvelement.
- 1456 Les nimphes merveilleusement S'en esbahirent, qui ce sorent, Qui de si grant merveille n'orent, Ce lor samble, onques mais oï.
- 1460 Virbius plus s'en esjoï

  Que li Tureniaus agrestes

  Ne fist, quant vit entre les glestes

  Une beste par soi mouvoir
- 1464 Sans mouveor, et forme avoir
  D'ome, et li vit la bouche ouvrir
  Por dire aus gens et descouvrir
  Les choses qui à venir erent.

<sup>1439.</sup> diel = "dueil". Voir la note au vers 1271.

<sup>1442.</sup> A pont (!).

<sup>1444.</sup> A assiduelment.

<sup>1445, 6. &</sup>quot;liquitur in lacrimas", (vers 549). — Remetre = "fondre".

<sup>1452.</sup> Le vers manque dans C. Le manuscrit A donne: "Qui moult fu chose merveillable"; B donne: "Si fut fontaine esealorgable". Il me semble que cette derniere leçon s'impose. Le mot "merveillable", d'ailleurs, ne se rencontre jamais dans notre texte.

- 1468 Cil de Toscane l'apelerent Tagen, et sages devins ere, Si s'esbahist en tel maniere Com fist Romulus en veoir
- 1472 Sa seche lance verdeoir,
  Et sa viez secheresce perdre,
  Et com vif arbre en terre aërdre,
  Et doner ombre aus ombroiaus,
- 1476 Qui les cuers en orent joiaus, Si s'esbahist plus et merveille Ypolitus de la merveille Que Cippus ne fist voirement,
- 1480 Quant il mira premierement
  En l'iaue sa face cornue,
  Et quant il l'ot tele veüe,
  Si ne tint pas la chose à voir
- 1484 Que homs peüst cornes avoir. Ne pas de verité ne croit Qu'estre peüst ce qu'il veoit. Aus mains tasta por esprouver
- 1488 Se c'iert voirs qu'il peüst trouver En son front les cornes veües, Et quant les ot aus mains sentues Si sot que ce fu voirs sans faille.
- 1492 Si come il vint de la bataille
  De l'enemi, qu'il ot donté,
  S'arresta de sa volenté,
  Tendans humblement vers les cieulz
- Sa face cornue et ses ieulz
  Si dist: "O, Damedieu celestre,
  Tele aventure que puet estre
  Et que puet ce signifier?
- 1500 S'il vous plaist à certefier, Je vous pri: faites m'ent seür! Se c'est signes de bon eür Ne de chose qui à bien tourt,
- 1504 Sor Rome et sor Romains la tourt La divine grace et l'amour; Se c'est riens qui tant à cremour De mal, de perte ne d'anui,
- 1508 Sor moi viegne, non sor autrui!"

  Lors sacrefia sans arreste

<sup>1470.</sup> Celui qui "s'esbahist" est toujours Virbius, de même qu'au vers 1477.

<sup>1490.</sup> A il l'ot.

<sup>1492.</sup> Si come = "Lorsque".

Sor un autier fait de vers gleste, Si mist en un calice vin

- 1512 Et fist savoir, par le devin,
  Aus vaines d'une morte oeille,
  Que signifie tel merveille.
  Li devins resgarde en l'entraille,
- 1516 Si voit que grant chose aparaille Ceste merveille, et toute voie Ne puet, par vaine qu'il i voie, Veoir dou signe le mistiere,
- 1520 Jusqu'il ot traite la lumiere
  Dont il alumoit à l'entraille
  Aus cornes Cippus. Lors, sans faille.
  Vit le mistere apertement
- 1524 Et s'escria lors hautement: "Rois, Diex te sault et beneïe! De Rome avras la seignorie Et li Romain t'obeïront
- 1528 Et à tes cornes serviront,
  Qui seront en auctorité.
  Or tost si entre en la cité.
  Vois les portes qui sont ouvertes.
- 1532 Teulz est la destinee, certes, Que tu seras por rois tenus, Tantost com tu seras venus En la vile, et segurement
- 1536 Useras pardurablement
  Dou ceptre et de la seignorie
  Dou roiaume de Romenie."
  Quant Cippus l'oit, si s'en retorne
- 1540 Et de la cité se destorne, Et dist que ja Dieu ne pleüst Que tel honor au monde eüst, Et dist qu'il veult mielz à delivre
- 1544 Et franchement en exil vivre
  Que terrien regne tenir.
  Lors fist assambler et venir
  Le senat de Rome et la gent.

<sup>1510. &</sup>quot;Sur un autel de gazon"; "viridique e caespite factas placat odoratis herbosas ignibus aras" (Mét., XV, 573. 4).

<sup>1520. &</sup>quot;Jusqu'au moment où il porta la lumière non plus sur les entrailles de la victime, mais sur les cornes de Cipus."

<sup>1522.</sup>  $M_{SS.}$ : "Au cors", mais il ne s'agit pas, évidemment, du corps, mais des cornes de Cipus,

- 1548 Mes ains ot couvert bel et gent Ses cornes d'une vert corone De lorier. Cippus araisone Le pueple et les barons de Rome
- 1552 Et dist: "Entre vos est un home Qui sor vous sera rois et sires, Et siens sera tous li empires De Romenie en herité,
- 1556 S'il entre en Rome la cité.
  Or est drois que je vous ensaigne
  Non pas par droit, mes par ensaigne,
  Qui est cilz homes qui rois sera
- 1560 Et qui tous vous justicera, S'il entre en Rome. Ensi le dit Li devins, que nulz ne desdit. C'est uns qui la teste a cornue.
- 1564 S'il fust entrez tout de venue En la vile, et bien li leüst, Ja nulz contredit ne l'eüst Fors moi, mes je le contrestai
- 1568 Et à l'entree l'arrestai, Si n'est il nulz qui plus m'ataigne Ne qui de plus près m'apartaigne. Or deffendez qu'il n'entre en Rome,
- Ou, s'il est drois qu'en lit tel home, Si soit pris et en fer liez, Ou, s'il vous plaist, si l'ociez Pour issir de tel soupeçon."
- 1576 Cors sordi une grant bruiçon Entre les princes des Romains, Si qu'il sambloit ne plus ne mains Fort vent qui en buisson se bote,
- 1580 Ou mer qui sor fort roiche flote.
  Ensi la gent murmure et bruit,
  Et tuit demandent à un bruit
  Qui cil est, si le vont querant
- 1584 Et par demandes enquerant
  Le cornu, mes pas ne le voient.
  Cippus lor dist qu'entr'eulz l'avoient.
  Lors a sa teste descouverte,

<sup>1572.</sup> lit, du verbe "lier". C: "Ou s'il est qu'on eslit tel homme", nouvel exemple de la façon dont ce copiste arrange ce qu'il ne comprend pas. Ovide: "Vel, si dignus erit, gravibus vincite catenis" (Mét., XV, 601).

<sup>1579.</sup> B en wienseuse; A en boisson.

- 1588 Si lor monstre la chose aperte
  Des noves cornes qu'il avoit.
  Quant li romains pueples le voit
  Si gemist et ne sot qu'il face,
- 1592 Et chascuns abessa sa face,
  Qu'il nel voloient esgarder,
  Mes onc ne s'en sorent garder
  Que chascuns malgré sien ne voie
- 1596 Sa noble teste, et toute voie Ne souffrirent que digne honor Ne feïssent à tel seignor, Si li ont la teste aornee
- 1600 De riche corone honoree, Et por ce qu'il ne voloit mie En Rome entrer, la baronie Li dona fors de la cité,
- 1604 En demaine et en herité,
  Tant de terre com il porroit
  Comprendre et come il enclorroit
  A charrue à bues en un jor,
- 1608 Et, por remembrance à tous jor
  De la forme qu'il ot eüe,
  Firent une ymage cornüe
  Entaillier sor les murs de Rome
- De fin or, en samblance d'ome.
  Or est drois que je vous devise
  En quel maniere et en quel guise
  Li filz Coronis, la meschine,
- 1616 Aquist en Rome honor divine
  Et come il vint en la cité.
  Bien le sai par l'auctorité
  Des poëtes et des devins
- 1620 Qui sorent les secrez devins, Si le vous dirai, sans doutance. Jadis ot une pestilance En Lace, qui tout honissoit
- 1624 Et tout l'air empullentissoit, Si en fu toute en poi de terme La gent engrotee et enferme Et tuit ierent pale et roigneux,
- 1628 Si queroient les besoigneus Aus mires aïde et confort, Mes la maladie ert tant fort Que riens n'i valoit medecine.

<sup>1595.</sup> A sien manque; B mal sen ne le voie.

- 1632 Quar par herbes ne par racine Ne pooit nulz trouver santé. Lors furent tuit entalanté D'aler en Delphe ou d'envoier
- 1636 Apolin requerre et proier
  Que secours lor face et aïe
  De ceste male maladie,
  Et qu'il lor doinst brief alegance
- 1640 De la dampnable pestilance
  Qui Rome a mise à tel destresce,
  A tel angoisse, à tel tristesce.
  Là fist Apollo par miracle
- 1644 Le leu trembler et tout l'oracle Et la cortine dou mostier Et l'image dessus l'autier Et la corone et le tarquois,
- 1648 Si lor vint ausi come escrois
  Une vois, dont cil qui l'oïrent
  S'esfreërent et esbahirent,
  Si lor dist: "En lointaigne terre
- 1652 Estes ça secors venu querre, Mes plus près l'eüssois trouvé, Se l'eüssiez plus près rové, Et, se vous le volez trouver,
- 1656 Plus pres le vous convient rouver. N'est pas mestiers que vous aïe, Mes mes filz vous doit faire aïe. Cil doit vos paines alegier
- 1660 Et vos dolours assouagier. Par lui serois sain et seür. Alez à lui par bon eür, Si l'apelez à vostre aiüe."
- 1664 Torné s'en sont sans atendue Li Romain, mes ains ont requis Où cilz filz devoit estre quis. En Epidaure lor ensaigne,
- 1668 Si lor done certaine ensaigne
  De la terre où il le querront
  Et comment il le trouveront.
  En mer entrerent li Romain,

<sup>1645.</sup> cortine = "cortina" (vers 635) = 1e trépied de Delphes.

<sup>1652.</sup> A Estez.

<sup>1657. &</sup>quot;Nec Apolline vobis, qui minuat luctus, opus est, sed Apolline nato" (Mét., XV, 638, 39).

- 1672 Et tant nagerent soir et main.
  Et tant ont lor chemin tenu,
  Qu'en Epidaure sont venu.
  Les Grejois ont mis à raison.
- 1676 Si lor revelent l'achoison

  De lor voie et qu'en cele terre

  Vienent aïde et secors querre

  A lor dieu, que par sa presence
- 1680 Doit fenir la grief pestilance Qui les Romains vait damagent. Ne volt pas la grejoise gent Faire la requeste aus Romains,
- 1684 Quar por le plus et por le mains Lor diex, ce diënt, ne leront N'aus Romains ne le bailleront, Qu'en ne doit à autrui lessier
- 1688 Ce dont l'en puet avoir mestier. Li aucun bien s'i acordoient, Affermans que pas ne devoient Le dieu refuser à nullui
- 1692 Qui mestier puisse avoir de lui.

  Moult fu lor sentence contraire.

  Li un diënt qu'on ne doit traire

  Lor sauveor de la cité,
- 1696 Et li autre qu'iniquité
  Et grant vilonie seroit
  Qui aus Romains refuseroit
  Le dieu qui les devoit secorre.
- 1700 Ensi lessierent le jor corre
  Sans la besoigne traire à fin.
  Li Romain o cuer humble et fin
  Prient le dieu qu'il les secore
- 1704 Dou grief mal qui si lor cort sore.

  La nuit, quant li Romain dormirent,
  En dormant, ce lor samble, virent
  Le dieu tel come il soloit estre
- 1708 Ou temple, et en sa main senestre
  Tint come agreste une croce,
  Si avoit espès come broce
  Crins et barbe et les demenoit
- 1712 O sa destre, qu'il i tenoit, Si les aresne doucement

<sup>1711.</sup> Il tenait de sa main droite sa longue barbe.

Et lor dist amiablement: ...Ne doutez. Je vous aiderai

- 1716 Et mes simulacres lerai.
  O vous irai sans faille à Rome,
  Non pas en droite forme d'ome,
  Mes forme de serpent prendrai,
- 1720 Et teulz, ce sachiez, devendrai
  Com vous esgardez cest serpent
  Entor cest mien baston rampant,
  Fors tant que greignor forme avrai,
- 1724 Si grant come affiert à dieu vrai.
  Or avisez donques l'image
  Dou serpent, si serois plus sage
  De moi cognoistre en ceste guise,
- 1728 Quant j'avrai tel samblance prise, Quar telz vous aparrai demain." Atant s'esveillent li Romain, Si perdirent l'avision
- 1732 Et la vois d'Esculapion.

  La nuis s'en vait, li jors repaire.

  Li Grejois ne sorent que faire:

  Dou dieu baillier ou retenir.
- 1736 Tout le pueple firent venir Au temple et là se conseillierent. Au dieu requistrent et prierent Que certain signe lor feïst
- 1740 Et moustrast, por qu'il les meïst Fors de la doute où il estoient, Et tel par qu'il sachent et voient Et puissent clerement savoir
- 1744 Où il veult mielz son siege avoir Et ou li plaist à demorer. Tant come il pensent à orer, Li dieux s'est entr'eulz arresté
- 1748 En forme de serpent cresté,
  Si sible en son avenement,
  Et par miracle apertement
  Fist trambler l'image et l'autier
- 1752 Et le pavement dou moustier Et la porte et la couverture. Il avoit la regardeüre Plus rouge de charbon ardant.

<sup>1715, 16. &</sup>quot;Pone metus! Veniam simulacraque nostra relinquam" (Mét., XV, 658).

- 1756 Si vait entour soi regardant
  Et fu haut jusqu'au pis au temple.
  Tuit cil qui virent cest exemple
  Furent tramblable et esmeü
- 1760 Por le signe qu'il ont veü. Li prestres, qui revestus iere, Cognut dou signe le mistiere Si s'escria joieusement:
- 1764 "C'est diex, c'est diex certainement!

  De bouche et de cuer l'aorez

  Et devotement l'onorez!",

  Puis dist que par son plesir viegne
- 1768 Au preu de toute la compaigne Et qu'il vueille estre secorables, Debonaires et favorables Au devot pueple qui l'onorent.
- 1772 Tuit cil qui sont present l'aorent Et respondent emprès le prestre: "Amen, Sire. Ensi puisse il estre!" Cil de Rome merci li crient
- 1776 Et de bouche et de cuer li prient Qu'il lor aït par sa pitié. Li diex, en signe d'amistié Et d'otroi, crolla lors la teste,
- 1780 En mouvant sa doree creste,
  Et done sible en languetant,
  Puis escalorge et vait jetant
  Son cors fors dou temple où il iere
- 1784 Par les degrés, tornant la chiere Vers le temple dont il se part Et vers l'autier, et cele part Regarde en saluant l'autier
- 1788 Et l'abitacle dou moustier.

  A joie et à sollempnité

  Vait sailletant par la cité,

  Dont li chemin furent couvert
- 1792 De noves flors et d'erbe vert.

  La gent le sieut à grant deport.

  Li diex ne cesse jusqu'au port.

  Là s'arreste et a conjoyé

<sup>1757. &</sup>quot;Pectoribusque tenus media sublimis in aede constitit" (Mét., XV, 673).

<sup>1769.</sup> A Et qui.

<sup>1773.</sup> A responent.

<sup>1774.</sup> B puist il.

<sup>1781.</sup> langueter = "mouvoir la langue".

- 1796 Le pueple qui l'ot convoyé, Com debonaires et humains, Puis entre en la nef des Romains. La nef, où li cors sains sailli,
- 1800 Chancela toute et tressailli, Qui senti la divine charge. Quant le dieu virent en la barge, Li Romain grant joie ont eüe.
- 1804 D'un toriau font sans atendue Sacrefice sor le rivage, Puis des-aancrent lor navage, Si entrent ens joieusement.
- 1808 Les voiles drecent hautement.
  Li vens a la navie empainte,
  Qui fu bele et paree et painte,
  Si les emporte à grant esploit.
- 1812 N'est mestiers que nulz y esploit Avirons por plus tost nagier. Li dieu vait sa teste assegier Sor le bort de la nef derriere,
- 1816 Si resgarde avant et arriere.
  Li vens souefment les enmaine.
  Tant errent à joie et sans paine,
  Qu'en Itale entrent li Romain
- 1820 Dedens le jor sisieme au main. La nef s'adresce et achemine Par delez le temple Lacine, Bien prez dou Scillian rivage,
- 1824 Lesse Japige et sigle à nage Tant que les roiches d'Amphresi Passe, et Ceraunes autresi, Plevure et Caulone et Narice.
- Bon vent avoit et bien propice.
  Pelore passe et ses destrois,
  Où li passages est estrois,
  Mes là n'est pas la nef remese:

<sup>1822.</sup> A Lavine, Il s'agit du temple de Juno Lacinia, à Lacinium, près de Croton.

<sup>1823.</sup> Le "Scillian rivage" = "Scylacea litora" (vers 702), aujourd'hui "Squillace".

<sup>1824.</sup> Japige = Iapygia, aujourd'hui Terra d'Otranto.

<sup>1825.</sup> Mss.: Amphesi, Amphisi. Il s'agit d'Amphrisia.

<sup>1826.</sup> A Ceraunes; B Cilenie. Il s'agit peut-être du promontoire de Cocinthos (vers 704).

<sup>1827.</sup> *Plevure*, disent les manuscrits. J'ignore ce que ce nom signifie. — A Canoce; B Caunolse. Il s'agit, je crois, de Caulona (vers 705). — "Narice"  $\equiv$  Narycia, c'est-àdire: Locri (vers 705).

<sup>1829.</sup> Pelore = un cap en Sicile, qui s'appelle aujourd'hui le cap de Faro.

- Passe Toscane et puis Themese.
  Passe Leucosiam et Peste
  Et Capree, et sans point d'arreste
  Passe Mont Pallas et Surente
- 1836 Et Cortone, que je ne mente, Et Stabie et Parthonopee, Et puis le temple de Cumee Et les chaulz fons, et puis Literne,
- 1840 Passe le flueve de Vulturne, Qui plains est de parfonde araine, Et Sumese, de serpens plaine, Et Myturne et Taygete
- 1844 Et le palais Antiphete,
  Puis passe Traque la boëuse
  Et la contree perilleuse
  De Circé. Tant cort et tant nage
- 1848 Qu'en Antion s'arreste au rivage.

  Là prenent li marinier port

  Por la mer, qui fu aspre et fort.

  Li dieu se desploie et redresce
- 1852 Et droit vers le temple s'adresce, Où ses peres iert aorez. Ou temple est la nuit demorez. L'endemain, quant il ajorna,
- 1856 Li diex à la nef retorna.
  Ja fu la nef paisible et coie,
  Si se remetent à la voie,
  Et tant ont lor chemin tenu
- 1860 Qu'au bout dou Tybre sont venu. Toute la gent de la contree

<sup>1832.</sup> B tuscanne. Il s'agit, dans Ovide, des îles d'Aeolus: "domi Hippotadae regis" (vers 707). — Themese = "Temesa", aujourd'hui: Torre del Lupi.

<sup>1833.</sup> A Leucotheon: B Lencove.

<sup>1835.</sup> Mont Pallas = "promunturium Minervae" (vers 709).

<sup>1837.</sup> A Esthabie; B Et stabre. Il s'agit de Stabiae.

<sup>1840.</sup> *B* Passe sumele et minterne; *A* Vulturne, qui représente une rime incorrecte, mais la désinence est pourtant exacte: il s'agit du Volturnus. Je considère la rime comme une licence poétique, à moins que l'auteur ait réellement écrit lui-même "Vulterne", ce qui me semble peu probable.

<sup>1842.</sup> Sumese représente "Sinuessa" (vers 715), aujourd'hui: Rocca di Mandragone.

<sup>1843.</sup> Myturne = ,,Minturnae'' (vers 716).

<sup>1844.</sup> Le palais Antiphete = "Antiphataeque domus" (vers 716).

<sup>1845.</sup> Traque = "Trachas", plus tard: Tarracina. — B Trace.

<sup>1848.</sup> A Ancon, B Anchon, Il s'agit d'Antium,

<sup>1851.</sup> A adresce.

<sup>1860. &</sup>quot;..... Tiberinaque ad ostia venit" (Mét., XV. 728).

Lor est venue à l'encontree, Là ou la nave s'arresta.

- Les nonains dou temple Vesta
  I mainent lor procession
  O joie et o devocion,
  Si chantent o joious corage.
- 1868 Sor l'un et sor l'autre rivage
  Fu le pueple joie menant,
  A l'encontre dou dieu venant,
  Qui au dieu conjoïr estrive.
- 1872 Autiers sor l'une et l'autre rive Ot et grans feus fu alumez, Si fu li airs tous enfumez Dou feu de l'encens qu'il ardoient,
- 1876 Et des bestes dont il fesoient Sacrifice ist grant souautume, Qui tout l'air embasme et enfume. Grant feste font femes et home.
- 1880 Tant court la nef qu'ele entre en Rome, Et li serpens, sans plus d'arreste, Se drece et apoie sa teste Au mast et garde s'il verra
- 1884 Leu convenable où il sera. Une ille avoit à Rome assise Qui le Tybre en deus part devise: De l'un et de l'autre giron
- L'ençaint l'iaue tout environ,
  Et l'ille egalment la depart.
  La nef s'adresce cele part
  Et li serpens fait un grant sault,
- 1892 Qui de la nef en l'ille sault.

  Là s'arreste et sans demorance
  Reprist sa divine samblance
  Qu'il ot eü premierement,
- 1896 Si traist le pueple à sauvement, Et par sa presence a sanee Toute Rome et medicinee.
  - Dessus vous ai conté le conte,

<sup>1865.</sup> A porcession.

<sup>1884.</sup> A serra.

<sup>1888.</sup> A L'en court.

<sup>1898.</sup> Après ce vers, au-dessus d'une miniature, A ajoute le vers suivant: "Jadis en la terre de Rome, etc.". C'est le premier vers du XVe livre, qui sert ici visiblement de remplissage; cf. la note au vers 1228.

- 1900 Si com li auctors le raconte, Dou dieu qui d'Epidaure vint En Rome, et combien l'en avint A Rome et à tous les Romains.
- 1904 Cil vint d'estrange terre au mains, Si fu en Rome receüz Et por dieu servis et creüz, Mes Cesar iert en la cité,
- 1908 Qui soie iert en auctorité, Por dieu servis et honorez. Et bien i doit estre aorez, Qu'en temps de pais et de bataille
- 1912 Fu ce li souverains, sans faille, Li plus preuz et li plus senez Sor tous homes de mere nez. En temps et de pais et de guerre
- 1916 Fu ce li plus prisiez en terre, Si aquist par son vasselage, Par son sens et par son barnage Sor tous ses anemis victoire,
- 1920 Mes plus ot d'onor et de gloire Por la vaillance et por le pris De son fil preuz et bien apris: Plus tost en su glorefiez,
- 1924 Faiz estoile et deïfiez, Que par oeuvre qu'il onc feïst. Je ne cuit pas, se Diex m'aïst, Qu'il onc feïst oeuvre greignor
- Ne dont il eüst graindre honor 1928 Que de si vaillant fil avoir, Preuz et noble et plains de savoir. Cesar par bataille et par guerre
- 1932 Conquist Egipte et Engleterre, Flandres et la Maindre Bretaigne Et Normendie et Alemaigne, Poitou et Avergne et Gascoigne,
- 1936 Toute France et toute Borgoigne Et pluiseurs autres riches terres,

<sup>1904,</sup> suiv.: "Hic tamen accessit delubris advena nostris: Caesar in urbe sua deus est....." (Mét., XV, 745).

<sup>1907.</sup> B Mais mars cesar est la cité; C Mais cesar est.

<sup>1908.</sup> B Soue ere; C Sien tenus.

<sup>1922.</sup> De son fils adoptif, bien entendu: Octavianus Augustus.

<sup>1926.</sup> A B meist; C ait.

<sup>1935.</sup> A Poitau. Dans le texte latin, les pays conquis sont: l'Angleterre, l'Egypte, le pays des Numides et du roi Juba, les peuples du Pont; vers 752—757.

Pluiseurs par pais, pluiseurs par guerre, Mes riens ne monte, c'est la voire,

- 1940 Envers la loënge et la gloire
  Qu'il ot d'engendrer si franc home,
  Par cui li empires de Rome
  Seignoria sor tout le monde
- 1944 Tant come il dure à la reonde, Et li dieu firent grant honor A tout le mont de tel seignor! Julius Cesar, sans doutance,
- 1948 S'il ne fust de mortel semance, Eüst esté sans contredit Dieux faiz, si com la fable dit, Mes nature le contrestoit.
- 1952 Dame Venus, qui mere estoit
  Enee et chief de son lignage,
  Quant vit la perte et le damage
  De la mort Cesar pourchacier
- 1956 Par traïson, sans manecier, Qui juree iere et porparlee, Moult devint triste et adolee Si pali toute. De dolor
- 1960 Occurci sa fine color.

  A tous les diex qu'ele encontroit
  La mesaventure moustroit
  Qui de Cesar iere à venir
- 1964 Et dist, qu'el ne s'en pot tenir: "Ne veez vous com l'en m'espic Par traïson et par boisdie? Ne veez vous le grant damage
- 1968 Qu'on apareille à mon lignage?

  Serai je tout jors solitaire?

  Je ne me puis celer ne taire

  Des griefs qui continuelment
- 1972 Me sont fet. Ancienement Me navra du fer de sa lance Diomedes, plains de bobance. Emprès fui triste et irascue
- 1976 De Troie, qui fu confondue, Puis repoi estre à grant destresce

<sup>1956.</sup> B menacer.

<sup>1960.</sup> B fiere; C fresche.

<sup>1969.</sup> A je manque.

<sup>1973.</sup> B Mars navra.

De mon chier fil, plain de proësce, Eneas, que poi trop amer,

- 1980 Qui tant vagua parmi la mer En doute qu'il ne fust peris, Puis vit les infernaulz peris, Puis li fist Turnus maint contraire.
- 1984 Mes que me vault ore à retraire Les griez perilz et les damages Que souffert a li miens lignages Aus temps anciens et passez,
- 1988 Quar or ai plus a plaindre assez!
  Je voi les glaives aguisier
  Por mon lignage amenuisier
  Et por metre à mort, c'est la voire,
- 1992 Le poissant duc, le franc prevoire. Qui fait les Vestaus sacrefices? Qui porra souffrir teulz malices? Seignor dieu, ne les souffrez mie,
- 1996 Por l'amour de moi vostre amie, Quar Vesta, s'el pert son prevoire, Perdra ses secrez, c'est la voire, Et je reperdrai mon neveu,
- 2000 Qui Rome tient en son aveu."

  Ensi se vait en vain plaignant

  Venus, qui point ne vait faignant

  De moustrer le duel qu'ele avoit,
- 2004 Et les souverains esmouvoit,
  S'estre peüst, à lui secourre
  A son neveu de mort rescourre
  Et volentiers li aidissaint
- 2008 A ce faire, s'il peüssaint,

  Mes ne puet estre destornee

  Por nulle riens sa destinee,

  Quar la mort Cesar, sans doutance,
- 2012 Iert jugiee par l'ordenance
  Des suers que nulz ne puet desdire,
  Mes, en signe de duel et d'ire
  Qui au monde iere à avenir,
- 2016 Firent comparoir et venir Enmi l'air signes merveilleus,

<sup>2007.</sup> B aideroient.

<sup>2008.</sup> B se il povoient.

<sup>2012.</sup> AB et par.

<sup>2013. &</sup>quot;ferrea veterum decreta sororum", (vers 781).

Moult doutables, moult perilleus: Armes de flame aparissoient

- 2020 Par les nues, qui nercissoient, Si les ooit l'en ressoner, Et cors et buisines soner Parmi le ciel horriblement,
- 2024 Qui moustroient couvertement
  Qu'il avendroit quelqu'aventure
  Au mont qui seroit pesme et dure.
  Neïs en signe de dolour
- 2028 Changa li solaus sa colour
  Si fu troblez et noirs, sans faille.
  En l'air vit l'en mainte ardant faille,
  Si chut dou ciel pluie sanglente,
- 2032 Et Lucifer, que je ne mente, Fu lors bleus, s'ot couvert le vis De colour ferroneuse et vis. La lune en mua sa coulour.
- 2036 Chant de tristesce et de dolour Chante li chahuans en mil leus, Li cui chans est trop perilleus. En plus de mil leus, c'est la voire,
- Veïst l'en lors plorer l'ivoire,
   Et les roiches communement.
   Chant d'orrible manacement
   Ooit l'en chanter par les temples
- 2044 Et par les bois. Par ces examples, Quant il orent esté veü, Furent li Romain esmeü, Si firent sacrefice faire
- 2048 Por enquerre de cest affaire Que ce pooit signifier, Mes ne les puet certefier De ceste angoisseuse malice
- 2052 Nulle vaine de sacrefice,
  Fors tant que l'en troeuve et voit
  Que grant tumulte estre devoit,
  Et qu'aus boeles troeuve l'on

<sup>2019. &</sup>quot;Arma ferunt inter nigras crepitantia nubes, terribilesque tubas auditaque cornua caelo praemonuisse nefas....." (Mét., XV, 783—85).

<sup>2032. &</sup>quot;Caerulus et vultum ferrugine Lucifer atra, sparsus erat......" (Mét., XV, 789).

<sup>2033.</sup> AC blons.

<sup>2036.</sup> A Chante tristesce.

<sup>2037.</sup> B chat huas. C'est la traduction de "bubo" (vers 791).

<sup>2040.</sup> L'ivoire qui pleure, c'est l'ivoire des statues des dieux.

<sup>2055.</sup> boeles = ,,les entrailles".

- 2056 Un signe horrible et moult felon, Qui represente un trenchié chief. En signe d'angoisseus meschief Abaioient par la cité
- 2060 Chien de nuit, plain d'iniquité, Qui les temples avironoient, Et les ames des mors erroient Par la vile communément,
- 2064 Et Rome crolla durement.
  Tuit cil signe furent veü,
  Mes onc por ce ne fu seü
  L'aventure ne le meschief,
- 2068 Jusqu'à tant qu'il fu trais à chief, Ne nulz ne pooit, sans doutance, Destorner la grief mescheance Ne la crueuse destinee
- 2072 Qui jugiee iere et ordenee, Si ne fust nulz qui secorust Cesar, le fort, qu'il ne morust. Ou temple entrent celeement
- 2076 Li felon, qui estroitement Tienent repostes les espees Bien trenchans et bien ordenees, Por Julius Cesar occire.
- 2080 Bructus et Cassius, plains d'ire, Ou temple entrent o lor mesnie, Quar à faire tel felonie, Tel rage et tele iniquité
- 2084 N'avoit en toute la cité
  Leu plus à aise, ce lor samble.
  Venus d'angoisse et de duel tramble.
  Si vait aus mains son pis ferant,
- 2088 Quant vit que Cesar vont querant Por lui metre à desconfiture. D'une nue espesse et obscure, Dont elle avoit Paris couvert,
- 2092 Quant Menelax à descouvert
  Le cuida navrer et ferir,
  Volst Cesar repondre et guerir,
  Mes riens n'i valoit repostaille.
- 2096 Quar jugiez iere à mort, sans faille. Si ne le pooit rapeler

<sup>2058.</sup> A O signe.

<sup>2085.</sup> *B* plus aisie.

<sup>2094.</sup> Le sujet de "volst" est Venus.

Par repondre ne par celer. Jupiter voit qu'en vain s'esforce

2100 Venus, quar par sens ne par force Ne puet fausser sa destinee, Si l'a en tel guise aresnee: ..Fille, tu cuides vainement

Destorner l'establissement 2104 Des destins, mes en vain te paines, Si pers tes travaulz et tes paines, Quar ne puet estre, sans doutance.

2108 Destornee lor ordenance. Se chiez les trois serors estoies, Lors establissemenz verroies, Qui en pardurable aïmant

2112 Sont entaillié durablement, Plus fermes de fer ou d'acier, Teulz que nulz ne puet depecier Ne trestorner ne contredire,

Si n'ont doute d'assaut ne d'ire 2116 Dou ciel, de foudre ou de tempeste. Là sont de la romaine geste Li destin escript et noté.

2120 Je les y vi, si les noté, Et por ce que certaine en soies, Dirai les, si vueil que tu l'oies. Cesar, cil por cui tu te paines.

2124 A en terre eü maintes paines, Si convient le terme venir Que si traveil doivent fenir, Si le convient glorefier,

Faire estoile et deïfier 2128 Aus cieulz, sans fere lonc demor, Por son fil et por toie amour. Augustus ses filz regnera,

2132 Qui filz et hoirs dou dieu sera, Si sera rois. Par tout le monde, Tant come il dure à la reonde, N'avra que lui seul emperere,

2136 Si vengera la mort son pere Contre les folz de pute orine,

<sup>2103.</sup> A filles.

<sup>2111. &</sup>quot;Invenies illic incisa adamante perenni fata tui generis" (Mét., XV, 813). Aimant a donc ici le sens de: "diamant".

<sup>2120.</sup> noté = "notai". — "...... legí ipse animoque notavi" (vers 814).

Et la fort cité de Mutine Fera par force à merci rendre,

- 2140 Et tant fera de sanc espendre
  En la terre de Pharsilie,
  En champ Philipe, en Ethmathie,
  Que ce n'iert se merveille non,
- 2144 Et fera le Pompee nom

  Dou tout estaindre et remanoir
  En l'occision de son hoir.
  Cleopatra, la feme Antoine,
- Qui vaudra metre cure et poine,
  Par la fiance son seignor,
  A sousmetre Rome à l'onor
  D'Egipte, et s'en sera vantee,
- 2152 Sera vilainement domptee
  Et cherra de sa fole emprise,
  A honte et à dampnement mise.
  Ne sai, fille, que te diroie
- 2156 Ne porquoi te raconteroie
  Toutes les gens qu'il aquerra.
  Entre les deus mers ne sera
  Terre nulle ne region
- 2160 Qui en sa juridicion Ne soit subgiete et redevable. Quanqu'il est en terre habitable Sera souz son gouvernement,
- 2164 Neïs Gete et Ponde ensement Par force d'armes et de guerre. Quant pais avra douce en terre, Si vaudra son cuer aploier
- A lois faire, aus gens avoier A droit et loiauté tenir Et à joustice maintenir, Si fera drois et lois escrivre.

<sup>2138.</sup> Allusion au "bellum mutinense", dans lequel fut vaincu Antonius. *Mutina* est aujourd'hui appelé "Modena".

<sup>2142.</sup> B amacie; C emachie —. Pour Ovide, Emathia représente Macedonia et Thessalia ensemble.

<sup>2144.</sup> B Pourpee; C Popee.

<sup>2146.</sup> Allusion à la défaite d'un fils de Pompée; cf. le vers 825 du texte latin.

<sup>2147.</sup> Antoine: poine; rime caractéristique pour notre texte.

<sup>2149. &</sup>quot;taedae non bene fisa", (vers 827).

<sup>2163.</sup> A sans.

<sup>2164.</sup> B grace et pour ce —. Par "Gete et Ponde", l'auteur traduit "pontus" dans les vers 830, 31: "Quodcunque habitabile tellus sustinet, huius erit: pontus quoque serviet illi!". Il est sans doute dupe de quelque glose ici.

- 2172 Et à son example de vivre, Qui sera honestes et gens, Gouvernera les mours des gens, Qui à son example vivront.
- 2176 Ses filz et cil qui ensivront
  De ses hoirs et de son lignage
  Retrairont bien à son barnage:
  Sor tout le monde regneront
- 2180 Et de son nom nomé seront.

  Quant au monde avra longuement

  Vescu bien et joieusement,

  Et ses aages sera fais,
- 2184 Par sa merite et par ses fais Si resera glorefiez Et sor les cieulz stellifiez, Si que tous ses biensfais i pere,
- 2188 Mes pren tandis l'ame son pere, Qui dou cors est ravie et traite, Si soit estoile luisant faite, Et près de mon temple soit mis
- 2192 Julius Cesar, tes amis Deïfiez et fais estoile, Por garder nostre Capitoile Et le Marchié, sans contredit."
- 2196 Ains que Jupiter ait ce dit Vint Venus en mi le sené, Sans apparoir à home né, Si prent l'ame de son acointe
- 2200 Et l'emporte aus cieulz toute jointe, Quar n'iert mie de son voloir Que la lessast resourdre en l'air. Si com Venus emporte l'ame,
- 2204 Si sent qu'ele eschaufe et enflame Si a divine forme prise, Venus l'a de son sain fors mise, Et cele s'en vole ensement
- 2208 Ovuec Venus plus hautement:
  Estoile est comete, ou comee,
  Qui une grant come enflamee,
  Clere et resplendissant, trahine.

<sup>2194.</sup> La rime: estoile : Capitoile, est caractéristique pour notre texte, où l'on trouve souvent le "i parasite" des dialectes de l'Est.

<sup>2195.</sup> Le "marchié", c'est le Forum.

<sup>2197.</sup> Le "sené"  $\equiv$  le sénat. — B Vint la Venus en recele.

<sup>2201, 2: ,.....</sup> nec in aera solvi passa....." (vers 845).

<sup>2210.</sup> A En une.

- Or a Cesar honor divine.
  Or a grant leësce et grant gloire,
  Mes plus s'esjoïst, c'est la voire,
  Des proësces et des biens fais
- 2216 Son fil, qui passent les siens fais Et sont de graindre auctorité. Augustus set de verité Que si fet passent les son pere,
- N'il n'est nulz à qui ce ne pere,
  Mes il le nie et sel deffant,
  A maniere de bon enfant,
  Que devant ne mete ou compere
- 2224 Ses bien fais aus fais de son pere,
  Quar ce ne veult il pas, sans doute,
  Mes renomee, qui ne doute
  Nullui ne ne deporteroit
- 2228 Home fors tant que drois seroit,
  Assez plus le prise et le loë —
  Maugré sien, ja soit ce qu'il l'oë —
  Que son pere, et desdire l'ose
- Sans plus en ceste seule chose.
   Ausi fu il au temps passez:
   Atreüs fu maindres assez
   Qu'Agamenon ses filz ne fu,
- 2236 Et Theseüs, sans nul refu,
  Passa le sien pere en noblesce.
  Achilles rot greignor proësce
  Que Peleüs son pere n'ot,
- 2240 Et Saturnus, quant il regnot, Fu mains prisiez et est encores Que Jupiter, ses filz, n'est ores. Jupiter a son regne en l'air,
- 2244 Si seignorist à son voloir
  Sor le trible regne dou monde,
  Et Augustus à la reonde
  A toute terre à jousticier.
- 2248 L'un et l'autre doit l'en prisier
  Et tenir por pere et por mestre:
  L'un terrien, l'autre celestre.
  Gloire et honor lor soit donee!

<sup>2216.</sup> Son fil = ,,de son fils".

<sup>2223.</sup> A Qu'en ne doivent metre; C Que devant lui on ne c.

<sup>2234.</sup> A Atrous.

- 2252 O, vous, dieu, compagnon Enee, Qui par glaive et par feu passastes Tant qu'à Rome vous arrestastes, Et vous, li dieu de Rome né,
- 2256 Et tu, li peres du regné, Quirine, qui fonda, sans faille, La vile, et tu, diex de bataille, Et tu Vesta, sainte deësse,
- Sainte nonain, sainte prestresse,
   Sacree entre les cesarains,
   Et tu, diex, peres souverains,
   Jupiter, maistres et maintiens,
- 2264 Qui la tour Tarpeane tiens, Et tuit li dieu dont l'en fet feste, A cui je puis faire requeste Sans mesprendre, loisablement,
- A touz vous pri devotement,
   De bon cuer et de volenté,
   Qu'Augustus en bone santé
   Puisse vivre em pais longuement,
- Sans grief et sans encombrement,
  Et tout le monde em pais tenir,
  Ne je ja ne voie avenir
  Qu'il laist cest terrien empire.
- Ja soit ce qu'il soit maindre et pire
   Dou celestre où il s'en ira,
   Quant dou terrestre partira,
   Si sera là glorefiez
- O son pere et deïfiez,
  Si sera aus siens favorables,
  Tout soit il loing, et secorables.
  Or ai ma matire à chief traite,
- 2284 S'ai une tel oeuvre parfaite
  Qui riens ne doute, à mon avis.
  L'ire ou le desdaing de Jovis,
  Ne ja n'iert par feu despeciee
- 2288 Ne par fer, si n'iert effaciee Par vieillesce, qui tout efface.

<sup>2252. &</sup>quot;Di, precor, Aeneae comites, quibus ensis et ignis cesserunt....." (Mét., XV. 861).

<sup>2257.</sup> A Quirino.

<sup>2261. &</sup>quot;Vestaque, Caesareos inter sacrata penates......" (Mét., XV, 864).

<sup>2264. &</sup>quot;Quique tenes altus Tarpeias Iuppiter arces....." (Mét., XV, 866).

<sup>2265. &</sup>quot;Quosque alios vati fas apellare piumque est......" (Mét., XV, 867).

Quant à la mort plaira, si face De mon cors sans plus son plesir,

- Qu'ele n'a force ne lesir
  De m'ame ou de mon los estaindre.
  Ces deus choses m'estuet remaindre
  Malgré sien: Quant le cors prendra,
- 2296 La meillors pars me remaindra,
  Quar pardurablement vivrai,
  Quar ces deus, ame et los, avrai,
  Que mors effacier ne porra:
- 2300 Ja m'ame et mon los ne morra
  Par assault de mort ne d'envie,
  Tant com cil siecles ert en vie
  Et tant com li pooirs de Rome
- 2304 Est grant, si s'estent sor tout home. En toute terre, en tous regnez Sera cil miens livres menez, Si le vaudra l'en partout lire,
- 2308 Se nulz poëtes set voir dire.
   Emprès la sainte passion,
  La mort et la surrection
  Dou fil Dieu, qui piteusement
- 2312 Mori por nostre sauvement Et ressourt montant à la destre Dieu le pere, en gloire celestre, Si assist nostre humanité
- 2316 En glorieuse éternité, Remest sainte Yglise esperdue, Qui de son seignor ot perdue La corporel presence en terre,
- 2320 Si vaudrent eslire et enquerre Li senator de sainte Yglise A cui peüst estre commise La cure et le gouvernement
- 2324 De l'Iglise, et qui sagement Poïst et seüst maintenir Tel cure et tel fes soustenir, Et par divine election

<sup>2295.</sup> Le sujet de "prendra" est "la mort".

<sup>2308. &</sup>quot;Siquid habent veri vatum praesagia, vivam!" (Mét., XV, 879).

Dans A on lit en marge les lignes suivantes, d'une écriture tout à fait moderne: fin des Metamorph, d'Ovide.

Ce qui suit se compose des moralités des fables précédentes, qui n'ont pas été insérées à leur lieu, c. à d. à la suite des fables auxquelles elles correspondent.

Ici se termine le ms. B par les mots: "Explicit Ovide de methamorphoseos.

- 2328 Eslurent, sans discencion, Emprès saint Pierre, saint Clement, Qui bien et convenablement Gouverna toute sainte Yglise.
- 2332 Ou par Numa puet estre prise L'ordre et la dignité d'evesque, Li evesque et li arcevesque Que li saint Apostre establirent
- 2336 En divers leus dou monde et mirent A gouverner les eveschiez. Cil savoient qu'estoit pechiez Et qu'on devoit lessier et faire.
- 2340 Cil estoient de bon afaire, Humble et douz, sages et discrez. Des lois sorent et des decrez, Et toute avoient lor entente
- 2344 En Dieu servir, que je ne mente, Et en la crestiane foi Garder sans fraude et sans bouffoi. Cil lessierent lor mancions,
- 2348 Lor terres, lor possessions
  Et les delis qu'avoir soloient,
  Pour ce que dou tout se voloient
  Metre fors dou mondain servage,
- 2352 Et, si come en pelerinage, Vivre à mesaise et en aspresce, En penitance et en destresce, Fors des mondaines vanitez
- 2356 Et de ses curiositez.
  Por Dieu plus franchement servir,
  Por acquerre et por desservir
  L'amour, la grace et l'acointance
- 2360 De la divine sapiance Mistrent le monde en non chaloir, Por mielz vivre, à lor franc voloir, En la cité nostre Seignor,
- Qui lors ert plus bele et greignor,
   Plus large et mielz pueplee assez
   Que n'ot esté au temps passez.
   Ce n'iert c'une humble maisoncele,
- 2368 Quant la beneoite Pucele Herberga le sage et le fort,

<sup>2329.</sup> A: saint Pere, saint Climent.

<sup>2366.</sup> A: Que n'iert eue; C Que n'ot este est t. p.

Le fil Dieu, qui par son effort O sa pesant mace affronta

- 2372 Le fel jaiant, quant il donta O la crois, où mort ot soufferte, Le dyable, et traist de poverte Et de prison son bestiage,
- 2376 C'est quant il de l'infernal cage Traist fors son pueple et ses amis, Que pris tenoit li anemis. C'est cil qui de douce pasture,
- 2380 En pasturaus plains de verdure, Reput son pueple et saoula. Cil dist, quant du mont s'en ala, Que la maison de sainte Yglise
- 2384 Seroit citez plaine et porprise
  De gent, qui bien la puepleroient
  Aus temps qui à venir estoient.
  Voir dist. Bien est aparissant.
- 2388 Sainte Yglise ala tant croissant
  Qu'el fu grant et large et pleniere,
  D'autre guise et d'autre maniere
  Que les autres citez n'estoient,
- 2392 C'est les lois qui Dieu ne creoient, Qui sont fondees sor lor pance, Et ceste fu por penitance Fondee bien et fermement.
- 2396 Or orrois porquoi ne comment Fu la citez de sainte Yglise Sor paiens fondee et assise. Sains Polz, li mestres de la gent
- Qui ala primes enragent
   Contre la crestiene foi,
   Non par orgueil et par bouffoi,
   Mes por ce qu'il cuidoit bien faire,
- Quar d'orgueil n'avoit il que faire,
   Ot emperre, si com j'entens,
   Des mestres de l'ancien temps,
   Des plus sages et des greignors,
- 2408 Des evesques et des seignors, Qui Judaïsme maintenoient

<sup>2386.</sup> A Au temps.

<sup>2387-2398.</sup> manquent dans C.

<sup>2391, 92.</sup> Ces autres "cités" sont les lois qui, etc.

<sup>2402.</sup> A Qui par.

Et por prodome le tenoient, Por sage et por bien esprouvé,

- 2412 Se crestien fussent trouvé
  Qui la loi Jhesucrist gardaissent
  Et qui son saint nom reclamaissent,
  Qu'il les peüst prendre et lier
- 2416 Et metre en chartre ou envier,
  Por punir, en Jherusalem.
  Entrez estoient en mal an
  Tuit cil qui Jhesucrist amoient
- 2420 Et qui son saint nom reclamoient.
  Tous les metoit à grief martire,
  Com cil qui estoit, à voir dire,
  Endormis en fole ignorance
- 2424 Et en dampnable mescreance,
  Mes li filz Dieu le rapela
  A s'amour, si se revela,
  Quant li plot, à soi droitement,
- 2428 Si li dist maneçablement
  Qu'il lessast sa fole ignorance
  Et sa dampnable mescreance
  Et l'errour qu'il avoit emprise
- 2432 S'alast, pour fonder sainte Yglise, Par tout le monde preëchant, Le pueple rude et non sachant. Plain de durté, plain de desloi,
- 2436 Entroduire en la nove loi, Et pour convertir les paiens A la creance aus crestiens, Si ne doutast prince ne roi,
- 2440 Ne vilonie ne desroi, Ne despit que l'en li feïst, Mes s'esperance en Dieu meïst, Quar par tous leus li aideroit
- 2444 Et par tout le delivreroit.

  Saint Paulz à cest commandement
  S'assenti mout devotement,
  Sans contredit et sans deloi,

<sup>2415.</sup> Que introduit une phrase subordonnée qui dépend de "avoir emperre" (vers 2405). La construction est compliquée.

<sup>2416.</sup> envier = envoyer.

<sup>2432.</sup> A Alast.

<sup>2433.</sup> C Qui ere rude et nonsaichant.

<sup>2435—44.</sup> manquent dans C. Je ne noterai pas toujours tous ses vers qui manquent dans ce manuscrit si incomplet et si mauvais à beaucoup de points de vue.

- 2448 Si lessa la paternel loi
  Por metre à oeuvre cest office,
  Mes à souveraine malice,
  A traïson et à desloi
- 2452 Le tenoient cil de la loi
  Qu'il ot premierement tenue,
  Et quant la chose fu seüe,
  Tuit le tindrent à traïtour,
- 2456 A faulz, à pervaricatour

  Des lois paterneulz droitement,

  Si le traistrent en jugement,

  Et devant juges l'accuserent
- 2460 De loi faussee, et s'apenserent De lui metre à mort, s'il peüssent, Et puet estre que mort l'eüssent, Se Diex garanti ne l'eüst,
- 2464 Mes Diex ne plot qu'il lor leüst
  Son serf condampner ne destruire,
  Si ne puet nulz grever ne nuire
  A celui cui Diex veult aidier.
- Onc tant ne sorent souhaidier
  Ne sa mort porchacier ne querre
  Envers les juges de la terre
  Li Juïf fel et enragié,
- 2472 Qui par droit sont comparagié A chaillous noirs, qui de durté Et de tenebreuse occurté Orent les cuers durs et nercis,
- 2476 Que li filz Dieu par ses mercis Ne le traisist à guerison, Gardans de mort et de prison Par l'aïde des blanches cailles,
- Qui subvertirent des rascailles
   La sentence subtivement.
   Les blanches cailles droitement
   Sont li desciple, qui tenoient
- 2484 La loy Jhesucrist et creoient
  Ce que sains Polz lor enseignoit,
  Qui diligemment se penoit
  D'acroistre et fonder sainte Yglise
- 2488 Sor les roiches de Gentilise. Par ceulz eschapa, sans doutance,

<sup>2480.</sup> C les batailles.

<sup>2489—2502.</sup> manquent dans C.

Saint Poulz de la mortel sentance Que li Juïf li porchaçoient,

2492 Qui de la mort le maneçoient, Si s'en ala frans et delivres. Et tant fist epistres et livres, Que par son saint preëchement

2496 Et par ses escris ensement Gouverna grant part des paiens A la creance aus crestiens, Et tant i mist s'entencion,

2500 Que par sa predicacion Assist et fonda sainte Yglise Sor la durté de Gentilise. - Or me doint Diex grace et savoir

2504 De bien espondre et metre à voir Le sens et l'exposicion De la grant predicacion Que Pictagoras nous a faite,

2508 Qui grant fable nous a retraite, Si que ce soit premierement A la gloire, à l'eslevement De la parfaite Trinité

2512 Que Diex est en simple unité, Por cui toute ai ceste oeuvre emprise, Et à l'onor de sainte Yglise, Et au preu de ceulz qui l'orront,

2516 Quar maint, se Dieu plaist, en jorront. Aucun sont, qui ceste fable oient, Qui la condampnent et renoient Et dient que c'est desverie

2520 A dire et droite bogrerie, Et qu'en ne doit cest livre lire Por la mençongniable matire Dont il parle et qui, sans doutance,

2524 Est contraire à droite creance. Voirs est, qui Ovide prendroit A la letre et n'i entendroit Autre sen, autre entendement

2528 Que tel com l'auctors grossement I met en racontant la fable.

<sup>2493.</sup> A frais.

<sup>2503.</sup> Avant le vers 2503, A intercale le vers suivant: "Un clerc de grant auctorité, etc.". C'est le vers 211 de notre texte, répété ici comme introduction à l'allégorie du système de Pythagore. Voir le "Sommaire" de ce quinzième livre.

<sup>2508—16.</sup> manquent dans C.

<sup>2510.</sup> Eslevement = ",glorification".

Tout seroit chose mençognable, Poi profitable et trop obscure,

- 2532 Non pas ci, mes tant come il dure, Et qui la fable ensi creroit Estre voire, il meserreroit Et seroit bogrerie aperte,
- 2536 Mes sous la fable gist couverte
  La sentence plus profitable.

  Dont qui la tient à pure fable,
  Ne li chaille quel qu'ele soit,
- 2540 Et qui pense qu'en fables oit Autre sens, autre entendement, Ne doit trop embreveusement Blasmer la fable ne reprendre
- 2544 Por ce qu'il ne la puet entendre Ou bon sens qu'ele puet avoir. Bon sens et acordable à voir Puet l'en en ceste fable metre,
- 2548 Qui bien set exposer la letre.
  Ensi est la Sainte Escripture
  En pluisors leus trouble et obscure,
  Et samble fable purement.
- 2552 Qui n'i met autre entendement Qu'en la letre ne samble avoir, Et qui creroit, por non-savoir, Qu'il n'i eüst autre sentence,
- 2556 Il se decevroit, sans doutance,
  Si metroit s'ame à dampnement.
   Par Pytagoras droitement,
  Qui lessa Same et son païs,
- 2560 Dont il estoit nez et naïs, Ses alleus et ses heritages Et ses terriens herbergages, Por vivre en exil frans et cuites,
- 2564 Puet l'en entendre les hermites
  Qui furent ancienement,
  Qui por amor Dieu purement
  Mistrent le monde à non chaloir,
- 2568 Por mielz vivre à lor franc voloir,
  En l'aspresce de penitence,
  En jeünes, en abstinence,
  En veilles et en oroisons.
- 2572 Lessierent leur propres mesons, Lor alleus et leur heritages,

- Por vivre frans en hermitages, Fors des mondaines vanitez
- 2576 Et des gries curiositez
  Dou siecle et des temptacions
  Des charneulz delectacions,
  Si desprisierent les richesces,
- 2580 La seignorie et les hautesces Et les delis qui sont au monde. Et Dieu servirent pur et monde De toutes taches de pechié,
- 2584 Qu'il n'estoient pas alechié A mangier ne chars ne poissons, Mes les viandes des buissons, Come boutons, come ceneles,
- 2588 Freses et mores et pruneles,
  Que cueilloient por lor mengier,
  Si ne faisoient pas dangier
  Des herbetes ne des racines:
- 2592 Fruis d'arbres, glandes et faïnes C'estoit lor vie et lor pasture, C'estoit leur sade norreture, Dont li saint hermite vivoient,
- 2596 Qui l'aise dou cors eschivoient Por vie esperitable aquerre, Et, tout fussent lor cors en terre, Aulz cielz, par contemplation,
- 2600 Estoit la conversacion

  De lor ames, et là manoient.

  Cil saint hermite endoctrinoient,

  Par bon example et par doctrine
- 2604 De saluable discipline, Comment li pueples devoit vivre, S'il fust qui les deignast ensivre. Sans autrui damage vivoient,
- 2608 Ne nulle ame ne detenoient, Ne faisoient las ne roisiaus Por prendre bestes ne oisiaus, Si ne queroient aëschier
- O la ligne, pour peëschier.
   Entre les bestes conversoient,
   Que nulles d'eles ne bersoient,
   Ains les lessoient em pais vivre
- 2616 Entr'eulz, sans grever ne parsivre, Com s'il en fussent droit pastour,

- Et por l'onor dou Creatour Deportoient les creatures,
- 2620 Sans lor faire anuis ne injures, Et les bestes les redoutoient Por la sainté dont il estoient Et leur erent obeïssables,
- 2624 Com s'eles fussent raisonables, En quanque cil lor comandoient, Et les hermite les amoient Et disoient qu'entre eulz avoit
- 2628 Tel fraresce qu'en ne devoit Faire lor anui ne moleste, Se ce ne fust nuisable beste, Qui à cors d'ome mesfeïst,
- 2632 Qui l'afolast ou l'oceïst.
  Et fraresce estoit droitement,
  Que dou Creatour solement
  Furent cil et cele crié:
- 2636 Ce ne porroit estre nié
  De nul home qui sens eüst,
  Et s'il fust beste qui neüst
  A cors d'ome, en tolant la vie,
- 2640 Et qui mort eüst desservie,
   Mort receüst, bien l'otroiaissent.
   Ja por ce la char n'en mengaissent,
   Quar ce lor samblast chose enfrune
- 2644 Por char enfraindre lor jeüne. Ja ne deignaissent mengier char, Mes des herbes à grant eschar Et des fruis qu'as arbres trouvoient,
- Dont eschariement vivoient,
  Et ce lor souffisoit assez.
  Tel estoient au temps passez
  Li sain hermite et mieudre encore.
- Autre sont li hermite d'ore,
   Qui ont lor habitacions
   Aus desers de relegions.
   N'ont talent qu'ensi se maintiegnent!
- 2656 Ne cuidiez pas que il se tiegnent A la pasture des buissons,

<sup>2626.</sup> A Liquel; C Et les.

<sup>2633.</sup> AC La: C fraterne.

<sup>2634.</sup> A Qui; C Que.

<sup>2639.</sup> C tollant.

<sup>2645-49.</sup> manguent dans C.

<sup>2656.</sup> A quar, C que.

Mes aus plus savoreus poissons Des yaues douces et de mer!

- 2660 Telz mès suelent il or amer!
  Chars domestes et sauvecines
  Puet on trouver en lor cuisines.
  Saumons, lus, perches et anguiles
- 2664 Et les diverses volatiles
  Sont or la viande aus glotons,
  Non pas ceneles ne botons,
  Dont li plus, si come j'entens
- 2668 Vivoient en l'ancien temps, Si reprenoient les gens foles Qui, por plaire as fausses ydoles, Aus faulz diex de pierre et de fust
- 2672 Ou de metal, quel que ce fust,
  Diverses bestes occioient,
  Qu'à divers diex sacrefioient.
  Si vivoient dou sacrefice.
- 2676 Ce tenoient à grant malice Li saint prodome et à bon droit, Si devroit l'en faire orendroit, Quar Diex le blasme en l'Escripture
- 2680 Et deffent, qu'à Dieu fet injure Qui le Creatour deshonore Et les creatures aore, Puis disoient il, ce m'est vis,
- Que li fol nonsachant et vis
  Qui por paour d'enfer faisoient
  Bien et mal, en ce mesfaisoient,
  Quar por paour de dampnement
- 2688 De doit l'on mie solement Le mal lessier et le bien faire, Mes pour ce qu'à Dieu puisse plaire. Cil qui bons est parfetement
- 2692 Doit por Dieu charitablement Le bien faire et dou mal se gart. Poi deservent, se Diex me gart, Cil qui por paor de torment,

<sup>2661.</sup> A d'aumesches: C domestes.

<sup>2663.</sup> lus = "brochets".

<sup>2667.</sup> A li pluisors; C li plus.

<sup>2669-82.</sup> manquent dans C.

<sup>2683.</sup> AC Plus.

<sup>2686.</sup> A qui ce.

<sup>2691-2706.</sup> manquent dans C.

- 2696 Et non pas charitablement,
  Por Dieu, se gardent de mal faire.
  S'il n'en doutoient à mal traire,
  Ja mal à faire n'en leroient,
- 2700 Ne li bien fet ne lor pleroient!
  Ensi soloient jadis vivre
  Li saint hermite et Dieu ensivre
  Et despire lor ame au monde,
- 2704 Por la garder et pure et monde Aulz cieulz, en gloire pardurable, Ja soit ce que, selonc la fable, I puisse allegorie avoir
- 2708 Autre, bien acordable à voir,
  Quar, qui bien i veult garde prendre,
  Par Pictagoras puet entendre
  Les mestres et les prescheors
- 2712 Et les sains endoctrineors
  Qui de sainte Yglise estrais furent,
  Qui ou saint baptisme reçurent
  La lumiere de vraie foi
- 2716 Et delessierent le bouffoi, La fole errour et l'ignorance Et la dampnable mescreance De tenebreuse Gentilise,
- 2720 Qui sa fole entente avoit mise Aus faulz diex croire et aorer Et aus ydoles honorer, Mes li filz Dieu, par sa pitié,
- 2724 A la pointe de son espié,
  C'est à la reprehencion
  De sainte predicacion,
  Les point es cors parfondement,
- 2728 Si que pour l'endoctrinement
  De sa vertueuse parole,
  Qui plus point et tresperce et vole
  Que dars à tresperçable pointe,
- 2732 Qui perce jusqu'à la desjointe Des moëlles et des entrailles, Qui encerche les repostailles Des cuers, lor dona cognoissance
- 2736 Tant qu'il virent lor ignorance Et lor meserrable folour, Par quoi venissent à dolour, Se Diex ne les endoctrinast

<sup>2727.</sup> A en cors; C corps.

- 2740 Et lor cuers lor enluminast, Mes Diex, par sa sainte doctrine, Qui cuer adresce et enlumine, Mortifia le viel pechié
- 2744 Dont il estoient entachié, Qui l'ame enviellist et assome, Si leur desvesti le viel home Dont il erent viel et fletri,
- 2748 Et dou nuef home les vesti,
  Qui selonc Dieu les renouvele
  Et l'ame rent fort et nouvele,
  Et quant cil converti se furent
- 2752 De lor fole errour et cognurent La mescreance où il estoient Et la foi que tenir devoient, Si com Dieu espirez les ot,
- 2756 L'autre pueple ignorent et sot Entroduistrent comunement En la voie de sauvement, Qui par fole errour mescreoit.
- 2760 Cil disoient qu'en ne devoit
  Sanc espandre ne beste occire.
  Or vous dirai que ce veult dire.
  Par les bestes comunement
- 2764 Puet l'en entendre droitement Les gens qui rude sens avoient Et qui bestiaument vivoient; Par les simples: les simples gens;
- Par les crueulz et damagens Entent l'on les damageors, Les murtriers, les robeors, Qui par cruauté s'estudient
- 2772 En sanc espandre et gens occient. Selonc Dieu, selonc sainte Yglise Ne doit l'on à mortel jouyse Metre home, se ce n'est au mains
- 2776 Homs sauvages et deshumains,
  Qui par cruauté s'estudie
  A sanc espandre et gens ocie.
  Puis qu'oms s'amort à ocirre home,
- 2780 Punir le puet on, c'est la some Et ocirre, sauve pitié.

<sup>2759.</sup> A meschevoit; C mescreoient.

<sup>2760.</sup> C que pas ne devoient.

<sup>2774.</sup> jouyse = "jugement"; cf. aussi le vers 2790.

Bien compere sa mauvestié, Sa folie et sa cruauté

- 2784 Cil qui fet tel desloyauté.
  L'en puet occire l'occiant,
  Qu'ensi est il, mon escient,
  En la loy que Diex fist escrire,
- 2788 Mes ce devroit au mains souffire, Quar puis que la laie joustice Veult metre home à mortel jouyse Por sa coulpe et por son mesfet
- 2792 Ou por murtre, quant il le fet, Ce li devroit souffire atant. La joustice, por quoi s'atant, Por quoi desirre et por qu'a soi
- 2796 Dou sanc au murtrier traire à soi?
  Por quoi s'en veult elle engressier?
  Ja ne s'en deüst apressier,
  Ains en deüst grant honte avoir
- 2800 Du sanc: c'est le sanglent avoir Que li lerres, sanglentement, A conquis en destruiement D'autrui sustance et d'autrui vie.
- 2804 Ja ne deüst avoir envie

  De si sanglent aquest aquerre,
  Ains deüst encerchier et querre
  Cui cil avoirs avoit esté
- 2808 Et sor cui il l'ot conquesté, Si le rendist ou feïst rendre A celui qui s'i dut atendre, C'est au seignor cui il dut estre,
- 2812 Et s'en ne puet trouver le mestre, Celui qui ot perdu l'avoir, Ses hoirs, seviaux, le doit avoir, Quar il y a raison greignor,
- 2816 Et s'en ne troeuve hoir ne seignor,
  Doner le doit aus povres gens,
  Aus souffreteus, aus indigens,
  Non pas emborser ne tenir,
- 2820 Qu'à ceulz doit la chose avenir Qui sont povre et n'ont de quoi vivre

<sup>2790.</sup> Voir la note au vers 2774.

<sup>2795.</sup>  $\overline{Soi} =$ ,,soif".

<sup>2799.</sup> A seude; C honte.

<sup>2800.</sup> A Le sanc; C Du sanc.

<sup>2804—35.</sup> manquent dans C.

- Si se vont mendiant lor vivre. Ensi doit faire la joustise
- 2824 Par droit, mes ardent convoitise Sorprent si le siecle orendroit, Que nulz n'entent à faire droit, Et li juge aiment mielz avoir
- 2828 A lor oeus que rendre l'avoir A ceulz cui il doit avenir. Tout vuelent à eulz retenir Quanqu'il pueent prendre et haper,
- 2832 Ne riens ne lor puet eschaper,
  De quel que part qu'il soit venu,
  Puis qu'il l'aient aus poins tenu.
  Tout vuelent prendre et emborser.
- 2836 Je voi les juges aorser
  Aus amendes lever et traire
  Plus que penser à bon droit faire.
  Tuit pendent or à lor corroie
- 2840 Les murtriers, puis qu'il ont monnoie Dont il puissent larges dons faire! Or puet segurement mesfaire Cil qui puet largement doner,
- 2844 C'est sous pié, c'est sans mot soner. Li dons des riches mesfesans Fait les juges mus et taisans, Mes bien sevent achoisoner
- 2848 Ceulz qui n'ont assez à doner, Si vont accusant orendroit Contre raison et contre droit, Et par sormises angoissant
- 2852 Le menu pueple non poissant,
  Si que tout escorcent et plument.
  Le sanc et sustance en hument.
  Tout menguent et tout devorent,
- 2856 Ceulz neïs qui por eulz laborent,
  Qui gaaignent et qui cultivent
  Les biens dont tuit li autre vivent,
  Ceulz qui tissent et ceulz qui ouvrent
- 2860 Les dras dont toutes gens se couvrent, Et ces autres gens de mestier,

<sup>2822.</sup> A Si ne vont.

<sup>2836.</sup> Aorser = "s'acharner avec la fureur d'un ours". — A acorser.

<sup>2839—78.</sup> manquent dans C.

<sup>2851.</sup> sormise = "accusation".

<sup>2852.</sup> A non croissant.

Dont tous li siecles a mestier Et dont tuit somes soustenu.

- 2864 Or sont li juge à ce venu
  Que nulz ne pense à loiauté.
  C'est, voir, dampnable cruauté
  De ces gens reëmbre et destruire
- 2868 Qui plus pueent aidier que nuire, Mes en ce ne fet l'en or force, Quar chascuns se paine et s'efforce Des simples destruire et mengier,
- 2872 Qui ne se sevent revengier.

  Li juge lai premierement,

  Et li clerc ensegablement,

  Tuit les escorcent, tuit les plument
- 2876 Et sanc et sustance lor hument.
  Tuit ont et tuit vuelent avoir,
  Comment qu'il aut, de lor avoir.
  De l'avoir ne chausist encores,
- 2880 Mes convoitise est si grans ores, Que, pour le desir de l'avoir Qu'il vuelent estordre et avoir, Jugent li juge à perdre vie
- 2884 Pluiseurs qui mort n'ont deservie.

  Ce ne deüst pas estre fait

  Que nulz homs sans tres grant mesfait.

  Fust mis à mort par jugement!
- 2888 Sainte Yglise ancienement,
  Et li mestre qui la tenoient,
  Qui l'autre pueple endoctrinoient
  A l'example de lor seignor,
- 2892 Le souverain et le greignor, Qui mielz veult la conversion Qu'il ne fet la perdicion De celui qui peche et mesfet,
- 2896 Quant il delesse son mesfet Et vient à vrai repentement, Establirent piteusement, Selonc les drois de sainte Yglise,
- 2900 Que nulz homs à mortel jouyse Ne fust mis, mes, qui mesferoit, Digne penitance en treroit Selonc ce qu'il avroit mespris,
- 2904 Si estoient tenus et pris En chartre cil qui mesfesoient,

<sup>2888.</sup> Le verbe de cette phrase se trouve au vers 2898.

- Ou autrement les punissoient Selonc ce qu'il fesoit à faire,
- 2908 Sans nul metre à mort ne desfaire, Dont maint, par longue penitance, Vindrent à voire repentance Si se purgierent des pechiez
- 2912 Dont il estoient entechiez. Ce fust drois! Ce fust bien à faire! Nulz ne doit destruire ou desfaire Son frere en Dieu ou son voisin.
- 2916 Nous somes tuit frere et cousin.

  Povre et riche, grant et menu,

  Tuit somes estrait et venu,

  Selonc la char d'un charnel pere,
- 2920 D'Adam, et d'une charnel mere. Les ames neïs sont cousines, Qui pardurables et divines Sont à tous de par Dieu donees
- 2924 Et d'un seul Creatour criees.
  L'ame au Juïf, l'ame au paien,
  Ausi com l'ame au crestien
  Cria Dieux por vivre et por estre
- 2928 Aus cieulz en sa gloire celestre
  Emprès ceste premiere vie,
  S'el ne la pert par sa folie,
  Dont ne doit l'en nullui parsivre
- 2932 Ne metre à mort, mes laist l'en vivre Toutes ames comunement En bone pais, segurement, Si ne doit l'en nullui despire,
- 2936 Quar souvent cil qu'en tient por pire, Et qui plus griement est techiez De crime et de morteulz pechiez, Quant Diex i veult sa grace espandre,
- 2940 Se chastie, et tost se puet prendre
  Au bien faire, et se convertist,
  Et li justes se parvertist
  Manites fois de la droite voie,
- 2944 Si com dyables le desvoie, Si s'expire, et certainement Nulz homs ne set finablement S'il est dignes, por riens qu'il face,
- 2948 De la haïne ou de la grace De Dieu, qui sor tous est jugierres.

Ausi tost fu sauvez li lerres En la crois com fu saint Jehans,

- 2952 Qui por Dieu souffri mains ahans, Et fu justes toute sa vie. Diex par sa grace vivifie Les pecheors si les ravoie,
- 2956 Quant il li plaist, et met en voie De bien faire, à lor sauvement, Et par son repost jugement Lesse aucuns justes parvertir,
- 2960 Dont se doit chascuns advertir De vivre en voire charité Et de garder fraternité Sans orgueil et sans arrogance.
- 2964 Que vault humaine outrecuidance?

  Je ne voi pas por quel raison
  S'outrecuide nulz morteulz hom!
  Se nulz s'orqueillist por richesce,
- 2968 Por sens, por force ou por proësce, Por biau cors ou por biau visage, Por noblesce ou por grant lignage, C'est folie ou grant niceté,
- 2972 Quar c'est tout vaine vanité.

  Trop sont vain, trop sont variable
  Li bien dou monde et trespassable,
  Si ne sevent estre en un point.
- 2976 Si com l'iaue n'arreste point,
  Qui court et de corre ne cesse,
  Ains fuit l'une, et l'autre l'empresse.
  Et sans arrester vait corant,
- 2980 Ensi ne sont point demorant En nulle ferme estableté Li bien plain de muableté. Tout se change et diversefie.
- 2984 Li temps meïsmes se varie
  Et tout jors cort sans revenir,
  Si que nulz nel puet retenir,
  Dont se doit chascuns porveoir
- 2988 Come il puisse bien empleoir Ce qu'il en a presentement,

<sup>2977, 78.</sup> manquent dans C.

<sup>2986.</sup> A ne, C Nuls n'en set le cours retenir.

<sup>2987-3014.</sup> manquent dans C.

<sup>2988.</sup> empleoir = "employer".

Quar qui le gaste folement Et despent en mauvès usage,

- 2992 Avoir i puet honte et damage.

  Li jor nous donent à entendre

  Les sains justes, où l'en puet prendre

  Example et lumiere à bien faire.
- 2996 La nuit puet noter par contraire Les pecheors plains de durté Et de tenebreuse occurté, Qui pas ne sont assidué
- 3000 En un estat continué,
  Ains se changent diversement,
  Quar les bons par amendement
  De bon estat en mielz se muevent:
- 3004 Bien comencent et mielz se pruevent, Et li mauvès vont empirant, Si com pechiez les vait tirant De mal en pis, et toute voie
- 3008 Lessier puet sa mauvese voie Li mauvès et bons devenir, Si puet la converse avenir, Que li bons chiee en mauvestié.
- 3012 Li doulz sires plains de pitié, Qui couvri sa divinité Sous l'escu de l'umanité, Jhesus, vrais solaus de joustise,
- 3016 La lumiere de sainte Yglise,
  Ne fu pas de tele aparance,
  De tel estat, de tel samblance,
  Quant il nasqui premierement
- 3020 En ce monde, et non ensement Qu'il souffri mort et passion, Com le jor de s'ascencion, Quar tout n'eüst il entechié
- 3024 Cuer ne cors d'un tout seul pechié Le jor de sa nativité, Ains fust sans toute iniquité, Si en avoit il apparance
- 3028 Et la coulour et la samblance Pour la char, qu'il ot affublee, Qui sambloit tainte et anublee Pour l'enleüre au premier home,

<sup>2999.</sup> assidué = assiduel; cf. té, pour: tel.

<sup>3000.</sup> continué = continuel.

<sup>3010.</sup> la converse = "le contraire".

- 3032 Qui menga la dampnable pome, Et lors que li Juïf le prirent, Qui par faulz jugement li firent Mainte honte et mainte laidure,
- 3036 Sambloit il mortel creature, Pure, sans point de deïté, Si fu tainte l'umanité Qu'il avoit de rouge tainture,
- 3040 Si com tesmoigne l'Escripture.
  D'autre samblance et d'autre guise
  Fu li vrais solaus de joustise,
  Quant il fu montez à la destre
- 3044 Dieu le pere, en gloire celestre, Où il resplent si finement, Que de son resplendissement, De sa biauté, de sa faiture
- 3048 Ne sot nulz esme ne mesure,
  Quar lors meïsmes qu'il montoit,
  Sa grant resplendor sormontoit
  Sens d'ome, et cil s'en merveilloient
- 3052 Qui sa grant resplendor veoient.

  La lune note sainte Yglise.

  Cele n'est pas en une guise

  N'en un point continuelment,
- 3056 Ains se mue diversement.

  En sa premiere començaille

  Fu maindre et mains parans, sans faille,

  Qu'el ne fu puis, et mains poissant,
- 3060 Puis vint de jor en jor croissant, Tant qu'el fu de plaine grandor, De lumiere et de resplendor, Si espandi à grant habonde
- 3064 Sa lumiere par tout le monde De bon example et de doctrine, Mes or m'est vis qu'ele decline Et sa biautez vait descroissant
- 3068 Et sa resplendor espoissant, Quar li just vont amenuisant, Qui au monde aloient luisant Par doctrine et par honesté.
- 3072 Autres sont qu'ains n'orent esté
  Li ministre de sainte Yglise,
  Tant que lor biautez apetise,
  Ains est ja si apeticie

- 3076 Que sainte Yglise est mains proisie Qu'el ne fu ancienement, Quant plus vivoient saintement. Par l'an puis noter à devise
- 3080 Tout le commun de sainte Yglise, Quar si com quatre temps divers, Printemps, estez, autompne, yvers, Sont ausi en l'an, sans faintise,
- 3084 Tous li estas de sainte Yglise
  Contient quatre diversitez
  De gens, qui mours et qualitez
  Ont divers. Printemps droitement
- 3088 Note ceulz qui nouvelement Vienent à la recognoissance De la crestienne creance, Ou ceulz qui de mortel pechié,
- 3092 Dont il estoient entechié, Se resourdent et renouvelent, Et vers l'enemi se revelent, Lessent leur froide iniquité
- 3096 Et lor dure incredulité, Si florissent par repentance Et par affès de penitance, Où des or mais vuelent entendre.
- Oli samblent enfant joenne et tendre, Qui noviaus est de mere nez, Et cil sont de noviaus regnez, Par la grace de Dieu le pere,
- Ou cors sainte Yglise lor mere
  Par baptoiable ablution
  Ou par vraie confession,
  Si sont foible et legierement
- 3108 Recherroient dapnablement,
  Qui diligence n'i metroit
  Et qui bien ne s'entremetroit
  D'eulz aprendre, d'eulz entroduire
- 3112 Que lor puet aidier et quoi nuire, Qu'il doivent fere et quoi lessier, Com il se doivent comfessier, Et qui ne lor donroit pasture
- 3116 De douce et souef norreture.
  Past de saluable doctrine

<sup>3080.</sup> A commun; C chemin. — "Commun" doit correspondre, pour le sens, à l'expres sion "estas" du vers 3084.

<sup>3094.</sup> Se reveler = "se révolter".

Et lait de douce discipline Leur doinst l'en, por eulz soustenir,

- 3120 Tant qu'il puissent fort devenir, Et tant com plus iront croissant De bien en mieulz, aille engroissant Lor penitance et lor bone oeuvre.
- 3124 Aprez vint estez, qui se cuevre
  De flors, de fueilles et de fruit.
  Plain sont cil arbre et cil champ tuit
  De fruis, et li fruit vont croissant
- 3128 De jor en jor et engroissant.

  Lors est la saisons chaude et ferme,

  Et li biaux s'esclaire et s'afferme,

  Si puet l'en plus faire en ce temps
- 3132 Qu'en nul autre, si com j'entens. Cil temps s'assamble et s'aparage Au jovenciel de bon aage, Quar li homs est, que je ne mente,
- Plus chaulz en l'estat de jouvente, Plus fors, plus fiers, plus viguereus, Plus aigres et plus aïreus, Plus emprenans, si com j'entens,
- 3140 Et plus puet qu'en nul autre temps. Cilz estas de temps et d'aage Resamble home de fort corage, Qui s'apareille à tout bien faire,
- 3144 A penitance et à mal traire
  Por Dieu, purement, sans faintise.
  A ce l'esmuet, à ce l'atise
  Charitez, où ses cors s'afferme,
- 3148 Qui l'enforce, qui le conferme A faire chose que Diex vueille, Si porte fruit et flour et fueille: Fueille de bone affection.
- 3152 Et flor de conversacion,
  Et fruit de bone oeuvre ensement.
  Autompnes, plains de temprement
  Entre le chaut et la froidure,

<sup>3129-32.</sup> manquent dans C.

<sup>3146—53.</sup> manquent dans *C*, qui abrège partout les allégories, en improvisant souvent des transitions; ainsi il change le vers 3145 en: "Sans faindre, pour Dieu purement" —, pour qu'il y ait une rime ici au dernier mot — "temprement" — du vers 3154, par lequel il continue le vers 3145. Encore une fois: je ne noterai pas tous les vers du texte qu'il saute.

- 3156 Vient emprès estez. Cil meüre Les fruis. C'est la droite saisons Qui emple granges et maisons Et celiers de fruis acceptables
- 3160 Et bons. C'est li temps porvoiables, Qui tout aune et tout amaisse Les fruis dont li pueples se paisse Et dont il se doit soustenir
- 3164 En tout l'autre temps à venir. A ce temps s'acorde et se trait L'aage d'ome qui se trait Vers cinquante ans, ou vers soisante.
- 3168 En cel aé, que je ne mente, Se parfait homs et se meure, Et plus a lores de mesure, Plus de raison, plus d'atemprance,
- 3172 Plus de sens, plus de cognoissance Qu'en nul des autres deus aages, Et qui en cest aé n'est sages, Poi puet puis sages devenir
- 3176 En son quart aage à venir. A cest aage et à ce temps Se concorde, si com j'entens, Li estas de perfection,
- 3180 Qui plus a de discrection, D'atemprement et de mesure, Et tout met son cuer et sa cure En soi parfaire et meürer,
- 3184 En aquerre et en procurer Le fruit de vie esperitable, Pour vivre en gloire pardurable. Emprès autompne vient yvers,
- 3188 Uns temps horribles et divers, Plains de durté, plains de froidure, Sans fruit, sans flor et sans verdure. Cil temps est chauves et chanus
- 3192 Et de tous biens povres et nus, Et qui n'en a, si s'en consierre,

<sup>3159-64.</sup> manquent dans C.

<sup>3161, 62.</sup> Le manuscrit donne la rime: amasse : passe. Or, puisqu'il faut lire: paisse, il faut lire aussi: amaisse, avec i parasite, ce qui est conforme au dialecte de notre auteur; voir l'Introduction au premier volume.

<sup>3193.</sup> C "consire", rimant avec un vers qui n'est pas dans le texte original: "Et pour ce a du temps le pire". Après cela, C saute de nouveau quelques vers, pour recommencer au vers 3198. Le verbe en question, se conserrer, veut dire: "s'abstenir, se priver de".

Quar lors ne puet l'en riens aquerre. C'est de tous temps li plus despis.

- 3196 Li vielz aages decrepis
  A ce temps resamble et retrait.
  Lors se corbe homs et retrait,
  Si pert sa graisse et sa color,
- 3200 Son sens, sa force et sa valor, Et ne puet soi ni autre aidier Fors de rioter et plaidier Com povres de science et nuz.
- 3204 Lors est tous chauves ou chenus Et plains d'orde corrupcion Et de froide complexion. A yver et viellesce ensamble
- 3208 Retrait, ce m'est vis, et resamble Homs qui a mortelment pechié, Quar l'errour de mortel pechié Le desnue de toute grace,
- 3212 Si li tolt et trouble et efface
  Tous les biens qu'il ot ains eüs,
  Quar puis que li homs est cheüs
  En mortel pechié, c'est sans faille,
- 3216 Il ne fait puis bien qui li vaille A vie pardurable aquerre. Il se courbe et plesse vers terre, C'est aus terriens biens amer,
- 3220 S'a le cuer triste et plain d'amer Et de vilonie et d'ordure Et de froide male aventure. Ensi se mue et vait changant
- 3224 La contenance de la gant
  Aus manieres que je devise,
  Et li estas de sainte Yglise
  Rest moult muez des lors en ça
- 3228 Que crestientez commença.
  Ensi com li enfes se forme
  Ou cors de sa mere et prent forme
  Ains qu'il nesse, samblablement
- 3232 Convient c'oms spirituelment Soit entroduis et enformez. Quant li enfes est bien formez Si naist, mes encors n'est il mie

<sup>3202.</sup> C Fors rioter et play doier. Après cela, C saute les vers 3203-6, puis, un peu plus loin, plusieurs autres.

- 3236 Si fors que sans estrange aïe
  Se puisse aidier ne soustenir:
  Ensement voit l'en avenir
  Que, quant li homs a forme prise
- 3240 Ou baptesme de sainte Yglise Et il est aus sains fons levez, Tant est foibles et poi senez Que, qui bien ne l'entreduiroit,
- 3244 Ja par foi ne se conduiroit,
  Ains convient que l'en l'endoctrine
  Et norrisse en voire doctrine,
  Tant qu'il puisse fors devenir
- 3248 Por aler, por soi soustenir,
  Aus piés des quatre Evangelistes,
  Puis devient si fors et si vistes
  Qu'il vait à trois piés, sans doutance,
- 3252 C'est qu'il a voire cognoissance De la parfaite Trinité, Qui est Diex en simple unité, Puis vait à deus piez fermement,
- 3256 C'est quant il croit parfetement, Si come il le trueve en escript, Qu'en nostre seignor Jhesucrist A double sustance enterine.
- 3260 L'une humaine, l'autre divine,
   Qu'il est Diex et homs voirement.
   Cil vait sor un pié droitement
   Qui croit qu'il est uns seulz Crierres,
- 3264 Uns seulz Diex, sires et jugerres, Qui tout le siecle jugera. Ensi se change et changera Li estas d'umaine nature,
- 3268 Et teulz fu ja plains de verdure, De bel estre et de bon afaire, Preuz et viguereus à bien faire, Portans fruit et flors, si feuillist
- Par bons affès, qui puis vueillist Par malice où il s'enclina, Et de bon estat declina En mal, si perdi les talens

<sup>3248.</sup> C aler et soi.

<sup>3249-63.</sup> manquent dans C.

<sup>3250.</sup> viste = ",rapide".

<sup>3263.</sup> crierres = "créateur".

- 3276 De bien faire et fu vains et lens Aus oeuvres de son sauvement. Ensi s'envueille malement La gent joenne qui jadis
- 3280 Plot tant au roi de paradis Qu'il en fist s'espouse et s'amie, Puis vueilli, si ne li plot mie Tant come el li sot jadis pláire.
- 3284 Quant el remire son viaire, C'est son estre et sa contenance, En mirail de sa conscience, Assez puet plaindre et duel avoir,
- 2288 Quant elle a par son non-savoir
  Et par sa grant desloiauté
  Perdi cele excellent biauté
  Qu'ele avoit, si s'est envueillie,
- 3292 Vilz, ridee et regreillie, Si a le cuer trouble et sechié Par mescreance et pechié, Qui la maine à perdicion
- 3296 Par dampnable corrupcion, Et puis qu'ele ot le cuer tochié De la viellesce de pechié, Qui tue et destruit home et fame
- 3300 Et corront les vertus de l'ame, El ne cessa de devaler, A honte et à viltance aler. Qui c'onques chiet en tel viellesce,
- 3304 S'ame engrote et torne à foiblesce, Qui toute vertu li taudra. Qui de tel engrote vaudra Garder s'ame et de veillesce.
- 3308 Saine et sauve, en bone jonesce, Preuz et fort en l'amor divine, Si apreigne la medicine Qui l'ame garde saine et monde.
- 3312 Homs est comparagiez au monde, Si l'apeloit l'on droitement "Maindre monde" ancienement. Il a quatre elemens au monde:

<sup>3278.</sup> s'envueillir = "vieillir".

<sup>3287-3302.</sup> manquent dans C.

<sup>3292.</sup> Le manuscrit a: ruee, ce que j'ai changé en: ridee.

- 3316 Le ciel, l'air et la terre et l'onde, Et de ces quatre sont compostes Toutes choses et sont ressoutes En ces quatre finablement.
- 3320 En cors d'omme samblablement A quatre principaus parties, Qui par samblant sont converties Aus quatre elemens devant dis.
- 3324 Il y a la teste et le pis,
  Le ventre et les piés. Or orrons
  Comment et por quoi nous porrons
  L'un à l'autre comparagier.
- 3328 Le ciel, plus haut et plus legier, Puet l'en comparer o le chief, Et l'air au pis, et de rechief Puet l'en comparagier de plain
- 3332 Le ventre, qui d'umeur est plain,
  A mer, qui les humors contient,
  Et la terre, qui tout soustient,
  Aus piez, qui tout le cors soustienent.
- 3336 Ensi ces choses s'entr'avienent.
  Ou ciel est assis hautement
  Diex, et l'ame siet proprement
  Ou chief. En Dieu sont trois persones,
- 3340 Et l'ame a trois poissances bones, Qui tout ont le gouvernement Dou cors. L'une est entendement, L'autre est raisons meditative,
- 3344 L'autre est force judicative.
  Ou ciel sont dui grant luminaire:
  Lune et soleil, et ou viaire
  D'ome a deus iex ou firmament
- 3348 De la face assis plainement,
  Qui tout le cors d'ome enluminent,
  Et les iex le cuer endoctrinent
  De ce qu'il ont defors veü,
- 3352 Et par eulz est au cuer seü.
  En l'air vont les nues volant,
  Et ou pis li divers talant,
  Les pensees et li voloir,

<sup>3316, 17.</sup> compostes : resoutes. Une rime de ce genre est très possible dans un texte qui fait rimer également, par exemple, volt avec devot; chetif avec Dineti; enchaînent avec enveniment; Egipte avec escripte et avec desconfite, etc.

<sup>3350.</sup> Ms. dou cuer.

- 3356 Come les nues font en l'air.
  Or y a clarté de leësce,
  Autre hore obcurté de tristesce,
  Vens de vaines temptacions,
- 3360 Escrois de corruscacions,
  De ramposnes et d'ataïne
  Et feu de corrous et d'aïne,
  Qui les maindres vait opressant.
- 3364 Tel tempeste vont repressant
  Pluie et noif et grelle, comant
  Qu'aucun par l'amonestement
  De saint precheïs se restraignent
- 3368 Et se tardent qu'il ne mespraignent. Les uns convient assouagier Par blandir et par losengier Et par conforter soëment,
- 3372 Autrui por blasmer asprement
  Et por reprendre s'amoloient
  Et se tardent qu'il ne foloient,
  Si doit l'en les uns arguër,
- 3376 Les autres blandir et chuër, Et li autre font à blasmer. Li ventres resamble à la mer, Quar les humors illuec s'amassent
- 3380 Et les yaues en mer s'entassent. Li sanc sourt ou foie et soronde, Si croi que le fiel en effonde, Et si com Caribdis entone
- 3384 L'iaue en mer puis la rent et done, Atrait li pomons et trangloute Le fleüme et puis le reboute Et rent. Syrces, de durté plain,
- 3388 Resamble la rate ou l'esplain,
  Quant elle est enredie et dure.
  Quant homs menguë à desmesure,
  Tant qu'il emple outrageusement
- 3392 Son stomac, par vomissement Convient qu'il s'espurge et decharge

<sup>3359-77.</sup> manquent dans C.

<sup>3360.</sup> corruscacion = "courroux" (?).

<sup>3383.</sup> A carildis.

<sup>3386.</sup> Fleüme; voir la note au vers 3424.

<sup>3387.</sup> C Dedens circes.

<sup>3388.</sup> esplain = synonyme de rate.

<sup>3392.</sup> C Son ort lac.

<sup>3393.</sup> A se charge.

En gitant la chargeuse charge Qui l'estomac encombre et griege,

- 3396 Ou que naturelment s'aliege
  Par la partie inferior
  Sans honir la superior,
  Quar ausi com la mer s'escure,
- 3400 Qui ne puet souffrir nulle ordure Que tantost ne la gete et rende, Ausi li ventres, qui viande Desirre bone et convenable,
- 3404 Fresche et nouvele et norrissable, Pour le cors pestre et soustenir, Ne puet garder ne retenir Longuement en soi nulle ordure,
- 3408 Ançois se netoie et s'escure Naturelment et giete fors Ce qui n'est profitable au cors. Li pié, froit et sec par nature,
- 3412 Resamblent terre froide et dure, Quar entr'eulz a proporcion De samblable complexion, Dont, quant li pié de malade home
- 3416 Vont refroidissant, c'est la some Que c'est signes de mort venant, Qu'il s'aprochent par convenant Et retraient à lor nature,
- Or a quatre elemens au monde,
  Le feu, l'air et la terre et l'onde,
  Si a quatre humors en cors d'ome
- 3424 Sanc, cole rouge et noirs, fleome, Et en l'an quatre temps divers: Printemps, estez, autompne, yvers. Li feus et cole rouge ensamble
- 3428 Et estez sont, si com moi samble, De chaude et seche qualité. Chaut sont et plain d'iniquité Li airs, li sans et li printemps.
- 3432 Froit sont et sec, si com j'entens, La terre, autompne et cole noire.

<sup>3424.</sup> Fleome, autre forme pour: fleüme (voir le vers 3386). Godefroy cite le passage suivant, qu'on peut rapprocher de celui-ci: "Les quatre humours, c'est à savoir colre, sang, fleume, malencolie" (La maniere de langage, p. 383, P. Meyer). Cole, ou colre = "bile". Au vers 3488 on a la forme: fleüme, rimant ave: amertume.

Froit sont et moiste, c'est la voire, L'iaue et le fleume et l'yvers.

- 3436 Ensi quatre elemens divers
  Aus humors et au temps s'acordent,
  Si come nostre mestre recordent 1).
  L'ame ra les siens elemens:
- 3440 L'un est subtilz entendemens,
  Dont l'ame use ou doit estre usee,
  Por feu; l'autre est pure pensee,
  Qui pour l'air li doit convenir;
- 3444 Li tiers, qu'ele se doit tenir, Por terre, en ferme estableté, Et por yaue en mouvableté D'engin cler. Par l'entendement
- 3448 Sente de la foi droitement Ce qu'el doit sentir et entendre, Et pur jugement en doit rendre, Si i doit croire fermement
- 3452 Et obeïr ilnelement
  Aus comandemens de la foi,
  Si que sans fraude et sans bouffoi
  Vive bien et sainement oeuvre,
- 3456 Quar fois est morte sans bone oeuvre, Si convient de necessité Atremper la subtilité Par discretion saine et pure.
- 3460 La purtez rest atemperure D'entendible subtilité, Et par ferme stabilité Soit la movabletez trempee,
- 3464 Et soit si la chose ordenee
  Que par subtil entendement
  Ne mont l'ame trop hautement
  A sentir plus qu'ele ne doie,
- 3468 Que l'entendement ne desvoie Ne ne parte de verité Par legiere subtilité, Mes discrecion sobre et pure
- Maint l'entendement de mesure, Qu'il ne sente trop hautement,

<sup>1)</sup> La série se présente ainsi dans ces vers-ci et dans ceux qui suivent: feu = cole rouge = été = amertume, etc.; air = sanc = printemps = douceur de leesce, etc.; terre = = cole noire = automne = amertume, etc.; eau = fleüme = hiver = ordené penser, etc. 3439—83. manquent dans C.

<sup>3472.</sup> maint, du verbe "mener".

Si se gart porvoiablement Que dissolucions n'i chiee

- 3476 Ne l'uns par l'autre ne dechiee En l'ame, mes si se contiegne Et ces quatre ensamble detiegne Qu'el se puisse de tous joïr.
- 3480 Preus soit et ilnele à oïr Bon enseignement, s'el l'ot dire, Lente à parler et lente à ire, S'el veult estre de bones mours.
- 3484 Ainsi ra l'ame quatre humors:
  Por sanc a douceur de leësce,
  Por melancolie a tristesce
  Et por cole rouge amertume,
- 3488 Ordené penser por fleüme, Quar li phisicien racontent, Qui sevent que ces choses montent, Que li sanguin sont par droiture
- 3492 De douce et de lie nature.

  Amer resont li colerique,

  Et triste li melancolique

  Li fleumantique ont droitement
- 3496 Le cors de bel ordenement.
  Or doit la douceurs de l'ame estre
  En pensant au regne celestre,
  Et l'amertune en recordant
- 3500 Son pechié, qui li voit mordant La conscience et la li blesce, Si doit avoir duel et tristresce De ce c'onques elle a mesfet,
- 3504 Et en amendant son mesfet Se doit bien et bel ordener, Mes bien se doit garde doner Que sa douçours spirituele
- 3508 Par amertume temporele
  Ne soit troublee ne perdue,
  Et que ja ne soit corrompue
  Par douceur de charnel delice
- 3512 L'amertume de la malice Et dou pechié que fet avoit,

<sup>3484.</sup> A Ausi.

<sup>3497-3774.</sup> manquent dans C.

<sup>3507.</sup> A spirtuele.

<sup>3512.</sup> A ma malice.

- Si gart que ne trouble ou desvoit Haïne ou mauvese peresce
- 3516 Sa bone et sa saine tristesce,
  Ou que sa bele contenance
  Ne chiee en vaine sorcuidance.
  Ensi ra l'ame les siens temps.
- 3520 Quar par autompne et par printemps Se contiengne moienement Et se maigne atrempeement, Selonc droit, à sobre mesure
- 3524 Et vive en bone atemperure,
  Si ait, par l'ivernal froidour,
  Peresce et non-poissant roidour
  De metre à excecucion
- 3528 Toute male temptacion, Si ait charité fine et ferme, Par esté, l'ame qui s'afferme A garder voire charité
- 3532 Et qui à faire iniquité
  A le cuer froit et foible et lent,
  Et qu'ele atrempe le talent
  De son cuer à sobre mesure.
- 3536 Bien se garde saine et seüre En l'estat de prosperité, Sans peril, sans aversité. Au preu des ames vueil encors
- 3540 Dire des quatre humors dou cors, Por moustrer les diverses mours Selonc les affès des humours, Et dou fleume premierement,
- 3544 Qui est moistes naturelment
  Et frois. Ou pomon siet, si samble
  Yame, yver et veillesce ensamble.
  Cil fet home tardif et lent
- 3548 Et oublieus et sommeillent.
  Par la bouche s'espurge et monde.
  Ou temps d'iver croist et habonde.
  En yver a li fleumatiques
- 3552 Assez pis que li coleriques, Et li vieilz que li joennes hom, Si doit l'en en cele saison Mengier chaude viande et soiche,

<sup>3553.</sup> Ms. vilz, que j'ai changé en vieilz.

- 3556 Quar li fleümes s'en espoiche. Lors est plus grief l'enfermeté Qui naist dou fleume qu'en esté, Et plus apresse et plus adole
- 3560 Que cele qui vient de la cole, Et plus puet l'enferm damagier. Au fleume puis comparagier Bon ordenement de pensee.
- 3564 C'est bien voirs que li fleumes see
  Au poumon, qui à son voloir
  Sielt atraire et fors metre l'oir:
  Ausi le bon ordenement
- De pensee vient droitement
  De discrection bone et sage,
  Qu'il laist ce qui torne à damage
  Et se veult prendre et retenir
- 3572 Dont profis vient et puet venir. Il a nature moiste et froide. Li frois est qui l'ame refroide De l'embrasement de pechié,
- 3576 Et s'il avient qu'ele ait pechié
  Par humeur de componction
  Ou par moiste contriction,
  Doit purgier l'ordure et le vice
- 3580 De sa pecherresse malice.

  Ce fet home tardif et lent

  Et oublieus et soumeillent,

  Lent à mal faire ou commencier
- 3584 Et tardif à soi corroucier,
  Oublieus de bien transitoire
  Et dormant em pais fine et voire,
  Mes se male corrupcion
- 3588 Chiet en la composicion
  De pensee, par la froidour
  Chiet en pereceuse roidour
  De bien faire et l'umors tardoie,
- 3592 Qui l'ame encombre et affebloie A soi repentir de son vice, Et puis qu'ele habonde en malice, Charitez li froidist et fault.
- 3596 Si avient que par le default Dou fleume, c'est de la pensee

<sup>3556, 57.</sup> Soiche: espoiche = sèche: espesse.

<sup>3566.</sup> l'oir = "l'air".

<sup>3591.</sup> Ms. traidoie.

Corrompue et desordenee, Devient pereceuse à bien faire,

- 3600 Si est oublieuse à retraire
  Et à recorder les bienfais
  Que ses Creatour li a fais,
  Si est soumeilleuse et s'endort
- 3604 En pechié, que le maine à mort. Li estas de pensee samble Mer, yver et viellesce ensamble, Quar si com la mer se desguise
- 3608 En maint estat, en mainte guise,
  C'une hore soronde et flotoie,
  Autre hore est trouble, autre hore est coie,
  Autre hore est teulz que por le vent
- 3612 Fremist toute et vait esmouvent,
  Ainsi la pensee est mouvable:
  Une hore est trouble et non estable,
  Or est segure, or vait doutant,
- 3616 Or chancele et si vait flotant Par pensers vaines et divers, Si se tempeste come mers Par diverses temptacions
- 3620 De vaines cogitacions,
  Si a nature de viel home,
  C'est d'Adam, qui menga la pome
  Par quoi fu li mondes dampnez.
- 3624 Bien samblon estre d'Adam nez. Ne forlignon pas, sans doutance, C'orgueil et desobeïssance Et l'enleure de pechié
- Ont si nostre cuer alechié
  Qu'à paine avient que la pensee
  En puisse estre desavoisee,
  Qu'adez n'i ait de l'enleüre.
- 3632 La pensee se purge et cure
  Et netoie par mi la bouche,
  Quar quant repentance l'atouche
  Purgier se doit de ces malices,
- De ces ordures, de ces vicesPar la bouche, en confession,O ploreuse contriction.O temps d'iver croist et habonde
- 3640 Li fleümes, qui l'ame affonde, Qu'ou temps de tribulacion

- Croist l'umeurs de temptacion, Qui perilleuse est et doutable.
- 3644 Ou temps d'iver sont plus endable Li veillart et li fleumatique Que li jovencel colerique. Li fleumatique et li veillart
- 3648 Sont froit et moiste; d'autre part Li jovenciel, li colerique Sont chaut et sec. Li fleumatique Sont cil qui plorent les pechiez
- 3652 Dont il sont encore entechiez
  Et viellis. Par les jovencielz
  Puis noter ceulz qui ont aus cieulz
  Toute lor amour et lor cure,
- 3656 Qui sont chaut et sec par nature Et tuit ardent de charité, Quar cil qui de l'iniquité Qu'il ont faite ont contriction,
- 3660 Ou temps de tribulacion
  Et de temptacion, sans faille,
  Plus tost avient que cuers lor faille
  Que ceulz qui d'amours sont espris
- A 2664 Et de pechié ne sont sorpris.

  Lors est perilleuse et doutable

  La maladie et plus grevable

  Qui naist du fleume proprement,
  - 3668 C'est dou propre escomouvement
    De pensee orde et dissolue
    Qui se corront. C'est continue
    Fievre chaude et plaine d'arsure;
  - 3672 C'est ardours de charnel luxure.

    Lors doit li fleumatiques vivre

    De mès chaulz et sès, c'est d'ensivre

    Les examples et les biens fais
  - Que les sains prodomes ont fais,
     Qui tuit ardent d'amor divine
     Et dou feu de charité fine.
     Li frois de l'infernal saison
  - 3680 Vient et naist por cele raison
    Que li solaus de nous s'esloigne,
    Si n'avons qui chalor nous doigne.
    Quant li vrais solaus de joustise.
  - 3684 C'est Diex, qui tous pechiez desprise, Nous esloigne por les pechiez

Dont nous avons les cuers chargiez, De cui nous puet grace venir

- 3688 Qui nos cuers puisse replevir?

  De nul, se Diex ne nous secourt.

  Ou temps d'iver descent et court

  Li solaus par le Capricorne.
- 3692 C'est uns signes qui porte corne De chevrial entendiblement. Li Capricornes proprement Signefie cuer alechié
- 3696 En l'orde pueur de pechié,
  Qui plus put de chievre cornue,
  Vil et puant et corrompue.
  Li chevriaus se drece et s'encroiche,
- 3700 Por hault pasturer, sor la roiche.

  Quant li pechierres se delite

  En ce qu'il recorde et recite

  Les paroles et les bien fais
- 3704 Que li saint home ont dis et fais, Et il a desirrable envie D'ensivre celz de haute vie Et de vivre à lor examplaire,
- 3708 Lors vient li solaus et repaire En Capricorne bassement, Quant Diex volt piteablement, Qui est vrais solaus de droiture,
- 3712 La pecherresse creature Resgarder en douce pitié Et moustrer li sa mauvestié, Sa felonie et son default.
- 3716 Emprez monte un petit plus halt
  Li solaus ou signe d'Aquaire,
  Quant Diex volt par sa grace atraire
  L'ame pecherresse à espandre
- 3720 Plors et lermes et à entendre A ses ordures netoier Par plorer et par lermoier, Puis monte li solaus plus hault,
- 3724 Quant ou signe des Poissons sault, Et lors faut yvers et decline, Quant Diex par sa grace enlumine Le pecheor que il delesse
- 3728 Ses pechiez par voire confesse Et veult vivre en gemissemens

- Et en plors. Li norrissemens De poisson est l'iaue sans faille:
- 3732 Ensi n'est il riens qui tant vaille
  A pecheor ne tant l'avance
  Com vivre en voire penitance,
  En plor et en gemissement,
- 3736 Et prier Dieu piteusement Qu'il li pardoigne les mesfais Et les outrages qu'il a fais. N'est homs mais confès qui ce face
- 3740 Que Diex ne le remete en grace. Emprez le pluieus temps d'iver Revient le delitable ver, C'est printemps, plains d'atemperure
- Ohault et moiste, qui a nature Dou sanc et de lait, ce me samble, Et d'enfant retrait tout ensamble. Emprez les lermes et les plors,
- 3748 Emprès les ameres dolors
  Que li pechierres a eü
  Des pechiez où il a jeü
  Convient que li cuers se rassiee
- 3752 Et viengne à purté de pensee Et à nouvel estat de vivre. Or me convient dou sanc escrivre La nature, se je savoie.
- 3756 Li sans siet droitement au foie, Si croist et habonde en printemps. Mains greveuse est, si com j'entens, En celui temps la maladie
- 3760 Qui vient de la melancolie Come quatraine, et plus grevable, Plus perilleuse et plus doutable Cele qui dou sanc muet et touche,
- 3764 Come cele qu'on dist "sinouche".
  En printemps se deportent mielz
  Li melancolique et li vielz
  Que li sanguin ne li enfant.
- 3768 Phisique desloë et deffant Que sanguins ne vive en printemps De viande samblable au temps, C'est à dire qu'il ne s'entende
- 3772 A chaude et à moiste viande, Ains loë qu'il use et atoiche

Viande qui soit froide et soiche. Li sans note, en m'entencion,

- 3776 Douceur de contemplacion,
  Qui siet ou foie droitement
  Et d'illuec prent son fondement,
  Quar droit en la chalour dou foie
- 3780 Siet, si com phisique l'otroie,
  La seconde decoction,
  Et d'illuec par effusion
  Se vait aus membres vertissant.
- 3784 La phisique vait devisant
  Qu'il doit avoir en une some
  Trois decoctions en cors d'ome.
  Ou stomac en est la premiere,
- 3788 L'autre ou foie et la derreniere Est en divers membres dou cors. Or vient dont, si com je recors, De l'ardour de dilection
- 3792 Douceur de contemplacion
  Ausi com li sans vient dou foie,
  Qui par tous les membres s'avoie,
  Et naturelment doit chaude estre
- 3796 Et moiste. La chalors doit nestre De fine et de parfaite amour, Et l'umors nesse de cremour, Si resamble printemps et l'air,
- 3800 Quar avoir doit nouviau volair
  Et nouvel usage de vivre.
  En printemps croist, quar à delivre
  En nouvele conversion
- 3804 Doit avoir delectacion
  Et douceur spirituelment,
  Qui tient l'ame en norrissement.
  Trop est perilleuse et doutable,
- 3808 Trop est damageuse et dampnable L'enfermeté qui dou sanc vient En celui temps, quar tels il vient Ou nouvel convertissement
- 3812 Que li convertis, folement,

seraient: atouche et seche. Le même rime se trouve plus loin, par exemple aux vers 3941, 42. 3783. A devisant,

<sup>3787.</sup> C En l'estomac est. A écrit toujours: stomac.

<sup>3799, 3800.</sup> volair = vouloir (: air). Ou: oir (= air) : voloir. C: nouvel voloir.

<sup>3808.</sup> C penable.

<sup>3810.</sup> A quar s'il avient; C car tels qui vient.

Tandis com ses cuers se delite En ce qu'il recorde et recite La bone oeuvre dont il habonde,

- 3816 Ausi com dou sanc qui soronde Naist enferme corrupcion, Qu'il chiee en vaine elacion Et en orqueilleuse enfleüre.
- 3820 Li sans, qui amis de nature Devoit estre et norrir la vie, La destruira, je n'en dout mie, Quar la male corrupcion
- 3824 De vaine delectacion
  Qu'il a de ses biens fais li grieve,
  Qui en dampnable orgueil la lieve.
  En ce temps se deportent mielz
- 3828 Li melancolique et li vielz

  Que li sanguin ne li enfant,

  Quar lor nature les deffant,

  Qui est contraire à la saison,
- 3832 Et c'est la cause et la raison Qu'en tous temps seulent li contraire L'un l'autre chacier et retraire, Et qui veult vivre sainement,
- 3836 Si vive acoustumeement
  De viande contraire au temps.
  Por ce doit l'en querre en printemps
  Viande qui soit froide et soiche,
- 3840 Por ce qu'el refroidist et soiche, Par quoi li nouvel converti Ne puissent estre parverti Et cheoir en elacion
- 3844 Par vaine delectacion.
  Quant il recordent lor bien fais,
  Souviegne lor de lor mesfais
  Et de lor pecherresse vie.
- 3848 Souviegne lor de lor folie Qu'il orent fait aus temps passez, Et s'il faisoient mielz assez, Ne lor porroit il pas souffire
- 3852 A rapaier la divine ire Qu'il avoient ains encorrue

<sup>3841.</sup> A Dongues.

<sup>3843, 44.</sup> manquent dans C.

<sup>3843.</sup> elacion = ",orgueil".

<sup>3848.</sup> Ce vers a été ajouté en marge dans A.

Par lor vilz vie dissolue. S'il ensi font, j'en sui certains,

- 3856 Il ne seront pas trop hautains
  Ne n'avront dont il s'orgueillissent.
  En printemps voi que de terre issent
  Par les pores, qui sont ouvert,
- 3860 De colour inde ou blanche ou vert Et de toutes autres colors D'erbes et d'arbres noves flors, Si les norrist la chaude humours,
- 3864 Et vertus de diverses mours
  Doivent nestre en nostre pensee,
  Si que toute soit floretee.
  En ce temps monte sans arrest
- 3868 Li solaus primes en l'Arest,
  Puis ou Tor et puis au Jumielz.
  Par l'Arest, qui por hurter mielz
  Recule et ressort, puis entendre
- 3872 Que li convertis sans atendre Fuie toute subjection
  De mauvese temptacion.
  Il doit reculer par fouïr,
- 3876 Sans tel subjection oïr, Et hurter la temptacion Aus cors de contradiction. Li tors qui labore et travaille
- 3880 Signifie qu'il doit, sans faille, Son cors pener et traveillier Par jeüner et par veillier, Et traire au joug de penitance,
- 3884 Et semer en soi tel semance
  Qui puisse en bien fructefier.
  A Jumiaus puis signifier
  Charitable conjonction
- 3888 D'amour et de dilection
  Qu'il doit avoir, si com moi samble,
  Vers Dieu et vers son proime ensamble.
  En printemps est li temps muables

3892 Et inconstans et variables,

<sup>3867-77.</sup> manquent dans C.

<sup>3878.</sup> cors = "cornes". Le manuscrit écrit: au cors.

<sup>3879.</sup> C Li corps.

<sup>3881.</sup> son cors' = "son corps".

<sup>3883-89.</sup> manquent dans C.

<sup>3883.</sup> Ms. iouf.

Et bien y a raison assez, Quar pour l'iver, qui est passez Nouvelement, est anvieus,

3896 Quar une hore est frois et pluieus Or est chaus et sès por esté, Dont il a la voisineté. Ensi cil qui nouvelement

3900 Vienent à vrai repentement,
Quant il lor membre des mesfais
Et des outrages qu'il ont fais,
De legier plorent et lermoient

3904 Et des pechiez passez s'esmoient, Et quant il pensent à la joie De la celestial Monjoie, A quoi lor cuer pensent et tendent

3908 Et que desirrent et atendent,
Se ce vient au devin plesir,
Tuit sont sec et chaut de desir.
Mes pour ce que tant est muables

3912 Et tant perilleus et doutables
Printemps que plus legierement
En engrotent soudainement
Les gens qui ne s'en advertissent,

3916 C'or ont chaut et puis refroidissent, Si lor entre ou cors la froidure Qui les met à desconfiture, Ausi li noviau repentant

3920 Se vont legierement sentant, Por petit, de temptacion De la vieille corrupcion Qu'il ont eüe au temps passé,

3924 Si sont plus de legier quassé
D'une froide subjection
De mauvese temptacion,
Et plus tost chieent en pechié

3928 Que s'il n'eüssent onc pechié, Se trop ne metent paine et cure A garder eulz de la froidure De pechié, qui plus est doutable,

3932 Plus perilleuse et plus grevable Au rencheïr que n'iere avant, Et s'il rechieent par convant, A paine en porront puis guerir,

<sup>3910-18.</sup> manquent dans C.

<sup>3912.</sup> Ms. Et plus.

3936 Ains sont en doute de perir,
Se Diex ses vertus n'i estant.
Or me vueil dou sanc taire atant,
Si doi convertir ma parole

3940 A traitier de la rouge cole, Où fiel siet. D'illuec muet et toiche, Si a nature chaude et soiche Et fait home ireus de legier,

3944 Subtil, engigneus et legier.
Feu, jonesce et esté resamble,
Si se purge, si com moi samble,
Par l'oreille et croist en esté.

3948 En ce temps ont meillor santé
Li veillart et li fleumatique
Que jovenciau ne colerique.
Lors est plus griez et plus affole

3952 L'engrotez qui vient de la cole Que cele qui dou fleume vient. En celui temps user convient Viande qui soit moiste et froide,

3956 Quar elle enmoisist et refroide, Si com je dis premierement. Par cole rouge droitement Puet estre amertume assignee,

3960 La tierce humor de pensee,
Quar si com nous assignion
Douceur de contemplacion
Por le sanc, doit l'on ensi prendre

3964 Por cole amertume et entendre, C'aussi com l'ame en recitant Les bien fais se vait delirant Soit amere contre tout vice

3968 Et haïsse toute malice,
Ceste amertume doit chaude estre
Et seche et la chalors doit nestre
D'ardour de bone volenté,

3972 Si doit estre la secheté
Sanc, humour de pollucion,
De fluxe cogitacion.
Ceste doit faire l'ame ireuse

<sup>3941.</sup> C touche. - Voir la note aux vers 3773, 4.

<sup>3956.</sup> C amoisist. Le même verbe se trouve au vers 4040.

<sup>3960.</sup> A Por la tierce.

<sup>3961-83.</sup> manquent dans C.

<sup>3967.</sup> Soit amere = "(l'âme) doit être amère.....".

- 3976 Contre tout vice et engigneuse Au las dou dyable destruire, Si que riens ne li puissent nuire, Et que bien les fuie et eschive,
- 3980 Et la face aguë et subtive
  A toutes choses subtilment
  Cognoistre et jugier sagement
  A quel fin elle en puet venir,
- 3984 Si soit legiere à retenir Ce qu'ele oit dire et raconter. Et sache à quoi ce puet monter. L'umours d'amertume resamble
- 3988 Feu, esté et jonesce ensamble, Qui sont chaut et sec par nature, Si que tel cole à droiture Soit amere contre tout vice.
- 3992 Contre pechié, contre malice
  De joennesce ait vigor et force,
  Et contre l'enemi s'efforce
  A vaintre les subjections
- 3996 Et ses males temptacions,
  Et dou feu pur entendement
  A Dieu cognoistre clerement,
  Et d'esté preigne chaude arsure
- 4000 D'amer son prochain. Par nature
  Purgier se doit par mi l'oreille,
  Quar, puis que li cuers se resveille
  A bones paroles oïr.
- 4004 Toutes mauveses doit fouïr.

  En esté croist, quant plus habonde
  En ame nete, pure et monde,
  Ardour de fine charité.
- 4008 Plus doit haïr iniquité
  Qu'ele doit haïr et blasmer
  Le vice, et la persone amer.
  En ce temps se deportent mielz
- 4012 Li fleumatiques et li vielz

  Que li joenne et li colerique.

  Moiste et froit sont li fleumatique

  Et li viel, et cil par contraire
- 4016 Chaut et sec, si lor puet pis faire La dolors et l'enfermeté

<sup>3980.</sup> face = subjonctif de faire.

<sup>3997.</sup> Et dou feu pur entendement = "Et qu'elle emprunte au feu....."; cf. le vers 3993, que celui-ci continue, et le vers 3999.

Qui naist de la cole en esté Qu'au fleumatique ne feroit,

- 4020 Quar lor nature, qui seroit
  Contraire à cele maladie,
  Lor feroit secours et aïe,
  Mes se li colerique engrotent
- 4024 En ce temps de la cole, il dotent,
  Quar lor maladie est greveuse,
  Plus doutable et plus perilleuse
  Pour la double ardour qui les grieve.
- 4028 Autresi se l'ame s'eslieve Folement à trop hault penser, Et s'ele embrase son penser Dou desir de prelacion,
- 4032 Tout vueille elle à s'entencion Profiter plus que seignorir, Elle est en doute de mourir, Quar cil estas est perilleus
- 4036 A ceulz qui en sont fameilleus. Li colerique ou temps d'esté, Por eulz garder d'enfermeté, Usent viande moiste et froide,
- 4040 Qui les remoisist et refroide:
  Ausi l'ame qui bout et art
  Dou feu de charité se gart
  Que trop grant chalors ne la preigne,
- 4044 C'est fains et desirs qui li veigne D'onor et de prelacion, Ne ja pour cele occasion, Qu'ele ait desir de profiter,
- 4048 Ne s'i doit ses cuers deliter, Et pour ce qu'ele mielz retarde Ceste chalour, prengne soi garde Aus damages et aus perilz,
- 4052 Et que maint ont esté perilz Qui les prelacions queroient Et qui les honors desirroient. Lucifer en fu deceüs!

<sup>4018.</sup> A nait.

<sup>4031.</sup> C Dou delit de.

<sup>4035.</sup> C tels estas.

<sup>4040.</sup> A remoistise; C amoisist; cf. la note au vers 3956.

<sup>4049.</sup> C se tarde.

<sup>4050.</sup> C Ceste couleur.

<sup>4055-4182.</sup> manquent dans C.

- 4056 Li trebuchemens des cheüs Soit example et enseignement Aus bons de bon confermement! L'ame qui art de charité
- 4060 Doit penser la fragilité
  D'umaine nature et se gart,
  Par grant cure et par grant esgart,
  S'ele est en estant, qu'el ne chiee,
- 4064 Que dou cheoir ne li meschiee,
  Quar qui plus hautement s'encruche,
  S'il avient qu'il chiee et trebusche,
  Tant est li cheoirs plus doutables,
- 4068 Plus perilleus et plus grevables.
  Por ce devroit atremper l'ame
  La chalor qui l'art et enflame
  De froidour, et la secheresce
- D'umoistour, si qu'el ne la blesce.
   Nulz, combien qu'il soit charitables,
   Ne doit trop estre en soi fiables.
   S'il est qui trop eschaufe et arde
- A saint Pierre, nostre pastour,
  Nostre mestre, nostre rectour.
  Trop fu chaulz et trop ot fiance
- 4080 En soi, si cheï, sans doutance,
  Dont puis ot grant duel et grant ire.
  Trop grant feus d'amour li fist dire,
  Et·la fiance qu'il avoit
- 4084 De soi trop grant, que, s'il devoit Por Jhesucrist perdre la vie, Ne le renoieroit il mie. Quant plus ardi, plus tost secha
- 4088 Et plus legierement pecha.
  Trop fu ensechiez voirement,
  Quant il nia par serement
  Qu'il n'avoit onques cogneü
- 4092 Jhesu son mestre ne seü,
  Puis l'en convint amerement
  Plorer, por fere atrempement
  A la secheresce, et lui fondre
- 4096 En plors pour estaindre et confondre L'ardant fiance qu'il avoit, Dont il ot plus qu'il ne devoit. Chascuns preigne example et regart
- 4100 A saint Pierre et por lui se gart

Qu'il ne se fit trop folement En sa bonté, quar voirement Envis trouveroit l'en en terre

- 4104 Nul plus fort home de saint Pierre, Et s'à saint Pierre mescheï De sa fiance et il cheï, Qui se porra mielz soustenir?
- 4108 De saint Pierre doit souvenir
  A tous ceulz qui fermes se cuident
  Et de lor bonté se sorcuident,
  Qu'il ne sont mie plus poissant.
- 4112 Perres denote cognoissant.

  Chascuns doit metre paine et cure
  En soi cognoistre et sa nature,

  Qu'à paine est nulz qui n'ait pechié
- 4116 Et n'ait eü le cuer sechié.

  Moille sa secheresse o plors,
  Si alegera sa chalors,
  Qu'en sa bonté trop ne se fice!
- 4120 En signe de l'Escreveïce Entre li solaus en esté, Et monte jusqu'il ait esté En ce signe sans arrestal,
- 4124 Et lors fait li solaus estal, Qu'il ne passe l'Escreveïce, S'apele on cel estal: "solstice". Ainsi di ge par verité,
- 4128 Quar en parfaite charité
  Doit la sainte ame faire estal,
  Si ne doit por nul arrestal
  Demorer jusqu'ele s'i voie.
- 4132 Charitez est la haute voie
  Que li Apostres nous ensaigne,
  Que chascuns gart et sive et taigne.
  Or doit dont l'ame faire estage
- 4136 En charité parfaite et sage,
  Sans passer outre ça ne là.
  Charitez, qui parfaite l'a,
  Fait Dieu sor toutes riens amer.
- 4140 L'en sieult celui signe clamer "Retrograde", quar là retorne Li solaus en fesant son orne, Par retrograde abessement,

<sup>4101.</sup> fit, du verbe: fier.

- 4144 Par le Lyon premierement,
  Jusqu'il soit en la Vierge arriere.
  Amer doit l'ame en tel maniere
  Dieu sor tous et plus hautement,
- 4148 Et de Dieu charitablement Resortisse à amer son prime Chastement et por Dieu meïsme. Lors doit entr'aler et venir
- 4152 Li solaus trois signes tenir: L'Escreveïce et le Lyon Et la Vierge, Conversion D'amour, qui de Dieu doit mouvoir,
- Doit l'ame vers son prime avoir Charitablement, sans malice: C'est noté par l'Escreveïce, Qui est retrograde et ressort.
- 4160 Par le Lyon, qui, quant il dort, A les iex ouvers, puis entendre Que l'ame se doit garde prendre Et porveoir soi sagement
- 4164 Qu'ele aint son proisme purement, Por Dieu, sans autre entencion Et sans charnel affection, Si que cele amour ne mespreigne:
- 4168 Ce nous signifie et enseigne
  La Vierge, qui chaste est et pure
  Et de charnel amour n'a cure.
  Or soit dont l'amour pure et fine.
- 4172 En esté seche la racine
  D'arbres et d'erbes ensement.
  L'ame qui charitablement
  Est bien embrasee et esprise
- 4176 De fine amour, seche et desprise En son cuer toute amour mondaine, Si la tient por seche et por vaine, Si di que la racine soiche
- 4180 En terre, quant point ne s'aloiche, Ne n'a s'esperance ou s'amour L'ame en nulle mondaine humour. Dit vous ai de la rouge cole;
- 4184 De la noire tendrai parole. Noire cole est melancolie.

<sup>4156.</sup> prime = proisme = "son prochain".

<sup>4179, 80.</sup> soiche: aloiche = sèche: alèche.

Noire cole a sa seignorie Et domine ou costé senestre,

- 4188 Si vient proprement et doit nestre Et fondement prendre de plain En la ratele ou en l'esplain.
  Aucune gent l'apele "esclaim",
- 4192 Mes moi ne chaut coment je claim
  Lui ne riens qui nom doie avoir,
  Mes que briement face savoir
  Et entendre que je vueil dire,
- Por plus abregier ma matire,
  Ne de fort rime n'i fais force:
  Poi la quier et poi m'en efforce,
  Quar se double rime queroie,
- 4200 Ma matire en alongeroie
  Por vain los querre, sans profit.
  Legiere rime me souffit.
  Poi m'en chaut, mes qu'au voir ataigne
- 4204 Et que la droite voie taigne
  De mon propos, sans desvoier.
  Poi me chaut de biau rimoier,
  Et bien sai qu'aucun me reprenent,
- 4208 Mes il me samble qu'il mesprenent, Quar je ne puis partout biau dire Et briement en si grant matire. Qui mielz vaudra rimer, si rime
- 4212 De rime double leonime!

  Noire cole ou melancolie

  Froide et seche est, je n'en dout mie,
  Si fet les homes estre ireus
- 4216 Et avers et cremetereus.
  Une hore les fait soumeillans
  Et autre hore les fait veillans.
  Par les iex s'espurge et se monde.
- 4220 En autompne croist et habonde.
  En ce temps se deportent mielz
  Li enfant sanguin que li vielz,
  Li melancolieus ne font.
- 4224 Trop damage home et trop confont En autompne la maladie Qui vient de la melancolie, Plus que cele qui dou sanc vient.

<sup>4191.</sup> En effet, le copiste de A se sert deux fois de la forme "esclain" au vers 4247. Dans ce vers, le copiste de C écrit une fois "esclain", la seconde fois "esplein".

- 4228 En celui temps user convient
  Chaude viande et moiste ensamble.
  Si com l'ai devant dit, me samble.
  Pour noire cole est notee
- 4232 Tristresce ou umour de pensee.

  Ceste tristresce naist et vient

  En l'ame quant il li souvient

  De ses mesfais, de sa folie,
- 4236 Ou quant elle pense à la vie Pardurable où el veult venir, Mes n'i puet encors avenir, Dont ele souffre et se dolouse,
- 4240 Si en devient triste et plorouse.

  Noire cole ou costé senestre

  Seignorist, quar ne set souz estre

  L'ame, qui de melancolie,
- 4244 C'est de tel tristresce, est garnie,
  Aus vices qui sont à senestre.
  Ceste noire cole doit nestre
  De l'esplain. Li esplains fet rire.
- 4248 Tout ait l'ame tristesce et ire Des outrages et des mesfais Qu'ele ot anciennement fais, Ou s'ele est triste par la joie
- 4252 Celestial qui li deloie, Si s'esjoïst elle, sans faille, En esperant que pas n'i faille Et qu'ele ataigne à son desir
- 4256 Tost ou tart, an devin plesir.
  Par l'esclain, qui de sa nature
  Fait rire, avient par aventure
  Que, pour l'esclain et por la cole,
- Or plore, or rit, come ame fole,
   Cil qui de noire cole est plains,
   Quar ce fait la cole et l'esplains.
   La noire cole est seche et froide,
- 4264 Qui l'ame sechist et refroide. Froit et sec, en m'entencion, Double significacion Puet avoir, selonc l'escripture:

<sup>4239, 40.</sup> manquent dans C.

<sup>4242.</sup> C scet soubz estre.

<sup>4247.</sup> A esclain, esclains; C esclain, esplein; voir la note au vers 4191: deloie = delaie, de: "delayer" = "tarder".

<sup>4260.</sup> A C'or.

- 4268 Bone et mauvese. La froidure Est cele qui l'ame enredist Et la fait lente et refredist Contre embrasement de pechié,
- 4272 Dont point n'a le cuer entechié Por nul assault qui ja l'atise. Ausi la secheresse est prise En deus sens: la bone sechié
- 4276 De toute humor de mauvestié
  Rent l'ame nete et ensechiee,
  Qu'el n'en est orde ne tachiee;
  La sechiez puet estre autrement
- 4280 Entendue mauvesement,
  Por la sechié qui l'ame assoiche
  Et qui la fet et are et soiche
  De la celestial rousee,
- 4284 Si qu'ele n'est point arousee
  De la grace au Saint Esperite,
  Mes ceste est dampnable et despite.
  L'autre sechié doit l'ame eslire,
- 4288 Et ceste eschiver et despire.
  Noire cole fet l'ame ireuse
  Vers tout mal et cremetureuse
  Qu'ele faille et mespreigne en faire
- 4292 Chose qui doie à Dieu desplaire.
  Ceste fet l'ame soumeillant
  Une hore, et autre hore veillant,
  Quar une hore est l'ame endormie
- 4296 Aus cures de l'active vie,
  Que nulz par raison ne li vee,
  Dont elle est chargie et grevee,
  Autre hore veille en recensant
- 4300 La joie où elle vait pensant,
  Que li saint ont en paradis,
  Qui Dieu contemplent vis à vis.
  A autompne, si com moi samble,
- 4304 A terre et à viellesce ensamble Est noire cole resamblable. Come terre soit l'ame estable Et ferme, por soi bien tenir,

<sup>4274.</sup> C Ainsi. Ce manuscrit écrit toujours: ainsi, là où le manuscrit A donne: ausi.

<sup>4279.</sup> C Secheresse peut autrement.

<sup>4281.</sup> C la seché.

<sup>4287.</sup> C seiché.

<sup>4303.</sup> A manque.

- 4308 Et sage pour soi contenir,
  Comme vieilz hom, discretement,
  En bones mours, honestement,
  Si soit meüre à bon fruit rendre.
- 4312 Ce puet l'en par autompne entendre.
  Par les iex s'espurge et sanice
  Noire cole, se de nul vice
  Est l'ame entainte ne tachiee
- 4316 Dont el soit triste et corrouciee. Quant confessee s'en sera, En plorant s'en espurgera. En autompne croist noire cole,
- 4320 Quar plus se deult l'ame et adole Et plus plore por son pechié, S'ele pense qu'ele ait pechié, Quant plus est discrete et meüre.
- 4324 La vieille sage creature
  Doit son pechié plaindre et son vice
  Plus que la jænne ame novice.
  En ce temps se deportent mielz
- 4328 Li sanguin jænne que li vielz, Li melancoliques ne fait, Si com j'ai ja dessus retrait. Li sans note, à m'entencion,
- 4332 Douceur de contemplacion, Où li convertis se delite Quant en son cuer pense et recite Les biens de la joie à venir
- 4336 Où il tent et pense à venir. En noire cole est la tristresce Dou pechié, qui point l'ame et blesce, Quant el sent qu'ele y a esté.
- 4340 Printemps note nouveleté
  De vie, et autompnes denote
  Meürté, si convient sans dote
  Que l'une aille l'autre atrempant.
- 4344 Se l'ame plore et se repant Des pechiez dont il li souvient, Ainsi souvenir li convient, Por ce que trop ne refroidisse
- 4348 Et par desespoir ne perisse, Comme elle ot chaude affection

<sup>4309.</sup> A vilz.

<sup>4330.</sup> En effet, les vers 4331, 32 répètent les vers 3775, 76.

<sup>4341-66,</sup> manquent dans C.

En sa nove convercion, Et come elle est preste à bien faire,

- 4352 Com bone oeuvre li soloit plaire,
  Si doit elle faire orendroit,
  Quar, qui bien garde se prendroit
  D'autompne et de printemps ensamble,
- 4356 Il atremperont, ce me samble, L'un par l'autre. Par meürté De conseil doit l'en la purté De bone vie mesurer;
- 4360 Ensi doit l'en amesurer

  La tristour qu'en a des mesfais

  Par bone vie et par bienfais.

  Ensi convient il voirement
- 4364 En divers temps diversement
  L'ame vivre et soi contenir,
  Qui veult à vrai salut venir.
  En autompne convient, sans faille,
- 4368 Mengier chaude et moiste vitaille, Por tremper la seche froidure. L'ame qui de pechié n'a cure Ne se doit pas sans plus tenir
- 4372 De mal faire, ains, se velt venir A l'estat de perfection, Avoir doit delectacion En bien faire et estre arrousee
- 4376 De la celestial rousee De la grace au Saint Esperite, Si se passe, si se delite En l'ardour de charité fine,
- 4380 En desirant l'amor divine.
  En ce temps cort par la Balance
  Li solaus et d'illuec s'avance
  Ou signe de l'Escorpion,
- 4384 Puis fait la tierce mansion
  Ou signe Archier, ou Sagitaire,
  Qui tient l'arc et la floiche à traire.
  En la Balance droitement
- 4388 Sont jor et nuit comunement D'une egalté, d'une mesure. Li Scorpions poi m'asegure Qu'o son aguillon ne me poigne.
- 4392 Li Sagitaires l'arc empoigne

<sup>4369.</sup> tremper = "tempérer". — C trenchier.

Pour la floiche traire et lancier; Ainsi doit l'ame balancier Et peser à droite balance

- 4396 Ses biens et ses malz, sans doutance, Et sa vie si compasser Que li biens puist le mal passer, Quar se sa balance est faussee
- 4400 Et sa vie soit mal pesee,
  Que li maulz puisse plus peser
  Que li biens, trop l'en puet peser,
  Quar trop est en doutable point.
- 4404 Li Scorpions, qui loiche et point,
  O son aguillon le poindra,
  Quar la mort, qui les bons oindra,
   Oindra, quar par mort transitoire
- 4408 Vendront à pardurable gloire, —
  Le menra sans redempcion
  A dampnable perdicion.
  Noter puis par le Sagitaire,
- 4412 Qui tient l'arc et la floiche à traire, Si a en soi double nature, Double forme, double figure: D'omme et de beste chevaline, —
- Deux archiers, l'un de bone orine,
  L'autre mauvès et desloial.
  Le bon archier et le loial
  C'est Diex, qui doublement selt traire,
- 4420 Quar aus uns trait por eulz atraire A sa cognoissance, à s'amour Et à sa parfaite cremour. Cil ars est voire intelligence,
- Clers sens et droite cognoissence,
  Et la corde est voire doctrine,
  Et la floiche est de discipline.
  Li sermonerres est la coiche,
- Est la pointe de ceste floiche
  Est la parole ou la peors
  Dont Diex point les cuers pecheors,
  Quant il les esmuet à retraire
- 4432 De felonie et à bien faire, Por vivre pardurablement.

<sup>4393-4410.</sup> manquent dans C.

<sup>4404.</sup> loiche = lesche = "lèche"; cf. le passage suivant, cité par Littré, sub voce scorpion: "Le scorpiun resemblent [vos lettres ressemblent au scorpion] al chief e al partir, Qui volt deriere poindre et devant conjoïr" (Th. le mart. 85).

De cest arc traient ensement Les sains homes, les prescheors,

- 4436 Por convertir les pecheors
  Qui les sermons deignent oïr
  Au bien faire et au mal foïr,
  Quant par lor predicacion
- 4440 Lor moustrent l'incarnacion
  Dou fil Dieu, qui par sa bonté
  Et par sa plaine volonté
  Deigna por pecheors descendre
- 4444 Et char humaine et mortel prendre Pour vestir les de dignité, De gloire et d'immortalité. Autrement trait Diex, sans doutance,
- 4448 La floiche de mortel sentance O l'arc de divine ulcion, Quant nulle predicacion Ne puet le mauvès convertir
- 4452 A ce qu'il se vueille avertir
  Au bien fere et au mal lessier,
  N'il ne deigne son cuer plessier,
  Pour la grace ne pour l'amour
- 4456 Ne pour la divine cremour,
  A ce que de Dieu li souviegne
  Ne qu'il face oeuvre qu'il conviegne.
  D'autre arc trait et d'autre arbeleste
- 4460 Li dyables, la male beste,
  De l'arc de reposte malice,
  Dont il esmuet, dont il atice
  A faire toute vilonie.
- 4464 La corde en est de felonie;
  La floiche est la decepcions
  Des parverses temptacions
  Qu'il lance et trait pour gent atraire
- 4468 A felonie et à mal faire,
  Pour eulz perdre finablement.
  De cest arc traient ensement
  Li felon et li pecheour,
- 4472 Li desloial, li tricheor
  Les floiches de decepcions,
  D'engins, de cavillacions,
  Por les simples gens decevoir,

<sup>4449.</sup> C de grant punicion.

<sup>4467.</sup> A trait lance. C'est C ici qui donne la bonne leçon!

<sup>4473, 74.</sup> manquent dans C.

- 4476 Qui poi poënt apercevoir Lor traïsons et lor cauteles Et lor decevables faveles, Tant les traient subtivement,
- 4480 En agait et repostement,
  Mes Diex lor arc confroissera
  Et leur saietes quassera,
  Si seront li juste asseür.
- 4484 Ou temps d'autompne sont meür Li fruit que cil riche home amassent, Qui les estoient et entassent En lor granges, en lor maisons.
- 4488 En viellesce vient la saisons
  Que tous homs se doit meürer,
  S'il veult aquerre et procurer
  Que Diex le reçoive et recueille,
- 4492 Que de sa part prendre le vueille.

   Oï avez une sentence

  Des elemens en lor essence;

  Or vous en vaudrai dire encors
- 4496 Selonc qu'il sont compost encors, Quar toutes choses sont compostes Des quatre et en eulz sont repostes, Si com je dis premierement.
- Voirs est qu'il sont quatre element: Deus griez et deus legiers ensamble. Li dui grief sont, si com moi samble, Terre et yaue, et les autres deus
- 4504 Sont legier: c'est l'airs et li feus.

  De celz est li feus plus mouvables,
  Plus legiers, plus resplendissables,
  Et li airs mains, et de rechief
- 4508 Des deus griez: la terre est plus grief Et l'iaue mains, c'est veritez, S'a chascuns deus extremitez Des elemens que je devise
- 4512 Et un moien, qui les devise.

<sup>4482.</sup> A les.

<sup>4486.</sup> C estuient. C'est le même verbe. — A amassent, faute de copiste due au vers précédent.

<sup>4498.</sup> A resostes; C ressortes. Il faut: repostes.

<sup>4501.</sup> A pesans; C legiers, ce qui est la bonne leçon; cf. le vers 4504.

<sup>4504.</sup> C sont li legier: airs et li feux.

<sup>4513.</sup> A egilité; C legiereté. Il faut: subtilité; cf. les vers 4518, 4523, 4526, etc. Après ce vers, C recommence à abréger et à embrouiller le texte.

- Li feus a plus subtilité En sa plus haute extremité, Et plus est legiers et mouvables,
- 4516 Plus subtilz, plus resplendissables En sa plus basse extremité, Qui mains a de subtilité Et mains est clere et plus espesse:
- 4520 C'est cele qui de l'air s'apresse; Et li moiens est droitement Entre ces deus, moienement Clers, subtilz, legiers et mouvables.
- 4524 Ainsi rest li airs devisables, Quar en sa haute extremité A trop plus de subtilité, De cler et de legier ensamble
- 4528 Qu'en la plus basse, ce me samble, Et li moiens moienement Est clers et legiers voirement. L'iaue est en samblable maniere,
- 4532 Quar en l'extremité premiere, Cele qui plus de l'air s'apresse, Est mains pesant et mains espesse Que cele qui près est de terre.
- 4536 Ou milieu dois le moien querre.

  Ausi la terre est mains espesse

  Et mains pesans quant plus s'apresse

  De l'iaue, en sa plus haute part;
- 4540 Quant plus s'en esloigne et depart En sa plus basse extremité, Plus a pesant stabilité. Ausi com sont li element
- 4544 Divisable en eulz proprement,
  Si sont il en lor qualitez
  Et autant ont extremitez.
  Les qualitez sont, ce me samble,
- 4548 Chault et froit, moiste et sec ensamble, Et ceste par proporcions Ont aus cors lor conjonctions. Les pesans choses sont mellees
- 4552 Aus legieres et assamblees,

<sup>4520.</sup> A qui de lui s'apresse.

<sup>4540.</sup> C aloigne.

<sup>4542.</sup> A subtilité.

<sup>4544.</sup> C D'un semblable.

<sup>4550.</sup> A Ont en cors.

Et les legieres ensement Aus pesans, et samblablement La froidure est o la chalour,

- 4556 La secheresce o l'umoistour En divers cors diversement, Plus ou mains convenablement, Si come il est necessitez.
- 4560 Par celz diverses qualitez,
  Qui sont jointes diversement
  Aus cors, se physique ne ment,
  Ont les cors diverses manieres.
- Les unes choses sont legieres,
   Les autres gries diversement.
   Les choses qui sont proprement
   De chaude et de seche nature,
- 4568 Sans autre elemental jointure,
  Plus sont legier, et plus halt montent
  Li cors où li legier sormontent
  En lor hautes extremitez.
- 4572 De ce vient la legieretez
  Des oisiaus qui, volant en l'oir,
  Se soustienent à lor voloir.
  Cil qui de la legiereté
- 4576 Ont la plus haute extremité
  En la souveraine partie,
  A ceulz, ce quit, est departie
  La plus haute legiereté
- 4580 Et la plus grant isneleté,
  Et de ce est l'aigle plus legiere
  C'oiseaus de nulle autre maniere.
  Li oiseau qui le moien tienent
- Moienement legier devienent:
  De ce est la grue mains legiere
  Que l'aigle, et cil qui la desriere
  Extremité dou legier ont,
- 4588 Mains legier en sont et seront Et plus volent pesantement, Come oës, qui plus bassement Volent que l'aigle ne la grue.

<sup>4572.</sup> oir = air.

<sup>4581.</sup> A c'est: C ce est.

<sup>4585.</sup> A c'est; C ce est.

<sup>4586.</sup> A desriere; C qui derreniere.

<sup>4590.</sup> C Come ceulz qui.

- 4592 Li cors à cui rest avenue
  Des legiers la moienetez
  Sont mains legiers, c'est veritez,
  Que les oisiaus, et toute voie
- 4596 Plus legiers, croi, que l'en les voie, Que ceulz qui ont legiereté En la plus basse extremité En trois poins, en autel maniere
- 4600 Si com j'ai dit de la premiere. Cil qui ont la legiereté De la plus basse extremité Sont mains legier et plus pesant,
- 4604 Si com physique juge et sant, En trois poins, ensi com j'ai dit Dou legier moien devant dit, Quar cil qui la legiereté
- 4608 Ont de la basse extremité
  Ou premier point sont plus mouvable
  Plus soutil, plus escalorable,
  Si come est ore li serpens
- 4612 Plus que nulz des autres rempens.
  Cil qui le moyen point tienent,
  Com li bos, mains isnel devienent.
  Cil qui ont la derrieneté
- 4616 De la plus basse extremité
  Sont plus tardif, come est limace,
  Qui lentement maine sa trace.
  Cil où les plus pesans mestroient
- 4620 Si convient que plus pesant soient, Et cil qui ont les pesantez Aus plus hautes extremitez Poisent mains, com font droitement
- 4624 Li poisson, et c'est ensement En trois poins, quar plus sont mouvables, Plus isnel et plus trestornables Cil qui ont la priorité
- 4628 De la premiere extremité.

  Li moien vont moienement,

  Et si convient plus lentement

  Mouvoir ceulz qui ont la desriere

<sup>4592.</sup> C cui ceste advenue.

<sup>4599—4602.</sup> manquent dans C.

<sup>4613, 14.</sup> manquent dans C. — bot = "espèce de crapaud"; cf. boterel (4781).

<sup>4629.</sup> Mss. sont.

<sup>4630.</sup> C Si les,

- 4632 De cele extremité premiere.

  Li cors qui ont des pesantez

  Le moien sont ferme et plantez

  En terre et tous temps s'i aherdent,
- 4636 Qu à lor vivant point ne la perdent, Come ces arbres et ces hantes, Ces herbes et ces autres plantes, Et cil qui ont la premeraine
- 4640 De cele pesantour moiaine Croissent mielz et plus hautement. Cil qui tienent moienement Cele moiene pesantesce
- 4644 Croissent mains et mains ont hautesce, Et cil qui de ce moien tienent Les plus bas, bas croissent et vienent. Li cors qui ont la pesanté
- De la plus basse extremité,
   Come sont pierres et metal,
   Ont sor tous le plus bas estal.
   Or pert dont que li element
- 4652 En divers cors diversement Font diverses complexions Par lor diverses mixtions. Les estoiles, qui ont nature
- 4656 De feu seulement, à droiture Sont li bon prelat et li mestre, Qui tout ont ou regne celestre Fichiez, par contemplacion,
- Lor cuers, et de dilection
   Charitable ardent et esprenent,
   Si nous enseignent et aprenent,
   Par bon example et par douctrine
- 4664 Qui nous adresce et enlumine, Comment cil se doit contenir Qui veult à vrai salut venir, Et sont plain dou Saint Esperite.
- Autre sont de maindre merite, Mes bon sont toute voie assez, Si ont tous les autres passez De vie et de contenement.
- 4672 Ceulz samblent l'aigle droitement,

**<sup>4637.</sup>** hantes = "entes".

<sup>4669.</sup> C Mais moult sont.

<sup>4672.</sup> A Cil sambloit.

Qui sor tous autres oiseaus vole. L'aigle enseigne et moustre l'escole A ses poucins de bien voler,

- 4676 Et sans sa lumiere afoler
  Le soleil avise et regarde,
  Et de ses poucins se prent garde
  Liquelz le regarde ensement,
- 4680 Si norrist curieusement
  Ceulz qui viseement l'esgardent,
  Et ceulz qui dou veoir se gardent
  Lesse elle en nonchaloir aler
- 4684 Por eulz cheoir ou devaler.
  L'aigle vole plus hautement,
  Et li prelas plus saintement
  Doit vivre et ses sougiez atraire,
- 4688 Par doctrine et par examplaire, A bien vivre samblablement, Si lor fet entendiblement Viser le soleil de joustise,
- 4692 Quant il les enseigne et avise A Dieu cognoistre et sa bonté. Ceulz qui ont bone volonté De Dieu recognoistre et veoir
- 4696 Doit il aprendre et avooir
  Et lor aministrer pasture
  De doctrine, et ceulz qui n'ont cure
  De Dieu cognoistre ne amer,
- 4700 Ceulz doit il reprendre et blamer Et moustrer lor mauveses voies. Par les grues et par les oies Puis entendre communement
- 4704 Les sougiez qui diversement Sont en ces congregacions, Aus ordres, aus religions, Qui volent par affection
- 4708 De haute contemplacion
  Et metent lor paine et lor cure
  En tenir l'estat de droiture,
  La rigle et la subjection
- 4712 Et l'ordre de riligion.

<sup>4675.</sup> C faons.

<sup>4682.</sup> C se tardent; ce qui irait très bien aussi.

<sup>4700.</sup> A amer; C blamer.

<sup>4707.</sup> A vuelent; C volent.

<sup>4709-12.</sup> manquent dans C.

Cil qui des terriens desirs

4716 Ont loing les cuers et les desirs Et petit lor en tient et touche, Si gardent silence de bouche.

Les oies, qui plus ont de noise,

Por ce que par le voir m'en voise, 4720 Sont cil qui silence desprisent, Qui plus se loënt et se prisent Et plus ont dissolucion,

4724 Qui au bec de destruction S'entrederrompent et depiecent, En disant affis qui dessiecent A lor freres, à lor prochiens.

4728 Or est drois que nous aprochiens, Por mielz acomplir la matire, Aus grans quadrupedes descrire, Come bues, asnes et jumens,

4732 Qui font aise et aïuemens A home en ferant son servise. Ces grans bestes que je devise Sont plus pesans de volatilles

4736 Et plus isneles des reptilles, Si s'eslievent plus hautement De terre, mes outreement Ne s'en departent ne n'esloignent

4740 Qu'au mains o les piez ne s'i tiegnent. Cestes notent les simples gens, Qui curieus et diligens Sont des laborages de terre,

4744 Por les terriens biens aquerre A lor soustenance, à lor vivre, Et tout ne puissent il ensivre La sainté de relegion,

4748 Et la lor conversacion Soit mains prisie et mains vaillant. Il se vont seviaus traveillant En faisant les labors de terre,

Por les biens terriens acquerre, 4752

<sup>4726.</sup> C En disant a filz que dechiechent. Godefroy donne la forme "dessiece", sub voce: "desseoir"; II, p. 651: "Chose dite qui me dessiece"; De l'Oire de l'anel. Richel. 19152, fo. 88a.

<sup>4732.</sup> C Secours et aisemens.

<sup>4736.</sup> A rectilles.

Dont tuit autre sont soustenu, Quel qu'il soient, grant et menu, Si profite lor vie active

- 4756 A pestre la contemplative.

  Cil qui ont la legiereté

  De la plus basse extremité,

  Com bos et limace et serpent,
- 4760 Sont mains legier et vont rampent Sor lor ventres et sor lor pis, Si sont plus vilz et plus despis Que les bestes dont j'ai touchié.
- 4764 Gent felon et plain de pechié, Plain de mal et wis de bonté, Qui cuer et cors et volenté Ont aterrez et joins à terre,
- 4768 C'est aus terriens biens acquerre,
  Por user ent mauvesement,
  Puet l'en entendre droitement
  Par les trois paires de rampans:
- 4772 Boz et limaces et serpans.

  Cil qui ont la legiereté

  De la plus basse extremité

  Sont plus legier et plus mouvable,
- 4776 Plus subtil, plus escalorjable.
  Come serpens malicieuse,
  Qui subtive est et engigneuse.
  Cil qui le moien point en tienent
- 4780 Plus pesantement se contienent, Com boteriaus plains d'enfleüre, De venin et de porreture. Cil qui ont la desreneté
- 4784 De la plus basse extremité
  Sont plus lent, come est la limace.
  Trois gens wis de bien et de grace
  Puis signifier à devise
- 4788 Aus trois rampans que je devise.

  La serpens est aguilloneuse,

  Et la limace est limoneuse,

  Li boz enflez est venimeus.
- 4792 Li subtilz et li engigneus, Qui o l'aguillon de malice

<sup>4759.</sup> C buef. Un boeuf, pourtant, ne rampe pas! Il s'agit du bot, une espèce de crapaud; cf. la note au vers 4614, et le vers 4781.

<sup>4772.</sup> C Buefs, Il y tient!

<sup>4781.</sup> boterel = crapaud.

Point et aguillone et atice Les gens à mesdire ou mesfaire,

- 4796 Puet assez au serpent retraire,
  Par cui mains homes sont grevez.
  Cil qui les cuers ont eslevez
  Et plains d'orgueilleuse enfleure
- 4800 Et de vilz venimeuse ordure
  Puet l'en au bot comparager.
  Cil qui ne sont preu ne legier,
  Mes pereceulz à tout bien faire
- 4804 Pueent au limaçon retraire, Qui se delitent en l'ordure, En la boë, en la porreture De terre, et lor entencion
- 4808 Ont en la delectacion

  Des terriens biens, où il se musent

  Et dont mauvesement abusent.

  Cil ou les pesantez mestroient
- 4812 Si convient que plus pesant soient, Et cil qui ont les pesantez Aus premieres extremitez Poisent mains. Ce sont droitement
- 4816 Poisson, qui assiduelment
  Sont ou en l'iaue ou en la borbe.
  Ce sont cil que le monde assorbe
  Et les mondaines vanitez
- 4820 Et les vilz superfluïtez
  Dou siecle vain et variable,
  Plus flotant, plus escalorjable
  D'iaue, qui ja n'est en un point,
- 4824 Ains cole et court sans cesser point.
  Li cors qui ont les pesantez
  Dou moien sont plus bas plantez
  En terre et à terre s'aherdent,
- 4828 N'a lor vivant point ne la perdent, Come les arbres et les plantes, Ces herbes et ces autres hantes. Cil signifient, ce m'est vis,
- 4832 Ceulz qui les cuers despis et vis Ont enracinez, sans retraire, Sans nulle entente de bien faire, En terriene convoitise,

<sup>4803.</sup> C pareceux.

<sup>4807-12.</sup> manquent dans C.

<sup>4807.</sup> A De terre est lor entencion.

- 4836 Qui si les enlace et atise Qu'il ne s'en quierent desaherdre, Ains ont toz jors paor de perdre Les biens dont il n'ont nul profit,
- 4840 Et quant plus ont, mains lor souffit.
  Li cors qui ont la pesanté
  De la plus basse extremité,
  Comme sont pierres et metal.
- 4844 Ont sor tous plus pesant estal: Ce sont cil qui sont ahurté A felonie et à durté, Que nulz ne puet amoloier,
- 4848 Par blandir ne par chastoier.
  Physique dist qu'il sont encors
  Quatre vertus en humain cors
  Qui font administracion
- 4852 A humaine complexion:

  La premiere est apperitive,

  Qui requiert; l'autre retentive,

  Qui retient ou cors et ou ventre
- 4856 Ce qui par l'appetit y entre; L'autre est digestive et cuisant; L'autre expulsive et le nuisant, Qui ne vault à la norreture
- 4860 Dou cors, come merdeuse ordure
  Met fors par natureus conduis,
  Qui à ce sont proprement duis.
  Ces quatre ont l'office et la cure
- 4864 D'aministrer vie et pasture
  Au cors, par vertu pastitive,
  Et ceste est administrative
  A la generative force,
- 4868 Quar nature, qui moult s'efforce Des espiecez tenir en point, Sagement oeuvre et ne velt point Que pour defaut de norreture
- 4872 Perisse nulle creature,
  S'a si ces vertus ordenees,
  Pour soustenir les choses nees,
  Voire celes qui sont à nestre,
- 4876 Puis qu'eles ont mestier de pestre.

  Dont tantost que l'enfes est nez,

  Li est ses vivres assenez

  Et viande convient qu'il ait,

- 4880 Si le convient vivre de lait
  Jusqu'il soit un poi plus creüz.
  De lait est norris et peüz
  Li nouviaus convertis, ce cuit,
- 4884 Quant l'en l'enseigne et entroduit A voire humilité tenir Et comme il li doit souvenir Com Dieu fu plains d'umilité
- 4888 Et de douce benignité.

  De tel lait doit estre peüz

  Jusqu'il soit un poi plus creüz

  Et qu'il se puisse au pain tenir,
- 4892 Qui fort le face devenir: C'est li pains de charité fine, Qui l'ame esvigore et affine Et efforce en toute bonté.
- 4896 Cil qui a bone volenté
  D'estre assiduelment peüz
  De ce pain, n'iert ja deceüz
  Ne vaincus par nul adversaire
- 4900 Qui grever le puisse ou mesfaire, Por charité, qui fort le tient. Charité tout souffre et soustient Et tout prent en devocion.
- 4904 Ceste fet la complexion
  De l'ame aligre et saine et fort.
  Moult est douz et plains de confort
  Li pains de fine charité,
- 4908 Mes trop a grant diversité
  Entre la vie et la posture
  De l'ame et dou cors, à droiture,
  Quar s'il avient que l'en delait
- 4912 La viande au cors, qu'il ne l'ait, Quant plus on li deloiera, Tant plus il le desirrera Et tant plus ardra de desir,
- 4916 Mes quant li cors à son plesir Avra la corporel viande Qu'il quiert et desirre et demande, Quant plus menguë et plus se paist,
- 4920 Plus li anuie et mains li plaist; Mes la spirituel pasture

<sup>4884.</sup> A Qu'en l'en.

<sup>4913.</sup> C on li deveera.

Qui mains en a, mains en a cure, Plus l'a por vil et mains la prise,

- 4924 Mes cil qui en maschant s'avise Quel savor elle a, sans doutance, Quant plus en a grant habondance Et quant plus s'en saoule et paist,
- 4928 Plus s'i delite et plus li plaist Et plus la desirre et demande. Trop est douce cele viande Qui spirituelment paist l'ame,
- 4932 Dont li saoulers plus affame Et plus fait croistre le desir Et plus vient à l'ame à plesir. Qui plus en prent, plus li profite,
- 4936 Plus li plaist et plus s'i delite, Mes en la corporel, ce cuit, Li trop mengier desplaist et nuit. Cele spirituel pasture,
- 4940 Qui l'ame met à norreture, C'est la parole et la doctrine De saluable discipline, Et les vertus que j'ai nomees
- 4944 Sont naturelment ordenees
  Por ceste aministrer à l'ame
  Et por soustenir home et fame
  En haliegre complexion.
- 4948 Quant l'ame a grant affection,
  Grant fain, grant desir et grant cure
  De cest spirituel pasture
  Et volentiers ot la doctrine
- 4952 De saluable discipline,
  La vertus appetitive ouvre
  Quant el retient et met à ouvre,
  O cuer fervent et esjoï,
- 4956 Ce qu'ele a volentiers oï.

  La retentive proprement,

  Et la digestive ensement,

  Ouvrent et tornent en humors,
- 4960 C'est à savoir en bones mours. La viande que l'ame a prise.

<sup>4930.</sup> C Tant.

<sup>4931-35.</sup> manquent dans C.

<sup>4950.</sup> A Se cest.

<sup>4954.</sup> C Car.

Or est drois que je vos devise Que l'expulsive puet valoir.

- 4964 Quant l'ame giete à non chaloir Et met fors de soi toute ordure Qui ne vault à sa norreture, L'expulsive fet son devoir,
- 4968 Quar certainement et de voir En vain ot et retient et ouvre, En metant la doctrine à ouvre, Se l'expulsive ne met fors
- 4972 Ce qui nuist à l'ame et au cors: C'est toute ordure de pechiez, Quar tost porroit estre entechiez Tous li biens que l'ame feroit
- 4976 Et corrompus, qui n'en treroit
  La corrupcion et l'ordure,
  Mes il sont aucun qui n'ont cure
  De mengier, s'il n'ont apetit
- 4980 De viande grant ne petit.

  Autre sont qui bien ont desir

  De la viande et à plesir

  Menguënt, mes tantost la rendent,
- 4984 Que la retentive n'atendent.
  Aucun menjuënt bien et boivent,
  Et la viande qu'il recoivent
  Retienent bien, mes poi lor vault,
- 4988 Quar la digestive lor fault,
  Qui la viande doit confire
  Et cuire et la bone matire
  Deviser aus membres dou cors.
- 4992 D'autre maniere sont ancors, Qui bien menjuënt et retienent Les viandes qui lor avienent Et bien les cuisent et confisent
- 4996 Et par les membres les devisent, Mes par les conduis de nature Ne purgent point de lor ordure. Cil qui ont l'appetit perdu
- 5000 De mengier sont li esperdu,
  Qui la parole et la douctrine
  De saluable discipline
  Ne deignent entendre, ainçois fuient

<sup>4969.</sup> C euvre.

<sup>4970.</sup> C euvre.

<sup>4979.</sup> s'il = ,,et ils''.

- 5004 Les precheïs, qui lor enuient, Et cil ne pueent longues vivre. De ceulz dist David en son livre Qu'il sont près des portes de mort,
- 5008 Quar qui s'acoustume et amort A la parole Dieu foïr — C'est cil qui ne la deigne oïr —, Il court aus portes droitement
- 5012 De pardurable dampnement.
  Bien menguënt, mes tost le rendent,
  Cil qui bien oient et entendent
  Les sermons et les precheïz,
- 5016 Mes tantost qu'il les ont oïs
  Il les donent à oubliance,
  Et cil languissent sans doutance.
  Cil qui menjuënt et retienent
- 5020 Les viandes qui lor convienent, Mes ne les cuisent ne confisent Ne par membres ne les devisent, Quar la disgestive n'i ouvre,
- 5024 Sont cil qui ne metent à ouvre Les sermons et les precheïs Qu'il ont retenus et oïs. Cil qui ne purgent lor ordure
- 5028 Par les drois conduis de nature Sont cil qui folement retienent Les ordures qui desconvienent, Qui parvertissent les humors
- 5032 Et corrompent les bones mours, Quar ces vertus dessus nomees, Si come elles sont ordenees, N'aministrent à lor droiture
- 5036 La soustenance et la pasture Dou cors si con faire le doivent: Elles corrompent et deçoivent, Si le font malade et enferme,
- 5040 Si com l'art de physique afferme. Venir doit des quatre elemens La force et li soustenemens De ces vertus naturelment.
- 5044 Convient, quar quant li element

<sup>5023.</sup> C euvre.

<sup>5024.</sup> C euvre.

<sup>5044.</sup> Ce vers étonne au premier abord, mais A et C donnent ici le même texte. Le vers est. d'ailleurs, correct.

Sont ensamble mellé et joint En aucun cors bien et à point. Li feus chaulz et sès par droiture

5048 Est aperitive nature;
La terre froide et seche ensamble
Est retentive, ce me samble;
Li airs, por sa moiste chalor,

5052 Est de digestive valor;
L'iaue, por sa moiste froidure,
Est expulsive par nature.
Or convient dont naturelment

5056 Que de ces quatre proprement Chascuns à ce qu'il doit retraie, Si convient que li feus atraie. Or retiegne et gart cel atrait

5060 La terre que li feus atrait. Ce que la terre a retenu Dissoille et face plus menu Li airs, et l'iaue l'amollisse

5064 Tant que par drois conduis en isse Ce qui à issir en convient. Dessus dis, se bien m'en souvient, Que li feus note droitement

5068 Porte de cler entendement.
Ferme pensee signifie
La terre, et l'air purté de vie.
L'iaue a significacion

5072 De mouvable discrecion.
Or avient, quant l'entendement,
Qui tous art spirituelment
D'amour et de dilection,

5076 A mis sa cogitacion
Aus celestiaus bien penser,
Qu'ou cuer de l'ame et ou penser
Engendre un nouviau desirrer,

5080 Qui li fet querre et demander La viande qui l'ame paist,

<sup>5059. &</sup>quot;Alors la terre doit retenir et garder ce que le feu attire".

<sup>5060.</sup> L',,attrait" que li feus ,,attrait". D'abord ,,atrait" est substantif; la seconde fois il est forme verbale.

<sup>5074.</sup> C tout.

<sup>5078.</sup> Mss.: Ou cuer de l'ame, ce que j'ai changé en: "Qu'ou cuer de l'ame". Je construis donc: "Or [il] advient, quand l'entendement a mis sa cogitacion aus celestiaus biens penser, que [cet entendement] engendre un nouviau desirrer.....". Cf., au vers 5083, l'expression "par cler entendement", qui semble affirmer cette interprétation et autoriser ce changement dans une phrase qui autrement n'aurait aucun sens.

Cest bon enseigement, qui plaist Au cuer par cler entendement,

- 5084 Puis le doit garder fermement Et tenir en cuer remembrable. La pensee ferme et estable Emprès la purté de pensee
- Doit estre sage et apensee

  Dou metre à oeuvre et de bien faire,

  Et s'il y a riens qui contraire

  Soit à sa vie et à ses mours,
- 5092 Qu'il ne corrompe les humours.
  Par discrecion bone et sage
  Le giete, et purge son corage,
  Et qui ensi se gardera
- 5096 Et son corage atrempera, Ja n'avra le cuer entechié Ne corrompu par nul pechié. Qui ne tendra cesta atemprance,
- 5100 Malades ert et en doutance
  De mort, s'il n'a secours de mire.

   Or m'estuet deviser et dire
  Coment li mires puet savoir
- 5104 Dou malade et jugier por voir S'il est en peril de morir Ou s'il est en point de garir, Quar il convient qu'il soit si sages
- 5108 Qu'il cognoisse de tous malages
  La cause et la nature ensamble.
  Neuf signes sont, si com moi samble,
  Qu'Ypocras touche en pronostique,
- 5112 En un sien livre de physique, Par quoi l'on puet apertement Cognoistre et jugier plainement Dou malade s'il en porra
- 5116 Respasser ou s'il en morra. Or les vos nomerai briement. Li premiers signe droitement De la guerison est la force
- Dou malade qui bien s'efforce
  De bien souffrir sa maladie:
  C'est signes qu'il n'en morra mie.
  Li contraires est la foiblesce

<sup>5094.</sup> A giet; C jette.

<sup>5118—27.</sup> se retrouvent textuellement plus loin: 5260—69.

- 5124 Dou malade qui la destresce De son mal ne puet soustenir: C'est signes qu'envis puet venir A bon chief de s'enfermeté.
- 5128 Li secons est l'isneleté
  De l'enfert qui legierement
  Se muet. C'est signes droitement
  Qu'il porra guarison avoir,
- 5132 Mes s'il est lens à soi mouvoir, C'est signes qu'envis puet guerir Et qu'il est en point de morir. Li tiers signes, se bien m'en membre,
- 5136 Si est quant la face et li membre Sont tel et de tele coulour Com s'il n'eüst mal ne dolour: C'est signes qu'il respassera,
- 5140 Et li opposites sera

  Quant il est d'autre contenance,
  D'autre coulor, d'autre semblance
  Des membres qu'il n'ot ains esté.
- 5144 Quant il estoit en sa santé. Li quars signes est droitement Quant il a bon apensement Et bon apetit de mengier:
- 5148 C'est signes qu'il puet alegier.
  Li quars signes a l'exposite
  Quant il a trouble l'esperite
  Et perdu son apensement
- 5152 Et son appetit ensement.

  Li quins signes, si com j'entens,

  Quant bien en convenable temps

  Dort li malades et repose,
- 5156 Et bien li fet: c'est bone chose; Li quins signes est au contraire Quant en temps qu'il ne le doit faire Soumeille, et ce li grieve et nuït:
- 5160 C'est de jor et non pas de nuit. Li sisiemes est quant l'alaine

<sup>5124.</sup> A sadresce; C redresce. C'est le vers 5266 qui assure ici la bonne leçon!

<sup>5125.</sup> C Qui son mal.

<sup>5128—34.</sup> se retrouvent textuellement plus loin: 5286—92.

<sup>5135-44.</sup> se retrouvent textuellement plus loin: 5301-10.

<sup>5142.</sup> A D'autre face.

<sup>5145-52,</sup> se retrouvent aux vers 5327-34.

<sup>5153-60.</sup> se retrouvent aux vers 5353-60.

<sup>5161-64.</sup> se retrouvent aux vers 5383-86.

Dou malade est souef et saine; Li contraires quant el li mue,

- 5164 Qu'il l'a mauvese et corrompue. Li septiesmes quant egaulment Li muet li pous et souefment, Come il doit naturelment faire;
- 5168 Li septiesmes est au contraire Quant li pouz se diversefie Et desegaument se varie, Grant et petit et foible et fort:
- 5172 C'est uns signes de desconfort.
  L'uitiesme est, à m'entencion,
  Quant il a fort decoction
  Et bien confit ce qu'il menjuë;
- 5176 Li contraires quant toute crue Rent la viande, sans decuire: Ce li puet damagier et nuire. Li nueviesmes est voirement
- 5180 Quant li malades droitement
  Et bien se purge par orine
  Et par suour comune et fine:
  C'est signes que c'est bone espurge;
- 5184 Mes quant li malades s'espurge Vilainement, contre nature, Ou s'il sue par aventure Parmi la teste solement,
- Non pas par tout comunement, Ce n'est pas signes de guerir, Ains est en doute de morir. Li mires doit estre si sages
- 5192 Qu'il doit cognoistre les malages. Li mires, c'est li confesseres Ou li prelas, qui cognoissieres Soit des spirituelz malages,
- 5196 Si soit si discrez et si sages Qu'il sache les enfers guerir, Ne laist les pecheors morir En pechié por defaut de mire.
- 5200 Sache la cause et la matire

<sup>5165-72.</sup> se retrouvent aux vers 5397-5404.

<sup>5173—78.</sup> se retrouvent aux vers 5415—19.

<sup>5179—90.</sup> se retrouvent aux vers 5443—54.

<sup>5191, 92.</sup> A Des passez et des avenir, Et des presens qu'en doit venir.

<sup>5197.</sup> les enfers = "les malades".

<sup>5201.</sup> A malades.

- Dont li malages naist ou vient, Quar à savoir le li convient, S'il en veult bon jugement rendre,
- 5204 Si doit aus pecheors deffendre Quanqu'il voit qui lor est contraire, Et toute occasion soustraire De pechié, si lor contredie
- 5208 Toute mauvese compaignie, Quar en mauvès acompaignier Puet l'en perdre et non gaaignier. Mauvès sont qui les cuers esmouvent
- 5212 A mal faire et de bien les mouvent, Si doit cognoistre à lor samblance Les signes de lor consciance. Ypocras, mestres de phisique,
- 5216 Dist ou livre de pronostique Que li mires premierement Preigne garde ententivement A la contenance et au vis
- 5220 De l'enfert qu'il l'en est à vis. Pronostique, c'est droitement Signifiance ou moustrement Des choses qui sont à venir,
- 5224 A quel fin l'en en puet venir; C'est pris en pluiseurs leus assez Por les presens, por les passez. Ypocras note "meneor
- 5228 De cheval", ou "gouverneor". Li cheval, ce dist l'escripture, Si est d'atempree nature, Qu'en pais se tient paisiblement,
- 5232 Et en bataille fierement.

  Qui bien veult conduire et mener

  Cheval, si le doit enfrener:

  Ensi, ce m'est vis, puis je dire
- 5236 Dou bon confessor, dou bon mire.
  Aus regnes de discrection
  Doit conduire l'entencion
  De l'ame à egauté tenir,
- 5240 Qu'el ne core et puisse venir A male dissolucion, Qui la mete en corrupcion De pechié, dont David volt dire,

- 5244 Ou Psaultier, dou souverain mire: "Ses visages vit egalté", Quar Diex veult toute loiauté, Et bien aime atrempé corage,
- 5248 Qui persevere en bon usage.
  Egautez l'ame vivifie,
  Si est atrempemens de vie.
  Or doit donques li confesserres,
- 5252 Li bons mires, estre atremperres
  Dou malade, et sa conscience
  Cognoistre par sa contenence
  Et par les signes qu'il avra.
- Des neuf signes par qu'il savra
  De la mort ou de la santé,
  Dou pecheor ou dou tempté,
  Vous vueil dire l'entendement.
- 5260 Li premiers signes droitement De la guerison est la force Dou malade, qui bien s'efforce De bien souffrir sa maladie:
- 5264 C'est signes qu'il n'en morra mie. Li contraires est la feblesce Dou malade qui la destresce De son mal ne puet soustenir:
- 5268 C'est signes qu'envis puet venir A bon chief de s'enfermeté. Li malade sont li tempté, Qui à male temptacion
- 5272 Sont cheoit en corrupcion De pechié, mes desesperance Est mors, qui l'ame desavance, Quant homs a le cuer entechié
- 5276 De l'enfermeté de pechié. S'il est fors et perseverans En bien fais, c'est signes patans Et prouvé qu'il n'en morra point,
- 5280 Mes s'il est en si feble point Qu'il ne puisse son cuer atraire A nul bien comencier ne faire, C'est signes de desesperance,
- 5284 Qui à la mort d'enfer l'avance Et maine pour sa febleté.

<sup>5246.</sup> Les Psaumes de David, XI, 7. — égalté  $\equiv$  "équité". — C Des visages vint.

<sup>5260.</sup> Voir la note au vers 5118.

<sup>5273, 74. &</sup>quot;Desespérance" représente "mort".

Li secons est isneleté
De l'enfert qui legierement

- 5288 Se muet. C'est signes droitement Qu'il porra guerison avoir, Mes s'il est lens à soi mouvoir, C'est signes qu'envis puet guerir
- 5292 Et qu'il est en point de morir. Quant homs est en pechié cheüz, S'il est isnaus et tost meüz A soi ressordre et confesser.
- 5296 Cilz maulz ne le puet oppresser, Mes s'il a le cuer lache et lent, Si qu'il n'ait desir ne talent De soi ressordre et repentir,
- 5300 C'est mauvès signes, sans mentir.

  Li tiers signes, se bien m'en membre,
  Si est quant la face et li membre
  Sont tel et de tele coulour
- 5304 Com s'il n'eüst mal ne dolour: C'est signes qu'il respassera, Et li opposites sera Quant il est d'autre contenance,
- D'autre coulor, d'autre samblance Des membres qu'il n'ot ains esté, Quant il estoit en sa santé. La contenance et la color
- D'ame qui n'a mal ne dolor Est honestez de bone vie, Et quant li pecherres s'avie A soi mener honestement
- 5316 Et à vivre atempreement, Com s'il fust en estat de grace, Et se garde qu'il ne mesface Riens plus que s'il n'eüst pechié,
- 5320 C'est bon signes d'ome entechié De pecherresse maladie, Mes se li pechierres varie Sa vie et son contenement.
- 5324 Et vit plus deshonestement
  Qu'il n'avoit fet ou temps de grace,
  C'est signes que la mort le chace.
  Li quars signes est droitement

<sup>5286.</sup> Voir le note au vers 5128.

<sup>5301.</sup> Voir la note au vers 5135.

<sup>5326.</sup> A se chace.

- 5328 Quant il a bon apensement
  Et bon apetit de mengier:
  C'est signes qu'il puet alegier.
  Li quars signes a l'opposite
- 5332 Quant il a trouble l'esperite
  Et perdu son apensement
  Et son apetit ensement.
  Cil a bon sens et bon memoire
- 5336 Qui conseil veult oïr et croire, Quant il est bons et profitables Et droituriers et saluables. Bon apetit a, ce m'est vis,
- 5340 Qui volentiers met son avis A oïr la bone doctrine De saluable discipline, Qui est spirituel pasture,
- 5344 Qui l'ame tient en norreture, Mes cil a trouble le memoire Qui bon conseil ne deigne croire, Si a son apetit perdu.
- 5348 Qui tant a le cuer esperdu Que la vie, qui l'ame paist, Le grieve et anuie et desplaist, C'est apers signes, sans doutance,
- 5352 De mort et de desesperance. Li quins signes, si com j'entens, Quant bien, en convenable temps, Dort li malades et repose,
- 5356 Et bien li fait: c'est bone chose; Li quins signes est au contraire Quant en temps qu'il ne le doit faire Soumeille, et ce li grieve et nuit:
- 5360 C'est de jor et non pas de nuit. Bon repos prent et saluable Cil qui dort en temps convenable, De nuis, c'est en adversité,
- 5364 Quar cil qui a tranquilité
  De cuer en tribulacion,
  Et par grief persecucion
  Ne par anui qu'il ait eü
- 5368 N'a le cuer triste n'esmeü, En Dieu dort ses cuers et repose,

<sup>5327.</sup> Voir la note au vers 5145.

<sup>5330.</sup> A pot.

<sup>5353.</sup> Voir la note au vers 5153.

Et c'est signes de bone chose, Quar cil reposers li profite,

- 5372 Mes cil qui s'endort et delite En temps qui n'est pas convenables, Cilz dormirs n'est pas saluables, Ains est signes de dampnement.
- 5376 Cil dort desconvenablement
  Qui se delite aus vanitez
  Des mondaines prosperitez.
  Cilz dormiers n'est pas convenables,
- 5380 Ains est perilleus et dampnables. Qui plus s'i endort et delite, Plus li nuit et mains li profite. Li sisiemes est quant l'alaine
- Dou malade est souef et saine; Li contraires quant el li mue, Qui l'a mauvese et corrompue. Douce alaine a qui doucement
- 5388 Et par doulz amonestement
  Conforte et corrige et reprent
  Son prochain qui peche et mesprent,
  Mes qui l'a trop aspre et trop fort,
- 5392 C'est grans signes de desconfort. Aspre l'a qui trop asprement Corrige et punist cruelment, Sans pitié, sans amour divine,
- 5396 Ceulz qui sont en sa discipline. Li septiesmes quant egualment Li muet li pouz et soefment, Come il doit naturelment faire;
- 5400 Li septiesmes est au contraire Quant li pouz se diversefie Et desegalment se varie Grans et petis, faibles et fort:
- 5404 C'est uns signes de desconfort.

  L'egalté dou pouz signifie,

  Ce me samble, egalté de vie,

  Qui dou cuer doit nestre et mouvoir.
- 5408 Li bons cuers doit l'ame esmouvoir A bien vivre atrempeement, Mes quant li cuers diversement Desatrempe l'ame et la vie

<sup>5383.</sup> Voir la note au vers 5161.

<sup>5397.</sup> Voir la note au vers 5165.

- 5412 Et l'esmuet à fere folie
  Qui soit desordence et vilz,
  C'est mauvès signes, ce m'est vis.
  L'uitiesme est, à m'entencion,
- 5416 Quant il a fort decoction
  Et bien confit ce qu'il menjuë,
  Li contraires quant toute crue
  Rent la viande sans decuire:
- 5420 Ce li puet damagier et nuire. Trois decoctions sont, ce cuit, Où la viande ou cors se cuit: Ou stomac en est la premiere,
- 5424 L'autre ou foie, et la desreniere Gist en divers membres dou cors. Aillors l'ai dit, bien m'en recors. Quant la viande qui paist l'ame
- 5428 Se cuit bien en home et en fame Ou stomac de remembrement Primes, et puis secondement Ou foie de dilection,
- 5432 Et par bone operacion
  Tierce fois en metant à oeuvre,
  Je di que bien et forment oeuvre
  La vertus de decoction,
- 5436 Et c'est signe et opinion
  Que li pechans garisse et vive,
  Mes s'il a foible digestive
  Et si foible decoction
- 5440 Que nulle predicacion Ne l'esmueve à bone oeuvre faire, C'est signes de mortel contraire. Li nueviesmes est voirement
- 5444 Quant li malades droitement
  Et bien se purge par orine
  Et par suor comune et fine:
  C'est signes que c'est bone espurge;
- 5448 Mes quant li malades s'espurge Vilainement, contre nature, Ou s'il sue par aventure Parmi la teste solement,
- 5452 Non pas partout comunement, Ce n'est pas signes de guerir

<sup>5415.</sup> Voir la note au vers 5173.

<sup>5436-40.</sup> manquent dans C.

<sup>5443.</sup> Voir la note au vers 5179.

Ains est en doute de morir. Bien se purge et loablement

- 5456 Qui bien et convenablement Se confesse, et de tous pechiez Dont il set qu'il est entechiez Soit sa confessions entiere,
- 5460 Quar par suor particuliere Ne puet li malades venir A guerison. Qui retenir Et celer veult une partie
- De ses pechiez, je ne croi mie Que tel confession li vaille, Se la suour ne vient, sans faille, Comunement de tout le cors.
- 5468 Li malades n'est mie encors En point qui, en soi confessant, Dit l'un, et autre vet lessant, Sien essient et s'il l'en membre.
- 5472 Ce n'est pas bon. De chascun membre Doit la confession mouvoir. Confesser doit par estouvoir, S'il veult estre fors de doutence,
- 5476 Tout pechié, toute circonstance, Pour traire son malage à chief; Quant la suour vient seul dou chief, Ce vient de foiblesce dou cors,
- Ne par ceste suour encors Ne puet il guerison atendre. Par le malage puis entendre Le pecheour qui se confesse,
- 5484 Qui tout ne dist ne tout ne lesse. Li chiez note l'entencion. Quant il en sa confession Retient ce dont il li souvient,
- 5488 Qui fait à dire et qu'il convient Confesser, je di qu'il s'amuse. Ou, s'il en confessant escuse S'entencion en palliant
- 5492 Son vice ou, à son essiant, Taise le mal et le bien die, Je croi que de tel maladie Ne puet par tel suor guerir,
- 5496 Ains est em peril de morir.

<sup>5470.</sup> A Dit un et autre; C celant.

Ce n'est pas convenable espurge: Par tout sut et de tout s'espurge Par confesse, se guerir veult.

- 5500 Aucun sont cui la teste delt, Si vient en teste la dolor Ou d'enfleüre ou de chalor. Le chief, c'est li pensers de l'ame;
- 5504 La dolor vient quant home ou fame Ardamment desirre à avoir Mondaine honor, mondaine avoir. Dolor l'apel je voirement,
- 5508 Quar l'en a premierement A l'aquerre paine et traveil; Emprès a l'en cure et esveil, Soussi grant et paour ensamble
- 5512 En garder le, si com moi samble; Emprès a l'en tristesce et plor: S'on les pert en est ce dolor. Dolour est ce grant à devise.
- 5516 De la chalour de convoitise
  Vient dont que la teste se deult,
  Et qui de ceste dolor veult
  Respasser, oste la matire
- 5520 Et la cause qui si l'atire,
  S'ira la dolors alegant.
  Doigne et departe à povre gant,
  Por Dieu, la temporel richesce
- Dont li soussis le grieve et blesce. Qui veult alegier la dolour Qui ou chief vient par la chalor, Reë ançois la cheveleüre,
- Puis oingne son chief d'une ointure Que l'en apele "oile rose", Tant que tout l'en art et arrose. Ses chevolz ret qui de son cuer
- Cope et rooigne et giete fuer
  Toute grief superfluïté,
  Tout apetit de vanité.
  Bien oint son chief, c'est son penser,

5536 D'oile rosat, qui set penser

<sup>5498.</sup> sut, du verbe "suer".

<sup>5507—14.</sup> manquent dans C.

<sup>5529.</sup> Au vers 5558 se trouve l'expression: "oile violat"; cf. aussi 5536.

<sup>5531.</sup> C rest.

<sup>5536.</sup> C oile rose.

Les paines et les passions Et les griez persecucions Que li martir por Dieu souffrirent,

- 5540 Qui les biens dou monde despirent Et tout mistrent à non chaloir. Molt puet tele ointure valoir A refroidir cele chalour
- 5544 Qui fait nestre ou chief la dolour, C'est la chalour de convoitise, Qui le cuer embrase et atise. Cil qui sent ou chief la dolour,
- 5548 C'est ou cuer, de ceste chalour,
  Oindre le doit de ceste ointure.
  L'autre dolor vient d'enfleüre,
  Quant li chiez enfle à l'ome et deult,
- C'est à dire quant il se seult
  De ses biens fais outrecuidier.
  Malades est, au mien cuidier,
  Cil qui por ses bien fais s'orgueille.
- 5556 S'il est nulz qui ensi se dueille Et qui ait tel dolour en teste, D'oile violat, sans arreste, Oingne son chief pour alegier.
- 5560 Ceste oile puet assouagier
  Toute dolour qui d'enfleüre
  Vient ou chief. Ci a bone ointure:
  Ceste ointure est, par verité,
- 5564 L'oile de voire humilité,
  Qui tout orgeil fors clost et chace
  De cuer où il est, sans fallace.
  Ja, ce cuit, ne s'orgueilliroit
- Oui bien en son cuer penseroit
  Com li filz Dieu s'umilia,
  Mes une fausse ointure y a,
  Qui n'assouage pas le chief,
- 5572 Ains met l'ame à plus grant meschief.
  Qui desirre ceste onction,
  C'est l'uile d'adulacion,
  L'uile des faulz losengeors,
- 5576 Qui losengent les pecheors Et les loënt de quanqu'il font. Cest ocist et dampne et confont L'ame qui aime tele ointure.

<sup>5558.</sup> C D'oile vyole.

<sup>5567-84.</sup> manquent dans C.

5580 De ceste n'avoit David cure, Mes de l'uile d'umilité Et de parfaite charité S'oingne qui guerir veult, sans faille,

5584 Et gart que ceste ne li faille!
D'autre sont qui mal ont ou chief
Autre, qui trop met à meschief
Celui qui tel dolor endure.

5588 Trop est aspre et greveuse et dure Ceste maladie à cors d'ome. C'est uns maulz, ce cuit, que l'en nome "Vertin", por ce, se devient,

5592 Que tel dolour descent et vient Parmi la vertis de la teste, C'est ou somet, et tel moleste Fait au souffrant qu'il li est vis

5596 Que li chiez est en deus devis Et partis. Por tel maladie Convient que l'en estraigne et lie Le chief malade estroitement

D'une bende. Assouagement
 Fet à tel dolor tel loiüre.
 Par le chief, selonc l'escripture,
 Puis noter le penser de l'ame.

Par la vertis d'ome et de fame Puet l'en entendre droitement Raison, qui convenablement Gouverne l'ame et la pensee.

5608 Quant l'ame est sage et apensee A vivre raisonablement Et à sivre l'ordenement De raison, qui devise et part

5612 Le bien dou mal et les depart, Et met le mal à non chaloir, Et le bien prent, qui puet valoir, Et les bones affections

5616 Depart des cogitacions

<sup>5585,</sup> suiv.: "D'autres ont une autre maladie de tête", que le copiste de A appelle: "asvertin", celui de C: "vertin" (vers 5591). Godefroy traduit "vertin" par: "vertige". (VIII, p. 209), en citant plusieurs passages où l'on parle de cette "douleur de la teste" C'est plutôt la "migraine"!

<sup>5591.</sup> se devient = "peut-être".

<sup>5595.</sup> A en souffrant.

<sup>5600.</sup> C D'un bendel.

<sup>5601.</sup> A loiure: C liure.

Qui pueent torner à contraire, Ausi com la vertis seult faire, Qui les chevolz devise et part

- 5620 A destre et à senestre part,
  Ne sent mie ceste dolour,
  Mes l'ame qui par sa folour,
  Par son outrage et par son vice
- 5624 Et par sa dampnable malice
  Destraint la raison et devise
  En estas de diverse guise,
  Tant qu'ele est double et derrompue,
- 5628 Ce samble, a la vertis fendue.
  Qui guerir veult de tel dolour,
  C'est de si dampnable folour,
  Estroitement se lit et bende
- D'un linge drap ou d'une bende, C'est de saluable doctrine, Qui l'ame ençaint et endoctrine A raisonable entendement
- 5636 Tenir bien enterinement.

  Aucun sont qui sont blanc chenu;

  Aucun qui tuit sont chauve et nu

  Et tout ont sans cheveleüre
- 5640 Le front nu. Ceste chauveüre, Ce dist l'en, o la chanuesce, Vient de froidure et de foiblesce Phisique, et cil qui la maintienent
- 5644 Afferment que li chevol vienent

  Dou gros fum, qui est moiste et chault,

  Qui dou cors monte ou chief en hault,

  Et tant com cil funs monte et dure
- Vient et croist la cheveleüre; Tantost come il fault, de tous poins Li chevol, qui ou chief sont poins, Convient faillir et decheoir,
- 5652 Tout ausi com l'en puet veoir
  Des plantes que feuillir convient
  Quant la lor seve monte et vient,
  Et quant lor seve cesse et fine,
- 5656 La feuille lor chiet et decline, Mes puis c'oms a la teste nue

<sup>5634,</sup> suiv.: "La saluable doctrine ençaint et endoctrine l'âme à tenir bien enterinement à raisonnable entendement".

<sup>5636.</sup> Ce vers se trouve dans C à côté du vers 5635.

<sup>5645.</sup> fum = "vapeur". A écrit toujours: fun.

De la crine qu'il a perdue, Ja puis par chose qui aviegne

- 5660 Ne fera que li crins li viegne, Mes se cilz funs nest tous rompus Et qu'il soit tains ou corrompus D'aucun accident qui li vient,
- 5664 Le cuir taindre et muer convient Selonc ce que li funs se mue, Si a l'on la teste chanue, Ou d'autre color, se devient,
- 5668 Selonc ce que li funs devient,
  Mes si puet l'on trouver sans faille
  Aucun remede qui li vaille
  A ces chevolz tenir en point
- Ou au mains qu'il ne li meschiee,
  Tant que li crins dou tout li chiee.
  Si com j'ai dit autre feïe,
- 5676 Li chiez de l'ame signifie
  La pensee d'ome ou de fame.
  Noter puis par les crins de l'ame
  Les discretes affections,
- 5680 Les sages cogitacions

  Qui le penser tienent couvert,

  Que l'en ne voie à descouvert

  Ce que li cuers pense et propose.
- D'ame qui folement descouvre
  Tout son penser et toute s'ouvre.
  Ces discretes affections,
- 5688 Ces sages cogitacions
  Dou fum de porvoiance vienent,
  Si se nourrissent et soustienent
  De porvoiance voirement,
- 5692 Quar homs qui porvoiablement Pense et propose qu'il doit faire, Cele et couvre si son affaire Qu'il ne puet estre aperceüz
- 5696 Par si qu'il en soit deceüz, Mes homs cui porvoiance fault Ne puet restorer le default Des sages cogitacions.
- 5700 Quelz conseulz, quelz protections

<sup>5695, 96.</sup> manquent dans C. — Par si que = "de sorte que".

Puet secorre ne faire aidance A fol home sans porvoiance? Qui porvoiance n'a, sans faille,

- 5704 Par estouvoir convient qu'il faille Aus sages cogitacions, Si descouvre ses actions Et les propos de son corage
- 5708 Tant qu'il y a honte et damage, Mes s'aucuns n'a dou tout perdue Porvoiance, fors qu'el li mue Par aucunes mauveses mours,
- 5712 Si com par accident d'umours,
  Le gros fum dont li chevol vienent
  Por qu'il croissent, por qu'il se tienent,
  Li cors d'ome se change et mue,
- 5716 Por qu'il a la teste chanue
  Ou tainte en aucune autre guise,
  Selonc que li funs se desguise.
  Par la colour dou cuir, sans doute,
- 5720 Puet l'en savoir la cause toute Dont cele enfermetez li vient. S'il est chaulz et ses, il convient Que de cole rouge li viegne
- 5724 La cause qui le chief li tiegne,
  Si li puet l'en par medecine
  Secorre et garantir sa crine
  Qu'el ne taigne et qu'el ne corrompe
- 5728 Ou, seviaus, que dou chief ne rompe: Par citerne mirobaloine, Par violete et par aloine Puet l'en ses chevolz retenir,
- 5732 Qui ne veult chauves devenir.

  Ces trois choses et lor samblables

  Sont à tel medicine aidables,

  Quar, si com phisique recite,
- 5736 Citrins mirobalans profite
  Por faire esclarcir la veüe;
  Violete est humble et menue,
  Et aloigne est amere et fort.
- 5740 Grant avantage et grant confort

<sup>5705.</sup> A A sages

<sup>5718.</sup> C le devise.

<sup>5729.</sup> Le même remède est mentionné, sous une forme un peu différente, au vers 5736.

<sup>5732.</sup> Mss. S'il.

<sup>5736.</sup> Le même mot au vers 5729.

Font ces trois choses, sans doutance, A retenir la porvoiance, Por sauver les affections

- 5744 Les sages cogitacions,
  Que l'ame ne soit chauve et nue.
  Diligemment, o la veüe
  Dou cuer, doit cerchier le pechié
- 5748 Dont li penser sont entechié, Si les rejoïsse humblement Et s'en repente amerement, Et ces trois choses le garront
- 5752 Que li chevol ne li charront. Li chevol chieent voirement, Quant homs met son entendement, Sa pensee et son desirrer
- 5756 Aus terriens biens desirrer, Mes bien a sa cheveleüre Enracinee à sa droiture Cuers qui s'aferme et s'enracine
- 5760 A penser à l'amour divine Et aus souverains biens aquerre, Non pas aus vains delis de terre. Jamais vielle ne devendroit
- 5764 L'ame qui si se contendroit.

  Ne seroit foible ne enferme,

  Mes joenne et saine et fort et ferme,

  Parfaite en toutes bones mours.
- 5768 Or vous ai dit des quatre humours Et de l'ame la medecine; Temps est que je me rachemine A l'exposicion dou conte,
- 5772 Si com Pitagoras le conte, Qui dist que tout se vait changent L'estat et l'estre de la gent Et dou siecle meïsmement.
- 5776 Li siecles fu premierement
  D'or, puis d'argent et puis d'arain
  Et puis de fer. Le premerain
  Furent li saint martir, ce cuit,
- 5780 Qui comme or fin furent, et cuit
  Ou feu de tribulacion.
  Rouge furent par passion
  Et par charité pure et fine,

<sup>5749.</sup>  $rejo\"{i}sse = regehisse$  (leçon de C). 5767—5844. manquent dans C.

- 5784 Et sonans par bone doctrine,
  Dont tout le pueple endoctrinerent
  Et sainte Yglise enluminerent.
  Emprès vindrent une autre gent,
- 5788 Qui resamblerent blanc argent: Li saint confessor qui puis vindrent, Qui honestement se contindrent Et biaux, en pure neteé
- 5792 Et en blanchour de chasteé, Si resonerent par douctrine De saluable discipline. Emprès vindrent li soneor
- 5796 Et li mestre buisineor, Qui furent samblable à arain, Mains vaillant que li premerain, Gens sans valour et sans raison,
- 5800 Qui n'ont sans plus que le reson De doctrine, et par aparance Furent de bele contenance, Plus en apert qu'en recelee.
- 5804 Or est la chose tant alee Que chascuns a le cuer ferré, Dur et rebelle et si serré Que riens ne les puet amolir.
- 5808 Li uns veult à l'autre tolir, Et li plus fort, soit tort ou droit, Ont la seignorie orendroit; Et tel qui orent ains esté
- 5812 Fort et ferme en estableté
  De creance et de voire foi,
  Sont orendroit plain de bouffoi,
  Plain d'orgueil et plain de malice,
- 5816 Plungiez en parfondor de vice; Et tel furent plain de pechié Qui tuit sont are et ensechié Par confesse et par repentance,
- 5820 Et l'autre de ferme esperance Remest au mont contemplatis; Et tel furent superlatis Par honeste vie et sans vice,
- 5824 Qui or sorondent en malice; Et tel furent plain de gaité, De droiture et de loiauté, Qui sont abessiez et demis
- 5828 Es vaulz à ordure à devis:

Et teulz fu jadis plains d'umors, Plains de grace et de bones mours, Qui or a le cuer ensechié;

- 5832 Et teulz fu jadis en pechié, Qui plains est de grace et d'umour, Habondans en divine amour. Tel chose iert jadis bien à faire,
- 5836 Qui seroit dampnable et contraire A ceulz qui faire la vodroient, Et qui au faire pecheroient. Tel furent ancienement
- 5840 Humble et devot, qui hautement Sont ore eslevé par bobance, Par orgueil et par sorcuidance, Qui si lor sont ou cuer bouté
- 5844 Qu'il n'en porroient estre osté. En terre a diverses rivieres Et fluns de diverses manieres. La fontaine au vrai Sauveor,
- 5848 Au douz, al humble Rembeor, Qui por son pueple delivrer Se vault en crois à mort livrer, C'est charitez parfaite et pure
- 5852 Et de merveilleuse nature, Qu'ou midi de prosperité Est de si grande frigité Que riens ne la puet entiedir,
- 5856 Ne nulz ne la puet refroidir En la nuit de temptacion, Ou temps de tribulacion. Autres flueves à grant habonde
- 5860 Court il assez par mi le monde D'autre nature et d'autre guise: Li fluns d'avere convoitise, Cil d'envie et d'ipocrisie,
- De luxure et de lecherie,
  De glotonie et de perece,
  D'ire et d'angoisseuse tristesce,
  Qui par lor mal atouchement
- 5868 Muent les cuers diversement, Quar li uns les embrase et cuit Et li autres, si com je cuit,

<sup>5832.</sup> Il faut peut-être lire: "en sechié".

<sup>5852.</sup> A Est.

Les rent plains de maleürté,

5872 · De partinace et de durté; Li autres les dore defors, Quel qu'il soient dedens le cors; Li autres les soulle et honist;

5876 Li autres les enfelonist Et met en rancuneuse rage; Li autre enyvrent le corage Si qu'il n'i a sens ne mesure;

5880 Li autre font que l'en n'ait cure De leësce ne de confort. Aucun sont ore ferme et fort, Qui jadis soloient floter

5884 Aus flos d'ignorence et douter De la foi, qui fermement croient Et pour riens ce ne mescreroient Où lors fois se vait aherdant.

5888 Ethna, cele montaigne ardant,
N'ardra pas pardurablement.
Aucun croient certainement
Que sous la montaigne d'Ethna

5892 Siet enfers, por cui "Gehenna"
A nom cele ardant cheminee
Dont sault la flame et la fumee
Qui là pert assiduelment.

5896 Emprès le jor dou Jugement, Quant li siecles sera jugiez Et tous les felons trebuschiez, Ame et cors, en l'infernal flame,

5900 La montaigne qui fume et flame Porra lors cesser, se devient, Par li cros dont la flame vient; Ou, pour moustrer apertement

5904 Qu'encor n'est pas outreement L'infernal paine enterinee, Si bee, espoir, la cheminee Pour recevoir ceulz qui vendront;

5908 Ou, pour ce qu'aucun i prendront Signe et example à eulz retraire

<sup>5872.</sup> partinace, ou: pertinace (C), est ici un substantif, au sens de "pertinacité" == "obstination". Le même mot au vers 6293.

<sup>5892</sup> A Gehentna; C Jehenna.

<sup>5902.</sup> Mss. Quar; C li cuers.

<sup>5908.</sup> C Et.

De felonie et de mal faire, Que là ne soient herbergié

- 5912 Où li felon sont enfergié A paine et à male aventure, Sera lors clos par aventure, Si qu'oultre ne porra saillir
- 5916 La flame et l'estouvra faillir.
   Je ne quier metre alegorie
   En ce que l'auctors ne croit mie
   Qui puisse estre à voir amené:
- 5920 Des homes qui sont empené
  Et de plume ont le cors velu
  Por eulz plungier en la palu,
  Ne des sorcieres ensement
- Qui volent par enchantement.
   Des entrailles d'un mort toriau,
   Ce sevent aucun pastoriau,
   Nessent les cortoises mouchetes,
- 5928 Les ez, qui succent les floretes Por traire ent le miel et la cire. Sor la mort et sor le martire Dou tor qui por nostre malice
- 5932 Fu mis à mortel sacrefice, C'est li filz Dieu, qui por les siens Mori, se fonda li essiens Des apostres, des prescheours
- 5936 Et des mestres enseigneours,
  Qui succent la Sainte Escripture
  Et les flours de la letreüre,
  Por traire ent miel et cire ensamble,
- 5940 C'est à dire, si com moi samble, Le sens de la sainte doctrine Qui l'ame paist et enlumine. Li escharbos naist de l'entraille
- 5944 Des chevaulz morans em bataille. Cheval sont, selonc l'escripture, Gens sans raison et sans mesure, Sans sens et sans entendement,
- 5948 Qui porrissent come jument

<sup>5910.</sup> C traire.

<sup>5915.</sup> A Si contre.

<sup>5917,</sup> suiv.: allusion aux vers 951, suiv.

<sup>5924.</sup> A vuelent; C vueillent.

<sup>5934.</sup> Essiens veut dire, sans doute: "essaim".

<sup>5938.</sup> C lecture.

Aus ordures et aus viltez, Aus vaines superfluïtez Des mondains biens dont il engressent.

- 5952 Li escharbot des chevaus nessent,
  Quar, sans doute, il ne souffist mie
  Aus gloutons de la glotonie
  Qu'il font par eulz, mes plus mesprenent,
- 5956 Quar il enseignent et aprenent A lor petis escharbotiaus, A lor filz, à lor crapotiaus, A sivre lor mauvese vie,
- 5960 Lor ordure et lor gloutonie
  Et lor despite contenance,
  Et cil qui dès lor tendre enfance
  Se prenent à vivre ordement,
- 5964 Vivent plus dissoluement
  Que li plus ainsné, ce m'est vis,
  Et plus est lor vie orde et vis,
  Corrompue et plaine d'ordure
- 5968 Et de pullente porreture.

  Noter puis par l'escreveïce

  Les desloiaus, plains de malice,

  Qui ne cessent de reculer,
- 5972 Quar quant plus devroient aler A la mere de sauvement, Plus s'en esloignent folement. Qui à ces pecheors felons,
- 5976 Qui toujours vont à reculons, Soustreront les piez, c'est à dire La force et le pooir d'afflire Et de faire à autrui damage,
- 5980 Ja ne perdroient le corage Ne le mal penser qu'il avroient, Mes par blandices decevroient Par devant, come escorpion,
- 5984 O langue d'adulation, En chuant et en losengant, Et derriers poindroient la gant, En procurant lor mesestance
- 5988 O l'aguillon de decevance
  Et de fausse detraction.
  Tel gent samblent escorpion,
  Qui devant par losenges oignent
- 5992 Et derrier par traïson poignent. Li papeillon ort et fieuz

Notent les vilz luxurieuz, Qui des gloutes chenilles issent,

- 5996 Quar cil qui soëfment norrissent
  Lor charoigne vilz et honie
  Et entendent à glotonie,
  Quant plus ont gras le ventre et plain,
- 6000 Plus tost abandonent de plain
  Lor grasse charoigne à l'ordure
  De puterie et de luxure.
  De la bourbe nessent les raines,
- 6004 C'est les langues vis et vilaines
  Des mençongiers, des menteors
  Et des mesdisans detreors,
  Qui ne cessent de ramposner,
- 6008 De detraire et de jargoner,
  De dire despit et laidure.
  Teulz gens se norrent en l'ordure
  D'envie et d'aïneus pechié,
- 6012 Dont il ont le cuer entechié, Qui les fait jengler et debatre. L'ourse, qui engraisse par batre, Signifie les sains disciples,
- 6016 Qui lor cors mistrent à dissiples Por la douçour de paradis, Et quant plus estoient jadis Por Dieu tourmentez et laidis
- 6020 Li saint ou de fais ou de dis, Tant estoit plus ferme et plus fine Lor pensee en l'amor divine. Li oiselet et li faon,
- Oui ne sambloient c'un braon
  De char rude quant il nessoient,
  Sont cil qui se convertissoient
  Par lor bon amonestement,
- 6028 Qui estoient premierement
  En la foi rude et non parfait,
  Mes si com l'ours forme et parfait
  Ses faons par son lechement,
- 6032 Ausi par le precheëment

  Des sains, qui les endoctrinoient,

  Forme et perfection prenoient,

  Tant qu'il estoient bien formé

<sup>6009, 10.</sup> C Tel gent se nourist en l'ordure, De gloutonie et de luxure. Pour la forme norrent, cf. Meyer-Lübke, Gr. d. L. R., II, § 201.

- 6036 En la creance et conformé.

  Les ez sont li contemplatif,

  Li parfait, li superlatif,

  Qui toute ont lor entencion,
- 6040 Lor cuer et lor affection
  En la douçour, en la dilice
  De l'amour Dieu, qui toute espice
  Sormonte et toute soauftume,
- 6044 Qui tout enlumine et alume
  Et tout paist cuer qui s'i delite,
  Mes gent si fine et si eslite
  Ne puet estre au commencement
- 6048 Qu'il pas aient premierement
  Si haute contemplacion
  Ne si devote affection,
  Quant il sont de nouviau formé
- 6052 Et en la foi Dieu conformé,
  Mes par demore, au chief dou temps,
  Lor puet venir, si com j'entens,
  Eles de contemplacion
- 6056 Et piés de fine affection,
  Et tant se parfont et profitent
  Que tuit se pessent et delitent
  En la douceur et ou penser
- 6060 Des devins secrez recenser,
  Et les flours de toute escripture
  Convertissent à la culture,
  A la loënge et à l'onor
- 6064 De Jhesucrist, nostre Seignor.
  Par les oisiaux, qui hautement
  Volent, puis noter droitement
  Toutes les gens de haut estage
- 6068 Qui tant ont eslevé corage Qu'il sormontent le monde et folent Et sus en l'air montent et volent Par haute contemplation,
- 6072 Si ont lor conversacion
  Aus cieulz, où lor cuer se delitent,
  Qu'aillors ne mainent ne n'abitent.
  Aigle de haut entendement,
- 6076 Paön de biau contenement, Colon de simple humilité

<sup>6045.</sup> C Et plaist au cuer.

<sup>6048.</sup> C Que pas. — "pas" serait de trop dans une construction moderne.

<sup>6076.</sup> C viel.

Et de douce benignité, Sans fiel de rancune et d'envie:

- 6080 Gent de tel estre et de tel vie Vient de cuer enterin et ferme, Qui se cove et eschaufe et germe En charité parfaite et fine,
- 6084 Et tant pense à l'amour divine Et aus celestiaus delis Qu'es cieulz est ses nis et ses lis. Tel gent puet hautement voler
- 6088 Et le mont sousmetre et foler. Gent qui le cuer ont espendu En divers leus et souspendu Aus seculieres vanitez,
- 6092 Plaines de curiositez,
  Ne pueent pas ensi voler,
  Ains les sieult sousmetre et foler
  Li mondes, qui tant les aterre
- 6096 Que tous lors cuers est mis en terre.

  De l'eschine de l'ome mort

  Et mis en terre emprès la mort

  Puet li serpens resourdre et nestre.
- Of Puis que li filz au roi celestre, Vrais Diex et vrais homs, Jhesucris, Fu, si com diënt les escris, Selonc la char mors et demis
- 6104 De crois et en sepulcre mis, Li sages serpens sans malice, Qui mist jus sa mortel pelice Sous l'angoisseuz destroit de mort,
- 6108 De l'eschine de l'ome mort
  Fu formez merveilleusement
  Et ressours glorieusement,
  Quar la char morte et enterree
- 6112 Et sous deus pierres enserree Ressourt plus pure et plus vivable, Plus clere et plus escalorjable Qu'el n'ot esté premierement.
- 6116 Celui fil Dieu meïsmement, Qui se lessa crucefier,

<sup>6081.</sup> C Vienent de cuer et bon et ferme.

<sup>6087.</sup> C pueent.

<sup>6096.</sup> C Ont mis.

<sup>6105.</sup> Le serpent représente ici le Christ.

- Puet li phenix signifier. Quant cinq siecles furent passez
- 6120 Puis que li mons fu compassez, Jhesus, vrais phenis sans pareil, Fist son ni et son apareil Sor le hault palme de droiture,
- 6124 C'est en la Vierge nete et pure, Qui de toutes vertus fu plaine, Où la deïté souveraine Volt descendre et soi aombrer
- 6128 Pour nous reembre et descombrer. Ce fu li douz nis plains d'espices, Plains de douceur, plains de delices, D'encens, de mirre et d'aroment,
- Où li vrais Phenix se coucha,
  Et quant li termes aprocha
  Qu'il por nostre redemcion
- Volt souffrir mort et passion, En l'arbre de la crois mori, Mes onc la mort ne seignori Sus lui, quar il resuscita
- 6140 Et l'umain lignage acquita
  Dou viel mors de l'amere pome
  Qui mist à mort le premier home
  Et le siecle à perdicion,
- 6144 Et quant sa resurrection
  Fu manifestee et seüe
  Et la veritez fu creüe
  De ceuz qui en doute en estoient,
- 6148 C'est des apostres qui doutoient Par mescreance et par foiblesce, Que veüe orent la destresce De la mort qu'il avoit soufferte,
- 6152 Il s'en monta, c'est chose aperte, Aus cieulz, en gloire pardurable, O Dieu, le Pere esperitable, Où il regne en eternité,
- 6156 Et là porta l'umanité
  Qu'il traist dou ventre de sa mere,
  Et là mist il le premier pere,
  Adam, dont il prist char humaine.

<sup>6119.</sup> Le copiste de A a écrit lui-même à côté de ce vers: "id est sinq cent ans". Le ms. C écrit: "Quant ou siecle furent passés", ce qui n'a aucun sens.

<sup>6132.</sup> caise = xaoia, une espèce de cannelle.

- 6160 En cele cité souveraine Refu sa Vierge mere assise Lez lui, vrai soleil de justise. Hyena, qui diversefie
- 6164 Son estat, note et signifie
  Une gent qui contre nature
  Se desguise ou fet de luxure,
  En fesant dou malle femele
- Ou de la feme malle, et cele
  Ou cil qui ce font, ce m'est vis,
  Sont trop abhominable et vis,
  Et Diex het tel commixtion.
- 6172 Li ploviers, c'est gamaleon,
  Qui de vent et d'air se pasture
  Et vit, sans nulle autre pasture,
  Et quanqu'il atouche il se taint
- 6176 Et colore en samblable taint
  Que la chose à quoi vait touchant,
  Signifie une fole gant,
  Qui se vait pessant de frivoles,
- 6180 De vanitez et de ventvoles, Qui losenges vont controuvant Si ne font que pestre le vant, C'est les vaines losengeries
- 6184 Et les venteuses jengleries
  Que li losengier lor aportent,
  Où il s'amusent et deportent,
  Et par chascune jenglerie
- 6188 Qu'en lor dit lor cuers se varie
  Et se conferme en consentant
  A la losenge dou mentant.
  Li lins note les porvoians,
- 6192 Les sages et les clers voians, Qui tant ont cler entendement Et tant voient parfondement Que nulz ne les puet decevoir
- 6196 Qu'il nel puissent apercevoir.

<sup>6166.</sup> Ou fet de = en fait de = "pour ce qui regarde; par rapport à".

<sup>6180.</sup> ventvole, ou: venvole = "chose futile".

<sup>6182.</sup> C Qui.

<sup>6183.</sup> C Sont.

<sup>6184.</sup> C malvaises.

<sup>6188.</sup> Mss. dist.

<sup>6190.</sup> C loenge.

<sup>6192.</sup> C cler veans.

<sup>6196.</sup> C Car ne les pueent.

Gent si sage et si porvoiable Ont si le cuer ferme et estable Qu'il ne font riens qui preu ne tiegne,

- 6200 Quelconque apetit qu'il lor viegne.
  Par le coral puet l'en entendre,
  Qui sous yaue est vergete tendre
  Et en l'air, fors de la marine,
- 6204 Est pierre fort et dure et fine, Que cil ou cele qui affonde Son cuer aus amers flos dou monde Est si foibles et si muables,
- 6208 Si moulz, si vains, si flechissables
  Qu'il se flechit muablement
  Selonc les divers mouvement
  De fortune propre ou contraire,
- 6212 Mes cil qui set son cuer forstraire Des vaines fluctuations Des mondaines temptacions Et hautement en Dieu s'afferme,
- A cuer si estable et si ferme
  Que riens ne le puet esmolir
  Ne son ferme propos tolir.
  Trop y avroit longue escripture,
- 6220 Se tous les secrez de nature Voloie mot à mot espondre Où sens que l'en i puet espondre, Por moustrer causes raisonables
- Oue tous li siecles soit muables, Ne je ne sui pas si discrez Que tous les natureuz secrez Puisse atraire à moralité.
- 6228 Porquant il a poi recité, Ce m'est vis, en toute la fable Que je n'aie en aucun samblable Exposé convenablement
- 6232 En divers leus diversement,
  Si m'en vueil or atant tenir.
  Por plus tost mon conte fenir
  M'en vueil outre passer briement.
- 6236 Tout trespasse finablement
  Fors bienfais, mes qui bien fera
  Finablement le trouvera,
  Et qui fera mal ensement

<sup>6202.</sup> C soubz aage.

<sup>6208.</sup> C Si mas.

- 6240 Saulte en avra finablement,
  Dont doit chascuns son cuer atraire
  Au mal lessier et au bien faire
  Et à amer fraternité.
- 6244 Ainge l'un l'autre en charité. Ne doit li uns l'autre mengier Ne destruire ne damagier, Quar nous somes tuit en Dieu frere,
- 6248 Qui tuit somes crié d'un Pere.

   Par Numa pueent estre pris
  Li saint prodome de haut pris
  Qui furent ancienement:
- 6252 Saint Anestaise et saint Climent, Saint Silvestre et saint Boniface Et les autres sains plains de grace De Dieu, qui bien et sagement
- Maintindrent le gouvernement De l'Iglise de Rome et furent Si saint, si sage come il durent A tel gouvernement avoir.
- 6260 Em pais tindrent, par lor savoir, L'estat de sainte Yglise, et firent Les drois et les canons escrire, Dont la fois fu puis maintenue.
- 6264 Moult fu sainte Yglise esperdue,
  Quant elle ot teulz espous perduz.
  Moult fu li pueples esperduz
  Qui perdi teulz gouverneors,
- 6268 Et par les faulz empereors,
  Qui la laie poissance avoient
  Et les ydoles cultivoient,
  Souffri mainte angoisse et mainte ire
- 6272 Sainte Yglise, et par grief martire Furent maint des sers Dieu malmis Par les mains de lor anemis, Dont li un furent detrenchié,
- 6276 Li autre tuit vif escorchié, Li un par terres et par vaulz

<sup>6244.</sup> C Aime.

Apès le vers 6248, le copiste du ms. A insère le vers 1229, par lequel commence le récit de la mort de Numa.

<sup>6262.</sup> C escripre. Serait-ce la bonne leçon? A donne ecrirent, ce qui est plus correct comme rime, mais certainement moins satisfaisant au point de vue du sens. J'ai préféré la lecon de C.

Detrais et derons à chevaulz, Si com sains Ypolites fu.

- 6280 Pour ce qu'il mistrent en refu La mescreance et le desloi De la fausse paiene loy, Dont li pluisor orent esté
- 6284 En fausse mescreableté.

  Sor la mer de dampnacion
  Est li chiez de perdicion,
  Li felons moustres merveilleus,
- 6288 Li tors orribles, orgueilleus, Li bues marins, li vilz dyables. Par leus divers et desvoiables, Par mons d'orgueil et d'arrogance
- 6292 Et par roiches de mescreance,
  De partinace et de durté
  Et par trous de maleürté
  Faisoit par ses amusemens,
- 6296 C'est par ses faulz enticemens,
  Lor charneulz chevalz embrever,
  Por les ames perdre et grever,
  Tant que par devin jugement
- 6300 Furent mort spirituelment,
  Et paine infernal encorroient,
  Tel com li felon qui moroient
  En lor fausse incredulité,
- 6304 Mes la piteuse deïté

  Lor fist remede et medecine,

  Et li Mires de franche orine,

  Li filz Dieu, qui à home mort
- 6308 Puet doner remede de mort,
  Qui por les mors vivifier
  Lessa sa char crucifier,
  Les recuscita par sa grace,
- 6312 Malgré la fraude et la fallace Dou Sathan, qui pris les tenoit, Tant que de Dieu lor souvenoit, Si recognurent l'ignorance,
- 6315 L'errour et la fole creance
  Où dyables les tenoit pris,
  Et ce qu'il avoient mespris
  Amenderent par repentance,

<sup>6280.</sup> A qu'il mistrent; C que il mist. Comment choisir entre ces deux leçons?

<sup>6287.</sup> Allusion au monstre marin qui causa la mort d'Hippolyte.

<sup>6293.</sup> Pour le mot "pertinace", cf. le vers 5872, note.

- Or Venans à la recognoissance
  De Dieu, qui de morteulz perilz
  Les ot delivrez et gueris,
  Si fu lor conversacion
- 6324 Par la regeneracion
  Dou baptoisme renouvelee
  Et lor vielle vie celee
  Au Sathan, qui par tel muance
- Ot d'eulz perdu la cognoissance Et lor viez noms, qui iere escris En son registre, en ses escris, Lor fu deposez et demis,
- 6332 Et pour ce que li enemis
  Ne les peüst achoisoner,
  Diex lor volst nouviaus nons doner,
  Qu'il escrist ou livre de vie,
- Gasoit ce que, je n'en dout mie, Qu'aucun outreement morirent Qui de cors et d'ame encorirent Mortel sentence et descendirent
- 6340 Ou tenebreus enfer, si virent La paine que les attendist, Se Diex ne les en deffendist, Qui de mort les resuscita
- 6344 Et de tenebres les gita,
  Si les remist en vie arriere,
  Por la grace et por la priere
  D'aucuns sains, qui ce li requistrent,
- 6348 Et des lors en avant se mistrent A Dieu servir outreement, Bien et bel et devotement, De cuer humble et devot et fin,
- 6352 Perseverans jusqu à la fin, Si que Diex lor guerredona Lor bienfais et si lor dona Honor divine et pardurable
- 6356 Aus cieulz, en gloire esperitable, En guerredon de lor servise. Or retrait l'on en sainte Yglise Lor bienfais, et come il vesquirent

<sup>6328.</sup> C Ot perdue.

<sup>6329.</sup> C qu'il ot escrips.

<sup>6330.</sup> manque dans C.

<sup>6332.</sup> Après ce vers, C ajoute: "Qui a mal faire est ententiz".

<sup>6333.</sup> A le peust; C leur peust.

- 6360 Ains et puis qu'il se convertirent, Et come il por lor sainte vie Ont gloire et honor desservie, Por l'autre pueple endoctriner
- 6364 Come il doit vivre et soi mener En ce sec val plain de misiere, Et sainte Yglise fu riviere Et fontaine d'ablucion,
- Ouar par la predicacion

  Des sains prestres, des sains rectors,

  Des sains peres et des doctors,

  Qui jusqu'à mort la deffendirent,
- 6372 Par tout le monde s'espandirent Li ruissiaus de ses sacremens Et de ses endoctrinemens, Dont l'en use comunement,
- 6376 Qui durront pardurablement.

   Par Ypolite ou par Virbie,
  Si com dist l'autre alegorie,
  Puet l'en les convertis entendre,
- 6380 Qui por sainte Yglise deffendre Souffrirent mort et passion, Et par la predicacion De sainte Yglise s'esbahirent
- 6384 Tant qu'à la foi se convertirent.
  Il s'esbahirent voirement,
  Ausi come ancienement
  Fist li Tirrenians agrestes,
- Gass Quant vit en terre entre les glestes
  Une gleste par soi mouvoir
  Sans mouveor et forme avoir
  D'ome vif, et Tages ot nom,
- 6392 Sage devin de grant renom.
  Li agrestes Tirrenians
  Note les pastours ancians,
  Cui Diex fist revelacion
- 6396 De sa sainte incarnacion, Quant il deigna naistre de cele Qui fu Vierge mere et pucele. C'est la vert gleste voirement,
- 6400 Qui par charnel atouchement Ne fu meüe n'atouchie.

<sup>6369.</sup> A paistres.

<sup>6370.</sup> A des sains rectors.

<sup>6376.</sup> Après ce vers, A répète les vers 1453, 54.

C'est la beneoite acouchie, Qui en ses vierges flans porta

- 6404 Le devin qui nous aporta
  Pais et joie et redempcion,
  C'est Dieu, qui sans corrupcion
  Et sans charnel atouchement
- 6408 Vault prendre en terre nessement, C'est de la terriene cele Dou ventre à la Vierge pucele. Ce fu la gleste verdoiable,
- 6412 Ce fu la hanste florissable En cui Diex se volt aombrer Por tout le siecle descombrer, Dont joie est en terre venue.
- 6416 —Cippus, qui la teste ot cornue, Puet le fil Dieu signifier, Qui se lessa crucifier Pour tout le monde garantir.
- 6420 C'est cil qui où chief volt sentir
  Les cors de la crois, et les poins
  O les pieds ot perciez et poins
  En crois por tout l'umain lignage,
- 6424 Si volt seulz son cors metre en gage Por tous les autres aquiter, Et mal souffrir pour profiter Au monde, et la maleïçon
- 6428 Prist sor soi por beneïçon Rendre à ceulz qui perdu l'avoient, Les cui cornes signifioient Grant mistere et grant seignorage
- 6432 Qu'il avoit sor humain lignage.
  C'est cil qui de soi proprement
  Fist sacrefice et sacrement
  En muant le pain et le vin
- 6436 En char divine, en sanc devin. Ce fu cil qui se volt offrir Come humble oëille à mort soffrir Por toute gent vivifier,
- 6440 Si se lessa prendre et lier A l'estache et batre asprement.

<sup>6411.</sup> A ydorable.

<sup>6421.</sup> C Le corps. — Les cors = "les cornes", puisqu'il s'agit de Cipus.

<sup>6422.</sup> A O les ot; C Ou les pieds ot.

<sup>6423.</sup> C por tant.

<sup>6431.</sup> A mixtere.

- C'est cil qui glorieusement Vainqui son felon adversaire.
- 6444 C'est cil que li pueples dut faire Roi terrien, mes il ne volt, Quar mielz voloit, o cuer devot, Servir au monde et asservir
- 6448 Son cors que faire soi servir.

  C'est cil que li Juïf queroient

  Por metre à mort, mes ne pooient

  Contre son voloir aprochier
- Oui de gré se volt reveler

  Vers eulz, si dist, sans riens celer,

  Que c'estoit cil qu'il demandoient.
- 6456 C'est cil entour cui murmuroient
  Li Juïf plain d'iniquité.
  C'est cil qui fors de la cité
  Fu menez por paine et mort traire
- 6460 En la crois, ou Mont de Calvaire. Cornus fu, c'est: crucifiez, Si fu ses cors glorifiez, Et ses cornes, come à seignor,
- 6464 Furent en souveraine honor.

  C'est cil qui de terre a conquise

  Tant com li chars de sainte Yglise,

  Li buef et li laboreour,
- 6468 C'est à dire li prescheour,
  Porront tant com cis siecles dure
  Atraire à la cultiveüre
  De Jhesucrist et de son nom.
- 6472 Li faulz Juïf, vueillent ou non, Virent ses cornes honorees, Qui or sont paintes et dorees Aus yglises communement,
- 6476 En signe et en remembrement
  De la crois où cil deigna pendre
  Qui por tout volt son sanc espendre,
  Por doner lor vie et repos.
- 6480 Or venons à nostre propos.

  Cil qui jadis se convertirent

  A la vraie foi s'esbahirent

  Ausi com les pastours à qui
- 6484 Diex, qui de la Vierge nasqui, Revela son saint nessement,

<sup>6455.</sup> A cil qui demandoient.

- Quar li pastour joieusement Son saint nessement anoncierent,
- 6488 Et li saint convers preëchierent Que Diex iere en terre venus Et pour son pueple homs devenus, Si s'esbahirent ensement
- 6492 Com cil qui vit nouvelement Sa seche lance verdoier Et florir et fructifier, Quar eulz, qui ains furent sechié
- 6496 Par secheresce de pechié, Verdirent par grace et florirent, Et fruit de bones oeuvres firent, Et maint par lor bon examplaire
- 6500 Se convertirent à bien faire, Si s'esbahirent tierce fois, Com cil qui fu pendus en crois Por tous reëmbre ses amis.
- Et cil s'i furent à mort mis,
  Et pour sainte Yglise deffendre
  Lessierent lor saint sanc espendre.
   Jadis en la cité de Rome
- 6508 Furent dui prince, vaillant home, Qui molt chierement s'entreamoient, Com cil qui molt s'apartenoient. Poissant furent et renomez.
- 6512 L'uns des deus fu Titus nomez, Et l'autre ot nom Vespasciens, Si com je l'ai des anciens Oï raconter et retraire.
- 6516 Li uns d'eulz ot un grief contraire, C'est une male maladie, Qu'en dist "liepre" ou "mesclerie", Dont tous iert atains et porpris
- 6520 Et tout en ot le cors souspris, Dont il estoit moult afolez Et tous li pueples adolez. Chiez ce prince ot une pucele,
- 6524 Cortoise et sage damoisele, Qui venue ert de Galilee.

<sup>6503.</sup> C Pour racheter les siens amis.

<sup>6506.</sup> Après ce vers, le copiste de A répète les vers 1613-15.

<sup>6513.</sup> A Vapasciens; C Vaspasiens.

<sup>6519.</sup> A entains.

<sup>6521.</sup> A Dont moult en estoit.

- Cele ot oï la renomee Des miracles que fais avoit
- 6528 Li bons Mires qui tout savoit Garir de toute maladie, Li filz à la Vierge Marie, Si dist: qui trouver le porroit,
- 6532 Certainement il secorroit
  Le prince enferm de son malage.
  Tantost furent quis li message
  Qui en Jherusalem iroient
- 6536 Et de ce saint mire enquerroient Nouveles tant qu'il le trouvaissent Et à Rome o eulz l'amenaissent, Por saner le prince et guerir,
- 6540 Mes ja l'avoient fet morir
  Li fel Juïf, qui pendu l'orent.
  Li mes vindrent al ains qu'il porent
  En Jherusalem la cité,
- 6544 Pour enquerre la verité,
  Se le saint mire trouveroient,
  Que pour lor prince requeroient,
  Et puis que nouvele en enquistrent,
- Assez trouverent qui lor distrent
  De sa vie et de son affaire
  Et des miracles qu'il seult faire,
  Qu'o sa parole solement
- 6552 Garissoit tout comunement
  De quelque engrote qu'il eüssent,
  S'avugle ou sourt ou liepreus fussent.
  Les mors meïsmes à delivre
- 6556 Faisoit il resordre et revivre, Mes par envie et par desloi L'ont cil de la juïve loy Mis en crois à mortel torment.
- 6560 Molt s'en adolerent forment
  Li message et si enqueroient
  Diligamment s'il trouveroient
  Ne de ses draps ne de son cors
- 6564 Qui fust remes en terre encors.
  Tant s'en enquirent et roverent
  Qu'une vielle fame trouverent,
  Qui ot un voil où emprainte iert

<sup>6553.</sup> C malage.

<sup>6554.</sup> A S' manque,

<sup>6567.</sup> C voile.

- 6568 Sa figure dès lors qu'il tiert Son visage plain de suor, Lorsque li chien plain de puor, Li fel Juïf porter le firent
- 6572 Cele crois où il le pendirent.
  Onc puis ne fu qu'il n'i parust.
  Par celui pensent que garust
  Lor enfers prince, s'il l'avoit,
- 6576 Mes cele feme qui l'avoit Ne volt sans soi le voil baillier: Mielz s'aime à Rome traveillier Que perdre la forme et la chiere
- 6580 De Jhesucrist, qu'ele ot tant chiere. A Rome est o le voil venue, Et quant li princes ot veüe La forme emprainte ou couvrechief,
- Tous fu sanez dou grief meschief
  De la liepre qu'il ot eüe,
  Et sa char saine devenue,
  Si loa Dieu de la merveille,
- 6588 Et tous li pueples s'en merveille Et joie orent communement Li dui prince. Ententivement Enquistrent qu'estoit devenus
- 6592 Cilz dont tels signes est venus Qui puet guerir de tel malage. La prodefame et li message Lor distrent et firent savoir
- 6596 Tous les procès et tout le voir Com li Juïf pendu l'avoient, Et li dui prince arriere envoient Por tous destruire et metre à mort
- 6600 Ceulz qui pendu l'orent et mort. Ensi fu Rome confortee Par la "veronique" aportee, Qui lors vint de Jherusalem
- En Rome, ce tesmoigne l'en,
   Si tient l'en cele veronique
   Por saintuaire et por relique.
   Autre sentence i puet avoir,
- 6608 Qui bien est acordable à voir, Quar puis ce terme que je di

<sup>6575.</sup> enfers = enferms = "malade".

<sup>6592.</sup> A tant signes; C cil signes.

- Furent Romain si enfredi En la foi et en la creance.
- Gue tuit mistrent en oubliance
  Sainte Yglise communement,
  Ne nulz n'osoit apertement
  Recognoistre por les paiens
- 6616 Ne dire qu'il fust crestiens,
  Quar li faulz juge destruisoient
  Tous ceulz qui cele foi tenoient,
  Non pas à Rome solement,
- 6620 Mes par tous leus communement, Et tuit estoient, sans doutance, En la languor de mescreance, Qui metoit à dampnacion
- Toute gent, toute nacion,
  Tant que Diex les volt visiter
  Et fors de cele errour giter
  Et doner lor recognoissance
- 6628 De s'amour et de sa creance.

  Il ot un vaillant prince à Rome,
  Que l'escripture apele et nome
  Constentin, humble et sans bouffoi,
- Mes de la crestiene foi
  Ne savoit riens, quar paiens iere,
  Tant que Diex li dona lumiere
  De sa creance et de sa loi,
- 6636 Quar barbarin plain de desloi Vindrent son regne guerroier, Qui tout cuidierent foudroier Et giter à perdicion
- Ou metre en lor subjection.

  Quant li frans rois la chose oï,

  Moult douta, moult s'essabaï,

  Si fu pensis et ot paor
- 6644 Qu'il l'en avenist le pior.
  Une nuit qu'en tel doute estoit
  Vit que devant lui s'arrestoit
  Uns homs de moult bele samblance,
- Garde aus cieulz, si t'i aparra
  Une enseigne qui te garra".
  Li rois dresce au ciel sa veüe.
- 6652 S'a une resplendor veüe En forme de crois droitement.

Et lettres d'or apertement, Qui li fesoient à savoir

- Oue par ce signe doit avoir
  Victoire de ses anemis.
  Le signe a en memoire mis,
  Et l'endemain un en fist faire
- 6660 D'autel forme et d'autel affaire Come il avoit au ciel veü. En ce signe sont esmeü Li Romain por ceulz assaillir
- 6664 Qui les cuidoient mal baillir,
  Si vainquirent outreement.
  Lors vit li rois apertement
  Que la crois avoit grant mistere,
- 6668 Mes ne savoit pas quelz il iere, Si le voult savoir. Sans deloi Manda ses prestres de la loi, Si lor demande à tous ensamble
- Qu'il entendent et qu'il lor samble
  Que cil signes signifiot.
  Aucun par aventure y ot
  Qui dist: "C'est signe au Dieu celestre,
- 6676 Mes ne savons quelz il puet estre".

  Lors vint un poi de crestiens,

  Qui pour la doute des paiens

  Estoient repost et celé,
- 6680 Si ont au roi tout revelé:

  Coment Diex, por son pueple aquerre,
  Fist son chier fil venir en terre
  Et char humaine et mortel prendre,
- 6684 Si se lessa lever et pendre En crois et souffrir passoin Et mort pour la redempcion De son pueple, qu'il aquita,
- 6680 Et au tiers jor resuscita,
  Puis monta aus cieulz à la destre
  Dieu le Pere, en gloire celestre.
  Cil qui ce croient seront saul!
- 6692 Par lor los et par lor consaul Fu rois Constentins baptoiez, Puis a ses homes envoiez, Ovuec sa sainte mere Helaine,

<sup>6662.</sup> A O ce signe.

<sup>6677.</sup> A Lors vindrent poi.

- 6696 Por metre diligence et paine Coment cele crois fut trouvee, Par cui la vie iert recouvree. Tant ont cil lor chemin tenu
- 6700 Qu'en Jherusalem sont venu. La dame devant soi manda Tous les Juïs, si demanda La crois où Jhesucrist pendi.
- 6704 Un en y ot qui deffendi
  Qu'ele ne li fust enseignie,
  Mes la sage bien enseignie
  Tant les tint cours, tant les chaça,
- 6708 Tant les destrainst et maneça,
  Que cil qui deffendu l'avoit
  L'amena là où il savoit
  Que la crois estoit repondue,
- 6712 Et tant quistrent sans atendue Que la sainte crois fu trouvee Et par miracles esprouvee D'un mort qu'ele vivifia.
- 6716 La roïne en deus la sia,
  Si en lessa une partie
  Et est o l'autre revertie
  A son fil, qui moult l'onora,
- 6720 Et tous li pueples l'aora,
  Qui grant joie ot de sa venue,
  Si fu a grant honor tenue
  La crois par toute sainte Yglise,
- 6724 Si com l'istoire le devise.

   Encors puis espondre autrement
  Ceste fable. Ancienement
  Furent tuit au monde entechié
- 6728 De l'enfermeté de pechié,
  Qui metoit à perdicion
  Toute la generacion
  Qui descendoit dou premier home,
- 6732 Qui menga la dampnable pome,
  Por cui, sans remede et sans mire,
  Furent mis à mortel martire
  Bon et mauvès communement
- 6736 En enfer, où finablement
  Descendoient et foible et fort,
  Si requeroient le confort
  Et l'aïde au souverain Mire.

- 6740 Qui lor aidast dou grief martire Qui tout le siecle confondoit, Mes Diex li peres respondoit Par les profetes, qui avoient
- 6744 Son saint esperit et savoient
  Coment Diex en ordeneroit,
  Que son chier Filz les aideroit,
  Qui plus près iert qu'il n'esperoient,
- 6748 Et bien près d'eulz le trouveroient, Quar dou ciel et terre vendroit En propre persone, et rendroit Li Mires où tous biens habonde
- 6752 Joie et salut par tout le monde. Si lor dist quant il le verroient, Par quelz signes il le creroient Et savroient que ce fust cil
- 6756 Qui le monde trairoit d'exil.

  Tant requistrent li ancian
  L'aïde au vrai physician,

  Tant gemirent et tant plorerent
- 6760 Et tant humblement l'apelerent, Qu'il les oï piteusement, Si lor aparut proprement Ou ventre à la Vierge pucele,
- Qui fu temple et divine cele
   Où li Sauverres s'aombra,
   Qui tout le siecle descombra
   Dou mors à la dampnable pome,
- Qui mist à mort le premier home
  Et toute sa succession.
  Là prist il incarnacion
  Qui pour tous volt des cieus venir
- 6772 En terre et vrais homs devenir, Si fist sa venue assavoir Li vrais Mires, plains de savoir, A ceulz qui de cuer le queroient
- 6776 Et par sa venue esperoient
  Recouvrer joie et sauvement:
  Aus pastoriaus premierement,
  La nuit qu'il fu en terre nez.
- 6780 Et aus rois d'estranges regnez
  Le jor de l'aparicion,
  Aus trois qui par devocion
  Trois divers dons li presenterent,

- 6784 Et puis ou temple, où le porterent Si parent, qui à Dieu l'offrirent. Pluiseurs y ot qui joie en firent, Et li prestres meïsmement,
- 6788 Symeon, qui devotement

  Le reçut et dist: "Par ta grace,
  Sire Diex, or voi face à face
  Ton saluaire et ton enjoint.
- 6792 S'il te plaist, or est terme et point
  Que de cest siecle em pais m'en aille.
  Tu m'avoies promis, sans faille,
  Que dou siecle ne partiroie,
- 6796 Por ce que tant le desirroie, Tant que ne l'eüsse veü. Biaux Sire Diex, or t'a pleü Reveler à moi, ton sergant,
- 6800 La lumiere de toute gant,
  Qui joie aporte et gloire au monde
  A ceulz qui o cuer pur et monde
  Recevront son advenement."
- 6804 Li Baptistres samblablement
  Le cognut quant le voit venant
  Au baptoisme, et dist maintenant:
  "Vesci l'aigniau Dieu pur et monde.
- 6808 Qui vient pour espurgier le monde Et pour tous metre à sauvement." Si desciple ensegablement Le cognurent et le sivirent,
- 6812 Lessant le monde quant il virent Ses miracles apertement. A ceulz dist il certainement Que ses simulacres leroit,
- 6816 C'est à dire qu'il li pleroit
  Lessier le cors qu'il avoit pris
  En la Pucele de hault pris
  Pour couvrir l'essance divine,
- 6820 Si prendroit forme serpentine
  Tel come à vrai Dieu convendroit,
  C'est à dire qu'il penderoit
  En crois, non por sa mesprison,

<sup>6791.</sup> C sauveor.

<sup>6795.</sup> C me partiroie.

<sup>6797.</sup> C Si t'aroie de pres veu; A Tant que je l'eusse veu.

<sup>6815,</sup> suiv.: allusion directe à l'histoire d'Aesculapius.

<sup>6822.</sup> Leçon de C. — A donne: "quar il pendroit".

- 6824 Mes por tous metre à guerison. Li sien disciple, qui l'ooient Qu'il les leroit, le deslooient, Quar griez lor est la departie,
- 6828 Si disoient de lor partie Qu'il ne se lessast si pener Ne si vilainement mener A honteuse mort et à vilz.
- Autres y ot, ce m'est à vis,
  Qui tesmoignoient que bien fust
  Qu'il fust mors et pendus en fust,
  Que li siecles ne perisist,
- 6836 Mes por riens que nulz en disist Ne pot la chose estre menee Autrement qu'il l'ot ordenee, Ne cil qui sa mort deslooient
- 6840 Por riens esloignier ne pooient L'ore et le point qu'il volt offrir Son cors à paine et mort souffrir, Ne cil qui avoient desir
- 6844 De sa mort outre son plesir Ne le porent à mort mener, Tant se seüssent demener: Tout fu en son ordenement
- 6848 Et en son gré quant et coment Il morroit por l'umain lignage Garir et traire dou malage De pechié, qui tous oppressa,
- 6852 Et quant li termes apressa,
  En Jherusalem vint ou temple,
  Ou la turbe estoit grant et ample
  De prestans et de changeors,
- 6856 De vendans et d'achateors, Si les reprist et maneça Et fors dou temple les chaça, Versans lor estaus et lor tables.
- 6860 Quar ses voulz iert tant redoutables Que nulz n'i osoit arrester Sor son vé ne lui contrester. Li saint enfant bien le cognurent,
- 6864 Qui o grant joie le reçurent. A feste et à sollempnité Entrent en la sainte cité, Si chantoient en sa venue

- 6868 Li simple enfant, la gent menue: "Beneois soit nostre sauverres, Nostre rois, nostre delivrerres, Diex, fils de David voirement,
- 6872 Qui por le comun sauvement Vient en nom de nostre Seignor." A grant joie et à grant honor Le sivoient par la cité,
- 6876 Et toute iert par sollemnité
  La voie et li chemin couvers
  De flors, de robe et de rains vers.
  Li vrais Sauverres sans malice
- 6880 Recevoit en gré cest office, Et la feste que li fesoit Li menus pueples li plesoit, Mes li felon Juïf desvoient
- 6884 De l'envie qu'il en avoient Et pensoient que il peüssent, Si que les torbes nel seüssent, Par traïson et par envie,
- 6888 Metre à mort le Seignor de vie, Et tant firent li traïtour Qu'il le tindrent au chief dou tour, Et menerent estroit et court,
- 6892 Selonc le regart de lor court, Mes si com par devocion, Par amour, par affection L'orent devotement mené
- 6896 Li enfentet preu et sené, Por honor et joieusement, L'en menoient honteusement Li prince en lui deshonorant.
- 6900 Fames qui aloient plorant Emprès lui por soë amistié Resgarda, si l'en prist pitié Et dist: "Femes, ne plorez mie
- 6904 Por moi, mes por vostre mesnie, Por vos filz et por vos maris Devez avoir les cuers marris, Qui se perdent par lor outrage
- 6908 Et par l'orgueil de lor corage

<sup>6892.</sup> regart = "jugement, décision".

<sup>6891, 92.</sup> manquent dans C.

<sup>6895.</sup> A honestement.

<sup>6901.</sup> C Apres lui.

- Et par lor desloial envie."

  Quant fu venus au port de vie,

  C'est à dire au Mont de Calvaire,
- 6912 Où por le monde à salut traire Dut recevoir mort et martire, En la nef monta, c'est à dire En crois, c'est la droite navie
- 6916 Par cui li siecles vint à vie.

  Là fu li buès sacrifiez:

  C'est il, qui fu crucifiez

  Sor la crois. Quant il i fu mis,
- 6920 Cognut li filz Dieu ses amis, Puis flota tant cele navie, Qui porta le Seignor de vie, Et tant ala par mer nagent,
- 6924 Tant fu noncie à toute gent
  La vertus de sa passion,
  Que par la predicacion
  Des disciples, qui preechierent
- 6928 Au monde et la crois anoncierent, Fu li misteres publiez, Et tant fu li Crucifiez, Par cui vie et salus habonde,
- 6932 Nonciez par divers leus dou monde,
  Que li pluiseur se convertirent
  A voire creance et guerpirent
  Lor errour et lor ignorance,
- 6936 Et tant ala ceste creance Qu'il vint en Rome la cité, Si fu en grant auctorité La foi dou Crucifis tenue.
- 6940 Or est la chose à ce venue Que li Crucefis, sans doutance, Est en Rome en grant reverance, Et la gent romaine l'onore
- 6944 Et por Dieu le sert et aore, Et bien i doit estre honorez, Por Dieu servis et aorez, Quar c'est li Sauverres dou monde,
- 6948 Par qui vie et salus habonde A ceulz qui le servent et aiment Et qui de vrai cuer le reclaiment. Par celui vint à sauvement

- 6952 Rome, qui ancienement
  Fu enferme, et li entechié
  De l'enfermeté de pechié
  Recouvrerent vie et santé,
- 6956 Si fu Rome fors d'orfanté.

   Or vous dirai selonc l'estoire
  Coment la fable fait à croire.
  Emprez Romulus ot à Rome
- 6960 Sis rois, que l'escripture nome.
  Li premiers fu Numa Pompiles,
  Et li secons Tulles Hostiles,
  Li tiers ot nom Ancus Marcus,
- 6964 Li quars Tarquinius Priscus, Li quins Servius Tullius, Li sextes fu Tarquinius, Qui "Orgueilleus" fu sornomez.
- 6968 Ces sis rois, que j'ai sus nomez, Orent de Rome la mestrie Puis qu'el fu fondee et bastie, Si regnerent sor les Romains,
- 6972 Que li uns plus que l'autre mains, Deus cents et soisante sept ans, Sie furent preuz et conquestans, Et moult acrurent lor regné.
- 6976 Un fil ot fol et desfrené
  Li "Orgueilleus", et plains de rage,
  Qui une prodefame et sage,
  Lucrece, fame Collatin,
- 6980 Poissant home ou regne latin,
  Corrompi par force et cognut,
  Dont la dame tel duel en eut
  Qu'ele s'en ocist d'une espee,
- 6984 Mes la chose ot ains revelee
  A son pere et à son mari.
  Par fouïr s'ont de mort gueri
  Li rois et ses filz, qui mort fussent,
- 6988 Se li Romains pris les eüssent. Pour cest tort et pour cest desroi

<sup>6956.</sup> Après ce vers, le ms. A répète les vers 1899—1901, en changeant ainsi ce dernier vers: "Dou fil Coronis la meschine".

<sup>6969.</sup> A mestrise.

<sup>6979.</sup> C Lucresse.

<sup>6982.</sup> A en ut; C eüt.

<sup>6986.</sup> s'ont, ou: sont?

Ne deignerent puis avoir roi Li Romain, mes communement

- 6992 Establirent que franchement
  Sans prince et sans seignor seroient,
  Et chascun an consle esliroient,
  Qui lor drois lor pourchaceroit
- 6996 Et la terre gouverneroit.

  Au chief de l'an le changeroient

  Et nouviau consle esliroient.

  Sept cens et quatre ans et non mains
- 7000 Furent sans prince les Romains,
  Si fu par consle governee
  La terre et toute la contree,
  Et tant furent de fier corage
- 7004 Les Romains et plains de barnage, Qu'en loingtains regnes envioient Lor olz et par force voloient Sousmetre à lor subjection
- 7008 Toutes gens, toute nacion
  Et de tous avoirs le treüz,
  Et tant fu lor regnes creüz,
  C'uns seuls homs ne poïst souffire
- 7012 A governer si grant empire, Tant fust sages ne porveüz, Si furent trois consle esleüz, Qui le regne gouverneroient:
- 7016 Li dui fors dou païs iroient
  Sor les estranges nacions,
  Pour conquerre les regions,
  Et li tiers ou leu remaindroit,
- 7020 Qui les Romains em pais tendroit. L'un des trois ot nom Marque Antoine, Qui por son sens et par sa poine Sousmist ceulz d'Orient à lui.
- 7024 Li secons, si com je le lui, Fu Julius Cesar, sans faille, Qui par armes et par bataille Ala conquerre en Occident.
- 7028 Cil avoit maint bon accident,
  Qu'il iert bons clers et bons terriers.

<sup>6994.</sup> C an il esliroient; A conse.

<sup>6998.</sup> C conseil; A conse.

<sup>7001.</sup> A C consel.

<sup>7014.</sup> C consuls.

<sup>7029.</sup> terrier = "seigneur terrien". — C terrien.

Larges donneres, bons guerriers Fu et preus et chevalereus,

- 7032 Sages et si bateillereus Que riens ne duroit vers s'espee. Li tiers consles ot non Pompee, Qui fu remez en Romenie.
- 7036 Por governer la baronie. Cesar en Occident ala, Qui par dis ans demora là, Et dès la fin de Romenie
- 7040 Conquist il et sa baronie Toutes gens, toutes nacions, Illes, regnes et regions Et de ça mer et de là mer.
- 7044 Ne fist pas Cesar à blasmer, S'en dis ans pot tel conquest faire! Quant tuit furent si tributaire, Et par tout ot ses gardes mises
- 7048 Pour les drois et pour les joustises Des Romains garder et tenir, Si volt en Rome revenir, Mes Pompees li contresta.
- 7052 Qui aus Romains amonesta Qu'il ne fust receüz à Rome, Quar il doutoit qu'il et si home Vausissent avoir la mestrie,
- 7056 La joustise et la seignorie Qu'il avoit longuement tenue, Si fu dolens de sa venue Et li manda qu'il se tenist,
- 7060 Que ja en Rome ne venist, Quar ja n'i enterroit, sans faille, Se n'iert par force de bataille. Quant Cesar voit qu'il li contreste,
- 7064 Tout son pooir mande et s'apreste D'assaillir Rome et de combatre. Ains fera tout fondre et abatre Qu'il ne la preigne! Or i parra
- 7068 Coment Pompee la garra, Quar puis qu'en li refuse entree,

<sup>7030.</sup> C guerrians.

<sup>7031, 32.</sup> manguent dans C.

<sup>7034.</sup> A conses.

<sup>7039.</sup> C De la fin.

<sup>7069.</sup> C que li fu refusee.

Rome et le regne et la contree Et tout le monde veult conquerre

- 7072 Par force d'armes et de guerre. Et puis que compains n'en puet estre, Seignor s'en vaudra fere et mestre Sor tous au trenchant de l'espee,
- 7076 Si prist Rome et chaça Pompee Tant qu'il l'ocist à la parfin. Quant la guerre fu traite à fin, Si fu sires et rois de Rome,
- 7080 Et li Romain furent si home,
  Qui sans seignor orent esté
  Lonc temps, si ot la poësté
  Près de tout le monde en sa main,
- 7084 Mes moult haïrent li Romain
  Sa seignorie et son dangier,
  Et quant il s'en porent vengier,
  Moult crueuse vengance en pristrent,
- 7088 Quant ou Capitoile l'ocistrent, Si cuidierent franc remanoir, Mes Cesar avoit un sien hoir, Augustus, preus et viguereus,
- 7092 Bon clerc et bien chevalereus, Qui tint emprès Cesar l'empire, Si fist les occieurs ocirre Et le fil Pompee ensement
- 7096 Et Antoine, qui folement,
  Par le los et par la priere
  Cleopatra, qui d'Egypte iere,
  Cuida le regne des Romains
- 7100 Et tout le mont metre en ses mains Et, si com l'istoire recite, Translater de Rome en Egypte La seignorie et le demaine.
- 7104 Ensi pensoit la fame Antoine, Mes Cesar les desavança, Qui les ocist. Dès lors en ça Fu tous li mondes en sa main,
- 7108 Et li estrange et li Romain, Si seignorist par toutes terres. En son temps nasqui li sauverres Et li sires de tout le monde,
- 7112 Jhesus, en cui tous biens habonde, Li filz à la Vierge Marie,

<sup>7105. &</sup>quot;Cesar" est ici Auguste.

- Cele en cui sole se marie Plenteïve virginitez
- 7116 Et vierge plenteïvetez.

  Par les baillis de son empire

  Fist cil tout le monde descrire,
  Si com sains Lucas le raconte.
- 7120 Por savoir la some et le conte De ceulz qui mesnage tenoient Et sous son empire manoient Et le nombre de ses treüz.
- 7124 Lors fu en orient veüz
  Li signes et la resplendour
  D'une estoile de tel grandour
  Que toute autre avoit sormontee,
- 7128 Mes n'estoit pas ou ciel plantee, Ains coroit par l'air bassement: Ce fu l'estoile droitement Qui les rois de Tarse assena
- 7132 Et em Bethleem les mena,
  Où le roi des rois i trouverent,
  Le fil Dieu, cui il presenterent
  Or et encens et mirre ensamble,
- 7136 En signe de ce, ce me samble,
  Qu'il estoit rois et diex et hom.
  Mainte gent, mainte nacion
  Ont parole et fable tenue
- 7140 De l'estoile qui fu veüe.
  Pluiseur, qui parler en oïrent
  Ou par aventure la virent,
  S'en esbahirent, si cuidoient,
- 7144 Quar li poëte le faignoient, Que Cesar fu deïfiez Et qu'ensi fu stellifiez, Et Ovides meïsmement,
- 7148 Qui voloit prouver faintement,
  Par fables et par fictions,
  De diverses mutacions,
  Qui sont touchies en cest livre,
- 7152 Quar par ce cuidoit à delivre
  La grace d'Augustus aquerre,
  Qui bani l'avoit de sa terre
  Por "l'Art d'Amour", qu'il ot escripte.
- 7156 Autre cause y ot plus despite Et qui plus li avoit neü,

Quar il ot Augustus veü En point vilz et desconvenable.

- 7160 Tierce cause y ot plus grevable, Quar Augustus l'avoit trouvé Sor Corine et dou fet prouvé. Por ces trois causes, sans doutance,
- 7164 Ot Ovides la malveuillance
  Du prince, et par son livre escrire
  Cuida la malveuillance et l'ire
  Cesar Augustus apaier,
- 7168 Mes onc faindre ne fabloier
  Ne porrent racorder Ovide.
  Cesar soz une piramide,
  Qui vint piez avoit de hautesce,
- 7172 Fu enterrez par grant noblesce, Si fu puis en Rome aorez, Por Dieu servis et honorez, Et faisoit la gent fole et nice
- 7176 En son non feste et sacrefice.

   Allegorie y puet avoir

  Qui bien est acordable à voir.

  Par Cesar puis noter, sans faille,
- 7180 Le Dieu des olz et de bataille, Celui qui seignorist et regne Sor toute terre et sor tout regne, Qui sor touz puet aidier et nuire,
- 7184 Celui qui puet perdre et destruire Ceulz d'Egypte en la Rouge Mer, Celui dont nulz ne puet esmer La seignorie et la puissance,
- 7188 Et ja soit ce que sa substance, Ses los, sa gloire et ses honors Ne puissent estre en soi menors Ne greignours, quar il est sans some
- 7192 Quant à la cognoissance d'ome, Fu plus exauciez et creüz, Plus prisiez et mielz cogneüz Par son Fil, où tous biens habonde,
- 7196 Le Sauveor de tout le monde. Par lui fu Dieus glorifiez

<sup>7168.</sup> A fraindre.

<sup>7170.</sup> A sor; C sus.

<sup>7184.</sup> A qui por perdre.

<sup>7185, 86.</sup> manquent dans C.

<sup>7188.</sup> A poissance.

- Et ses sains noms clarifiez Aus gens qui ne le cognoissoient,
- 7200 Et ja soit ce que tous temps soient Ses oeuvres grans et vertueuses Et loables et merveilleuses, Si com li Psamistes recorde,
- 7204 Non pourquant sa misericorde Passe tout, et plus, c'est la voire, Aquist Dieus d'onor et de gloire Par son Fil, qu'il tramist en terre,
- 7208 Por le monde sauver et querre, Que par oeuvres ne par bienfais Qui Diex eüst onc avant fais. Moult nous fist Diex large bonté,
- 7212 Quant par sa sainte volenté
  Nous tramist tel seignor au monde,
  Par cui pais et droiture habonde
  Et par cui Rome et sainte Yglise
- 7216 Ont la poissance et la joustise
  De tout le monde mestroier,
  Vers qui nus ne puet forçoier,
  Quar c'est li graindres des greignors,
- 7220 Rois des rois, sires des seignors, Et cil qui par son vasselage Traist et rescoust l'umain lignage De la servitute au deable,
- 7224 Le traïtour, le decevable, Qui tout cuidoit à lui sousmetre, Mes bien le sot vaintre et demetre Li filz Dieu, s'achena la guerre
- 7228 Et aquist pais et joie en terre, Si donna la forme de vivre Et l'example à qui velt ensivre Ses fais et ses enseignemens.
- 7232 Sa vie et ses contenemens, Ses paroles et sa doctrine, Sa saluable discipline Furent droit example de vivre.
- 7236 Ensorquetout il fist escrivre Le Viel et le Nuef Testament, Où sont tuit li enseigement Coment l'en se doit contenir
- 7240 Qui veult à voire pais venir. Ne pot estre aus cieulz eslevee

- La char Diex ne glorifiee Se par mort non, quar morteulz ere
- 7244 Naturelment de par sa mere, Et quant li temps vint qu'il devoit, Si com Diex ordené l'avoit, Partir de ceste mortel vie,
- 7248 A mort le mistrent par envie Li faus Juïf plain de fallace, Vain et vuit de bien et de grace, Qui mesure avoient perdue
- 7252 Et raison plus que beste mue,
  Qui sa mort orent porparlee.
  Moult en fu triste et adolee
  Venus, c'est la noble amoreuse.
- 7256 La Vierge, mere glorieuse, Qui tous amans passa d'amer, Cele qui estoile est de mer, Estoile esclarissante et fine,
- 7260 Qui toutes autres enlumine Et toutes sormonte en clarté. Moult ot le cuer plain d'amerté, Plain d'angoisse et plain de dolor,
- 7264 Si pali sa fresche coulor,

  Quant el vit son chier fil pendu.

   Ou par Venus sont entendu
  Li prophete plain de bonté,
- 7268 Qui de fait et de volenté
  Cler et resplendissable estoient,
  Et lor grant resplendor gitoient
  Entre la tenebreuse loi
- 7272 Dou faulz pueple plain de desloi.
  A ceulz fu moustree et noncie,
  Par l'esperis de prophecie,
  La paine que cil soustendroit
- 7276 Qui pour son pueple en crois pendoit Grant piece ains qu'il fust avenu, Si ne porent estre tenu De dire ce qu'il en savoient,
- 7280 Et la pité qu'il en avoient Manifesterent plainement, S'en parlerent diversement, Quar li un distrent, sans doutance,
- 7284 Qu'il estoit du fer de la lance

<sup>7262.</sup> A amarté.

- Par le costé perciez et poins; L'autre si dist que piez et poins Ot perciez et qu'en grans perilz
- 7288 De mer fu à bien près perilz Et qu'il ot enfer visité; Li autres dist que la cité, Qui jadis fu riche et pleniere.
- 7292 Iert gaste et tornee à misiere, C'est Juda, dont li rois celestres Soloit estre sires et mestres: Or est par sa corruption
- 7296 Tornee à desolacion.

  Bien anoncierent par couvant
  Li prophete grant piece avant
  Que la chose fust avenue.
- 7300 Le grief et la desconvenue Que li enemi Dieu feroient, Qui par envie à mort metroient Jhesu, le pardurable prestre,
- 7304 Quant li temps vint que ce dut estre Par fine force à chief mené, Si com Diex l'avoit ordené, Le cui dit, la cui ordenance
- Nulz ne puet passer, sans doutance,
   Ne rapeler ne contredire.
   Li filz Dieu fu mis à martire
   Et pendus en crois hautement:
- 7312 Lors moustrerent li element
  Signe d'angoisse et de dolour.
  Li solaus perdi sa coulour,
  Et du ciel chut pluie sanglente,
- 7316 C'est à dire, que je ne mente, Li precieus sans qui goutoit Du saint cors qui plaiez estoit, Qui corut à grant habondance.
- 7320 Plaine d'angoisse et de pesance Fu lors sa beneoite mere, Qui de resplendor fine et clere Samble l'estoile dou matin.
- 7324 Li faulz Juïf, li chien mastin, Plain de rage et d'iniquité, Abaioient par la cité Par abais de detractions,
- 7328 D'affis et de derisions Que contre le fil Dieu gitoient,

De cui mort il s'esjoïssoient. Les insensibles creatures

- 7332 N'estoient pas vers lui si dures,
  Ains en moustroient, sans doutance,
  Signe d'angoisse et de pesance:
  Les dures pieres en fendirent
- 7336 Et li monument en ouvrirent
  Et pluisor mort resusciterent,
  Qui à mains se manifesterent.
  Sainte Yglise chancela toute,
- 7340 Qui fu triste et plaine de doute Por la mort de son chier seignor. Teulz signe et maint autre greignor Furent apertement veü,
- 7344 Par qu'il pot estre assez seü

  Que cil est filz Dieu voirement,

  Qui jugiez iert à dampnement

  De mort, si le convint morir,
- 7348 Mes ne pot sor lui seignorir
  La mort, qui par lui fu matee
  Et vaincue et desbaretee.
  Par mort et par enfer passa,
- 7352 Mes il ressorst et trespassa, Si fu ses cors vivifiez Et ressors et glorefiez Aus cieulz, où il regne à la destre
- 7356 Dieu le pere, en gloire celestre. Or ont si fil et si neveu La cure et la garde et l'aveu Et la spirituel justise
- 7360 De tout le monde, et sainte Yglise Est toute en lor governement. Sains Peres, et cil ensement Qui puis li vindrent et vendront,
- 7364 Tienent et tindrent et tendront Sainte Yglise, et Diex, par sa grace, Si sains et si parfais les face Qu'il la puissent em pais tenir,
- 7368 Et ore et au temps à venir, A l'onor Dieu premierement,

<sup>7335-38.</sup> manquent dans C.

<sup>7336.</sup> A monuement.

<sup>7362.</sup> Saint Peres = "Saint Pierre".

<sup>7368.</sup> manque dans C. — A Et ore est au temps a venir.

- Et puis au preu communement D'eus et de toute sainte Yglise,
- 7372 Qui lor est baillie et commise,
  Et que par lor sainte doctrine
  La gent juïve et sarrasine,
  Et touz ceuz qui par ignorance
- 7376 Sont en l'error de mescreance,
  Puissent atraire et esmouvoir
  A la connoissance de voir
  Et à la crestienne foi,
- 7380 Si qu'il guerpissent lor bouffoi, La mescreance et la durté Où lor fol cuer sont ahurté, Et Dieus, par sa misericorde,
- 7384 Voire pais et voire concorde
  Doint à tous, si que sainte Yglise
  Puisse faire em pais son servise,
  Et le pape paisiblement
- 7388 Puisse avoir le governement De tous, et que tel garde en face Que l'amour en puisse et la grace Du roi celestial aquerre.
- 7392 Cis est nostres peres en terre, Si puet lier et deslier, Absodre et escomenier, Et Dieu l'en doint si bien ouvrer,
- 7396 Que par ce puisse recouvrer Emprez la vie transitoire Honor et pardurable gloire. Ensi l'otroit li poissans Sires
- 7400 Qui seignorist sor tous empires, Rois poissans et Diex pardurables, Diex, li Peres esperitables, Li Filz et li Sains Esperites,
- 7404 Por l'amour et por les merites De la glorieuse Pucele, Qui est temple et divine cele, Sainte nonain religieuse,
- 7408 Sainte prestresse gracieuse, Et qui regne en eternité O la parfaite Trinité, Et por la merite ensement
- 7412 Des sains, qui charitablement En ce present monde ensivirent

- Jhesucrist et pour lui souffrirent Paines et persecucions,
- 7416 Et par les tribulacions
  De fer et de feu s'en passerent,
  Et por sainte Yglise penerent
  Tant qu'il y laisserent la pel.
- 7420 Emprez j'en reclaim et apel
  Pous ceuz qui en l'aveu nasquirent
  De sainte Yglise, et si vesquirent
  Au monde bien et saintement.
- 7424 Qu'il ont desservi dignement Que l'on face feste et servise En l'onor d'elz, par sainte Yglise, Qu'il en prient le roi celestre,
- 7428 S'il lor plaist, qu'ensi puisse il estre.
   A toi, parfaite Trinité,
   Diex regnans en single unité,
   Soit gloire et pardurable honors.
- 7432 Qui moi, le maindre des menors, Enfant non sachant et novice, Vrais Diex debonaire et propice, Deignas conduire et assener
- 7436 A si grant oeuvre à fin mener,
  Sans prendre garde as griez pechiez
  Des quels je sui moult entechiez.
  Ce n'est mie por ma merite
- 7440 Que Tu de ton saint esperite
  As en moi la grace espandue,
  Tant que j'ai par longue entendue
  Acomplie ceste oeuvre ci,
- 7444 Mes par ta piteuse merci,
  Qui ta grace espans, quant tu vielz,
  Ausi as joennes come as vielz,
  Ausi as povres come as riches,
- 7448 Com cis qui n'ez avers ne chiches De ta sainte science espandre A ceuz qui y daignent entandre, Et par la bouche as non sachans
- 7452 Reprens les vices des sachans.
  A toi, glorieuse Pucele,
  Qui du fil Dieu fus chambre et cele,
  Et qui sole fus vierge mere,

<sup>7429.</sup> A samble; C sengle.

<sup>7432.</sup> Sur cette expression, cf. l'Introduction au premier volume de cette édition, p. 9.

- 7456 Et qui sole enfantas ton pere, A toi soit loënge et honor Sor tous emprès nostre Seignor, Et à tous sains comunement
- 7460 Rens je graces devotement,
  Les cui proëces m'ont aidié
  A faire cest present ditié,
  Et je pri que Diex, par sa grace,
- 7464 Doint à ce dit tel efficace
  Que cil y puissent profiter
  Qui l'orront dire et reciter,
  Et la paine que j'i ai mise
- 7468 Soit devant Dieu contee et prise En penitance des mesfais Et des outrages que j'ai fais, Si que Diex en soit apaiez.
- 7472 N'en quier estre autrement paiez. Emprez je pri tous les lectors, Tous les maistres, tous les rectors Qui orront et liront ce dit
- 7476 Que, s'il y a vice ou mesdit
  Qui n'i doie estre, ou s'il y fault,
  Par oubliance ou par default,
  Chose que g'i doie avoir mis,
- 7480 Come seignors et come amis
  Qu'il sousportent la non sachance,
  La faute et la non souffisance
  De mon engin, quar je n'ai mie
- 7484 Tel sens ne tel philosophie Qu'il n'i puisse avoir à redire Et c'uns autres n'en peüst dire Miex assez, s'il l'eüst empris.
- 7488 Et s'il est que j'aie mespris,
  Dont Diex me gart par son plaisir,
  Quar je n'en ai fain ne desir
  De dire riens contre la foi,
- 7492 J'en vueil sans fraude et sans boffoi Amender quanque j'i savrai, Et croire bon conseil et vrai, Puis pri que nulz ne me despit
- 7496 Et qu'il n'ait desdaing ne despit Dont j'osai tel besoingne emprendre,

<sup>7472.</sup> Ce vers a été ajouté en marge dans A.

<sup>7490.</sup> C'est par ce vers que C termine le poème.

<sup>7495.</sup> A Plus pri je que nulz ne m'espit.

Et s'il oit nul vice reprendre Dont conscience le reprengne,

- 7500 Je pri qu'en despit ne le prengne, Quar ce n'est pas m'entencion De faire reprehension Contre nulle sengle persone,
- 7504 Mes, si com la sentence done De l'auctor, au plus loiaument Que je puis, ai generaument Les vices blasmez et repris,
- 7508 Sans entente d'avoir mespris Vers nul home qui soit en vie, Quar par amours ne par envie N'en ai nul loé ne blasmé.
- 7512 Nulz ne s'en tiegne à diffamé Pour nulle reprehension, Quar n'ai eüe entencion De reprouver ne de remordre
- 7516 Nulle dignité ne nul ordre Fors sans plus l'estat de pechié, Et se nulz s'en sent entechié, Ament soi, si fera que sage,
- 7520 Sans haïr m'ent en son corage, Et s'il est qui pour ce me heë, Diex soit juges de la pensee, Quar qui par tout velt dire voir
- 7524 Ne puet de tous la grace avoir.
  Diex meïsmes en fu haïs
  Des faux envieus maleïs
  Qui repris estre ne voloient
- 7528 Et por voir oïr se doloient. Et Dieus, par sa sainte merci, Doint tel grace à cest livre ci Que n'i ait riens qui li desplace
- 7532 Ne par droit à reprendre face, Et qu'il ne puisse estre effaciez, Ars ne perdus ne depeciez Par envie ou par enemis,
- 7536 Ne par viellesce en oubli mis, Ains soit publiez et leüz, Par tout le monde amenteüz, Tant com cis siecles durera,

<sup>7498.</sup> Turbé lit: "oït". On pourrait lire aussi: "ot".

- 7540 Et quant mes cors s'aquitera
  Vers la mort, qui son treüage
  Prent sor tous, sans faire avantage
  Et sans nul home deporter,
- 7544 Diex en face m'ame porter
  As sains cieulz en son compaignie,
  Por vivre en pardurable vie,
  Et mes noms soit escrips ou Livre
- 7548 Où Diex fait ses amis escrivre.

<sup>7548.</sup> A termine sa copie par les mots: "Explicit. Ci finent les fables d'Ovide le grant".

# APPENDICE I

## APPENDICE I

Les vers 3691—3878 du livre XIV, tels que les donne le manuscrit B:

Porta de Turnus le message Venulus un chevalier sage Qu'il avoit faicte au temps passez Qu'a Turnus ne puet secours faire Si ne li est ne bel ne gent Ains s'excuse et dit que sans faille Mais cil ne li accorde mie Qui dedens sa cité sejourna Vers Diomedes s'en retourna Pour aïde et secours requerre Quant ot esté par mainte terre Souffrir le m'estuet toutevoie Mon plour renouveler convient Quant du temps passé me souvient Venulus entendez biau sire Et les mauls dont il ot assez Lors la grant perte li desclaire D'armes recouvrer pour sa gent Et d'autre part il ne pourroit Car son pueple nel vourroit Alers ne puet en la bataille De par Turnus li quiert aye J'ai assez duel courrous et ire

Puisque la haulte tour de Troie

Vlian for are at heolea

Les perils de Capharey Et le comble de Danay Afin que dire ne demeure Par ordre nos mauls en poy d'eure Nous grieus plorast ce m'est avis Le roy priant s'encor fust vis S'il nous veïst par aventure Mais Minerve me prist en cure Qui m'ousta des flos et me mist Es champs de Grece et la me prist Et bouta hors Venus la gaie Membrant de l'ancienne plaie Que je li fis s'en quiert la peine De soy vengier forment se peine Tant de travauls oy puis par mer Et par terre ou m'estuet armer Que bieneures appelloie Mes compaignons que mors savoie Et de Capharei la mer Et avec euls me souhaidoie Car les autres qu'encor avoie Tant mal avoient ja souffert En bataille en mer en desert Que cuer et force leur failloient Et la fin de l'erreur prioient L'un d'euls c'est Agmon plus s'efforce Chaut enging ot et assez force Aspre yert contre la pestilence Devant tous dist en audience Seigneurs pis ne povons avoir Face la pute son vouloir Venus qui nous grieve et menace Je n'ay doubte que pis nous face Qu'elle ne nous pourroit pis faire Souffrons s'elle nous fait contraire Car nous sommes de grant puissance Oye s'el veult ceste grevance Nous fait car tous pour nostre sire Nous het et nous veult monstrer s'ire Quant plus l'avrons en grant despit Tant plus avrons de mort respit Qui seurs est toute aventure Puet attendre soit male ou dure De tels paroles aguillonne Agmon Venus et la ramponne

Qui par avant iert courouciee Mais cil li a s'ire doublee Aucuns furent a qui plaisoient Les dis d'Agmon mais poy estoient Nous ses amis plus estions Qui de ce le reprenions Cil de respondre s'aprestoit Mais gorge et vois li descroissoit Ses cheveux plumes devenoient Et de plumes tous se couvroient Son col et son dos et son(s) pis Plus grans pennes ont les bras pris Ses coutes se tournent en elles Legieres mouvans et isneles. Entre les dois des piés se tiennent Charneuses peauls qui les detiennent La bouche en dur cor s'enroidist Dont le bout s'accue et durcist Clicius qui voit la merveille De la muance se merveille Victeus Retenor Lidas S'en merveillent si fist Abas Tandis com cil se merveilloient Toute autel forme recevoient Et le plus de la compaignie Qui lors yert en celle partie S'envole haut et en volant Vont de leurs eles son faisant Se tu veuls la forme savoir Des oyseauls doubteurs et le voir Il n'ont pas la forme de cignes Proprement mais il ont mais signes Qui sont a blans cignes semblans Et come blans cignes sont blans A peines de la m'eschapay L'une partie ramenay De mes gens mais c'estoit la mendre De Deunus à qui je sui gendre Les champs tieng et ceste cité A peines n'ay plus d'erité. 1)

<sup>1)</sup> Ce morceau n'a certainement pas été écrit par l'auteur de l'Ovide Moralisé.

## APPENDICE II

### APPENDICE II

# Texte du Commentaire de Copenhague 1).

commentateur Du texte. Et premiers le prologue. dieux et deeses tant par figures comme par escriptures y adjoustez par le XV livres particuliers pour l'entendement duquel précèdent ycy plusieurs Cy commence le livre de Ovide, Intitulé "metamorphose", contenant

"Les hommes aucunes foiz torneront leur oije de verité et se convertiront - Veritate quidem auditum avertent, ad fabulas autem convertent  $^2$ ), —

c'est assavoir que de pluisieurs fables, figures, poetries et parabolles est aucunes foiz a user, affin que d'icelles aucun sens moral puisse extraire aus fables". Ces parolles escript monseigneur saint pol, prescheur et docteur de son epistre 3). Laquelle parolle Je puis induire et amener a ce propos, de la vraye foy catholicque, a son disciple tymothée, ou quart chappittre

transporte la moelle de cedre. sans grant mistere. En Ezechiel 5) de la fable de l'aigle, qui faintement des arbres, qui vouldrent eslire et avoir roy par dessus eulx, qui n'est pas pas et divers lieux. Si comme il appert ou livre des roys 4) de la fable Et affin aussi que fausseté soit corrigié par verité. Et ainsi est la sainte escripture veüe et congneüe avoir usé en pluisieurs

aucune verité. semblables fables, affin que d'icelles elle puisse extraire et conclure Semblablement ont fait et usé les poetes, qui au commencement La saincte escripture doncques est acoustumée de user de telles et

aucune naturelle, historiale ou morale verité. A ce propos dist Rabanus 6) aucune verité. Il appert doncques que, discourant et lisant les livres des poetes, que a pou ou jamais ne mettent aucune fable qu'elle ne contiengne en son XVIe livre de la nature des choses ou premier channittre que faingnirent les fables. Car par ces fainctes ils vouldrent tousjours entendre especes par oblicques et destournées figuracions par aucun beau et aourné langaige. Pour ceste raison, en ce mesme lieu dessus allegié, est dit que Lucan ne fut point poete, pour ce qu'il est cogneü avoir mis par escript ses euvres plus par maniere d'ystoires que poetiquement. La verité naturelle se muchie souvent soubs les fables, comme il appert de vulcan, qui est dit estre engendré de Juno et qu'il fut getté et tresbuchié de paradis en terre. Et pour ce qu'il cheut de si hault, Les poetes faingnent qu'il fut boitteus toute sa vie. Et que aucunes foiz verité historiale soit couverte dessoubs fables, il appert en la fable de perseus et d'athlas. On dist en icelle que perseus occist gorgone et lui trencha la teste, avec laquelle il convertit le tres grant et le tres puissant gayant athlas en une tres grande montagne, nommée de son nom Athlante. Dont la verité est telle que perseus, qui fut moult preux et vaillant chevalier, occist gorgone, la fille de phorcus, qui estoit roy des isles meridionales qui sont appellées gorgoniques et d'elle prist la teste. C'est a dire son royaume, ses richesses et toutes ses substances, qui a merveilles estoient grandes et les emporta; par laquelle proye Il assembla ung grant ost, qui mena contre Athlas. qui pour lors estoit roy d'auffricque, lequel il surmonta et le vaincquit tellement, qu'il le contraingny fouyr et soy mucier en une montaigne, et ainsi la eloquence poetique le faint estre mué en icelle montaigne.

Et mesmes notre benoist sauveur et redempteur Jhesus voulut user de parabolles et de similitudes en ses predicacions et euvangiles en plusieurs et divers lieux.

Et pour ce doncques que je voy que l'escripture saintte use de fables et de parabolles a l'ostencion et demonstrance d'aucune verité ou passée ou presente, et que aussi les poetes faindirent icelles a la designacion et signifiance d'avoir la verité des choses tant naturelles comme historiennes, il me semble chose bonne et honneste d'escripre sur chacune fable de ce grant volume aucunes moralisations là ou elles serviront et seront necessaires, et non pas a toutes. Car telles en y a et plusieurs, qui ni en 1) ont aucune indigence, affin que apres icelles fictions les hommes se puissent conformer et convertir aux misteres de bonnes meurs et de vraye foy. Chose licite et tres vertueuse est a l'omme de cueillir, s'il puet, des espines grappes de doulz roisins 2) et qu'il suchie miel de la bise et seche pierre 3) et que, s'il puet, il tire oile de la tres dure roche 3). Et aussi que des tresors des egypciens il ediffie et compose le tabernacle du viel testament. C'est a entendre que l'omme doit de toutes choses tyrer sapience et mettre a prouffit pour lui et pour autres, en incitant a bonnes meurs et fuyans vices. Et a ce propos dist ovide, notre autteur: "Fas est ab hoste doceri". "Il est, dist-il, chose bonne et licite d'apprendre de son ennemy". Il est verité que plusieurs par cy devant ont traittié de l'entendement de ces fables au

<sup>1)</sup> Le manuscrit donne nicen.

<sup>2)</sup> Saint Matthieu, VII, v. 16.

<sup>3)</sup> Le Deutéronome, XXXII, v. 13 et Psaume LXXX, v. 17.

sens litteral, comme Fulgence 1), Alexandre 2), Servius 3) et pluiseurs autres. Mais mon propos est de narrer et racompter les fables au long en ensuivant ovide, mon auteur. Et sur chacune voire de celles qui en ont indigence, y determiner selon mon petit entendement le sens moral et allegorique en vers rimés, en ensuivant le texte que ovide fist en mettres. Mais avant que Je descende a escripre ou a exposer cest livre en françoys, Je vueil premierement par ordre distinguer et descripre la forme et figure de ceulx et celles que les anciens par leurs simplesses cuiderent et avec ce creürent estre dieux et deeses, qui est chose tres necessaire a bien entendre cest euvre. Combien que par cy devant n'en aye veü aucun atteur ne livre autentique qui m'en ait dit ne enseigné aucune chose, fors que Je me suys trais a pluisieurs livres et volumes, qui particullierement, chacun a son entendement, en ont escript, comme fulgence, de rabanus, d'alexandre et de pluiseurs autres. Car les anciens creürent estre pleusieurs dieux et deeses servans et estendans leurs vertuz a plusieurs et diverses choses.

Comme par saturne ilz entendirent le temps, par Jupiter le firmament, par Juno l'air, par thétis l'eaue, par neptune la mer, par cybelles la terre, par phebus le solleil, par dyane la lune, et ainsi de plusieurs autres, qui cuiderent avoir leurs influences et vertuz par dessus diverses choses, tant ou ciel comme en la terre, si comme ou proces de cestui volume sera a plain declairé, dieu m'en ayde.

### La figure de saturne.

Saturne, selon l'oppinion des anciens, doit estre paint selon la figure cy devant isculptée, homme viel, courbe, triste; en l'une de ses mains doit tenir une faulx et ung serpent, qui de ses dens tient et mort sa queue. En son autre main doit avoir ung petit enffant tout nud, qu'il met en sa bouche pour le strangler. Sa teste doit estre couverte et lyée d'un drap a maniere d'une salade. De coste luy em bas doivent estre Jupiter, Juno, neptune et pluto, tous ses enffans, desquelz Jupiter luy doit coupper les genitoires et les doit getter en la mer, qui est devant luy; desquelles genitoires il sourt et s'engendre une jeune fille, nommée venus. De l'autre costé saturne est et doit estre Ops sa femme, vestue a maniere d'une ancienne matrosne, qui donne du pain a pluisieurs pouvres personnes, estans de costé elle.

S'ensieut la litterale exposicion a la figure de saturne.

Ces choses se puent exposer par quatre manieres; c'est assavoir: litteralement, naturellement, historialement et moralement. Et premierement a la lettre se puet dire que, comme saturne est la premiere des planettes, ainsi est il le premier nommé entre les dieux. Et pour ce est il dit viel

<sup>1)</sup> Fulgence, théologien (± 468–533).

<sup>2)</sup> Alexandre: probablement l'auteur anglais Albricus, qui est peut-être le même que: Alexander Neckham (mort en 1107); c'est lui qui a écrit le: Libellus de imaginibus deorum.

<sup>3)</sup> Servius, grammairien latin du 4e siècle.

que entre toutes Icelles planettes c'est celle qui plus tart et plus longuement se meut et fait son cours le plus tardif. Il est figuré, pourtant en sa main une faulx, pour ce que de sa nature elle est planette retrograde. Il devore ces <sup>1</sup>) enffans, pour ce que communeement ceulx qui en sa constellacion sont nex vivent pou ou gaires de temps.

On le paint que Jupiter le chastre et lui oste ses genitoires. C'est a entendre que Jupiter, qui est planette doulce et de nature attrempée, le sieut de si prez, qu'elle lui oste et attrempe sa vertu et son malice et bien souvent le deboute de son cercle et signe par son exaltacion.

On lui met ops sa femme delez lui, qui signifie la influence de la terre et la multiplicacion et generacion des biens terrestres en habondance, car la terre est la mere de tous hommes et de tous biens.

Selon la naturelle exposition Saturne signifie le temps contenant les quatre elemens. Par Jupiter est entendu le feu, Par Juno l'air, par neptune l'eaue et par pluto la terre. Cestui Jupiter doncquez, c'est a dire le feu, est dit chastrer et coupper les genitoires de son pere, pour ce que toutes les forces des temps, c'est entendre tous les fruiz de la terre, que le temps produist, sont consumez par la chaleur du feu. Et ainsi saturne, c'est a entendre le temps, mengeüe ses filz en tant que toute chose née en temps par aucune duration se consume et aneantist. Ou en tant que les fruiz et semences retournent au lieu dont ils sont venus et yssus: c'est a la terre. Il porte en sa main une faulx, pour ce que par la reduction du temps il se retourne en soy mesmes en mettant toutes choses a neant. Le dragon qu'il porte en sa main rond signifie l'en entier; comme le dragon de ces <sup>2</sup>) dens mort et tient sa queue, Ainsi l'an viel reprent le nouvel et rentre en soy mesmes a la maniere du dragon.

Ses genitoires sont dictes estre ruées en la mer par Jupiter. C'est a entendre en tant que la vertu generative, qui ou temps est reservée 3) en l'eaue, c'est a dire es humeurs de la terre. Et adonc d'icelles naist et est engendrée venus, en tant que des humeurs des choses naturelles vient la volupté et complacence de la generation. On dist que ce saturne eut en pere ung nommé celion, c'est a dire le ciel, qui est dit d'essaillir de ses vertuz, pour ce que la vertu generative ne demoura point ou ciel ne es corps celestes. Historialement se puet ceste fable entendre en ceste maniere. Saturne fut le premier roy de crette, auquel son frere, nommé titan dist, que de lui naistroit ung filz, qui le getteroit et dechasseroit hors de son royaume, pour quoy il luy conseillea qu'il devorast ses enffans, c'est a entendre qu'il les occist, affin qu'il echevast la malice de ses filz. Saturne pour ceste cause devora neptune et pluto.

Mais finablement il pensa en soy mesmes qu'il auroit compaignie a autre qu'a sa premiere femme ops, pensant que, s'il engendroit d'elle ung filz, qu'il ne lui nuyroit pas et que sa destinée ne seroit pas en luy comme

<sup>1) &</sup>quot;ces"; faute pour "ses".

 $<sup>^{2}</sup>$ ) ces = ses.

Une partie de la phrase manque.

APPENDICE II 391

es autres. Laquelle chose il fist et espousa cybelles, de laquelle il engendra jupiter, lequel par après le dechassa de son regne. Et ainsi saturne exillié arriva en ytalie, ou il fut par le roy Janus receü moult honnourablement.

Saturne doncques ainsi arrivé en ythalie mist toute son exercité en agriculture, c'est a dire en labourer les champs, porquoy on lui ottroya une partie de l'empire, ou il fut des habitans nommé pere et patrice 1) d'icelle region. Car il leur enseignea la maniere de semer et labourer la terre. Les poetes le descripvent estre triste, tant pour ce qu'il fut vaincu en bataille, comme pour ce qu'il fut exillié et debouté de son royaume. Ou, selon les astrologiens, il est dit triste, car l'estoille deputée et nommée du nom de saturne est ditte estre tousjours triste en sa naissance et denoncer tristesse. Car elle estant ou signe de capricorne, elle engendre et cause pluves tres griefves et principalement en ytalie. Et elle estant ou signe de l'escorpion ou aucuns autres signes elle engendre esclistres, tonnoirres, fouldres et autres choses nuisables aux creatures de la terre. Et mesmes aceulx qui sont nez soubz ceste planete sont voulentiers tristes. Les poetes aussi l'appellent viel, car si comme les anciens destituez de la challeur de Jonesse labeurent en froidure pour ce que en eulx le sang est refroidie et diminué et dont ilz tremblent, Semblablement ceste estoille saturne est tres froide. Et ce n'est pas de merveille, veü qu'elle est tres loing du solleil, duquel toute chaleur procède et si est tres prouchaine et voisine des eaues celestes, voire es signes tres loingtaines. En laquelle de l'effect de son temps elle est jugie tres froide, quant elle est es domicilles et maisons des signes d'acquaire et de capricorne, esquelz aussi s'elle est mise ou regart du solleil, si nous causera elle tres grieves froidures. Il a le chief couvert si comme le viel, en nous admonestant que ainsi le devons faire contre le froit qu'il nous envoie.

L'exposition et le sens allegorique.

Disons que saturne puet signifier aucun viel mauvaiz prelat, c'est a dire, envielly en mauvaises meurs, courbé de la voulente droitturiere, encliné vers terre par avarice, tenant en sa main une faulx, c'est a dire, Infecté de fausseté et de malice pour fauchier et destruire ses subgez.

Ces prelatz tyrans tiennent le dragon en leur main. Car pour certain, ils ont avec eulz familliers et officiaux draconicques et plains de venin, par lesquelz et par leurs moiens ilz oppriment, desrobent leurs povres innocens subgez, si comme dist le psalmiste <sup>2</sup>): Super aspidem et basilicon ambulabis, etc. C'est a dire: "Sire, en ce monde tu deambuleras sur l'aspis et sur [le] basilique et si constraindras le lyon et le dragon". Car pour certain les prelatz de auJourduy ont leurs maisons tant plaines de telz aspis, de basiliques, de lyons et de dragons pour leur ministres et officiaux, que a pou puent les bons subgez aucunement aller ne déambuler entre eulx qu'ilz ne soient Infecz de leur venin.

<sup>1)</sup> Dignitaire de l'empire romain; titre de dignité chez les rois bourguignons et francs.

<sup>2)</sup> Psaume 91, v. 13.

Car si comme l'aspis fait dormir les gens par son blandissement et par son beau semblant, et le basilique quelque chose vive qu'il voie, il l'occist par son regart, et le dragon par son malice reduist et ramaine sa queue a sa bouche, qui signifie qui veullent tout embrachier et engloutir, comme dit le psalmiste: Draco iste quem formasti ad illudendum ei, etc. 1). "Le dragon, que tu formas, fut pour le decevoir et moquier de lui et pour embrachier et prandre les substances et chevances de leurs propres subgez". Toutesfoiz il advient aucunesfoiz que Jupiter, c'est a dire ung des subgez de ceulx le plus saige et le plus hardy, se lieve contre cestui mauvaiz et l'attrait devant le souvrain juge, c'est le pape, l'empereur ou le roy, ou il le chastre de sa propre vertu et si longuement le combat par une 2) raison qu'il le deboute et oste de son regne, c'est de sa prelature et dignité, en disant les mesmes parolles que dist ysaie en son XIXe chappittre 3): "Quomodo cecidisti, lucifer, qui mane oriebaris, etc." "Hee", disoit ysaie par admiration, "comment es-tu ainsi cheü, lucifer, toy, qui du matin soulloies luer si cler et si reluisant?" Certes; il est chose juste que celuy qui Injustement opprime et desrobe ses filz espirituelz et subgez, qu'il soit de l'un d'iceulx finablement abaissié et chastré, C'est a entendre osté de son regne et gouvernement; tellement que ses genitoires, c'est a dire ces 4) voluptez et delices, soient gettées ou parfont de la mer en penitance et amertume de ses pechiez et qu'il en toute povreté et tribulation use le demourant de sa mechante vie vagabonde et estrangier, comme fist saturne.

Sens moral. — Autre moralité se puet Icy assigner selon hystorialle lettre. C'est que saturne, qui fut le premier qui enseignea aux ytaliens semer les bleds et autres semences et qui enseigna a reveler le peuple de faim, qui par avant vivoit de glandes, de racines, de fruitz et d'autres choses, puet signifier aucun bon et Juste prelat, occupé en bonnes contemplatives euvres, qui ose devorer ses subges, c'est a dire ses mauvaiz enffans espirituelz, par correction et vraye predication. Lequel a pour sa femme ops, c'est a dire, pitié et compassion en lui, dont il nourrist les pouvres par leur donner aumosnes. Et qui tient en sa main une faulx, c'est sa croche, qui est entendue Justice, dont il coppe et retrenche tout vice. Et si est viel et meurs par discrettion. Certez telz bons prelatz seullent estre chastrés par Jupiter, leur filz, c'est a dire de leurs ambicieux subgez. Ilz seullent estre Infestéz et tribouléz, si comme il est escript, que molt de tribulacions sont appareilliés aux Justes. Et pour ce que les bons prelatz chastoient leurs subgez, Ilz sont des mauvaiz haïz et opprobriez, pour ce qu'ilz craingnent estre de lui corrigiez et Reprins. Et ainsi s'efforcent de bouter et de chasser leur pere, affin que ou lieu d'icelluy Ilz puissent regner et dominer, comme fist Baasa 5), qui occist

<sup>1)</sup> Psaume 103, v. 26?

<sup>2)</sup> Mansion donne: "par vive raison", ce qui semble plus compréhensible.

<sup>3)</sup> La Sainte Bible selon la Vulgate donne ce texte au XIVe chapitre, v. 12.

<sup>4)</sup> ces = ses.

<sup>5)</sup> Baasa, roi d'Israël, usurpa la couronne après avoir tué Nabad, fils de Jéroboam.

le roy d'israël et regna pour lui. Ceste maniere de faire est auJourdhuy fort entre les haulx princes et aussi entre les officiers, tant des princes comme des bonnes villes. Car chacun tend a avoir domination, franchise et seignourie les ungs sur les autres. Et mesmes, en ensuivant ceste ystoire, les filz par dessus leurs peres, les disciples par dessus leurs maistres et le populaire et subget par dessus son seigneur, par quoy Il semble que le temps de saturne et de Jupiter soit a present retournez. Mais Je croy que c'est pour ce que l'estoille ditte saturne regne et fait son cours retrograde de present, et ainsi par son Influence elle donne ce que de sa nature elle puet dessus les créatures de la terre.

Sens moral. — Autre moralisation de sens hystorial puet encores estre Induit a ceste fable. C'est assavoir que saturne puet signifier aucuns tyrans, et mesmement ceulx qui tyrannisent et dominent par rapines, larrecins et violences. Ceulx sont certains que de leur filz, c'est a dire de aucun de leurs subgez, sont ou temps futur atstré 1), deboutez et destituez de leurs tyrannicques seignouries. Et pour ce par le conseil de leur frere citan 2), c'est a dire de leurs complices, Ilz devorent leur filz, c'est qu'ilz tyrannisent et de fait bennissent, occient et exillent leurs subgez, lesquelz Ilz doubtent estre en temps advenir leurs contraires et adversaires. Et toutesfoiz ceste chose leur prouffite ou pou ou gaires. Car cestui subget, duquel moins se doubtent et ouquel dieu envoie ung bon esperit, le deboute, dechace et oste de son regne et mauvaiz gouvernement et souvent regne pour luy et en son lieu. Comme il advint Jadis en ytalie en la cité de lande, que ung monnier occist un cappitaine, qui tyrannisoit les cytoiens et la cité et depuis en Icelle regna et gouverna le peuple en tres bonne police.

A ceste chose s'accorde Job <sup>3</sup>) en disant que dieu permet la perdition de plusieurs et Innumerables tyrans et fait regnier autres pour eulx. ou disons que saturne, qui est dit se saouler, signifie l'assavourement de la gueule, qui par ce engendre venus, c'est la delectacion de la chair. Comme dist monseigneur saint Jherome: "venter mero estuans spumat facille in libidinem". "Le ventre," dist il, "saoulé et remplij de bon vin, de ligier se esmeut a la libidinosité charnelle." Ou mettons ceste hystoire en exemple que Impossible est aux hommes de fouyr ou eschever la destinée et ordonnance du conseil divin, car par mesmes voie que nous la cuiderons eschapper, par Icelle mesmes y encherrons. Si comme fist saturne, lequel affin qu'il ne fust dechacié de son royaume par ses enffans, cuida par la mort d'iceulx eviter cestui dangier, par l'accointance d'une estrange femme. Et toutesfoiz Jupiter par la divine ordonnance mist la chose a effect, comme plus a plain sera ou texte de ce present volume declairé.

<sup>1)</sup> atstré = castré?

<sup>2) &</sup>quot;citan" est probablement "Titan".

<sup>3)</sup> Job, XXXIV, v. 24.

De Jupiter et de sa figure.

Jupiter, filz de saturne, auquel le ciel et le regiment d'icelluy fut par sort assigné, doit estre paint assis en ung trone d'yvoire en grande maiesté, tenant en sa main dextre le ceptre royal et en sa senestre fouldre, qui Jettoit en bas dessus aucuns gayans, qu'il tenoit abbatus et prosternez dessoubz ses piez. De costé lui estoit ung aigle, les eles estendues, qui d'entre ses piez ravissoit ung Jeune filz, nommé ganimedes.

Sens moral a la precedente fable.

Pour le sens moral de ceste fable et hystoire, nous pouons prendre Jupiter, comme aydant a son pere. Par Jupiter entendent les poethes le feuz et la challeur. Et nulle chose n'est en ce monde plus aydable a viellesse que chaleur. Il est paint comme roy seant en throne. Les philosophes dient et entendent Jupiter estre cellui qui tient la principauté des elemens. Et selon les methaphisicques c'est une estoile par la Irradiacion de laquelle elle distribue et baille aux homes honneurs et seignouries, et pour ce la paint on le ceptre en la main. Et qu'elle envoie les fouldres en bas, signifie la chaleur du feu d'en hault descendant par l'air en bas, qui est froit, dont se causent telles foudres. Et qu'il a de costé lui ung aigle, La fable racompte que, quant Jupiter se combatit une foiz contre les gayans Tytannois, ung aigle le vint couvrir de ses elles pour la grande chaleur et pour les fouldres qui descendoient du ciel sur luy.

Les philosophes y assignent une autre raison et dient que l'aigle entre tous les oyseaux est de tres grande challeur et tellement, qu'elle puet cuire ses oefs surs lesquelz elle siet, se n'est qu'elle les touche d'une pierre precieuse nommée Achates.

L'aigle aussi voit aguëment et si asprement qu'elle voit le solleil et son cercle et ou plus chault du Jour bien longuement, sans en oster sa veüe. Et ainsi doncques par raison est cest oysel consacré a cestui element tres hault, c'est l'air pris Icy pour Jupiter. Aucuns y assignent autre raison et dient que Jupiter, apres ce qu'il eut saturne debouté et enchassié de crette et qu'il en fut mesmes roy, bataille s'esmeut entre luy et les cytannois 1), pour quoy Il fist sacrifice au ciel, pour obtenir la victoire de ses ennemis, d'un aigle, comme du plus haultain oysel de l'air. Et tandis qu'il se combattoit, y vint ung aigle, les eles estendues par dessus luy, qui lui ostoit la chaleur du solleil en lui donnant ayde et secours en tant come en luy en estoit, et tellement qu'il obtint la victoire; pour quoy et en signe de cestui augure et pour ceste victoire Jupiter fist faire ung aigle d'or, qu'il portoit tousjors depuis en ses batailles. Dont est sour se 2) une commune parolle, que l'en dist que les aigles suivent voulentiers les osts des gens d'armes et des batailles. Pour ceste cause portent encores les rommains en leurs signes et banieres l'aigle, pour ce que, comme cestui oysel est roy des oijseaux, pareillement Ilz se dient empereurs et chiefz

<sup>1) &</sup>quot;Cytannois" est probablement = "tytannois".

<sup>&</sup>lt;sup>2</sup>) se = ce.

APPENDICE II 395

du monde. Ganimedes fut filz du roy de troyes, moult beau Jouvencel, que Jupiter ravist, affin qu'il de lui feist sa voulenté. Et dist la fable que, pour ce faire, Il se transmua en aigle. Et depuis le translata ou ciel et le constitua bouteillier des dieux. Ganimedes est le signe que nous appellons aquaire, qui tousjours est pluveux, et pour ce l'appelle on boutillier du ciel.

Sens allegorique.

Mais toutes ces choses delaissées, venons au sens allegorique. Et disons que Jupiter puet signifier le dieu du ciel, prince et maistre par dessus toute chose créé; cellui, qui ou throne de la souveraine maiesté siet, qui tient en sa main la verge de Justice et d'équité, de laquelle Il regist et gouverne toute chose, qui envoie les fouldres de rigueur et de pugnition contre les mauvaiz gayans; c'est a dire qu'il confond et abaisse les orgueilleux de ce monde. A lui assistent les angeles, qui ravissent les enffans, c'est a dire les ames des purs et Innocens homes, et en la mort les eslievent es cieulx. Ou les aigles sont les saints prescheurs qui les enffans, c'est a dire les pecheurs, eslieuvent par leur saincte vie et bonne predicacion a Dieu es cieulz. Comme dist monseigneur saint mathieu 1): laissiez les enffans venir a moy". Ou disons que Jupiter est le bon prelat assis ou trone de sa maiesté, qui doit tenir en sa main la verge de Justice et doit envoier les fouldres d'aspre correction contre les gayans, c'est a dire, contre les orguilleux tyrans de ce monde, affin que contre le ciel, c'est a dire contre l'esglise de Dieu, Ilz ne presument eulx eslever et que aux autres ne puissent nuire. Comme dist Job 2): "Toy, prelat, dois en ta fureur c'est a dire, par ton autorité reprimer et corrigier les orguilleux et tous arrogans humilier" 2). Les aigles, qui cler voient, c'est assavoir les prudens, discrez et hardiz hommes, doivent assister a telz prelats. Et par leur science et doctrine doivent les enffans — ce sont les simples et Innocens crestiens — eslever amont en la comtemplacion et amours des choses celestes. Comme dist Job 3) en son tiers chappittre comme par admiration: "Nunquid ad preceptum tuum elevabit aguila?". "Et comment, dist Job, ne s'eslevera pas l'aigle a ton commandement?".

Autre moralité pouons assigner a ceste fable et pouons prendre Jupiter pour ung prince tyrant et mauvais, qui a en sa main la verge de la temporalité, Juridition et siet ou throne tyrannique, pourtant les fouldres de cruaulté en ses mains et les envoie contre les gayans, c'est contre les grans clercs et sains preudehommes, en les vilipendant et ostant leurs substances et souvent leurs vies, et si ont les aigles delez eulx et sont pervers et maulditz familliers et satellitez, qui ravissent les enffans, c'est a dire ostent et tollent les biens des povres Innocens, leurs subgez, en les grevant et exactionnant leurs substances. L'aigle doncques est faintte de estre l'escuier, portant les armes de Jupiter. Car luy bataillant contre

<sup>1)</sup> Saint Matthieu, XIX, v. 14.

<sup>2)</sup> Job, XL, v. 6-7.

<sup>3)</sup> La Vulgate donne: Job, XXXIX, v. 27; cf. 39, 30.

les gayans cytannois 1), il luy administra les fouldres, comme dit est. Et pour ce en quelconque lieu que on empaint Jupiter, on fait tousjours delez lui une aigle, qui est a entendre que Jamais le tyrant prince n'est que tousjours ne le suivent et compaignent les aigles, c'est a dire faulx et Inhumains serviteurs, qui, a la maniere de l'aigle, voient aguëment et asprement par leur malice, vollent hault par leur orgueil et ravissent les biens d'autrui par leur cruaulté; telz serviteurs administrent les fouldres au dieu Jupiter, c'est aux princes ou prelas, en leur donnant mauvaiz consaulx et les Induisant a rapine. Pou sont auJourdhuy de princes mondains ne de prelas d'esglise qui ne soient assistez et serviz de telz aigles ravissans et vivans de proye. Pareillement, selon les fables, volcan, qui estoit lait et boisteux, et les ciclopiennes, qui n'avoient que ung seul œil, sont dis estre les forgeurs des fouldres de Jupiter. Et pour leur difformité ilz sont degettéz et expulsiéz du ciel. Ainsi les bailliz, prevostz, officiaulx, sergens et autres Inferiores et villes personnes, qui par leurs faussetez et traysons clochent comme regnars affaitiéz, et par leur ignorance n'ont que ung œil, car pour leur obstinée pertinacité et perverse mauvaistié acoustumée Ilz ne puent veoir la gloire ne concevoir les retribucions de la vie pardurable pour la temporelle et transitoire, et sont ceulz qui forgent les fouldres de Jupiter, pleins de cruauté, de Inhumanité et de rapines, et ceulx sont degettés et expulséz du ciel et envoyez en pardurables paines d'enfer.

Sens hystorial a la fable.

L'exposition hystorialle de ceste fable si est que Jupiter est l'air souvrain, qui est dit seoir en throne hault et tient en sa main une verge, pour ce que aux choses basses et Inferiores II seignourist. Il envoie les fouldres en terre, Car IIz se causent et congerient en l'air, ains qu'ilz descendent en bas par froideur et challeur. L'aigle n'a point de compaignon ou pareil qui l'excède en son vol par sa haultesse, et pour ce est cest oysel dit escuier de Jupiter, pour ce que nul autre ne puet aller en l'air si hault comme II fait. Et mesmes est de si hault vol qu'il monte Jusques a la partie de l'air ou Iceulx fouldres se causent.

De mars et de sa figure.

Mars est paint en tiers en l'ordre des dieux, pour ce que l'estoille ainsi nommée est tierce en son degré. Il doit estre paint en figure d'omme furieux et en chiere hardie, seant en ung chariot, ayant salade en teste et ung fleau en sa main destre. Et devant luy doit estre paint ung loup. Car les anciens lui sacriffoient especialment ceste beste. Cestui mars estoit des hommes dit devorant et destruisant les mascles et dieu des batailles. Et selon ce que solin 2) raconte, les anciens lui sacriffoient des espéez pour les enffans qui estoient encores ou ventre de leurs meres.

<sup>1)</sup> Cytannois = titannois.

<sup>2)</sup> Solinus, géographe du troisième siècle.

Toutes ces choses vouldrent faindre les poethes a demonstrer la nature d'icelle estoille appellée mars, qui est chaude et seche, et pour ce dit on qu'elle domine sur la collerique complexion. Et pour ce le paint on comme homme furieux, et sa face terrible a regarder, comme homme appettans sedicions et batailles, seant en ung chariot armé et prest a combattre.

Sens moral a la precedente fable.

Je dy doncques, a parler moralement, que par celui dieu mars et par son ymaige puent estre entenduz les princes mondains regnans au Jourdhui, qui sont plains de batailles et de tyrannies. Ilz sont assis en chariot, car en cellui estat Ilz resplendissent et convertissent leurs affeccions, leurs estaz et leurs cogitacions a la semblance d'un chariot, si comme Il est escript ou XVIe chappittre du livre des roys 1), qui dist que les mauvaiz princes tournoieront en ce monde comme les roes d'un chariot. Et en l'ecclesiastique est escript que les voulentez et pensees des mauvaiz princes sont tournoyans en leurs courages comme les roes d'un chariot. La face de mars estoit terrible a regarder dessoubz sa salade, qui est a entendre que telz mauvaiz tyrans s'efforcent d'estre semblables en regart et maintien, affin qu'il apperent aux hommes terribles, et se delittent en armes estranges et exquises oultre et par dessus la coustume de leurs predecesseurs preudhommes. L'omme inique est mauvaiz et terrible en sa cité et entre ses cytoiens, et pour ce est il dit estre armé et tenir en sa main ung flayau, pour ce qu'il luy semble estre ordonné par son droit a flageller et tyranniser les hommes. On paint ung loup devant eulx, qui signifie leur rapacité et leur lupine et Insaciable famine. Car telz tyrans ont tousjours avec eulx des loups, c'est a dire des cruelz familliers, qui sachent blechier et devorer les brebiz; ce sont les simples subgès de la substance, desquelz Ilz puissent continuer et maintenir leurs querres et beubans mondains. Les loups sont ditz estre consacréz au dieu mars, Car en telz pervers et tyrans seigneurs les lupins et tres mauvaiz seneschaulx sont bien venuz et moult honourez. Comme il est escript ou XXVIIe chappittre des proverbes 2): "Le prince qui voulentiers oit les parolles menteurs aura tousjours serviteurs et ministres mauvaiz et pervers". Ceulx doncques sont appellez dieux des batailles. Car Ilz ne leur chault d'esmouvoir riotes et debats. Ilz sont ditz devorer les mascles, c'est a dire qui despoillent et occient les bons et vertueux hommes. Car pour certain Ilz destruisent plus tost les bons et honnestes hommes que les pervers et mauvaiz, et pour leurs mauvaiz serviteurs Ilz offrent au dieu mars, affin de lui mieux complaire, espees, guysarmes, halbardes et autres armurcs exquises et hors usaige en la terreur des regardans, esquelz les princes se delittent de veoir grande compaignie de telz saquemans delez eulx armez et prestz a tous maulx perpetrer.

 $<sup>^{1}</sup>$ ) Ce texte ne se trouve pas à cet endroit dans la Vulgate.

<sup>2)</sup> La Vulgate donne: Proverbes, XXIX, v. 12.

Ou disons que le chariot auquel se siet le dieu mars, signifie le tumulte et connussement 1) des mauvais hommes, lesquelz par les quatre roes du chariot, c'est a dire par les quatre mauvaises affeccions, ou par les quatre especes d'orgueil sont entendues, qui sont de volenté, d'auttorité, de force et d'amples richesses, pompes et cantances. Comme dist le psaimiste 2) des mauvais et pervers hommes: "les ungs sont en chariots et les autres sur chevaulx". Autrement pouons prendre ceste fable, c'est que mars signifie le pechié de discorde, laquelle siet ou chariot de l'ame de l'omme mauvais, que font tourner quatre roes, c'est a dire quatre vices espirituelz, assavoir: avarice, orgueil, detraction et Injure. Ces quatre roes sont celles qui portent le dieu mars, c'est a dire discorde, et qui le soustiennent. Ceste discorde est ditte porter le flayau, car par son moien toutes choses sont acraventéez et abattues, et les mascles, c'est a dire les hommes, sont occis es batailles et devorez par tricheries et tenchons, toutes descendans de discorde.

### D'apollo et de sa figure.

Apollo est mis en l'ordre quatriesme des dieux. Et la raison pourquoy le le met en cestui ordre quatriesme, si est, pour ce que le solleil, qui est dit appollo entre les planettes, tient le quart lieu ou ciel. Cestui Appollo paindirent les anciens en forme d'une Jouvencel, puis en forme d'un enffant et tantost aprez en forme d'un vielart, et depuis en diverses manieres, qu'il portoit sur sa teste ung chappeau a III pointes comme une couronne d'or. En l'une de ses mains portoit saiettes et arc et en l'autre main il tenoit une harpe. Soubz ses piez estoit paint ung monstre terrible, duquel le corps estoit serpentin, et si avoit troys testes, l'une a maniere d'un chien, La seconde a maniere d'un loup, Et la tierce a maniere d'un lyon; lesquelles et combien qu'elles fussent divisées et separées l'une des autres, toutesfoiz si convenoient elles toutes en unq corps, lequel n'avoit qu'une seulle queue serpentine. De costé appollo estoit paint ung vert lorier, par dessus lequel volettoit ung noir corbeau. pour ce que cest oysel luy estoit par les anciens especialement consacré. Dessoubz ce laurier dansoient les neuf muses, qui chantoient et donnoient son melodieux a appollo; ung pou loing de lui estoit phiton le grant serpent, en l'estomac duquel estoit fichié une fleche tout oultre, que appollo Jadis lui avoit traitte.

A parler litteralement appollo est le soleil, qui communeement se paint jone, pour ce que journellement Il naist a notre regart. Toutesfoiz Il se diversifie en plusieurs aages, pour ce que, selon les heures du Jour, continuellement se mue et diversifie. Comme au matin Il est dit enffant, car il se rougist, et ou midi Il est dit homme, pour ce qu'il brusle et est

 $<sup>^{1}</sup>$ ) Ce mot ne se trouve pas dans le dictionnaire de Godefroy; il y a bien; tombissement = bruit, retentissement.

<sup>2)</sup> Psaume XIX, v. 8.

en sa force, et ou vespre Il est dit viel, car il devient pale et se va couchier, comme pour mourir. Il tient ung arc et tyre une fleche, car le soleil cause l'arc ou ciel et nous envoie ça Jus ses rays poingnans comme saiettes. Il porte une harpe, pour ce qu'il modiffie et attrempe tous les sens de la celestienne melodie. Il porte sur son chief couronne a troys pointes, pour troys benefices qu'en lui sont; c'est assavoir: splendeur, challeur et vigueur, qu'il euvre en toutes choses vivantes et croissantes. Qu'il a soubz ses piez ung grant serpent a troys testes, est a entendre que par lui est divisié le temps en troys mesures. Car par la teste du chien, qui blandist, est entendu le temps futur, qui blandist l'omme en esperance du temps a venir.

Par la teste du loup est entendu le temps passé, lequel nous est osté et ravy a la maniere d'un loup, qui tantost se fuyt et se pert comme l'ombre. Et par la teste du lyon nous est donné a entendre le temps present, qui a maniere d'un lyon ne daigne fouyr. Ains va pas apres autre, successivement. Au solleil est approprié le laurier, le corbeau et les muses, en tant que le corbeau en esté fait son nid ou milieu des plus ardantes chaleurs qui puet trouver, et la verdeur du lorier dure tousjours en hiver et aussi en esté, quelque chaleur qu'il face.

Et les muses, c'est a entendre les subtilles personnes, dependent de lui et de lui prendent la subtillité de leur engin et pour ce lui en doivent la recevence, pourquoy doncques a bon droit cestui appollo est Icy pris pour dieu, pour ce qu'il manifeste par sa lumiere toute signification occulte.

Par cestui appollo Je puis entendre ung chacun homme Juste et mesmement ung bon prelat. Car certes a bon droit Il est du lignage du soleil, en tant que de toutes ses forces Il ensuyt l'ymaige du soleil de Justice. Cestuy prelat se doit apparoir Jone, hylaire et Joyeux, en temps aucunesfoiz viel, c'est a dire grave et meür. Aucunesfoiz calve, c'est a dire prudent et plain de sens. Aucunesfoiz sans barbe, c'est a dire sans mondaine sapience. Car la sapience de ce monde est prise pour follie envers Dieu. Et aucunesfoiz doit le bon prelat apparoir innocent et sans science. Car certes toutes ces choses appartiennent a ung chascun bon prelat. C'est assavoir qu'il se saiche muer diversement selon les lieux, les temps, les personnes et les conditions des subgès. Et doit diversement charier a l'exemple de l'apostre, qui disoit ou IXe chappittre de son epistre aux corinthiens 1): "Je suis", disoit il, "fait semblable a tous, affin que Je face gaigner a tous toutes choses". Le prelat doncques se doit simuler estre Jone avec les Jones, triste avec les dolans, et viel avec les anciens. Il doit aussi estre aourné d'une couronne d'or a troys pointes, c'est a dire qu'il doit estre Imbeü de la saintte trinité. Il doit aussi avoir la harpe, pour loer notre seigneur des louenges diurnelles. Aussi doit il estre aorné de l'arc de la pharetée et des saijettes de droit-

<sup>1)</sup> I Cor. IX, v. 19.

turiere Justice, pour traire, berser et corriger phiton le serpent. C'est a dire que le bon prelat ou curé doit estre prest et appareillié continuellement a corriger les pecheurs serpentins. Et emprez lui doivent estre les mauvaiz serpens, C'est a dire les endurciz et obstinez pecheurs navrez, gesir a terre comme corrigiez par penitance. Car II est escript que les sayettes des puissans doivent estre aguës avec les chabous 1) des desolateurs.

Semblablement le bon prelat doit abaissier et mettre soubz ses piez le monstre terrible, c'est a dire qu'il doit corriger a la rigueur les conspirateurs et perturbeurs des esglises et des suspos d'icelles, que, combien Ilz soient entre eulx contraires et divers a conspirer, toutesfoiz Ilz sont entre les autres conjoints ensemble. Lesquelz, combien qu'ilz soient chiens blandissans, lyons ravissans et loups fuyans, si n'ont ilz toutesfoiz que une queue serpentine, c'est a dire qu'ilz conviennent tous en une malice. Diversement machinans figurés par les renars de sanson 2), desquelz la face estoit diverse, mais toutesfoiz les queues estoient' ensemble coupplées. Car combien que les cueurs des mauvais et pervers hommes et aussi les faces de leurs pensees Jamaiz ne se ressemblent, toutesfoiz Il advient souvent que en leurs queues par falaces et malices Ilz se conjoingnent ensemble affaire Innumerables maulx; telz monstres doncques, c'est a dire telz hommes confederez et assemblez ensemble en tous maulx, doit le bon prelat tenir soubz ses piez et les desjoindre d'ensemble, affin que a lui ne aux autres Ilz ne nuisent.

Comme dit le psalmiste 3): ,,tu ambuleras et passeras par dessus l'aspis et le basilique'', qui sont deux tres venimeux serpens.

Item le prelat doit avoir environ soy troys choses, c'est assavoir le laurier, le corbeau et les muses. Le laurier, qui tousjours verdoie, signifie les hommes saiges et prudens. Le corbeau, qui par sa noireté signifie les povres et mendians. Et les muses, qui sont dittes de musique, signifient les clercs et religieux hommes, dedyéz et Instituéz aux louenges et Jubilations divines. Toutes ces choses doivent estre compaignes et voisines a Appolo, c'est a dire au bon prelat et a lui especialement dedyez. Il doit avoir aussi hommes prudens et sages conseillers. Il doit nourrir et garder les povres et Indigens pour l'amour de notre seigneur. Et si doit tenir et avoir bons et honnestes compaignons, clercs et chantres, pour le service divin celebrer et augmenter les loenges de Dieu. A l'exemple de david, qui atout sa harpe chantoit et saultoit avec les chantres devant l'arche de notre seigneur.

Sens moral a la fable.

Ou disons une autre exposition morale, au contraire, que apollo estoit une ydolle de la gent paienne, constituée en delphos en la montagne pegasus, droit au milieu du monde, selon l'oppinion de notre auteur ovide.

<sup>1)</sup> Le sens de "chabous" n'est pas clair.

<sup>2)</sup> Juges, XV, v. 4.

<sup>8)</sup> Psaume XC, v. 13.

en laquelle ydole le dyable donnoit respons a tous, puet signifier le mauvaiz prince ou prelat, qui est l'ymaige du dyable et ydole par Imitacion et forme des vices, comme dit saint Jehan 1) en son VIIIe chappitre: "vous, mauvaiz prelaz, estes de par votre pere le dyable". Ceulz portent sur leurs testes la couronne a troys pointes, c'est a dire de trible concupiscence. Ilz ont premierement la harpe de la mondaine leesse; Ilz ont l'ar 2) de cruauté et de Inhumanité, dont Ilz bersent et trayent phiton, c'est le povre homme, par exaccions et subtilz malices, Comme Il est escript ou Ve chap. d'ysaije 3): "Le prince ou prelat cruel prandra l'arc et la sayette et si n'aura pitié ni mercy d'aucun". Ilz ont aussi ung monstre molt terrible, c'est a dire une monstreuse et serpentine malice, laquelle a troys testes, voire en tant, qui seullent varier triplement leur teste de mauvaise Intencion. Car en leur couraige et pensee, Ilz ont la teste d'un chien en tant qu'ilz deçoivent en blandissant; Ilz ont la teste du loup en tant qu'ilz font ocultement leurs agaiz et traïsons. Et si ont la teste d'un lyon en tant que manifestement Ilz Injurent et devorent les simples et Innocens. Et ainsi doncques le chien blandist trayteusement, Le loup donne agais couvertement et le lyon Injurie manifestement. Ces troys choses conviennent en une queue serpentine, c'est en une mauvaise fin, en tant qu'ilz devorent les Innocens et preudhommes en les despoillant de leurs substances. Mais Ilz veullent avoir entour et environ eulx troys manieres de parsonnaiges, lesquelz sont entenduz par le corbeau, par le laurier et par les muses. Le corbeau qui, selon les augures, est dit porteur de mauvaises nouvelles signifie les detratteurs et les rapporteurs de mauvaises parolles. Le laurier, qui tousjours est vert et Jamais de sa verdeur ne se despouille, signifie les Jeunes hommes et femmes vivans luxurieusement. Et les muses, qui tousjours chantent, signifient les flatteurs et adulateurs. Et certainement tousjours environ et entour les mauvaiz princes et prelas vous verres grant multitude de corbeaux, qui leur rapportent pluisieurs mauvaises nouvelles en blasmant et vituperant les autres meilleurs d'eulx, dont souvent en avient grans dommaiges et dangiers a leurs seigneurs et maistres. Vous y verrez aussi grande multitude de femmes lubricques et de Jones hommes esvergondés et Inhonnestes, nourrissans leurs cheveulx comme putains, traynnans leurs robes a maniere d'hommes effeminez parmy les rues, dont Ilz convient qu'ilz lievent leurs queues si hault, qu'on leur voie le derriere tout apertement, qui est chose desnaturelle et contre son ordonnance. Car a toute beste elle a prouveü queue pour le couvrir, fors au singe, que les hommes ressemblent auJourdhui. A la court des seigneurs aussi habondent pluiseurs muses, c'est a dire gengleurs, bourdeurs, tabourins, messagiers d'amours foles et flatteurs chantans melodieuses fables et parolles plaisantes a leurs

<sup>1)</sup> Saint Jean, VIII, v. 44.

<sup>2)</sup> l'ar = arc.

<sup>3)</sup> La Vulgate donne: Ysaie, XIII, v. 18.

seigneurs, et semble que telz princes dient, ce que dit ysaie 1) en son XXVIe chappittre: "Vous qui notre grace voulez avoir et notre amour, parlez a nous parolles plaisantes."

Apollo aussi puet estre entendu pour le solleil de Justice, notre benoist sauveur et redempteur Jhesus, qui tousjours fut Jone par povreté et qui eut triple couronne d'or, c'est a dire triple verité de nature, a savoir: ame, corps et divinité. Il eut la harpe de laquelle Il consola les autres <sup>2</sup>); Il eut l'arc et les sayettes pour berser et corriger les autres et si abbati phiton le serpent, c'est a dire lucifer, de la sayette de la vraye croix. Il surmonta <sup>3</sup>) les convoitteux et les mauvais princes du monde. Les corbeaux, c'est a dire les povres et religieux, ama. Le laurier, c'est l'arbre de la vraye croix, consacra et si esleüt les hommes saiges, especialement loans dieu par decantacions divines comme muses, et lui assister. Ou les IX muses, c'est a dire les IX ordres des sains angeles dedya soubz le laurier, c'est a dire desoubz la verdeur de l'eternelle gloire. Cestui Jheusus est dit dieu de divinacion en tant que par son Influence les hommes sont Informez a Jugier des secrez de Dieu et des choses qui appartiennent au salut de l'ame.

### La figure de venus et comment elle doit estre painte.

Venus tient le Ve lieu entre les planettes, pourquoy Je vueil descripre en ce quint lieu sa figure. Venus doit estre painte en la forme d'une tres belle pucelle nue nagans dessus la mer, tenant en sa main une lamine d'ardoise aournée et environnée de roses et de fleurs, et par dessus des coulons voletans environ elle, et si estoit assignée en mariaige a vulcan, le dieu du feu, tres lait et tres difforme. Devant elle estoient troys Jones filles nues, qui s'appelloient troys graces, desquel les 4) faces des deux estaient tournées vers elle et la tierce lui tournoit le dos. Auprez de venus estoit son filz cupido, empenné de pennes, mais il estoit aveugle et d'un arc qu'il tenoit tyroit a appollo une fleche, pour quoy les dieux furent troublez et l'enfant moult paoureux s'enfuyoit muchier de costé sa mere. S'ensieut l'exposition a la lettre.

L'exposition litterale a ceste fable est que toutes ces choses dessus dittes puient estre actribuez a la planete qui est ditte venus, car elle est de femenine complexion. Et si est painte en l'espece d'une pucelle nue. Elle est chaude et humide et si est ditte estre mariée a vulcan, qui est le feu. Elle est constituée sur mer, affin qu'elle soit cogneüe estre conjointte a chaleur et moitteur. Et pour ce dist on qu'elle conceüt cupido, le dieu d'amours, c'est a dire la concupiscence de la char, pour cause que

<sup>1)</sup> La Vulgate donne seulement: "Dites-nous des choses qui nous plaisent".

<sup>&</sup>lt;sup>2</sup>) Le commentaire de Mansion donne: "Il consola les desconfortez"; ce qui paraît plus logique.

<sup>3)</sup> Le texte donne: "surmomonta".

<sup>4)</sup> Mansion donne: "desqueles les faces".

pour sa chaleur et moitteur on dist ceste estoille esmouvoir la concupiscence de la char. Sens moral a la precedente fable.

Delaissie doncques ceste litterale exposition, pouons moralement entendre par ceste deesse, selon fulgence, la vie voluptueuse, ou une chascune personne voluptueuse et luxurieuse qui est ditte femme pour son Inconstance Incuitable. On la paint nagant en mer pour ce qu'elle veult toujours estre en delices, tenant en sa main une ardoyse marine de laquelle on danse ou chante, car tousjours elle veult estre en leesses.

Pour neant n'est volupté luxurieuse figurée en forme feminine, car elle ne dure neant ou pou. Elle est nue, Car l'omme a paine la puet Il celer et ne puet qu'elle n'appere et si veult tousjours nagier en la mer, c'est a dire en opulence et habondance de delices et s'esjoyr en vaines leesses. Venus est fainte estre engendrée en mer pour ce que luxure est engendrée et causée d'opulentes richesses et delices. A ce propos semble la sainte escripture parler au XIIIe chappittre d'ysaie 1), disant: "passe ta terre comme ung fleuve de mer et puis ensieut prens ta harpe etc.", ceste volupté nourrist les coulons, c'est a dire les luxurieux; elle aime les roses; ce sont les curiositez de ce monde. Elle produist son filz cupido, c'est la concupiscence de la char, qui appollo, c'est a dire les hommes Justes, navre et tresperce par la sayette de ses temptacions. Venus a avec elle pucelles nues, c'est a dire troys manifestes coulpes qui l'ensieuvent. La premiere est avarice, par laquelle elle ravist notre fragilité et de laquelle elle nous alleche et Il appert assez, car notre charnalité luxurieuse nous aime par la raison de sa volupté. La seconde est concupiscence par la raison de sa capacité 2). Et ces deux sont qui tournent la face vers nous. Et la tierce si est Infidelité, qui nous destourne sa face pour cause de notre nudité et povreté ou pour la dileccion d'autruy beauté. Car Il est propre chose et de nature aux femmes luxurieuses, qui aussi longuement qu'elles treuvent en l'omme delettacion et gaing, elles lui monstrent beau semblant. Autrement, s'il est povre ou qu'il deviengne Impotent, elles lui tournent la face et de lui n'ont plus cure, et tellement que l'omme ainsi moqué puet dire comme fait le prophete Jheremie 3) en son second chappittre: "Ilz me tournent le dos et non la face, laquelle de droit m'est deüe".

Une autre moralle exposition se puet sur ceste fable dire. Ces troys damoyselles qui tiengnent compaignie a venus sont troys pechez, qui frequentent la prosperité et volupté des choses. C'est assavoir: luxure, orgueil et avarice. Desquelles troys 4), c'est assavoir luxure et avarice, se tournent vers nous. Luxure affin de nous allechier et delitter et avarice affin de nous enrichir. Et orgueil destourne sa face de nous et aussi de

<sup>1)</sup> La Vulgate donne: Ysaie XXIII, v. 10 et v. 16. Le texte latin de Berçuire donne aussi: chap. XXIII.

<sup>2) &</sup>quot;capacité" probablement pour "rapacité".

<sup>3)</sup> Jhérémie II, v. 27.

<sup>4)</sup> Mansion donne: "deux", ce qui est plus compréhensible.

tous, affin et en tant qu'elle despite et contempne tous et ne les daigne regarder.

Autre moralité se puet icy assigner. Ces troys pucelles sont troys vertuz theologales. C'est assavoir: foy et esperance et charité. Car communement par foy nous creons et par esperance nous esperons la vie eternelle, qui nous est promise en acomplissant les euvres de misericorde et les commandemens de Dieu. Ces deux vertuz nous monstrent la face, mais charité nous destourne la sienne en tant que par charité nous n'aimons notre benoist createur oultre et par dessus toutes choses et notre proeme comme nous mesmes, comme tenuz y sommes.

Ou disons, selon l'oppinion de fulgence, que ces troys pucelles sont entendues grace, benefice et gloire, desquelles l'une destourne sa face de nous, mais les autres deux convertissent leurs faces devers nous, a denotter que benefice et grace, qui simplement nous sont donnees, se doivent restituer pour noz merites. Disons aussi que cupido, le filz de venus, est amour charnelle, filz de volupté, qui est empenné a denoter que amour est subite et voluntaire, hastive et tost vollant. Car Il avient souvent que ung homme subitement et sans aucune deliberation est enflammé de l'amour d'aucune, et pour ce dist on que amour est vollage et empennée. Cestui dieu est paint aveugle, car ou Il s'atache Jamais ou pou souvent Il ne se destourne, Car aussi bien s'adhert elle en ung povre homme qu'elle fait en ung riche, en ung lait qu'en ung bel, en un religieux qu'en un lay. Il est aussi autrement dit aveugle, car tous les hommes qui a folle amour s'adherdent sont dis aveugles, ne nulle chose est plus aveugle de l'omme enflammé de l'amour d'aucune femne. A ce propos dist senecque: "Amor Judicium nescit". "Amour ne scet donner vray Jugement". Et brief pour ce vouldrent les poetes anciens Iceulx dieux estre paints aveugles, c'est assavoir: cupido et fortune. Car cupido, qui est amour, comme dit est, est si tres aveugle qu'aucunesfoiz elle s'efforce de se desfaire, mais tant plus s'en cuide desfaire et tant plus s'i boute et enlache. Comme Il apparut en narcisus, lequel ama son propre ombre Jusques a la mort. Ainsi que cothidiennement nous voyons que une tres vile personne aymera et aura mise son amour en une haulte noble dame ou damoiselle, ou que le contraire se fera, dont et l'un et l'autre en vivront a deshonneur et en honte Jusques a la mort. Fortune ainsi, comme s'elle fust aveugle, aucunes foiz et subitement eslieve et promeut les Indignes a haultes et nobles dignitez et les dignes et vertueux hommes rue et precipite Jusques en fange et souvent les fait mendier en povreté et deshonneur.

De mercure et de sa figure.

Pour ce que les anciens payens creurent mercure estre dieu, pour ce le mirent et nombrerent entre et ou nombre des dieux et le paindirent en ceste maniere. Sa figure, selon ce que racontent fugence et rabanus en leurs livres qu'ilz firent des natures des choses, estoit un homme qui

en sa teste et en ses talons avoit plumes a voler. En sa main portoit une verge, qui avoit vertu de faire songer. Laquelle estoit toute enveloppée de serpens et si avoit ung glaive courbe a maniere d'une harpe. Il avoit aussi une fleute de boys de sirie, qu'il mettoit a sa bouche. Il portoit ung chapeau dessus sa teste et devant lui estoit un coq consacré tres especialement a lui. Et de l'autre costé estoit argus, c'estoit ung homme duquel la teste estoit toute plaine de yeulx, lequel gisoit mort devant ses piez. Cestui mercure estoit dit le dieu des marchans et des larrons. Et quant Il vouloit, Il se muoit d'homme en femme et par le contraire de femme en homme, de blanc en noir, de noir en blanc. Aucuns aussi, comme dit rabanus, le paindent a teste de chien. Et mesmes notre auteur Ovide l'appelle abayeux, comme s'il fust de ceste oppinion. Sens hystorial a la precedente fable. La raison litterale appert, car mercure est dit empenné, pour ce que l'estoille ainsi nommée fait son cours tres legier, et pour ce aussi qu'elle a Influence sur eloquence, sur marchandise, sur advocacie et aussi sur larrecin, et pour ce est elle fainte avoir vertu de faire songier. Car par la douceur de eloquence les hommes sont tellement ravis, qu'il semble aucunesfoiz qu'ilz songent, et souvent en sont deceuz.

Il avoit le chief canin, pour ce que par son abbay, c'est a dire par son eloquence. Il decevoit et embloit le sens de ceulx qui apres luy escoutoient. Il avoit aussi ung chappeau en sa teste, comme les marchans, et devant lui avoit ung coq pour esveiller les marchans, mais Il souffist quant au sens litteral. Disons donc mistiquement que mercure puet signifier ung chascun bon prelat, lequel tout premierement doit avoir teste de chien, en tant qu'il doit estre garde et dessendeur de ses subges, et par son fort et roide abay Il doit enchasser et debouter les loups, c'est a dire les dyables et les tyrans, et les doit espoanter et redarguer par sa sainte dottrine et vraie predication, et comme loyal a son seigneur et hardy les doit mordre des dens de pugnition et de correttion. Comme dit saint pol 1) en sa premiere epistre aux corinthiens par admiration: "Qui est celui, qui entre les dispensateurs sera trouvé loyal?". Comme s'il voulsist dire qu'ilz sont au Jourdhui fors a trouver. Cestui prelat doit estre empenné en sa teste et en ses talons, en tant que en son commencement et en sa fin Il doit tousjours eslever en hault son cuer en contemplacions divines, et si se doit pener d'eslever ceulx qu'il scet estre adonnez au vol de contemplation et non pas seullement en sa teste, c'est a dire en sa Jonesse, mais aussi en ses talons, qui est a entendre en sa vielesse. Ou par le chief est entendue l'intencion et par les piez l'affection. Car le chief doit avoir elles d'Innocence et l'affection doit avoir eles d'attrempance, comme dit ysaie 2) en son VIe chappittre: "Ilz couverront leurs faces de deux eles". Cestui prelat doit avoir en

<sup>1)</sup> I Corinthiens, IV, v. 2.

<sup>2)</sup> Ysaie, VI, v. 2.

sa main une verge, ung glaive et devant lui ung coq. Car pour certain Il assiert bien a ung souverain seigneur ou prelat qu'il ait la verge de prudence a gouverner les autres, ung glaive de severité et de Justice pour contraindre et corriger les rebelles, la fleütte d'eloquence espirituelle pour Dieu loer et exaulcer sa vraye foy par saintte predication, Et le coq de vigilante diligence pour toutes choses preveoir et annuncer et pour de toutes choses nuysibles se garder.

Toutes lesquelles choses Il semble que l'appostre les specifie ou IIIIe chappittre de son epistre, qu'il escript a thymotée 1) son disciple, ou Il dit: "ainsi presche la parolle selon l'opportunité de l'importunité, et ce quant a la fleüte d'eloquence, argue, prie et reprens roidement; et ce quant au coq de vigilante diligence, emply et accomply ton mistere; et ce quant a la verge de la pastorale eminence 2), et ainsi cestui prelat, en ce faisant, est le dieu des marchans et des marchandises espiritueles. en tant qu'il change les choses temporelles pour les eternelles, et si est le dieu des larrons en tant qu'il desrobe au dyable et ramaine les pecheurs a la foy catholicque et les convertist a Justice, Et si fait des noirs blancs et clers, en faisant des mauvaiz Justes, et si transmuera de homme en femme et par contraire de femme en homme. Car Il se variera diversement selon les lieux, les temps et les personnes, car aucunesfoiz Il se monstrera homme fort constant, vigoreux et vertueux, Et aucunesfoiz a maniere de femme sera mol, bening et compatient, disant avec l'appostre en son IXe chappittre de son epistre aux corinthiens 3): "Je suis faiz semblable a tous pour toutes choses", et ainsi Il porra vaincre cestui argus, c'est a dire le dyable plain d'yeulx, et devant ses piez le pourra prosterner et abattre, mais que sa verge soit environnée de serpens, c'est a dire de prudens et saiges hommes et aussi que sa Juridition soit dreciée et administrée par prudence serpentine, c'est de prud'hommes. Car pour neant Jamais le prelat ne use de la verge de sa Juridition, Ne Jamais par lui argus, c'est le dyable, ne sera vaincu, se la tourbe des serpens, c'est des preudhommes, ne l'acompaigne et qui ne soient amys a ses consaulx. Si comme dist saint mathieu 4) ou Xe chappitre de son euvangille: "Vous prelas et semblablement tous princes, soyez prudens comme serpens et simples comme coulons". Et ailleurs comme ou premier chappittre de l'ecclesiastique 5) est escript: "Toy prelat ou seigneur, soient a tables assis hommes saiges et prudens". Addition du translateur.

Certes, au Jourdhuy ceste auttorité est de petit ou nul effect entre les seigneurs et prelas. Car pour eulx compaignier a leur table Ilz font cerchier et Inviter baveurs, flatteurs, menteurs, gengleurs et courtiers de luxure, ausquelz Ilz s'acompaignent et devisent privéement pour

<sup>1)</sup> II Timothée, IV, v. 2.

<sup>2)</sup> Une partie de la phrase manque ici.

<sup>3)</sup> I Corinthiens, IX, v. 19.

<sup>4)</sup> Saint Matthieu, X, v. 16.

<sup>5)</sup> Ce texte ne se trouve pas dans la Vulgate à l'endroit indiqué.

parvenir a leurs voluptez et delices, ou Ilz se plongent si parfont que mesmes Ilz se laissent abattre d'argus et endormir des serpens, qui en la fin l'entoxiquent et enveniment tellement, qu'ilz ne se scevent resourdre. Et les subges a eulx connus sont vagabondes, puis cy, puis la, en ensuyvant leur pasteur ou seigneur, et par ainsi tout va a perdition, sans rigle et sans Justice, dont Il se puet dire, ce qui est escript touchant la passion de notre sauveur Jhesu christ, qu',,a planta pedis usquez ad verticem capitis non est Inventa sanitas", C'est a dire, que de la plante du pié, qui est a entendre des subges au sommet du chief, qui est a entendre des souverains seigneurs et prelas, aucune santé n'est trouvée. Pourquoy le bon Dieu, plain de Justice, permet auJourdhui les guerres et discencions entre les princes et chiefz de ce monde pour la pugnition et correttion de tant grans et enormez pechiez qui ainsi se font. Autre moralité puet estre assignée a ceste fable. Car par mercure puet estre entendu ung chacun bon subget et serviteur, lequel doit avoir le cuer et la teste d'un chien par fidelité. Il doit avoir elles de contemplacion en sa teste et en son cuer par voulenté eslevée a Dieu, comme dit le psalmiste 1): "Sire, ta verge et ton baston me sont en consolation".

Item Il doit avoir le glaive de divine amour, la fleüte de divine loenge et oroison, le coq de vigillante et vertueuse labeur. Et si doit estre maintenant homme et maintenant femme par la conformité de son amour cordiale. Il doit aussi porter le chappeau de humilité, duquel il doit couvrir et muchier ses cheveulx, Ce sont ses vertuz, Sicomme dist senecque: "Soies celeur de tes vertus, ainsi comme sont les autres de leurs vices".

Ceste auttorité de seneque n'a auJourdhuy point de lieu. Car le temps est a ce venu que les vices ont si grant vigueur, que ung chascun vicieux est tres bien content que tous voient et congnoissent leur deshonneur, et encores s'efforcent et veulent bien qu'on saiche qu'ilz sont les uns orguilleux par monstrer leurs pompes et haultes manieres, qu'ilz tiennent publicquement.

Les autres monstrent evidamment leurs rapines et larrecins, par ce qu'ilz sont congneüz estre venus de bas estat, de nulle marchandise ou d'aucune noblesse ou office, ou toutes foiz Ilz portent estat de chevaliers et de nobles hommes, portans pourpoins de voulours, de brocquart, d'or, et robbes traynans sur la terre, chayennes d'or par pluisieurs doubles entour le col, et si les a l'en veüz puis pou de temps en ça les ung mener et suyvir la cherue, les autres ouvrer devant autruy pour vil et petit pris. Et quant sur ce sont articulez et Interrogiez par aucuns meilleurs d'eulx, Ilz alleguent pour toutes choses la guerre, disants qu'ilz l'ont conquesté vaillanment sur leurs ennemis, C'est assavoir sur les bons preudhommes laboureurs et non pas sur ceulx qui traynent et maynnent la guerre. Aucuns au Jourdhuij sont assez contents que l'en

<sup>1)</sup> Psaume XXII, v. 4.

voie et congnoisse leurs fornications, leurs adulteres et leurs autres vices touchans luxure, comme d'efforcier pucelles ou religieuses, Indifferanment et sans discrettion, et veullent et aussi publient leurs mesmes hontes par les marchiez et carreffours, disans et eulz vantans qu'ilz ont a leur volonté telles et telles damoiselles, desquelles par aventure Ilz n'en ont oncques eu l'effett, qui encores est le pire pechié de tous les autres. Car Ilz ostent aux preude femmes ce que a Jamais ne leur pourront rendre ne n'est a recouvrer, car trop pire est cop de langue que cop de lance. Entre 1) pluiseurs hommes sentent auJourdhuy bien honnourez et auttorisiez, quant on les nomme fins hommes, qui vault autant a dire comme homme malicieux et plain de vices et de toutes Iniquitez, et en ce se delittent et monstrent leurs faces desvergondeez en leur opprobre et vitupère, se bien l'entendoient. Et encores, qui est chose plus desvergondée et plus deshonneste, Ilz lievent et troussent leurs robes par devant entre leurs bras par telle maniere et si hault qu'on leur voit leur derriere tout descouvert, qui est chose contraire a toute beste naturelle. Car nature leur a prouveü de queue ou de poil pour couvrir ce que auJourdhuy les hommes raisonnables, ou du moins qui estre le deveroient, monstrent et desceuvrent en leur grant deshonneur et opprobre. Excepté toutesvoies au singe, qui est beste dont toute creature pour ceste cause se mocque. Et a la chievre, car combien qu'elle ait queue, si n'en ceuvre elle pas son derriere, ains le lieve amont et a ceste beste espoir prendent auJourdhuy noz mignons exemple. Je pourroie dire de leurs aournemens de teste, comme de bonnez coppez et puis ressartis de chayennetes d'or ou de soye, de chappeaulx dechicquetez et decoppez comme au mieulx buvant et de plumes les unes droittes, les autres pendans sur l'oreille ou sur l'espaule. Je ne m'en puis oster qu'il ne me conviengne encores parler de leurs cheveulx blondiz en lessive longs, pendans a maniere de femmes, vendans leur corps a detail. Je me contenteroie encores aucunement des Jones qui ainsi sont, mais de ceulx qui desja sont venus en eage, tel que nature leur a donné gris cheveulx en signe que desormais Ilz deüssent recongnoistre la terre qui est grise pour leur mere, qui les attent a bras ouvers pour de brief les recevoir comme leur ostelliere derreniere, ne me scay assez esbayr.

Autre moralité pouons encores amener a ceste fable et dire que mercure signifie les advocas de ce monde, qui se dient sages, voire de la sagesse mondainne, qui est ditte folie envers notre seigneur. Lesquelz advocas ont le chief canin, c'est a dire Insaciable d'avarice, chappeau sur leur teste, qui est la couverture de toute malice et de leur mauvaise Intencion. Ilz ont leurs testes et leurs piez empennés par orgueil et presumpcion. Ilz portent une verge faisans les Innocens songier par l'enveloppement de leur malice. Ilz ont la fleüte en leur bouche, c'est

<sup>1)</sup> Mansion donne: "En oultre pluisieurs hommes se sentent", dont le sens est plus clair que celui de notre texte.

a dire qu'ilz ont en leur bouche fausse éloquence plaine de blandissemens et aournée de bourdes. Ilz ont aussi le glaive de cruauté et de convoitise. Ilz ont empres eulz le coq plain de hardiesse et d'astuce diligence. Et st sont maintenant homme et tantost femme par la mutacion de leurs frauduleuses meurs, Donnant a entendre a une partie et puis a l'autre qu'ilz ont bon droit, affin de les mener en totale povreté et desertion, et ainsi sont Ilz dieux des larrons, en tant qu'ilz reçoivent dons des ambedeux parties. Et si sont aussi dieux des marchans par mauvais gaing. Et a brief dire: quiconques est touchié de leurs parolles, il est endormys, et ainsi deçoivent argus et le precipitent en bas; c'est a dire qu'ilz amainent par leurs cautelles et deceptions, aournées de rethorique, les princes et prelas tellement, qu'ilz les subjuguent et enveloppent comme vaincuz et abbatuz. Combien qu'ilz ayent pluiseurs yeulx en la teste, comme avoit argus. C'est a dire combien qu'ilz soient acompaignéz et conseilliéz de bons et honnestes preudhommes. Ce sont ceulx desquelz parle osée 1), le prophette, en son VIIe chappittre: "Ilz ont, dist il, esleëssié le roy en leur malice et les princes en leurs mandemans".

## De dyane et de sa figure.

Dyane, qui est a entendre la lune, et aussi est elle nommee proserpine et ethecée 2), c'est l'une des sept planettes erratiques, pour quoy je la mes ou nombre d'icelles ou VIIe lieu. Elle est painte en l'espece et figure d'une dame tenant en sa main ung arc et ung saiette, suyvans les cerfs et les bestes sauvaiges a la chasse, environ lesquelles dames 3) sont les nymphes, nommées chornidiades 4), oyades 5), nayades et nereydes. C'est a dire: toute la compaignie des nymphes, tant des boys, des montaignes, des forests, des mers comme des fontaines, ensemble Les compaignies des satires, qui de ce temps s'appelloient tous dieux et deesses des mers et des champs. Pour laquelle chose les poetes vouldrent faindre que la lune, qui est la mere des humieurs et des choses humides, a le regart sur les forests, sur les montaignes, sur les mers et sur les fontaines, et si multiplie et procrée les herbes en champs, et si enlumine de nuyt les veneurs, pour quoy des veneurs payens elle est ditte déesse des forests, des montaignes, des mers et des fontaines. Sens moral a la fable.

A moralement entendre: par ceste deesse nous pouons prandre la vierge, glorieuse dame et royne du ciel, laquelle pour certain est armée de l'arc flexible de misericorde et de la saiette d'oroison, par le moien desquelz arc et fleche le cerf cornu, c'est le dyable, plain d'orqueil, est

<sup>1)</sup> Osée, VII, v. 3.

<sup>2) &</sup>quot;Ethècée" est peut-être une déformation de "Hécate".

<sup>&</sup>lt;sup>3</sup>) Ce pluriel a été causé probablement par le voisinage du mot suivant "nymphes". "Lesquelles dames" doit se rapporter à "Dyane".

<sup>4)</sup> Le "Libellus de imaginibus deorum" donne: "erant chori Dryadum, Hamadryadum, Naiadum et Nereidum".

oyades = oréades = nymphes des montagnes.

surmonté, et pour ce sans aucune doubte 1) [doivent] toutes les nymphes et satires, c'est a dire toutes les compaignies des saintes vierges religieuses et autres pucelles devant elle dancer par devotion: les nymphes oriades des montaignes, c'est a dire, les personnes speculatives. Les nymphes coridiades et les nymphes des forests, ce sont les personnes laborieuses et actives, Les nymphes nayades des fleuves et des fontaines, Ce sont les saiges et religieux hommes, qui continuelement labeurent en escriptures et demeurent en devotion, Les nymphes nereydes 2) des mers, ce sont les personnes qui en religion et contrittion demeurent et conversent, et tellement doivent danser et Jubiler qu'il se puist dire ce qui est escript au VIIe chappittre des cantiques 2): "Quelle chose veras tu en la sommité du ciel fors le chor des aveugles et les chasteaux des eslues, etc." Et le psalmiste 3) dist: "Au roy seront vierges amenées et apres elles leurs prochaines". Les chors des satires, c'est a dire des pechiez et ceulx qui par pechiez sont cornuz, doivent devant elle danser et courir a elle, luy demandant pardon et ayde contre les dyables et les vices, qui Journellement les assaillent et Impugnent. Ou exposons ceste fable par une autre moralité, c'est que les satires des champs sont les prelas et mesmement les evesques cornuz, lesquelz doivent courir environ ceste dyane, c'est la benoite vierge marie, en elle depriant et requerant par grande devotion et affection de couraige ce qui est escript ou premier des cantiques 4): "O, toy, glorieuse et sainte vierge, Je te prie, tyre moy apres toy et Je courray en l'odeur de tes sains unguemens". Autre moralité pouons amener a ceste fable et dire que dyane est une femme perverse et mauvaise ayant arc et saiettes pour tempter et poindre par libidinosité les Jones et Innocens hommes. Celle femme, devenue ancienne, attrait a elle les cohortes des nymphes, c'est a dire Jovencelles legieres, Lesquelles elle deçoit et Induit a l'exemple d'elle pour decevoir les satires, ce sont les hommes luxurieux, cornus et eslevéz des dignitéz de ce monde, si comme les abbéz, evesquez et autres prelas, leurs semblablès, pourquoy et a Icelle luxure se puet dire ce qui est escript es cantiques 5): "Ton nom est Infus d'oile et pour ce te ont amée les Jouvenceaulx". Et ces troys Jouvencelles qui servent dyane, déesse de luxure, sont connues nymphes des montaignes, en tant qu'elles sont de hault gendre, elles sont nymphes des forests, en tant qu'elles sont de petit peuple. Aucunesfoiz elles sont nymphes des fleuves, en tant qu'elles sont riches et vivent delicieusement, Et aucunesfoiz elles sont nymphes des mers, en tant qu'elles sont repentans et vivent en religion. Car a briefment conclure, Il n'est

<sup>1)</sup> Mansion ajoute après "doubte" le mot "doivent", que notre commentateur a oublié.

<sup>2)</sup> Nous avons trouvé dans le 7e chapitre du Cantique des Cantiques: "Que verrez vous dans la Sulamite fors des chœurs de musique dans un camp d'armée".

<sup>3)</sup> Texte introuvable.

<sup>4)</sup> Cantique des Cantiques, I, v. 3.

<sup>5)</sup> Cantique des Cantiques, I, v. 2.

auJourdhuy aucun estat, soit bas, soit hault, soit ecclesiastique ou mondain, ou Il n'y ait des nymphes servans et obeissans a dyane, dame de luxure. A ce propos dist le psalmiste 1): "Il n'est aucun auJourdhuy qui se sache mucier ne respondre de sa chaleur".

Ou disons que dyane est rapine ou avarice, laquelle ne cesse de traire les serfs, c'est a dire les povres paoureux, et pour ce devant les cornus, c'est a dire devant les souvrains, seullent danser les nymphes des montaignes, des forests et des mers. C'est a dire, tout gendre de personnes, tant religieux comme seculiers, seulent a eulx obeir. A ce propos dist saint Jheromie 2): "Tous hommes de plus hault estat Jusques au moindre et plus petit, estudient a avarice".

De minerve et de sa figure.

Minerve, déesse de sapience, qui fut née du cervel de Jupiter. doit estre figurée a la semblance d'une dame armée, le chief de laquelle doit estre environné d'une verge, et son heaume cresté le couvroit par dessus. Elle tient en sa destre une lance et en sa senestre ung escu cristalin, ouquel est paint le chief de gorgone moult orrible environné de troys serpens. Elle a ses yeulx resplendissans et ses vestemens sont distinguiez de trible couleur. De costé elle doit estre un olivier vert, en la sommité duquel doit estre ung oysel, qu'on appele hucquett ou chouette, qui volette les elles estendues, ainsi comme dit fulgence en son livre des mithologies 3). Les anciens mirent en ce monde troys vies: La contemplative, l'active et la voluptueuse. La premiere assignoient aux sages, La seconde aux riches et la tierce aux voluptueux et charnelz vivans selon la char. Et une chacune appellerent deesse, et a chacune paindirent son ymage tellement, que minerve fut la premiere, Juno la seconde, dont sera tantost parlé, et la tierce fut venus, dont a esté parlé cy devant. Sens moral a la fable precedente.

Je dy doncques, a moralement parler, que minerve signifie sapience, ayant la vie d'un saige, laquelle naist de la vie Jupiter, c'est a dire d'icelle mesme sapience qui est envoyée cy bas en terre du pere de lumiere. Comme II est escript ou premier chappittre de l'ecclesiastique 4): "Omnis sapiencia a domino deo est". Toute sapience est, vient et descend de notre seigneur. Ceste sapience est ditte armée, car sapience, ou l'omme saige, doit avoir armure de diverses vertus. Il doit avoir l'escu de force et de pacience, le heaume de sobriété et d'attrampance, La lance de clarté, de proudence et de misericorde et le hucquet d'humilité et d'occultation. Il doit avoir aussi triple vestement, c'est a dire troys vertus theologales, ou la foy de la saintte trinité ou la magnificence divine se repose. Je dy doncques

<sup>1)</sup> Texte introuvable.

<sup>&</sup>lt;sup>2</sup>) Jérémie, VI, v. 13.

<sup>3)</sup> En marge se trouve la correction: mythologies; le texte donne: mychologies

<sup>4)</sup> Ecclesiastique, I, v. 1.

que le prince ou prelat doit avoir sa lance droitte et le fer agu, signifiant Justice, qui est aguë en tant qu'elle chastoie les mauvais. Et si est droitte en tant qu'elle es Indeclinable envers aucune des parties, ains les Juge Justement.

Item Il doit avoir l'escu de pacience et de force. Car sapience et force sont les deux choses qui deffendent l'escu de lesion, de temptacion et de tribulacion, et si resiste aux dars durs des temptacions de ce monde, laquelle chose appartient souvrainement a homme sage. Car selon senecque: "Omnis doloris remedium est patientia". "Le souvrain remedde contre toute douleur et adversité est pacience", mais toutesfoiz cestui escu de pacience doit avoir troys proprietez: premierement Il doit estre cristalin par resplendissant Justice; Secondement II doit estre triangulaire, en tant qu'il soustient triple adversité, C'est assavoir en personne, en fame et en substance. Il doit aussi avoir ymagination terrible, c'est qu'il doit avoir crainte de la severité de la Justice divine. Le sage doit aussi avoir la crainte de Dieu avec l'ymaige de gorgone, c'est a dire crainte de la mort et du dyable, laquelle Il doit avoir painte en son cuer, affin qu'il puisse par Icelles craintes decliner des vices. Car comme Ill est escript ou XVe chappittre de l'ecclesiastique 1): "le saige craint en toutes choses". Pacience est ditte triple quant a troys choses elle doit estre clere, c'est a dire vraie et non fainte. Elle doit estre humble, reverente et craintive, et ainsi sera l'escu Palas 2), c'est a dire la pacience de l'omme saige. Comme Il est escript ou livre des roys 3): "Le roy salomon fist faire IIIc escus de pur or". L'or pur et fin est de telle nature que, quant Il est batu, Il ne donne aucun son, et en ce est signiffiée pacience. Et toutesfoiz l'escu de nostre pacience n'est pas veü maintenant estre par notre fragilité pacience doree, ne de fin or. Mais par notre Impacience elle est sonnant et souvent redarquant et murmurant, comme cuivre.

A ce propos est escript ou mesme livre des Roys 4) que le roy d'egipte rompit les IIIc 5) escus d'or que salomon avoit fais en Jherusalem, comme dit est. Et ou lieu d'iceulx le roy d'egipte 6) aucun temps apres en fist faire d'autres de cuivre, a denotter et en signifiance que les escus d'or de la pacience de l'esglise de Jherusalem furent cassez par le roy d'egipte, qui est a entendre le dyable, ou lieu desquelz sont auJourdhuy mis les escus de cuivre, c'est a dire de clameur, de riotes, de guerres, de discencions et de debas, qui depuis et Jusques a present ont esté et sont entre les princes tant espirituelz comme temporelz.

Item ceste palas est dicte avoir en sa teste ung heaume, par lequel est entendu la vertu d'attrempance, laquelle constraint les sens de l'omme

<sup>1)</sup> Ecclesiastique, XV, v. 1.

<sup>2)</sup> Ms.: pale.

<sup>3)</sup> III Rois, X, v. 16 et 17.

<sup>4)</sup> III Rois, XIV, v. 26.

<sup>&</sup>lt;sup>5</sup>) IIIc = 300.

<sup>6)</sup> Mansion donne: le roy d'Israël.

a les dressier en bonnes euvres, Le chappeau de prudence, qui environ l'omme saige resplendist en signe de confederation et d'amistié, et sur son heaume doit avoir la creste d'eminence, d'honneur, laquelle par dessus tous appert. Il doit avoir par dessus tout ung hucquet, qui est ung oysel qui de Jour se muche. C'est a entendre que l'omme saige et prudent doit fouyr la multitude des hommes de ce monde, et si doit muchier ses bonnes vertuz. Il doit aussi avoir en sa main ung raim d'olive, en signe de pais, laquelle donne oile de concorde et de dileccion entre les hommes de bonne volenté. Ou disons toutes ces choses estre en la sapience Increée du filz de Dieu omnipotent, le vestement duquel, c'est humilité, estoit de III couleurs, en tant qu'il eut III natures; C'est assavoir: l'ame, la char et le sang, qui a l'escu de équité, La lance de sévérité, le heaume Impenetrable de chasteté, la creste de perpetuelle dignité et ung chappeau de toute perfeccion et de honnesteté. Il a environ soy des hucques et des olives, c'est a dire personnes humbles, pacientes et devotes, perseverans en bonnes et vertueuses euvres. Ou disons que ceste déesse minerve signifie orgueil, née de la cervelle de Jupiter, c'est du cuer du dyable, qui est armé contre les humbles, et si est par sa presumpcion cresté du chief gorgonique, c'est de terrible ambicion environ les Innocens, qu'ilz de paour ne se scevent ou muchier.

## De Juno et de sa figure.

Juno est painte en semblance de l'air selon l'oppinion de fulgence. Mais les anciens disdrent Icelle seur et femme de Jupiter, femme pour ce que dessoulz elle est veue recevoir la chaleur par laquelle elle nourrist toutes les choses de ça bas, Comme la femme reçoit la semence de l'omme en sa matrice, et sereur, pour ce qu'elle est constituée prez de lui. On la doit paindre en maniere de vierge, car elle est en l'air et si ne prent autre chose si non qu'elle engendre l'arc ou ciel. Et si luy attribue l'en les nymphes. Car l'arc s'engendre en l'air et les nymphes, c'est a dire les nuées s'engendrent aussi en l'air. Et pour ce neptunus, c'est a dire le dieu de mer, est dit nourrisseur de Juno, pour ce que tantost les vapeurs de la mer, montans amont, se meslent en l'air, dont Il est a ceste cause dit lui administrer aucun nourrissement. Mais de ces choses ne parlons plus a present. Ains disons que les anciens disdrent Juno estre deesse des royames et richesses universeles, femme de Jupiter et sa sereur. Mais toutesfoiz ilz la disaient estre vierge et nourrice de neptune, ymaige de laquelle estoit feminine, tenant en sa dextre ung ceptre, et sa teste estoit enveloppée en l'air et sa robbe estoit de diverse couleurs; l'arc du ciel lui estoit consacré et dedié, Car II environnoit tout entour de son corps. Devant elle estoient paons, qu'il lui licheoient les piez, car ce sont oyseaulx a elle consacréz, et a destre et a senestre d'elle seoient plusieurs dames. Sens historial a la fable.

Celle dame ainsi decorée est partout evidemment veüe estre la benoitte vierge Marie, laquelle est déesse, dame et maistresse du regne et des richesses de paradis, femme et seur de Jupiter, C'est a dire de Jhesu crist, par vraye charité, tousjours parmanente; vierge, par entiere purité, norrie par neptune, dieu de la mer, c'est a dire par l'amaritude de tribulacion et de contrittion et par l'acerbité de ses douleurs et considerations. Ceste est couverte de la nuée de tres pure chasteté et si est vestue de robbe de moult de coulours, c'est a dire d'honnestetez et de plusieurs vertuz, environnée de l'arc ou ciel, qui est cause et enseigne la pluie, C'est, a dire plaine de la rousee de tres doulce pitié envers les vrays et catholiques chretiens. Elle tient en sa dextre le ceptre de l'eternelle maiesté. Les paons, c'est a dire les sains et devotz hommes, lui leichent les piez par Intime et cordiale devotion et par humilité le deprient et aourent. Si comme dist monseigneur saint mathieu 1) en son XXVIIIe chappittre: "accesserunt et tenuerunt pedes ejus". Les hommes religieux et devoz vinsdrent devers elle et lui tindrent les piez, qu'ilz aourerent. Disons que cestui yris est le precheur ou le prelat, qui a maniere d'un arc par Justice est entendu et toutesfoiz par clemence. Il est plain d'humeur et lequel prelat se doit dire messaige de Juno, c'est de la benoite vierge Marie. Car elle doit especialement estre dediez les paons; ce sont ceulx qui de plumes d'honnesteté et de paisible conversacion sont pains et aornez, lesquelz sont a ceste deesse especialement consacrez. Comme Il est escript ou IIIIe chappittre de l'apocalipse 2): "Environ et dessoubz lui estoit son siege de l'arc ou ciel". Ou disons moralement que Juno est l'esglise, laquelle est la femme de Jhesucrist, qui est a la lettre dame des regions catholiques, vestue de moult de couleurs, c'est a dire acompaignie de pluisieurs preudhommes plains de contemplations. Fulgence expose ceste fable autrement et dit que par Juno sont entendues richesses ou gloires temporelles, qui sont dames des royames, deputée atout le ceptre en la main pour ce que par les richesses on parvient aux regnez et royaumes et aux principautez de ce monde; toutesfoiz est elle painte la teste enveloppée, pour ce que richesses veulent estre absconses et muchiéz occultement.

Neptunus, le dieu de la mer, est dit estre le nuttriteur et gouverneur d'elle pour ce que par la mer on acquiert les grandes richesses, par lesquelles elle est ditte estre vestue de pluisieurs et diverses couleurs, pour ce que les riches ont a coustume estre vestus de pluisieurs riches et divers aournemens. Les piez de telz riches sont dis estre lechiez par les paons, pour ce que Iceulx oyseaulx du ciel, c'est a dire les nobles de ce monde, sont environnez de petiz, qui les blandissent et donnent honneurs mondaines pour l'affection qu'ilz ont d'avoir de leurs richesses ou le plus souvent y deffaillent. L'arc du ciel est dit estre leur messagier pour ce que environ les riches sont pluiseurs flatteurs et messaigiers d'amours, qui les avironnent et envelopent de parolles esquelles Ilz scevent qu'ilz

<sup>1)</sup> Saint Matthieu, XXVIII, v. 9.

<sup>· 2)</sup> Apocalypse IV, v. 3.

se delictent, et souvent y demeurent Jusques a la mort; toutesfoiz Icele Juno, c'est a dire l'abondance des choses delittables, est ditte vierge, pour ce qu'elle est trouvée sterile et brehaigne de toutes vertus et que nulz fruis ne sont engendrés des richesses repostes, fors vices, pechiez et voluptéz. Comme dit l'ecclesiastique 1) en son Ve chappittre: "Il ne reçoit d'elle nulz fruis".

De Cybeles et de sa figure.

Cybeles, ditte et nommée la mere des dieux, fut la terre. Car elle engendra les dieux. Laquelle par avant estoit appelée Besinthia <sup>2</sup>), d'aucuns pessimita et des autres ops, qui fut femme de saturne, si comme Il a esté dit au commencement de ce livre. Les anciens paindirent l'ymaige de celle deesse moult merveilleusement, selon ce que dient rabanus, fulgence et ysodore.

C'estoit une virge moult tres belle, seant en ung chariot moult legier, vestue de divers meteaulx et de pierres precieuses, portant couronne sur sa teste, faitte de tours et de forteresses; pluisieurs coqs la suyvoient et lyons privéz et domestiques tyroient son chariot; elle portoit en sa main une clef. Sens hystorial a la fable.

Ceste fable se expose litteralement en ceste maniere. La terre se paindoit comme une femme, car les poetes appelloient femmes et la terre et la mer, pour ce qu'elles gisent, receuvent et seuffrent les Influences et du feu et de l'air. Elle est portée en ung chariot, car la terre pend, c'est a dire qu'elle est soustenue, car le monde tourne et est volible et mobile; elle est eslevée par lyons, affin qu'elle soit demonstrée la maternelle pitié toutes choses surmonter. Toute ferocité et crudelité est subjette a la maternelle substance. Les cogs la suyvent en tant que les prestres, qui par continence et chasteté sont chastréz, la honnourent et reverent. Elle estoit couronnée de tours en signifiant que ou monde sont plusieurs citéz, tours et chasteaulx a la terre subjettes. Elle avoit en sa main une clef, car ou printemps elle euvre la terre et en yver elle la clot. En oultre ceste cybelles — c'est la terre yrée contre les dieux — est fainte avoir produit les tyrans, pour Impugner et guerroier contre Jupiter et le ciel. Iceulx tyrans estoient gayans ayans piez serpentins, desquelz l'un fut qui hebergea le soleil, comme Il est dit dessus ou chappittre de Jupiter. Sens moral a la fable.

Autre morale exposition a ceste fable. Par la terre puet estre entendue toute religion ou l'esglise, laquelle ne produist pas seullement dieux, c'est a dire les hommes Justes, desquelz on dist (ego dixi dii estis) <sup>3</sup>): "J'ay dit, dist il, que vous estes dieux et tous filz du tres hault et du tres puissant". Mais elle aucunnesfoiz aussi produist gayans, C'est a dire

<sup>1)</sup> Ce texte ne se trouve pas dans la Vulgate à l'endroit indiqué.

<sup>2)</sup> En marge se trouve: "Beresynthia mater".

<sup>3)</sup> Saint Jean, X, v. 34.

hommes mauvaiz et pervers, qui ne cessent de batailler et Infester les hommes Justes. Nostre mere cybelles, c'est notre religion, Ou notre mere saintte esglise ne se doit trop glorifier ne exaulcier, si elle a produit des dieux, c'este a dire pluisieurs sains hommes, qui maintenant seignourissent es cieulz, Car sans nulle faulte elle a aussi produit pluisieurs gayans et mauvaiz hommes, qui maintenant gisent prosternés et abbatuz, lyéz et dechayennéz ou parfont d'enfer1) et a Jamaiz y gerront, comme dit Job2): "Et comment, dist Il, n'i gisent Ilz pas?" Les gayans, ce sont les mauvaiz hommes plourans et gemissans soubz les eaues.

Ou disons, pour une autre exposition, que les dieux sont les mauvaiz et tyrans prelas, ayans piez serpentins et si ont subges et familiers de mesmes, plains de malice, lesquelz aucunesfoiz s'eslievent contre eulx mesmes. Pourquoy Il advient souvent qu'ilz les deboutent et ostent de leurs honneurs et dignitéz. Et si advient aucunesfoiz que Illec est le soleil, c'est a dire aucun sage et discret homme, qui aux conspirateurs des autres ne se veult consentir, mais demourans en ses termes vertueux envayst les malfaiteurs, les corrige et subjugue a son prelat ou a son seigneur, pour quoy Il seult demourer en sa maiesté et en son estat, les mauvaiz cheüz et abatus dessoubz ses piez. Certes, Je tiens celui ou ceulx pour folz qui contre leurs prelas ou souverains se rebellent et s'eslievent. Car par coustume Ilz en demeurent en la fin prosternez et abatus par divers tourmens. Et combien que par une espace de temps Ilz obtiennent, toutesfoiz enfin leur prelat ou seigneur, par la vertu d'aucun son leal subget ou subges, se relieve et les malfaitteurs et rebelles prosterne et cravente et eux, leurs femmes et leurs ensfans ensemble leurs citéz et habitacions.

De neptune et de sa figure.

Neptune, le dieu des eaues, est paint, selon fulgence, en semblance de mer ou au moins en maniere d'homme gouvernant la mer. Son ymaige doncques est ung homme nagant en la mer, lequel frappoit par triple sexe Icelle. Et d'ille sourdoit ung cheval merveilleux, grande compaignie de tritons le environnaient et l'appelloient roy des eaues. Tritons sont poissons portans en leurs bouches trompes desquelles Ilz tubicinent et sonnent. Les anciens les nommoient divins.

Neptunus est dit comme tonnant en nues, pour ce que des vapeurs montans de la terre en hault sont causés et engendréz tonnoirres.

Sens litteral a la fable.

Or disons litteralement que neptunus, qui est dit de nager, est paint avec triple sexe, pour la triple proprieté de l'eaue, qui est natable, fluxible et potable. On paint emprez lui ung cheval, a denoter son Isnel cours. On le paint environné de tritons pour signifier sa sonorité en

<sup>1)</sup> Proverbes, IX, v. 18.

<sup>2)</sup> La Vulgate ne donne pas ces paroles dans le livre de Job.

maniere de trompe. L'eaue a triple nature, car elle est en terre, en l'air et ou feu. Par cestui neptune J'entends le dyable, lequel pour certain est dit dieu de la mer, c'est a dire qu'il seignourist et domine en ce monde, si comme dist monseigneur saint paol 1) aux corinthiens, ou IIIIe chappittre: "Le Dieu de ce siecle a aveuglé les pensées des Infideles". Cestui va par les eaues de voluptueuse vie en ce siecle, portant avec lui triple concupiscence, avec lequel Il frappe les pierres, c'est a dire les hommes fors et durs et les convertist en chevaulx, c'est a dire en une luxurieuse vie, orde et voluptueuse en orgueil et pareillement en tous autres vices. Car pluisieurs ont esté par cy devant en l'esglise et ou monde pierres vives, c'est a dire sains preudhommes, de bonne et perseverante vie, qui maintenant son 2) faiz chevaulx, c'est a dire desriglez de toute vie vertueuse. Et ceulx qui demeurent saint et vertueux sont convertiz mauvaiz et pervers et hors de toute rigle de vertu. Les tritons sont les gengleurs de ce monde, les avant parliers et les adulateurs et flatteurs. Ceulx servent au dieu de mer, c'est a dire au dyable, et environ lui deambulent et cheminent par les vices.

Ou disons que neptune signiffie les princes et tyrans, qui sont les dieux de ce monde, lesquelz nagent es eaues de delices de ce siècle, portant le ceptre a troys pointes, c'est a dire de triple Juridition, faisant de droit tort et de toutes choses a leurs voulentéz. Car Ilz font des pierres, c'est a dire de leurs subges povres et mendians, par leur rapacité et Inhumains larrecins, et tellement, qu'ilz font d'eulx chevaulx et autres bestes, en tant que de leurs biens et substances Ilz les despoillent et de leurs substances en soustiennent flatteurs, tabourins, menestrelz et macquereaulz, qui ne cessent par leurs geules et aournéz langaiges recommander et loer leur seigneur en sa presence, a maniere d'une busine, en espouantant leurs povres et ignocens subges. laquelle chose fut bien figurée ou tiers chappittre de daniel 3), ou Il est escript que environ la statue d'or du roy nabugodonosor estoient oyz son de tubes, de harpes et de symphonies, en signifiant que Iceulx tyrans, qui sont a maniere de statues doréez, veulent tousjours avoir environ eulx tabourins. macquereaux et flatteurs, qui loent leurs faiz et exaulcent leurs mauvaises œuvres, desquelz Il est escript ou VIIe chappittre de l'appocalipse 4): "Ceulx qui avoient des buisines s'appareillerent affin que la grande trompe sonnast". Ceulx doncques sont dis neptunes, comme tonnans en nuées, c'est a dire exauçant leurs voix en hault par flatteries et loenges vaines, ayans en leur main le ceptre a troys dens, c'est a dire qu'ilz blecent leurs subges par troys manieres de tyrannises en leur ostant leurs vies, leurs substances et leurs bonnes fames et renomméez.

<sup>1)</sup> II Corinthiens, IV, v. 4.

 $<sup>^{2}</sup>$ ) son = sont.

<sup>3)</sup> Daniel, III, v. 3-7.

<sup>4)</sup> La Vulgate donne: chap. VIII, v. 6.

De pan et de sa figure.

Pan fut dit des anciens estre dieu de nature et fut paint en figure d'un homme cornu ayant la face rouge, en la poittrine duquel estoient pluisieurs estoilles paintes. Ses cuisses estoient toutes environnées de ramseaux d'arbres et d'herbes. Il avoit a sa bouche une fleüte a sept trouz, ses piez estoient de chievre. Ilz faignoient qu'il luyttoit a amour, mais d'elle venoit la vertu. Ceste figure, selon raban et fulgence, fut vierge de nature, la face de la quelle estoit rouge avec cornes en sa teste, qui representoit la souveraine partie du monde; c'est assavoir le feu et l'air avec leurs rays. La poitrine avoit plaine d'estoilles, signifiant le firmament aorné d'estoilles; par la fleüte a sept trouz est entendu les sept planettes erratiques. Par les cuisses plaines de ramseaux et environnées d'herbes signiffie la terre produisant fruis, fleurs et tout gendre propre au nourrissement universel. Et par les piez de chievre signifie tout genre de bestes et de Jumeus a la soustentaçon de l'omme et de toutes creatures. Cestui pan surmonte amour, car a la lettre Il aprivoise et surmonte amour. Sens allegorique a la precedente fable. Or exposons doncques allegoriquement ceste fable et disons que cestui pan, dieu de nature, puet signifier la parolle de notre seigneur Jhesucrist, qui eut de sa pure volenté la face de son cuer rouge par enflammée charité. Le chief eut cornu par Invincible puissance. Il eut la poitrine plaine d'estoilles par la multiplicité de sa clarté. Il eut la fleüte a sept trouz par la suavité des sept dons du saint esperit. Il eut les cuisses et Jambes plaines de verdeures par l'onnesteté de doulceur privée. Il eut les piez de chievre, quant a l'affection d'humilité et en tant qu'il prist en ses piez humanité charnele.

Ou disons a la lettre que tel ymaige doit avoir le bon prelat, et proprement de sa nature est dit dieu, en tant qu'il resfrene et dompte son appettit. Et souvrainement ceste chose appertient a ung chascun bon evesque, car Il doit avoir la face de son cuer enflammée de vraie charité. Sa peau doit estre aournée d'estoilles, c'est a dire de vertus. Il doit avoir cornes dessus sa teste, qui est a entendre qu'il doit estre plain de sainte Justice, armé de force. Et si doit avoir la fleüte de divine loenge en sa bouche aornée de sept dons du benoist saint esperit; arbres et herbes plaines de honneste verdeür et de pure chasteté doit avoir environ ses cuisses. Et si doit avoir piez de chievre, qui est a entendre que le prelat doit perseverer Jusques en fin en bonnes euvres, visiter et corrigier les delinquans et confermer ses bons et Justes subges. Ceste hystoire est figurée ou premier chappittre de l'apocalipse 1), ou Il est escript du filz de l'omme, qui avoit la face comme le soleil, les yeulx comme lampes ardans, les cheveulx blancs comme nesge. Et si avoit en la bouche ung glaive moult agu et en sa dextre tenoit sept estoilles et ses piez estoient semblables a escume d'or. Lesquelles choses sont a entendre en ceste

<sup>1)</sup> Apocalypse I, v. 13—17.

maniere: Par la resplandissant face est entendue charité, par les ardans yeulx, verité, par les resplendissans cheveux, chasteté; par le glaive agu, severité de Justice, et par les estoilles, multiplicité de vertus. Ou moralisons ceste hystoire en mauvaiz sens et disons que par telz dieux sont entendus les cruelz et mauvaiz prelas et tyrans, lesquelz par leur orgueil sont corrompuz et par leurs cruaultez sont ensanglentez et enflammez et par leurs curieux aornemens sont reluisans a maniere d'estoiles, et par desordonnée léesse de fleütes et de tabourins sont consolez ensemble, par herbes odoriferez s'eslievent en delittacions luxurieuses, et enfin terminent leurs Jours en leurs voluptez charneles, a maniere de chievres puans, desquelz Il est escript.... 1) ou tiers chappittre: "Leurs ordures et feteurs estoient en leurs piez, dont Ilz ne se pouoient retourner Jusques en fin".

## De bacchus et de sa figure.

Selon ce que escripvent Rabanus et fulgence en leurs livres des natures des choses, Les anciens, sentans et eschauffans par la proprieté et vertu du vin, creürent Iceluy estre dieu en nature, lequel ilz appellerent bacchus et lui aproprierent une certaine ymaige, si comme dist plato en son livre Intitulé: "de thymeo"; la netteté donnée par la divine grace a la veüe des hommes, estoit cause ou gendre humain, qui adoroit pour dieux ceulx qui excedoient en Icelles graces comme en cultivement de terres, en plantement et vendanges de vignes et du vin et de telz semblables. Et apres, les poetes, pour cause de gaing ou pour saveur, enseignerent Icelles sciences et leur donnerent propres et singuliers noms, comme la science de arer et cultiver la terre, vendanger les vignes, qu'ilz nommerent Bachus, qui donna Influences aux hommes de faire et perpetrer laides et deshonnetes œuvres, si comme d'yvresse, de luxure et telz semblables vices. Et a ce assignerent dieux et deesses et en firent religions, qui depuis furent moult supersticieuses.

L'ymage de bachus doncques estoit en semblance d'un Jone enffant afface de femme, ayant la poitrine nue et la teste cornue. Il chevaucheoit sur ung tigre, qui est beste moult felonneuse. Et selon fulgence Il estoit appellé dyonisius a cause d'une montaigne, qui estoit en ynde, ou Il fut nourry. Ces choses se puent applicquer contre le vice d'ivresse et contre l'omme plain de vin, qui est dit estre tel. Il est dit enfant pour son ignorance et son povre sens, lesquelles conditions sont dittes estre en homme yvre. Comme dist le psalmiste 2): "Turbati sunt et moti sunt sicut ebrius et omnis sapientia eorum devorata est". "Ilz sont troublez et esmeüz comme gens yvres et toute leur sapience est devorée et degastée".

Il a la face feminine en tant que l'ardeur de concupiscence des femmes et yvroingnes est engendrée par vin, Ou pour ce que les couraiges des hommes yvres sont faiz et muéz en couraiges de femmes. Cestui dieu

<sup>1)</sup> Le texte est illisible à cet endroit.

<sup>2)</sup> Psaume CVI, v. 27.

est dit cornu, pour ce que le vin engendre les cornes d'orgueil. Et pour ce que tout homme yvre de legier est eslevé en orgueil, est Il dit chevauchier ung tigre, qui entre toutes bestes est ditte la plus furibonde et plus tost courroucable, et le vin Induit l'omme a fureur et a Ire plus facilement que chose du monde. Si comme Il est escript ou XXe chappittre des proverbes 1): "Luxuriosa res est vinum et tumultuosa ebrietas". "Estre chargié de vin est chose luxurieuse et yvresse est tumultueuse". Cestui bachus est dit nud ou pis, c'est en la poitrine, pour ce et en signifiance que les yvroingnes seulent de legier reveler leurs secrez, comme Il est escript ou XXXIe chappittre des proverbes 2): "Nullum secretum ubi regnat ebrietas". "Nul secret n'est tenu ou yvresse regne". Ou aultrement pour ce qu'elle seult les hommes apovrir et de leurs richesses desnuer. Car l'omme mechaingne de legier yvre Jamais n'enrichira. Ou disons en bonne exposition que le vin est la grace de Dieu ou la ferveur de l'esperit, qui est dit enfant pour sa purité feminin ou pour sa pitié, nud pour sa verité, cornu pour son auttorité, chevauchant sur un tigre pour ce qu'il dompte les tyrans et les dyables enchasse. Il est couronné de vit, c'est a dire, signé de la croix de notre seigneur Jhesucrist en meditant a sa passion. Il est dit dyonisius comme tout divin ou vehementement fuyant le monde, en soubz marchant les vices et autres faulx Jugemens.

De pluto et de sa figure.

Pluto est dit des anciens estre filz de saturne, dieu des Infernales et tenebreuses regions et des ames yssans des corps qui Illec descendoient. Les anciens creoient fermement que toutes les ames de tous les corps humains descendoient apres ceste mortelle en enfer et Illec demouroient avec pluto en chaleurs perpetuelles, pourquoy Iceulx anciens a cestui pluto, qu'il appelloient dieu des enfers, luy paingnoient une telle ymaige: Ilz assirent ung homme en ung hault siege sulphurin, tenant en sa main un ceptre royal; dessoubz ses piez estoit ung chien a troys testes, nommé cerberus et de costé lui estoient troys déesses de furie, troys parces et troys harpies. De cestui son trosne sulphurin sourdoient quatre grans fleuves, c'est assavoir: "Jether 3), cochitus, flegeton et acheron". De costé Iceulx fleuves estoit le palu, nommé stix. De costé pluto estoit assise proserpine, la royne d'enfer, ayant une terrible face au regart des assistans. Ces troys furies estoient III horribles vielles ayans ceins de serpens, lesquelles faisoient les hommes furieux et enraigiez et les convertissoient en furie. Elles estoient nommées par antifrasin parces, pour ce que a nullui n'espargnoient. Ces troys damoiselles estoient seurs, filles de megera, desquelles l'une tenoit une queloingne et filloit, l'autre tournoit le fuiseau et la tierce rompoit le fille. L'une avoit nom Cloto, l'autre lathesis et [la tierce]

<sup>1)</sup> Proverbes, XX, v. 1.

<sup>2)</sup> Proverbes, XXXI, v. 4.

<sup>3)</sup> Dans le "Libellus de imaginibus deorum" nous trouvons: Lethen, au lieu úe: Jether.

Atropos. Harpies estoient moult rapaces et aigres, qui avoient faces de vierges. Elles estoient nommées: Aello, eucupité et celence <sup>1</sup>). Fulgence l'expose autrement et faint que arpies estoient les chiens de Jupiter. Elles sont dittes deesses de furie, pour ce qu'elles ravissoient les viandes, C'est a dire les cuers des personnes qui s'esmeuvent a furie.

APPENDICE II

Varro faint Icelles harpies souffrir rage et dit que aello est Interpretée convoitant l'autruy, Eucupité la chose convoittie prandre et detenir, Et celene est celle, qui coille la chose ravie et ostée. La premiere doncques est en excercant rapines et l'autrui convoitter, la seconde est envahir et prandre les choses convoities et la tierce est de celler les choses ainsi prises et detenues, et pour ce sont elles paintes en visaiges feminines. Car toute rapine et toute convoitise est sterile et seche, et aussi sont elles environnées plaines de plumes comme oyseaulx, car la condition de tous larrons et ravisseurs des biens d'autrui choilent voulentiers quelconque chose qu'ilz ayent pris d'autrui. Et elles sont volans en l'air comme oyseaux, pareillement tous ravisseurs, apres leur larrecin, sont prestes et legiers a la fuyte. Et brief par ses 2) harpies sont entendus tous avaricieux, larrons et detenteurs des biens et substances d'autrui. Le premier fleuve d'enfer, nommé Jether, est Interpreté oblivion. Le second, nommé conchitus, est Interpreté pleur et doleur. Le tiers, nommé flegeton est ardant et tout bruslant. Et le quart, nommé acheron, est Interpreté sans Joye et sans salut. Le palus stix est Interpreté tristesse et pour ce est Il prouchain du fleuve acheron. Car qui default de Joye et de salut. Il chiet legierement en tristesse, car tristesse est voisine a pleur et nul ne ignore qu'elle ne soit cause de la conturbation des couraiges des humains.

Acheron selon aucuns est un leu en ythalie, loing de pays habité ne hanté, environné de si haultes montaignes que Jamais le soleil n'y luist si non a heure de nonne. Illec environ sont sourses d'eaues chaudes, sulphurines, et est cestui lieu dit sans Joye pour ce que les anciens souloient Illec excercer les ars de nygromancie, de pyromancie et autres, lesquelz ars ne se faisoient pas sans occisions d'hommes, car eneas, ) 3) acomplist Illec ses apres ce qu'il eut occis ( sacrifices. Cochitus est ung lieu prochain d'acheron, qui pour ceste cause est dit boeux. De stix traitte senecque en un de ses volumes, Intitulé: "des sacres des egiptiens", et dit que en la fin d'egipte est ung palus lymeux et boeux et moult difficile a ceulx qui passent environ, pourquoy Il leur engendre tristesse, et de ce est Il dit triste. Toutesfoiz d'aucuns est il dit hostelier et nourrisseur des dieux, pour ce que Illec s'assembloient. Flegeton est dit de souffler, car Il est enflambé et rouge tout de feu ardant, de ardeur d'avarice et de convoitise Infernale, duquel les ames des humains sont enflammez.

<sup>1)</sup> Nous ne changerons pas ces noms ici.

<sup>2)</sup> ses == ces.

<sup>3)</sup> Laissé en blanc.

Aucuns autres dient ces choses signifier la laide nature de ceste Inferiore et corpulente amour, laquelle est desja esprise du feu trait d'en hault et de l'eaue traitté et espuisié d'embas, desquelles choses elle est abbaissié et engroissié et en laquelle aucuns cuident les ames pecheresses estre purgiés. Sens allegorique a la fable precedente.

Toutes ces choses delaissiéz, venons a parler allegoricquement. Par pluto est entendu le dyable, roy des enfers et aussi du monde, qui est roy d'enfer esperituel. Cestui dyable avec proserpine, sa femme et royne, c'est a dire avec son Iniquité, siet en son siege sulphurin, c'est a dire ou cuer du pecheur obstiné, ouquel atout son ceptre Il use de sa seignourie et Juridition, en tant qu'il est obéy en ses mauvaises subgestions. Se doncques Il advient que ceste ymaige de dyable soit en l'ame du pecheur assise, Il est necessité que Illec moult d'autres ymaiges, c'est a dire moult de vices, y soient adjoints. Illec est avarice, qui est entendue par le cervel 1), concupiscence par les furies, crudelité, qui est entendue par les parces, rapine, qui est entendue par les harpies. L'avaricieulx doncques est entendu par le cervel 1) de Insaciableté, qui a troys testes, en tant que avarice s'estend a troys choses, c'est assavoir aux richesses, aux sciences et a renommée. Ou elle a troys testes canines, c'est a dire de condition de chien, en tant que l'avaricieux ardamment ecquiert les choses et tenamment les garde et a grande doleur les pert. Par les furies semblablement entendons troys choses, pour ce que des hommes sont troys choses principalement convoitiés, C'est assavoir: richesses, par la convoitise desquelles les avaricieux entrent en furie, Et delices, par la concupiscence desqueles les luxurieux fuyent et aucunesfoiz entrent en furie. Et pour apparoir entre les hommes, par la concupiscence de laquelle elle fait furieux les ambicieux, et ceulx sont dis difformes et leurs cheveulx de serpens, pour ce que ces concupiscences sont toutes raemplies de malices et si sont promptes et appareilliez toudis a penser et a traitter choses laides et difformes, sicomme Il appert. Car la convoitise de richesses pense usures et rapines, larrecins, baras et tromperies Indifferamment et sans vergongne. Concupiscence des delettacions pense adulteries, fornications et voluptez semblables, tendans a luxure, Indifferamment sans avoir regart a aucun estat ou dignité. Et convoitise d'apparoir meillour des autres ne pense que symonies, conspirations, desprisemens d'autrui, traïsons, detraccions, ambicions et semblables. De ce dit l'ecclesiastique 2) en son second chappittre: "A tribus timui cor meum". "J'ay, dist il, craint mon cuer estre attaint de troys choses". Crudelité, ou la condicion des hommes cruelz, est entendue par les troys parces, pour ce que les hommes cruelz n'espargnent a nulluy. Ou elles sont dictes troys pour ce que par troys manieres elles nuisent aux hommes, c'est assavoir: par detraccion, qui nuist a la fame et renommée de l'omme, par Injure, qui nuist a la personne,

<sup>1)</sup> Est-ce que le commentateur ne veut pas parler ici de Cerberus? Ce serait en rapport avec ce qui précède et avec ce qui suit.

<sup>2)</sup> Dans la Vulgate ce texte se trouve: Ecclesiastique, XXVI, v. 5.

et par larrecin, qui nuist a la substance de l'omme. Tout bon et Juste crestien doit doncques hayr et fouyr ces troys choses, comme dist l'ecclesiastique 1) en son XXVIe chappittre: "Tres species odivit anima mea". "Troys especes et racines de vices a mon ame haij". Rapine est signifié par les harpies, qui sont dictes progenies, sicomme dessus a esté dit. Car apres rapine suivent sterilité et provreté, car communeement ceulx qui ravissent l'autrui sont faiz en semblance de verges et de povres personnes, comme Il est escript ou quart chappittre de l'ecclesiastique 2): "Alii rapiunt non sua et semper In egestate sunt". "Les autres ravissent non pas leurs propres choses et toutesfoiz tousjours vivent en povreté". Ilz sont dittes troys especes de rapines, car elle se fait par troys manieres. La premiere se fait publicquement par les tyrans, La seconde se fait occultement par les larrons et usuriers. Et la tierce se fait frauduleusement par les baillis, receveurs, exaccionneurs et tel maniere d'officiers, doncques ceste rapine est celle beste semblable a ung ours, de laquelle est escript ou VIIe chappittre de daniel 3), laquelle avoit troys ordres de dens en sa bouche. Mais quoy, de cestui dyabolicque cuer humain, subjugué au dyable et dont Il fait son throne, sourdent cinq fleurs 4), c'est a dire cinq pechiez genereaulx, c'est assavoir elethicus, qui est Interpreté oblivion. qui est oblivion de Dieu et de toutes choses qui appartiennent a salut, comme dist Jheremie 5) en son second chappittre, parlant a la personne de Dieu: "Helas, mon peuple m'a mis en oubly par ses Innumerables et griefs pechiez". Cochitus, qui est Interpreté pleur et doleur, car illec est douleur des biens d'autruy et simulation d'envie. A ce propos dist Job 6) en son XXe chappittre du pecheur désesperé: "Il veillera Incessanment devant le sepulcre des mors et es glaces de cochitus".

Flegeton, qui est Interpreté ardant, car Illec est ardant des courages, c'est a dire, ambition, comme dit saint Jehan 7) en son XIIIIe chappittre: "In igne mittetur et ardet". "Il sera mis ou feu ouquel Incessamment Il ardra". Acheron, qui est Interpreté sans salut, car Illec n'est salut ne esperance de future salutation, comme dit le psalmiste 8): "Es filz des hommes dampnez, esquelz n'est aucun salut". Ainsi doncques cestui dyable pluto, regnant ou cuer humain par la multitude des vices, se gouverne et maintient avec miserable famille.

Sens moral a la fable.

Autre exposition morale, et disons que pluto est ung mauvaiz et austere

<sup>1)</sup> Ecclesiastique, XXVI, v. 5.

<sup>2)</sup> Ce texte ne se trouve pas dans la Vulgate à l'endroit indiqué.

<sup>3)</sup> Daniel, VII, v. 5.

<sup>4)</sup> fleurs = faute pour: fleuves.

<sup>5)</sup> Ce texte ne se trouve pas dans la Vulgate à l'endroit indiqué, mais dans Psaume XXX, v. 13.

<sup>6)</sup> La Vulgate donne: Job XXI, v. 32.

<sup>7)</sup> Ce texte ne se trouve pas dans la Vulgate à l'endroit indiqué. Dans l'Apocalypse XIV, v. 10, nous lisons: "Il sera tourmenté dans le feu".

<sup>8)</sup> Ce texte est introuvable.

prince ou prelat avec sa femme terrible, C'est assavoir avarice ou rapine, desquelz le siege est plain de sulphre puant en tant que sa Juridiction et seignourie est vituperable et Infame, et d'empres lui sont moult de manieres de gens malins et vicieux. Et premier est Illec cerberus avec ses troys testes canines, qui signifie les mauvaiz et Insaciables conseilliers, qui ont troys testes, c'est a dire triple Intencion mauvaise: L'une a grever les subges, L'autre a maintenir en amour ses propres seigneurs par flateries et adulations, Et la tierce a leur propre gaing et a eulx faire riches, desquelz ysaie 1) en son XXVIe chappittre dit: "Les chiens tres abhominables et ors ne sceurent leur sacieté". Item Illec sont III furies atout leurs cheveulx serpentins, c'est a dire troys manieres de gens Iracondieux, serpentins et malicieux. Les aucuns forsennent en cuer sicomme les ypocrites, Les aucuns en paroles sicomme les detratteurs et murmureurs, et les aucuns en euvres sicomme les batailleurs et rioteux; desquelz est escript ou XXXI chappittre de deutronomium 2) et le psalmiste: "La glaive gastera par dehors et la paour par dedans avec la fureur des detratteurs". Item environ eulx sont les parces, c'est a dire troys destineez ou troys gendres de cruelz bailliz, qui a nullui n'espargnent. Ilz sont diz destineez, car quelconque chose qu'ilz ordonnent Ilz le font tenir comme s'il fust ordonné de Dieu, voire a la rigueur et par tourmens et exaccions des substances des subges, sicomme nous veons soudainement entre les tyrans, qu'il y a aucuns qui leur revelent et les esmeuvent contre leurs subges. aucuns explorateurs, aucuns executeurs, comme s'il vouloit dire que les plus grans et les plus petiz estudient tous a rapines et exactions par dessus les povres subges et mesmes Jusquez en la presence des princes et seigneurs. Item illec sont troys harpies, ayans les faces feminines et les griffes agues, c'est a dire que environ telz princes tyrans sont troys manieres de flatteurs, qui en la presence de leur seigneur flattent et complaisent et en leur absence ravissent et querent leur propre gaing comme oyseaulx de proie, comme sont gengleurs, tabourins, bourdeurs, rapporteurs de nouveles, folz, contrefaiz, comme au Jourdhuy on ne voit autre semence en la court des princes, et messagiers d'amours, qui plus tost ont la robe de leur seigneur que n'auroit le chappellain, qui met son ame a l'aventure pour sauver celle de son maistre. Telz le reprendent pas ne arguent de ses vices. Mais le prisent et exaulcent en leurs mauvaistiez. Ceulx sont ditz feminins comme vierges, non pas sages, dont par 3) l'euvangille, mais les foles. Car Ilz deffaillent de resplendeur de Justice et de la lumiere de bonne conscience. A ce propos dit monseigneur saint gregoire: "Tous sont dis vierges par le saint baptesme, Mais tous ne seront pas receüz dedans les portes de beatitude". Et en oultre du trosne d'iceulx et de leur court procedent quatre mauvaiz fleuves avec un terrible son. Le premier est nommé lethicus, c'est a dire oblivion, Car Ilz sont tant vicieux et tant Infectz de Ingra-

<sup>1)</sup> La Vulgate donne Ysaie, LVI, v. 11.

<sup>2)</sup> Ce texte ne se trouve pas dans la Vulgate à l'endroit indiqué par le commentateur.

par = parle.

titude, qu'ilz mettent en oubly tous les biensfaiz que Dieu et les hommes leur ont faiz. Le second est nommé flegeton, c'est a dire ardant, car tous courtisans sont si plains de l'ardeur d'avarice, qu'il bruslent par leurs rapines telement les povres subges de leurs seigneurs, qu'ilz ne scevent de quoy vivre. Le tiers fleuve est acheron, c'est a dire sans salut, car communement en la court des princes Il n'y a aucun salut et a paine se puet donner aucun office qu'il ne face commettre plusieurs maulx, et ainsi on pert le salut qu'on y deveroit acquerre. Et encores si on l'obtient c'est par ambicion, par prieres et par dons. Le quart fleuve est nommé cochitus, c'est a dire pleur et gemissement, voire de la part des subges oppressez et desrobez. Et puis y a encores le lac nommé stix, qui est a dire tristesse de la part de tous Iceulx et finablement des dampnez, et telz puet dire en lamentant et plourant avec le psalmiste 1): "Je suis mis en oubly comme celui qui est mort du cuer et si suis fait comme le vaisseau perdu".

Ou disons et exposons que en enffer, ou pluto, c'est lucifer, seignourist, Il a pour le servir le chien Insaciable de mordre les ames, Les furies, c'est a dire la cruaulté des seigneurs, les destineez de la divine et Invincible sentence, Les harpies, c'est a dire la rapacité des serviteurs et ministres, qui ont avec eulx le fleuve d'oblivion, en tant que la memoire des dampnez est mise en oubly, car le feu qui les brusle ne sera Jamais estaint. Ilz ont le fleuve de pleurs et desolation, comme Ilz est escript ou XVIIIe chappittre de l'apocalipse 2): "en tant qu'il s'a gloriffiet et qu'il a esté en ses delices donnez lui autant de pleur et de tourment". Item Ilz ont le fleuve sans salut, car en enfer n'a aucune redempcion. Item ilz ont le fleuve de tristesse, comme dit saint mathieu 3): "illec sera pleur et strideur de dens". Et a ce propos dit ysaie 4) en son XXXIIIe chappittre de ceulz qui sont en enfer: "Les bourreaux 5) se convertiront envers eulx en poix ardant, duquel la fumee montera Jusques au sommet de leur teste". Ou disons que ces troys parces ou destineez signifient troys vices, c'est assavoir: pensée, qui souvent deffault en ce qu'elle pense, delectacion, qui est ditte tissir ou tistre, et consentement, qui est ditte de terminer la chose et la rompre.

Ou disons que ces troys parces sont troys parties de la condition humaine, dont par la premiere, qui tient la quenoille, est a entendre la nativité ou naissance de toute humaine creature. La seconde, qui ourdist et tist, est a entendre le cours de ceste vie humaine. Et la tierce, qui corrumpt et termine toute chose, est la mort, laquelle a de sa propre nature corrumpre et destruire toute chose universelle, Indifferanment que fortune ou la vie humaine a peut ou sceust tistre en ce monde mortel.

<sup>1)</sup> Psaume XXX, v. 13.

<sup>&</sup>lt;sup>2</sup>) Apocalypse, XVIII, v. 7.

<sup>3)</sup> Saint Matthieu, VIII, v. 12.

<sup>4)</sup> La Vulgate donne: Ysaie, XXXIV, v. 9-10.

<sup>5)</sup> Le sens du mot "bourreaux" n'est pas clair. Dans la Vulgate on trouve: "torrents"

sicomme dist Job 1): "Icelles dames sont dittes a la verité parces ou destineez". Car quelconque est ordonnée de Dieu touchant la nativité. la vie ou la mort est Immobilement par elles observée a la rigueur et sans faintise autant au roy que au moindre des mortelz, sicomme dit ysaie 2) en son VIIIe chappittre, parlant a la personne de notre seigneur: "Tout mon conseil sera estable sans muer et toute ma volenté sera faitte". Stix est dit le palu d'enfer par l'eaue duquel les dieux avoient a coustume de Jurer et faire leurs sermens, lequel Jurement Ilz ne devoient nullement enfraindre ni violer. Les poetes supposoient que cestui stix eut une fille, nommée victoire, laquelle pour ce qu'elle fut favorable aux dieux en la bataille contre les gayans et fist tant qu'ilz furent vaincuz, pour ce vouldrent Iceulx dieux, en la renumeration de tant grant beneffice que celle victoire leur avoit fait, que Jamais ne la parjuraissent ne fausassent le serement que par elle auroient fait ne Juré, autrement, se Ilz enfraindoient, Ilz estoient privez et se abstenoient de boire du pigment 3) ou claré de certain temps de paradis. Les dieux de mort et d'enfer sont tousjours Immortelz. Et pour ce doncques, selon ce que dist fulgence, ceulx qui sentent le moindre poine Jurent pour la rigle contraire de leur nature, et pour ce Ilz ne font leur Jurement par execration exquisite. Autrement l'expose alexandre et dit que stix est Interpreté tristesse, et pourtant Il dist que stix, le palus d'enfer, eut une fille nommée victoire, car en toute bataille tant espirituelle que temporelle ou corporelle, victoire appareille a l'omme et lui met ou devant tristesse, sollicitude, crainte, paour et diligence pour parvenir au triumphe de victoire, Sicomme II est escript, ecc." 4), primo: "La crainte de Dieu efface et deboute tout pechié". Et pour ce les dieux et sains hommes donnans ceste mere a victoire, c'est assavoir: crainte et tristesse espirituelle, qui naissent de la consideration des tourmens d'enfer, n'eurent pas mauvaiz entendement. Car de souvent recoler et penser a Icelle tristesse des pechiéz passez crainte des tourmens advenir fait, ce que monseigneur saint Jehan 5) dist en son VIe chappittre: "Soyez tristes et troubles, mais vostre tristesse se convertira en Joye".

Les poetes et docteurs mettent plusieurs paines estre aux dampnez en enfer, desquelles l'une est telle que ceulx qui y sont ont tantost et fain et soif et toutesfoiz Ilz sont en l'eau Jusques au menton et si leur pend une pomme Jusques au nez par dessus eulx, Mais Ilz ont les colz si roiddes qu'ilz ne les puent drecier pour mengier, ne eulx abbaissier pour boire. Et ainsi Ilz leur est de necessité qu'ilz soustiennent perpetuellement et tourment de fain et de soif. Et en celle paine est mis tantalus pour ses pechiéz.

<sup>1)</sup> Ce texte est introuvable dans la Vulgate.

<sup>2)</sup> La Vulgate donne ce texte: Ysaie, XIV, v. 24.

 $<sup>^3</sup>$ ) Godefroy donne l'explication suivante; pigment = boisson composée de miel et d'épices.

claré = vin de liqueur, composé de vin d'Espagne, de miel et d'épices.

<sup>4)</sup> Ecclesiastique I, v. 27.

<sup>5)</sup> La Vulgate donne ce texte au XVIe chapitre, v. 20.

La seconde paine est attribuée a Ixion, qui continuelement sieut une roe tournant et fuyant devant lui, et Jamais ne la puet rataindre, et ainsi Jamais n'a repos. La tierce paine est celle de baxilphe 1), qui porte continuellement une ronde pierre dessus une montagne, et puis de la sommité d'icelle la laisse cheoir en bas, puis court apres et a grande paine la raporte amont, et puis de rechief la rejecte en bas, et ainsi sans cesser est continuelment en ceste besongne empeschié. La quarte paine est que aucuns, qui sont delez ung estanc, Incessanment espuissent l'eaue d'icellui, qu'ilz gettent dedans ung tonne sans fons, cuidans Icellui espuiser et ne puent. Et la quint paine est de ceulx qui arrachent de leur poittrine leur jugier et le donnent aux voultours a devorer, puis rivient et leur croist de richief le jugier, lequel depuis Ilz arrachent et redonnent aux voultours sans avoir aucun repoz. Par ces cinq paines peuent estre entenduz cinq vices, qui en l'enfer de cestui monde donnent a leurs possesseurs moult de maulx. Le premier doncques est le vice d'escharseté et d'avarice, qui est attribué a la paine de tantalus, car pour certain auJourdhuy sont moult de hommes si eschars que, Ja soit ce qu'ilz ayent des biens de ce monde Jusques a la bouche, comme bleds, vins, or, argent et autres choses commestibles ou pluisieurs richesses temporelles, si n'en osent Ilz toutesfoiz mengier ne boire ne en eulx aisier, ains semble tousjours qu'ilz meurent de faim, de soif et de mesaises par leur escharseté. De ceulx dist l'ecclesiastique 2): "Celui a qui notre seigneur Dieu a donné richesses, substances et honneurs tellement que a son ame ne deffault aucune chose qu'il sache considerer ne penser, et il ne lui donne puissance qu'il mengue ou use d'iceulx, l'omme estrange vendra, qui les devorera".

De celui vous pronunce et dis que mieulx lui voulsistre 3) avorté et non avoir esté. La seconde paine signiffie le vice d'ambicion. Car les ambicieulx ne cessent de tourner de beneffice en beneffice, d'office en office et de monter de degré en degré, pour apparoir ou monde. Entre et par dessus les hommes, le plus hault connu, sont aussi aucuns marchans, qui courent de marchié en autre pour acroirre et multiplier leur avoir de plus en plus. La tierce paine signifie le vice d'Inquiete et non reposée affeccion, qui est a entendre par biziphus 4), qui perpetuelement porte la pierre dessus la montaigne et puis la Jette en bas. Aucuns sont auJourdhui qui a tres grant labeur portent leurs affeccions en acquerant grandes richesses et possessions excessives. Mais apres ce qu'ilz les ont amenéez a tres grant peine Jusques a leur perfeccion ou assez prez, Ilz les destruisent et subidtissent 5) Jusques en bas et par aucun petit accident survenant

<sup>1)</sup> Défiguration du nom de "Sisyphe".

<sup>&</sup>lt;sup>2</sup>) Texte introuvable.

<sup>3)</sup> lui vaulsist estre avorté.

Sisyphus,

<sup>&</sup>lt;sup>5</sup>) Ce mot est incompréhensible; probablement le commentateur a mal copié le mot; il y avait peut-être "subvertissent"?

les rameinent a neant. Laquelle chose se puet aussi dire d'aucuns qui auJourdhuy vivent en communauté, qui se faignent labourer aucuns biens en Dieu et semblent porter les fais de discipline et d'humilité Jusques a la montaigne de vraye perfection, lesquelz toutesfoiz, combien qu'ilz ayent a ce labouré et fait et employé leur temps, subitement par Impacience Ilz destruisent et confondent tout. Et tout ce qu'ilz avoient par le Joug d'humble discipline porté amont, Ilz par Impacience la regettent en bas, et ainsi recommancent et reprendent leur labeur comme par avant. La quarte peine signiffie le vice de convoitise et d'avarice. Les convoitteux sont semblables a ces belues et monstres qui pensent et s'efforcent de toute leur affection et par grande diligence emplir le tanneau de leurs coffres ou corps et appetis des eaues de delices. Mais pour ce que Iceulx tonneaulx n'ont point de fons, c'est a dire qu'ilz n'ont point de suffisance, pour ce ne font Ilz riens, ains treuvent Icellui tousjours vuit et Insaciable. De tel homme semble que Aggeus 1) le prophete ait parlé en son XVe chappittre: "Il a assemblé, dist 2), pluiseurs merceries et les a mises en ung sac sans fons". La quinte et derreine paine est et signiffie l'infeccion de charnelle luxure. Car le luxurieux donne aux voultoirs, c'est a dire a ses charnelz desirs, son Jugier, ce sont ses affections et ses appetis, qui le consument et devorent et lui ostent la vie, la fame et la substance. Et toutesfoiz cestui luxurieux ainsi devoré est dit reintegré par ses mauvaises affections et parolles excusatives, et ainsi de rechief se renouvelle l'aguillon de la char, la soit ce que par une espace il se passe, Toutesfoiz se reintegre et rengendre de rechief par doulces viandes.

Ou disons que par les voultours sont entendus les deables, la mort et les tourmens, qui devorent et consument les dampnez. Toutesfoiz les destinées, c'est a dire la prudence et Justice divine, les garde immortelz, afin que plus ne soient tourmentez et par finable resurrection les raporte et restaure, comme dist le psalmiste 3): "Il labourera eternelement et si vincra encoires Jusques en fin".

Vulcan est dit le dieu du feu et fevre moult lait et difforme, tenant en ses mains en l'une une machue et en l'autre un martel. Lequel quant il vey le ignominieux pechié de mars et de venus, qui estoient couchiez ensemble, Il se disposa a s'enfouir, mais il ne pouoit, car il estoit boiteux. De costé lui sont les dieux painz, qui de lui se rient et moquent et faignent le bouter hors de paradis pour sa grande difformité, comme il apparra cy aprez en son lieu.

Hercules, le tres fort, est paint en forme d'un grant gayant vestu de une peau de lyon, moult forte et moult dure. Il doit tenir en l'une de ses mains une horrible et grande machue et en l'autre un fort et gros

<sup>1)</sup> La Vulgate donne: Aggée I, v. 6.

<sup>2)</sup> dist il.

<sup>3)</sup> Texte introuvable.

arc avec aulcunes saiettes ferrées et empennées, et ce portoit il pour toutes armes. De lui et de ses fais sera cy aprez en ce volume traité historialement et moralement, ou il cherra a point.

Asculapius 1), le dieu de medecine, doit estre figuré et paint en guise d'un homme ayant longue barbe, laquelle il atouchoit de sa dextre main. Et en sa senestre tenoit un baston, entour duquel estoit entoreillié un serpent, si comme il sera cy aprez declairié ou il cherra a point. Ces choses ainsi premises, il est temps de commencier ou premier livre de nostre auteur ovide.

<sup>1)</sup> Le ms. donne: Osculapius.